

**JOACHIMI AB
HIRTENBERG
PASTORII
HISTORIAE
POLONAE...**


Joachimus Pastorius,
Valenti Gonzaga



44

8

XVIII. 17. 26



- 16 D. 23.

8.52.74.14

JOACHIMI AB HIR-
TENBERG PASTORII

HISTORIÆ POLONAE

PARS PRIOR.

DE

VLADISLAI IV.

Regis extremis, secutoq; inde
interregno,

ET

JOANNIS CASIMIRI

Electione ac Corona-
tione.

Interferta Cosacorum

&

Tartaricæ

Simul gentis descriptio,
ac multa alia.



GEDANI,

Typis SIMONIS REINIGERI, Anno 1680.

Supremæ Voluntatis
ILLUSTRISSIMI ET REVERENDIS-
SIMI OLIM

DN. ANDRÆ TRSEBICH,

Episcopi Cracoviens: Ducis Severiæ
Executoribus.

ILLUSTRISSIMIS ET REVEREN-
DISSIMIS,

DN. JOANNI SBAŃSKI,

Episcopo Przemisliensi, Abbatia Sulecoviensis Ad-
ministratori, Protectori Testamenti.

DNO. NICOLAO OBORSKI,

Episcopo Laodic. Suffraganeo, Scholastico &
Officiali Cracoviensi.

DN. CASPARI CIENSKI,

Decano Cathedr. Cracov.

DN. ANDRÆ GRABIANOWSKI,

Canonic. & Archid. Cracoviensi.

DN. STANISLAO ROZRAZEWSKI,

Custod. Cathedral. Cracoviensi.

DN. STANISLAO CIENSKI,

Cantori Cathed. Gnesn.

DN. CHRISTOPHORO CHRONOWSKI,

Can. Cracov. & olim Illustrissimi Thesaurario.


DN. ALBERTO ZLOWOCKI,

Canonico Cracoviensi.

DN. JOANNI LUCKOWICZ,

Canonico Kielcensi.

Florus



Lorus meus, ILLUSTRISSIMI ET PERILLUSTRES DOMINI, succinctum, nec ingratum Orbi erudito rerum Polonicarum compendium, multis desiderium movit plenioris operis, quo, quæ brevibus ibi lineis adumbrantur, latius exponerentur, & quæ brevitatis causâ omissa essent, adderentur. Cui æquis-
simo voto pro virili parte jam obsequor. Quia tamen antiquioris Poloniae res togatae ac bellicae, prolixo satis nobilium ingeniorum labore celebratae, nostro minus indigent, recentiora duntaxat, & quæ nostrum fatigavêre seculum, longiore filo contexta, & sollicitâ multorum annorum curâ li-

mata, in lucem edere audeo. Ac primò quidem cum Cosacorum & Tartarorum infanda conjuratio, præcipuam novissimis Reipubl; bellis & calamitatibus, ansam ac materiam dederit, utrumq; hunc populum curatiùs, quàm ante à quoquam factum, depingere libuit, ut sciat melior Orbis, quàm barbaro flagello plectere nostra peccata irato Numini placuerit. Infelices deinde cum minori perfidorũ illorum manu, post eà cum innumero conjuratæ multitudinis numero conflictus, & his tempore supparem, sed immane, quàm intempestivum, verèq; infortunatum, fortunatissimi alioquin Regis *VLADISLAI* obitum, ac funus luctuosissimũ, novi postea *Principis* electionem, inaugurationis solennia, Comitia, gravissimasq; de nutante tũm Reip: statu deliberationes, sententiasque Senatorum, & Ordinis nobilium: improsperum

rum denique cum Duce Cosacorum, Chmielnicio, fortunâ suâ jam ebrio, pacis tentamen, multas simul ubique intertextas variorum literas & Orationes, primâ hâc parte complexus sum, quæ secuta deinceps sunt, additurus, si mihi, annis & laboribus fesso, vitam Deus prorogare voluerit. Cæterùm has ipsas plenioris Historiæ primitias cum magno Senatori, magno & Patrono meo *ANDREÆ TRZEBICIO*, piissimæ memoriæ Episcopo Cracoviensi, Duci Severiæ, dicare constituisssem, accidit præter opinionem, ut ingens ille & Nestoris ævo dignissimus Præsul, lucem hanc, quam noster iste fætus subire moliebatur, desereret. Post fata Atlantis istius, quem semper deflebit, nunquam satis laudabit hæc Respubl; ubi conceptus ex tantâ jacturâ dolor primos impetus fregerat, anceps me cura torfit, ad quem

partus

partus iste, Patrino & susceptore suo
 orbus, dirigendus esset. Variè circum-
 ferenti oculos, *Vos Illustriss. & Perillu-
 stres Domini*, occurristis, quos constat
 defuncto illi Ambrosio nostro, insi-
 gnes ob virtutes, aliquos etiam ob san-
 guinis nexum, maximè æstimatos, ma-
 ximè dilectos fuisse, mihi verò multis
 nominibus suspiciendos, & vel ideò
 venerandos, quòd præclaram erga me
 & meos benevolentiam semper estis
 testati, ac porrò testaturos esse, cer-
 tum habeo. Neque enim veterem
 gratiam minuent, quin potius, ut spero,
 augebunt historici labores, quibus æ-
 ternitati Patriæ, & gloriæ Virorum il-
 lustrium, quorum non paucis vinculo
 generis innexi estis, ipsi quoq; variorum
 decorum plenissimi, contra oblivionis
 & temporum injurias, consultum imus.
 Suscipite igitur, *Magni Tutores*, hunc
 pupillum, quantumlibet typographi,
 ceu

ceu malæ obſtrictis manib9, quodam-
modo deformatum, paterno gratiæ
Vestræ ſinu fovete, & contra invidiæ
inſultus, patrociniſtro protegitæ.
Valete, & in decus Eccleſiæ quàm diu-
tiſſimè florete. Dab. Ged. 2. Maij
Ao. 1680.

Illmar. & Perilluſtr.

Dn. D. V. Vrum

Officioſiſſimus

S.

JOACHIMVS PASTORIVS, Proton. Apoſt. Chel-
menſis, & nominatus Varmienſis Canonic, De-
can. Parochus & Offic. Gedan, ac Pomeran. ge-
neralis, Przpoſ. ad S. Albertum .S.R. Majeſtatis
Polon, Hiſtoric. Secret. & Commiſſ.

Pastori

PAstori illustris, decus immortale *Tha-*
lia.

Fallor & aut sacri proxima cura *Pedi,*
Proditum dum pridem Superis, tua scripta
revolvit,

Et patrii relegis Sceptra Deosq; *Lechi,*
Jamque *Ladislai* & *Casimiri* nomina
adortus,

Tempora dum nobis tradere tanta pa-
ras:

Dī refove te Senem, precor, & Tu, Ma-
xime Regum;

Nec nisi, Te scripto, desinat ista ma-
nus.

JOAN. ERN. SCHMIEDEN,
COS. GEDAN.

HISTO.




HISTORIÆ POLONÆ

De

Bellis novissimis

PARS PRIOR.

PRÆLOQUIUM AD LECTOREM.



Ex omni genere monumentorum, quæ luci publicæ destinantur, ardui maximè operis HISTORIA est. Rebus enim factisq; mortalium perennitatem, qualem dare aut ferre humana possunt, conciliare debet. Eam verò aliis conciliare non potest, nisi ipsa sese supra corruptionis periculum, temporumq; injuriam evexerit. Quod quàm difficile obtentu sit, expendunt ii, qui librorum fata, quorundamq; intra ipsa incunabula interitum non ignorant. Nimirum ad tantæ molis negotium, exquisitâ actionum eventuumq; humanorum notitiâ, judicio benè subactò, diligentîâ indefessâ, otio liberali, animo deniq; gratiæ odiq; experte opus est. Quares cum rarò ingeniis universa contingant

A

fit

fit inde, ut pauci ad scribendam historiam accedant, aut, si accesserint, sub onere fatiscant. Jam ii, qui in ejusmodi opere defectus occurrunt, minimè omnium latere possunt, quia in id, quod ab Historico scribitur, multorum plerumq; animi intenti sunt. Quibus omnibus vel absolutissima scripta raro satisfaciunt, ne dum ea, quæ vitio aliquo laborant. Nam & nationum plerumq; discordiæ ac certamina memoranda sunt Historico. Tum verò vix fieri potest, ut adversis emulisve inter se Regnorum Provinciarumq; incolis idem placeat rerum narrator. Sicq; sæpe in quiete etiam armorum, partis alterius iudicia bellum in Historiam gerunt. Aggravantur porrò scribendi difficultates, cùm res, prout à manu administrantium adhuc calent, excipiendæ sunt calamo. Nam uti in talibus novitas ipsa plerumq; rapit legentium animos, ita eosdem privata ut plurimum simulatio narranti conciliat, sæpiùs alienat. Pleriq; enim fama suæ vel cum dispendio veritatis ab Historico consultum vellent. Uti equidem maxima pars mortalium, etiam bonorum & sapientum, post æterna cæli bona, nihil ferè magis expetit, quàm prosperam & diuturnam sui memoriam. Sed quemadmodùm homines actionum meritis, fortunæq; simul successibus.

fibus differunt, ita iidem haud pari modo haberi in Historiâ possunt. Hæc enim speculum esse debet, faciem meritorum cuiusq; bonâ fide referens. Unde fit, ut inagine sui, quam istic expressam & ad posteros abituram esse sciunt, alii delectentur, alii multum offendantur. Sunt, qui ipsi laudem non merentur, & eò iniquius ferunt alienam. Itaq; in sui diminutionem accipiunt, quæ de alio traduntur gloriosa, porroq; offensam, quam in æmulum, aut inimicum concepere, in Historicum evomunt. Aliqui factionis suæ, aut morum etiam gentilitiorum nimis delicati amatores, libertatem sequiora perstringentis pati non possunt. Aliorum verò austerus, & seculo rerumq; regimini obirascens genius immodicam libertatem desiderat. Quibus adeò non placebis, nisi multum subinde miscueris acerbis, prorsusq; ad obrectationē accedas, quam pronis auribus accipi, jamdudum acutissimus Historicorum dixit. Quosdam etiam sententiarum in sacris diversitas à vero, virtutisq; in adversis partibus repertæ estimatione abstrahit. Multi deniq; secretissima quæq; Principum consilia in Historiâ vestigant, quæ nisi reveles, perfunctorius videberis Historicus. At ea sæpè nec scire statim, nec tradere profecto licet, præsertim antequam ipsa sese effectuum rerum explicuere.

Me, cordate Lector, ad hæc, quæ vides, scribenda, nulla virium, quas nimis tenues esse scio, fiducia, nulla quoq; otii, quod inter tot alia occupato exiguum sanè superest, copia invitavit. Sed & cum scripsissem, diu me à publicandi proposito, difficultatum, quas exposui, meditatio, tum præterea illud inprimis retinuit, quod quò diutius pressissem opus, eò & penitiora & certiora omnia me traditurum sperarem. Nam etsi ab initio ad hæc & consilia publica ex tabulario Regio, literis Principum, Senatorum, Ducum belli, Legatorum, hominum deniq; aliorum ad introspicienda rerum arcana missorum, relationibus hauserim, quidusdam & ipse interfuerim: spatium tamen mora, nec exiguum, interponendum putavi, ut diligentius omnia conferrem, excuterem, ac temporis ipsi, quod verum à falso plerumq; non malè tandem discernit, limanda præberem. Et tantò minùs cruda, aut malè explorata promere audebam, quod in sinistra admodum Reipubl. hujus fata inciderit labor meus. In tali enim rerum vertigine, quò veriora scripseris, hoc major imminet offensa & invidia. Reticere quippe misera, vel colorare deformia, non decet historiam, & frustra eguntur, quæ in oculis omnium sunt, ac fama publicâ longè lateq; sparguntur, alicubi etiam

etiam in majus augentur. Plerumq³ enim
 adversæ hominum ac nationum res multis in-
 super falsis onerari solent. At studiosa verè
 Historia gentium quidem decora cum curâ &
 sine livore, sed & dedecora citra insultatio-
 nem memorat. Unde adeò in Romanæ Reip.
 Scriptoribus, non Carthagine tantum, Anti-
 ochos aut Perseos debellatos, sed & Furcas
 Caudinas, & Cinnas & Thrasimenos legi-
 mus. Mihi equidem, ut homine ingenuo
 indignum videatur, cuiquam blandiri in Hi-
 storia, ita obrectare pro magno crimine ha-
 betur. Quid enim hoc aliud est, atq³ in pub-
 lico orbis theatro bonâ existimatione alterum
 exuere velle? quam ut dixi, benè nati, benèq³
 instituti homines inter carissima plerumq³
 habent. Optimum igitur tutissimumq³ omni-
 um esse arbitror Historico, animo stylog³ mo-
 desto, semotog³ inprimis omni partium Stu-
 dio, quàm maximè ubiq³ studere veritati. Eâ
 enim uti fortune vices mortalitati, nimis
 quandoq³ sui securæ, ob oculos ponuntur: ita
 factis hominum merces sua rependitur, quam
 ubi quisq³, prout dignum se prestitit, recipit,
 offendi, si bonus est, non solet, neq³ debet, si
 malus. Nam iniquis adversationibus latius
 plerumq³ fame ulcera diducuntur, magis
 utiq³ dispalescunt. Illatam verò scriptoribus

*injuriā virtus ipsa, & omnis laudabilium
ingeniorum posteritas, ut suum vindicat.
Ceterum minimè dubius sum, in hoc opere
benignum etiam Lectorem reperturum ali-
qua esse, quæ desideret. Certè in aliquibus
hic justò brevior, in aliis contra prolixior vi-
debor. Sed id utrumq; diverso argumenti
merito, illud verò insuper relationum fide
dignarum defectui, hoc copie earundem tri-
bui velim. In tam vasto enim Regno haud
pari facilitate ad unum omnia & singula de-
ferri, quā spectari quæq; à singulis aut geri
potuere. Mibi suffecit, nihil memorabile,
quod scirem, incuriā transmississe. Neq; sa-
nè in rebus, quarum exactam notitiam habe-
re licuit, laudem brevitatis (inposterum ta-
men DEO volente diligentius servandæ) quæ-
sivi. Tam enim graves Reipubl. paroxysmi
sunt, qui hic describuntur, ut omnia eorum
vel minima momenta pertinere videantur ad
posteritatis curam. Et in tot illustribus to-
gæ sagiq; negotiis, tot summis discriminibus
describendis nulla utiq; diligentia potuit esse
nimia. Ejus generis sunt Rebellionis Rus-
sicæ primi motus, & mox progressus ejusdem
oppidò stupendi: universæ Tartarorum gen-
tis robur, Rebellibus innexum, & unā cum
iis toties grassatum in ipsis Poloniæ visceri-
bus:*

bus: Vladislai Regis decessus, Regno prorsus fatalis; exercitus aliquot miserè cæsi, aut fadè dissipati: publica multa super periculosis Reipubl. morbis, eorundemq; remediis, deliberationes: Regis novi post Vladislaum IV Electio, magnis difficultatibus constans, Coronatio ejusdem; Pereaslaviensis de pace negotiatio, Obsidio Zbarasiana sanè memorabilis, Sboroviana, & deniq; Beresteciana expeditio, & alia istiusmodi, posteritatis causâ & propter exteros talium curiosos, operosius exposita. Nec tenuioris ponderis erunt, quæ sequuntur, continuò adhuc cum seculo procedentibus ut negotiorum calamitatumq; nostrarum, sic remediorum prodigiis. Orationes varias, ut & literas haud paucas hîc inserui, quia quemadmodum bella, ita togatas quoq; res à me vides expositas, illas inprimis, quæ in Comitibus contingere. Hæc enim in Poloniâ, ut constat, diserta ut plurimum facit acris Civium indoles & delicata libertatis custodia. Sed & ipsa plerumq; adversa qualia hîc describo, ingenium facundiamq; acuunt. Neq; verò cuiquam afflictum hîc à me sermonem vel epistolam autumes. Nam etsi scio, præcipuos Historicos permisisse hoc sibi, ego tamen in istis quoq; religiosior esse volui. Cumq; adeò literas & sermones ejusmodi, prout senuissent, bonâ fide exceptos
nactus

nactus essem, in Latinum meis verbis traductos apposui, malens scilicet alienorum operum interpres esse, quàm fictorum autor. Plura excusare hîc possem & deberem; sed cætera Tuae, Lector, benignitati relinquenda censeo, quæ majorem meretur laudem & gratiam, cum ultro ignoscit.

HISTO-

HISTORIÆ POLONÆ

De

Bellis novissimis,

LIBER I.



E

Xordium mihi Historiæ,
Vladislai Regis extrema,
turbidæq; illo decedēte, res
Poloniæ, & inprimis motus
Cosacici erunt. Qui ex pri-
vatis unius hominis offensis, paucorumq;
de eodem grege armatorum coitionibus
orti, assumptis dein auxiliis Tauricanis, con-
currenteq; ad novam fortunam universâ
Ruslicâ plebe, in immanem belli molem
Regniq; totius diuturnam calamitatem e-
valuêre. Adjutum tempore malum est, quia
in Rempubl. non securam duntaxat, sed suâ
quodammodo felicitate laborantem, post &
Capite orbam, viribusq; adeò suis, defectu
vitiove regiminis, uti impotem inciderat.
Hinc magnis successibus roborata rebellio,
cùm diu nec armis, toto Regno commotis,
nec interpositis etiam transactionibus satis
unquam solidè cessisset, aliis postremò va-
lidissimis gentibus in Poloniam munit

A §

viam.

viam. Quæ omnia dum ordine narrare aggredior, de Cosacorum, qui primum operis argumentum & omnium apud nos bellorum anfa sunt, sede, genio, & moribus præmittendum aliquid videtur.

*Rusſiæ
diviſio.*

R U S S I Æ, ſeu, quod apud veteres uſitatius ferè eſt, Roxolaniæ nomen multas, eaſq; vaſtiſſimas Europæ Provincias complectitur. Quarum quæ à Livoniæ Lithvaniæq; finibus in extremum Septentrionem, & ipſum uſq; glaciale Oceanum porrigitur, cæteris ſpatio terrarum longè amplior, ſed eadem frigore, tum ſylvarum paludumq; aviis, moribus deniq; habitatorum multò aſperior eſt. Eam quidam Ruſſiam nigram appellârunt, vel quia in ultimi Septentrionis, longarumq; noctium caliginem receſſit: vel à veteri incolarum habitu, qui & Melanchlænis iſtarum regionum populis olim nomen fecit. Nunc vaſtiſſimus ille terrarum tractus nomine ab Urbe Principe aſſumpto, M O S C O V I A dicitur: totaq; hæc regio ultra Europæ etiam fines patens, uni & infinitæ poteſtatis Dominatori ſubjecta eſt, quem Magnum Ducem, vulgò Czarem nominant. Cæteram verò Ruſſiam antiquum juſ, tum vis armorum, aut ſpontanea acceſſio Poloniæ Regno innexuit. Illa enim pars, quæ R U S S I Æ A L B Æ appellationem

tionem habet, ad Lithvaniam pertinet. Pars alia sub montes Carpathios, & Moldaviæ Daciæq; confinia procurrat, & quia meridiano magis soli exponit incolas, RUSSIA RUBRA nuncupatur. Sed ultra has, alia longè potentissima regio est, quæ pariter generali Rusiæ nomine gaudet, discriminatius tamen loquentibus Ukraina vocatur, eò quod finibus Regni Polonici, quæ id exercitatusissimum jam dudum bellis fuit, prætexitur. Etenim inter Borysthenem, Tyram, Hypanimq; fluvios (ut alios minùs celebres jam non nominem) latè protensa, uno latere Moscorum Imperio, alibi Tauricæ, Moldaviæ, Daciæ, ipsiq; adeò Turcicæ potentia obicitur. Sed quia illa antiquis etiam seculis, gentibus variis ferocissimisq; finitima fuit, jam tum collectâ hinc inde colluvie hominum, diversi, nec optimi semper generis, repleta est.

UKRAI-
NA La-
tinis
confini-
um no-
tat, à
Kray,
quod o-
ram seu
finem si-
gnificat.

Certè Dithmarus Episcopus Mersburgensis, qui millesimo decimo septimo anno Servatoris Chronicon sui temporis scribere cepit: *Omnem hanc Provinciam, uti & KIOVIAM ipsam, fugitivorum robore servorum, huc undiq; confluentium, & maximè ex velocibus Danaïs (accolas Danubii vel Tanais, quæ etiam hodie Donenses vocantur, notat) multumq; nocentibus Petinegis (Peu-*

gis (Peucinatorum veterum reliquiis) *confistere* ait. Postquam verò Rusforum vetus dominatio prolabi, atq; hinc quidem Polonorum potentiâ prævalente, illinc autem populationibus Tartarorum, qui occupatâ Tauricâ Chersoneso, vicina omnia longè lateq; pervagabantur, succumbere cœpit, magna paulatim terræ istius pars, præsertim, quæ Tartaris propior aut patentior fuit, in solitudinem abiit. Defuncta deinceps bellis Prussicis, quæ cum Cruciferis diutissimè gesserat Polonia, refranare nonnihil Tartaros, avorumq; nostrorum memoriâ, novas in hac deserta colonias inducere cœpit. Quibus defendendis, sub Sigismundo Augusto & Stephano Batoreo Regibus, excubitor impositus est exercitus, iisdemq; conservandis Magnatum quorundam latissimas ibi ditiones possidentium, fortitudo perpetim invigilavit. Ita ut istâc assidua quædam Martis arena esset: Polonis, campos uberrimos, & omnis generis fructuum, si colantur, feraces, usui suo magis magisque aptare atq; ab invasoribus asserere laborantibus. Contrà Tartari eosdem incultos atq; inhabitatos esse malunt, in latiore populandi utilitatem; tum ut interjectâ hac spatiosissimâ deserti vastitate sedes ipsorum à vi Polonicâ remotiores tutiores

*Campi
deserti.*

tioreſque eſſent. Ex iſtarum porrò ſoli-
 tudinum latibulis facilior illis ſemper in
 terras, Regno Polonorum innexas, excu-
 ſus patet. Hinc irruendi tempora ſpecu-
 lari, hîc actis prædis occulere ſe conſveve-
 runt: accolis ſequi rarò audentibus, quia
 celeritatem illorum nôrunt, & longiùs per-
 ſequentibus ab eodem hoſte magnâ homi-
 num vi, & ſubinde furtim redeunte, nec
 minùs alibi à fontium penuriâ periculum
 eſt, cùm interim Tartari ſolito pabulo lacte
 & carne equinâ nuſquam deſtituantur. Ho-
 rum autem populationibus priorum tem-
 porum Ruſſi non habuêre penè quod oppo-
 nerent, quàm colluviem hominum, rapien- *Cofaco-*
 di agilitate hoſti illi quàm ſimillimam, qua- *rum ori-*
 lem in aviis iſtis, certorum incolarum ex- *go & no-*
 pertibus, opportunitas & licentia prædandi *men.*
 numeroſam ſubindè concivit. Quæ Coſa-
 corum nomen vel ipſa ſponte aſſumpſit, vel
 ab aliis accepit. Origo enim voci, æquè ut
 ipſis hiſ hominibus obſcura & dubia eſt.
 Alii inter quos eſt illuſtris ſcriptor Piaſeci9,
 à pervagâ & cuncta perſultante caprarum
 (quæ Sarmaticâ linguâ Kozi dicuntur)
 agilitate dictoſ putant: qui & Coſacis ipſis
 initium fuiſſe tradunt ex caprarum paſtori-
 bus, quales hodieq; in finitimis Moldaviæ
 ac Hungariæ montibus degunt, homines
 miræ

14 HISTORIÆ POLONIÆ PLENIORIS
 miræ velocitatis, sed eâ ad latrocinia ab-
 utentes. Varia his nomina, verùm à Co-
 sacico planè diversa. Quod non tam iis da-
 tum video, qui montes, quàm qui flumina
 quædam atq; etiam maria reddidère infesta.
 Ita Cosacos Volgam, Tanaim, Borysthenem
 fluvios celeberrimos, Cosacos etiam Pon-
 tum Euxinum & mare Caspium audimus
 percurrere. Nam quod Josephus Bengo-
 rion maris Caspii decursores Chosaros ap-
 pellat, errore factum puto: cùm Cosakos
 dicere debuisset. Mihi, ut fatear, quod res
 est, eò inclinât animus, ut nomen Cosacis
 à palmario ipsorum opere, famoso nempe
 illo per fluvios & maria decursu existimem
 sedisse. Perinde enim ut alibi simile genus
 hominum, Cursari à currendo, ita à Slavo-
 nicâ voce Chodzic primùm Chodziaci, po-
 stea Cosaci facillè dici potuère. Audivi ali-
 quando de voce hâc disserentem magnum,
 & ingenio prudentiâq; inter primos con-
 spicuum Senatorem. Ille nomen hoc à na-
 vigiis, quæ in Poloniâ kozi vocantur, or-
 tum arbitratur. Cæterùm qui nostris ter-
 ris plus aliis innotuerunt Cosaci, duùm ge-
 nerum sunt, locis distincti, institutis mori-
 busq; similes. Remotiores sub Mosci ditio-
 ne Tanaim, antiquorum sensu terminum
 Asiæ, accolunt, & Donenses vocantur. Qui
 Poloniæ

*Cosaci
 duplices.*

Poloniæ subjecti sunt, sedem suam præcipuâ habent in insulis, quas Borysthenes, vulgò Dniepr, cataractas suas, quas mox describâ, præterlapsus, plurimas facit, & inde ii tum zaporoviani tum Nisovienses, quod inferioris fluminis partes, solumq; declivius habitant, appellantur. Alii Nisoviensiu vocabulum ex Græcâ voce *νησος* ortum existimant, ut quasi insulani fuerint dicti. Borysthenes enim amplissimus & rapidissimus Sarmatiæ fluvius, ubi quinquaginta circiter milliari- *Bori- sthenes.* bus Germanicis infra Kioviam procescit, angusto inter scopulosas utrinq; ripas alveo veluti strangulatur, cursumq; ejus plures rupium series, transversim porrectæ intersecant. Sic, ut aqua istic per tredecim veluti gradus saxeos, alios intra flumen latentes, alios suprâ, inæquali tamen altitudine eminentes, præceps ruat, non sine horribili strepitu: quia objectis molibus, magno impetu illisus nec sine luctâ decidens fluvius, *Catara- etæ, vul-* alio subinde atq; alio scopulorum ordine *gò Poro-* excipitur. Hæ cataractæ Russis *Porohi*, hoc *hi, unde* est limina: qui verò ultra eas habitant, *Zaporo-* Cosaci inde Zaporohiani vulgò (ut dixi *vianis* ante) Zaporovienses vocantur. Quibus *Cosacis* Borysthenes nutricius, protector & præci- *nomen.* pium delictum est. Hunc illi, tametsi rapidissimum, & tot rupibus impeditum, ultro ci-

tro citroq; summa facilitate decurrunt, ipsos quoq; cataractarum scopulos securè trajicere soliti. Et id pro specimine ac experimento veri Cosaci habetur. Cæterùm cataractarum illi ordines, cùm tredecim numero sint, singuli sua nomina habent. Nos, quia omnia hæc scire parùm fortassis Lectoris interest, præcipuos recensebimus. Primus, *Codak*, ab ejusdem nominis flumine hîc Borysthenem subeunte appellatur. Et idem vocabulum Arci ibidem, sub auspiciis Vladislai IV Regis, à Stanislao Conjeppolscio Castellano Cracoviensi, & Duce exercituum, in Cosacicæ paritèr ac Tartaricæ licentiæ frænum, superioribus annis structæ, contigit. Medio inter decimam & undecimam cataractam spatio locus est, ubi Tartari in Poloniæ ditiones ituri, natatu Borysthenem trajicere solent, ripis utrinq;, subituros flumen, proniore, quàm usquam alibi, positu, recipientibus. Intra ipsa porò hæc cataractarum intervalla duæ insulæ sunt. Altera Strzelci vulgò dicta, passus septuaginta latitudine, ambitu quingentos circiter complectitur, cæterùm asperitate & præcipitiis cultum omnem humanum excludit, alitibus eò frequentatius quietiusq; habitaculum. Altera grandior ex rupe pariter totâ, sed minùs tamen præruptâ constat,

Codak.

*Strzelci
Insula.*

stat, adeò ut habitationi non incommoda, ad vim etiam externam arcendam facile sufficiat. Hic ubertim genus quoddam arbuti nascitur quod *Tavola* vulgo *Sarmatice dictum* ad expugnandas in equis urinæ difficultates solet adhiberi. Ex arbore insula ipsa nomen accepisse videtur. Tavol-
 zani enim appellatur. Et quia undecimo cataractæ vicina est, hic ipse idem vocabulum obtinuit. Ultimus cataractarum, quia lenius aquis fluvii obstitit, Wolny vulgo dicitur, & cum opportuno ad arcem vel oppidum recipiendum situ sit, nunc tamen omni ædificio cultuq; caret. Superatis omnibus Cataractarum obicibus ad *Kasparite* devenitur, locum à milio cocto nuncupatum, quo nempe reficere se soleant, qui periculosas has fluvii quasi syrtes salvi evaserint. Inde modico spatio distat *kuczufow* locus ab amne in Borysthenem hic influente cognominatus, angustoque dicti fluvii, in sinum se hic flectentis, alveo, tum Tartarorum trajectu insignis. Quia enim non supra quinquaginta passus hic patet Borysthenes, & ripæ accessu faciles, nullis etiam sylvis, unde periculum transeuntes metuere possint, inumbrantur, hæc amant prædones illi flumen transnatare. Hinc nō longè abest Chorticza, quam in

*Tavola
arbutū.*

*Tavol-
zani In-
sula in
Bory-
sthenē.*

*Tarta-
rorum
trajectū.*

B

duos

*Chortica In-
sula.* Chortica duos se alveos partiens Borysthenes utroq;
brachio amplectitur, insulamq; facit, duas
leucas Ruthenicas longā. Latitudo non ul-
tra dimidiū milliare porrigitur. Quercetis
hæc insula supra alias abundat, nec inunda-
tionib9 facile obnoxia est. Nobilitavit ean-
dem Demetrii Ducis Visnovecii, fortissimi
olim Herois, virtus. Is enim ut Scythas lon-
gius à Patriæ suæ finib9, illoq; inprimis, quē
modò nominabamus, trajectu arceret, in
hac insulâ militiæ suæ sedem & robur fixe-
rat: hostibus istum excursionum suarum
obicem impatientissimè ferentibus. Unde
& Chanus ipse Tartaricus, eò nervos omnes
intendit, ut loco isto præsidia Polonica ex-
cuteret, dictumq; Ducem, muro insulam se-
pire molientem, obsedit. Is ubi vires Tar-
taricas diu invictâ fortitudine sustinuerat,
tandem, deficiente alimento, ipsisq; jam
equis in cibum absumptis, naviculas Cosa-
corum cum suis conscendit, sicq; fluminis
& scopulorum adversa feliciter eluctatus,
Czerkasos incolumis pervenit. Ultra Chor-
ticzam latius excurrit Borysthenes, ipso ei
Wielki Ostrow. devexioris soli situ spatium pandente. Et
in eundem non longâ hinc ad insulam,
Wielki Ostrow dictam, torrens rapidissimus
(Konska Woda) præcipitat. Qui tamen
majori flumini sociatus magis, quàm im-
mixtus, aquas suas seorsim & alveo proprio

ad duas penè leucas vehit. Alicubi etiam
 abiens prorsùs separatur, insulamq; facit,
 quâ multo fabulo oppletâ, post modicum
 intervallum in Borysthenem redit. In eun-
 dem hunc ex adverso, sed inferiùs paulò,
 alius amnis Tomahowka illabitur, datq; *Toma-*
 nomen Insulæ non magnæ quidem, sed vim *bowfska*
 atq; arma parantibus arcentibusve Cosacis *Insula.*
 apprimè opportunæ. Nam hæc & sylvarum
 densitate quosvis ausus occulit, & quia ex-
 trema ejus prærupta ac valde edita sunt, pa-
 tet inde prospectus in loca circumjecta, a-
 deoq; si cui aggredi lubido sit, is nullo ne-
 gotio prohiberi potest. Eâ asperitate cum
 hæc sit insula, Cosacis gratissima semper se-
 des fuit, ut credas cum naturâ id hominum
 genus luctari velle. Hîc radix, seminarium,
 velutq; Gymnasium præcipuum istius tur- *Præci-*
 bæ. Hîc duritiem corporum adversus coeli *pni lati-*
 injurias, hîc ferociam animi induere soliti: *bulum*
 vetustissimis quibusq; Cosacis alios istic *Cosaco-*
 haud molli manu ad labores & frugalita- *rum.*
 tem, quibus ipsi insuevere, ducentibus. A
 Tomahowka non procùl distat locus, ubi *Czereto-*
 Czertomelicus amnis Borysthenem ingre- *melicue*
 ditur. Qui hîc latius quàm usquam alibi *amnis.*
 exspatiatus, & ut alveo, sic viribus multifa-
 riam divisis lanvidior, plurimas insulas effi-
 cit. Illæ quia admodùm numerosæ, pleræq;

autem spatiiis angustæ, nec nisi tumultorum instar extra flumen eminent, subinde aquis obbruuntur, nec habent certa nomina: Piscatui commodæ, quia exiguum laborem largissimâ plerumq; capturâ pensant, cæterum accessu aspectuq; difficiles, accedentibus inhospitæ, nisi his, quibus genius & assuetudo tristitia omnia grata fecit, Cosacis. Una in medio omnium sita, cæteras magnitudine antecedit, & rudera ostentat veteris alicujus arcis reliquias, quas eminentior loci situs, undis etiam cum tumidissimæ sunt aliaq; omnia operiunt, inaccessas facit. In istis insulis intimus & securissimus

Insule Cosacorum recessus est. Nemo enim, præter illos, hos fluvii in tot æstuaria dispersi anfractus, ac quasi mæandros, ingredi unquam ausus est: & Turcæ aliquandò, cùm Cosacos ex Ponto Euxino cum prædâ revertentes, longiùs persequerentur, has circa angustias pessimè accepti sunt. Hic itaq; consulat spolia, opes, & quicquid latere vellent Cosacorum, recondere consuevère. Hic alicubi etiam sub aquis machinas bellicas, ne, qui-
um, Nobilem Gallum, Virum de Poloniâ, in quâ sub Magn. Conjeppolscio, ductor cohortis & simul Architectus bellicus diu cum laude militavit, ipsâ etiam Ukraina & receptaculorum istorum Cosacciorum descriptione in publicum datâ præclare meritum.

bus non oporteat, exponerentur, jam olim abstrusas, nonnulli memorant. Quicquid sit, his utiq; locis præcipua semper conciliabula sua habuerunt Cosaci. Et hinc plerumq; prima eorū Effulsere arma, quoties in Turcas, Tartarosve, vel etiam Polonos mota sunt. Qui inter eos veterani erant, his in locis vel degebant perpetui, piscibus venatue vitam tolerantes, vel huc subindè ventitabant. Ad quos alii similis notæ ex terris vicinioribus, Kioviensi inprimis, æstate, & quoties aliquid struebatur, magno numero confluebant. Nec agrestes tantum, sed sub- *Cosacix* inde etiam ex Nobilibus aliqui, quibus cum *agrestibus con-* fortunâ vel otio suo malè conveniret. Col- *lecti in unum, Tartaris plerumq; insidia-* bantur: quos seu per neglecta camporum *Tarta-* cum familiâ armentisq; securius errantes, *ris infi-* seu prædæ intentos implicitosve, 'ad ali- *diantur.* quem Borysthenis trajectum invadere repente, raptare & cædere gestiebant. Non *Et Tur-* raro secundo Borysthenis flumine in pon- *cie infe-* tum Euxinum invehuntur, præsidio Turci- *sti.* co, quod ad Oczakoviam, fauces maris illius ad duo milliaria patentes custodit, inobservati, sæpe etiam insultantes. Non navibus freti, qualibus maria alibi trajici solent, trajectusq; olim est Pontus Euxinus, cum Rusi veteres plusquâ ducentarum navium



classe Constantinopolin, imperante ibi Romano, circa annum Christi nongentesimum

Cosacorum navicula. sexagesimum, invasere. Sed Cosaci lembis utuntur, quos sexaginta circiter pedum longitudine, ex truncis tiliarum fabricant.

Hos enim cavant, & in formam Scaphæ quinquaginta amplius armatos capientis, ad lentum ignem arte singulari diducunt. Intus verò coriis, & ad latera manipulis junceis, apte inter se nexis, munitos succinctosq; in mare impellunt, procellarum fluctuumq; securi. Dubium an origine, vitæ utiq; & morum similitudine referunt veteres Zygos & Heniochos, gentes pariter Sarmatici generis, quorum in decurrendo hoc

Prope etiam si- miles tē- bos Ta- cit. hist. lib. 3. de- pingit. eodem mari velocitatem & lembos prædatorios Strabo lib. XI. describit. Fuit, cū plusquam centum scaphæ tales, multa armatorū cosacorum millia, in Natoliam exposuere, & magno isthuc terrore, fugâ ac deniq; pauperie factâ, multis spoliis ditēs, ad sua reversæ sunt. Multi adhuc seniorum memi-

Irruptiones Cosacorum in Turciam. nêre tempus, cū non Varnam modò, Oczakoviam, Techiniam, Belgradum, sed Trapezuntium quoq; locupletissimam Asiæ urbem, & mox Synopen, Mithridatis olim Regiam sedem, expugnârunt: & ex ipsis deniq; Constantinopolitanis suburbiis ingentem prædam, nemine prohibente, abstulere

fulère. Ea istis hominibus navigandi, bel-
landiq; audacia, ea pernicitas est. Accedit,
cùm quid moliantur, ingens sobrietatis
custodia, magnum ad res gerendas adju-
mentum. Neq; enim in lembos ullum po-
tum generosiorem inferre licet, ne fortè
ebrietas vigilantia cujusquam agilitatem-
ve hebetet. Cibo etiam ut semper, ita in *Victu*
expeditionibus simplicissimo laborem to- *Cosaco-*
lerant, milio inprimis victitantes, quod in *rum.*
vicinis Borystheni oris felicissimè provenit.
Habitum iidem utuntur facilè parabili. Quip-
pe ex ovium tergoribus rhenones hyeme
gestant, æstate panno lanco teguntur, albi-
cante plerumq;, quippe qui apud Russos
penè omnes domesticâ texti manu solet, nul-
loq; colore inficitur. Arma iis, non ut *Arma.*
olim, harum terrarum incolis sagittæ, sed
sclopi, leviores tamen, & ita comparati,
ut quemadmodum feras, ita quidvis aliud
ictu certissimo feriant. Neq; hos aliundè
quærent, cùm plurimi inter ipsos sint, qui
conficiunt, uti & pulverem pyrium: terris
istis omnia hic necessaria abundè semper
suppeditantibus. In bello his præcipuè sem-
per eminuère. In ediam, labores, æris in-
jurias, supra omnes etiam asperrimos po-
pulos, ferre, ut ante innui, nòrunt. Hosti-
bus non modò sclopiis suis, sed inprimis
B 4 etiam

etiam arte fallendi formidabiles. Quibus inexpectati, & vel per gramina arrepentes, caliginosâ aut imbribus fœdâ nocte superveniunt. Suas ipsi stationes, jactis subito aggeribus, vel carris, quibus euntes impedimenta vehunt, circumdant & pertinacissime defendunt. Istitis moribus & mores secutis successibus crescebat olim & animus & numerus Cosacorum. Sed diu sine lege egere, eodem duntaxat licentiæ & prædæ amore invicem vincti, furtorum tamen inter se semper abstinentissimi. Unde adhuc si quid vel minimum cuiquam incuriâ vel casu periit, id ab inventore, si possessorem noverit, sine dolo redditur, aut in loco publico, præcipue inter machinas bellicas, depositum manet, donec repetat possessor. Postea eodem tempus & necessitas sub certa etiam signa colligi & imperia pænasq; militares ferre docuit. Jam dudum itaq; Duces suos habent, quibus & Legatos, & Tribunos, & Consiliarios, Assavulos ipsis (corrupto fortasse ex Græco βῆλῶν vocabulo) dictos, adjungunt. Paucis tamen nominibus magnum plerumq; exercitum complectuntur. Nam legiones eorum, quibus Tribuni singuli præficiuntur, multa hominum millia, sæpe plusquam septem continent, diverso à cæteris gentibus

bus more, ubi nunc paucae centuriae legionum nomen circumferunt, non alio ferè fructu, quàm quod militare dignitatum nomina multiplicantur, ambitiosis & sæpè haud alia præmia militiae accipientibus, non ingrata laborum autoramenta. Consultantium verò maxima semper vis est in favore: & consensu totius multitudinis, quam vulgò *Czern* vocant. Ea turbida & facile mutabilis, in certam plerumq; & sæpè admodum brevem Ducis vel Præfecti inter ipsos potestatem facit. Græci omnes, paucissimis exceptis, ritus sunt, eòq; præcipuè respicere illos cæperant, quotquot in Rusiâ eorundem sacrorum, post haberi aut premi sequerebantur ab aliis. Inprimis verò Nobiles istic & Magnates quidam obliquiores in illos esse videbantur: quippe quorum subditos vicinia illius turbæ impatientiores laborum & servitutis reddebat, ferocissimo quoq; isthic solutis moribus, victu facili, perq; sanguinem & decus quaesito ævum agere malente, quàm domi ingemiscere glebæ, & annum, flagraq; expectare herilia, aut onera exactio-num ferre. Subinde & Turca sollicitatæ per ipsos pacis accusabat Poloniam; arma contra minans, nisi istos Rex excinderet aut cohiberet. Et ad Chotimense bellum eâ maximè causâ

Cosacorum religio.

Si nobilibus exosi.

Cosacos Turca incusat.

*Cosaci
refranta-
ti.*

succensum se ferebat Osmanes; cumq; postea indomitos armis Polonos, & impigram ad pericula Cosacorum ipsorum virtutem expertus, ad pacis conditiones flexisset, in his potissimo loco caveri sibi voluit, Cosacos à navigatione Borysthenis, & inprimis Ponti Euxini prohibitum iri. Ex eo tempore accidi istorum vires, Polonis multum annitentibus, capere. Et jugum quidem illi diu & multo sanguine fuso, propulsare primò, mox & susceptum excutere, aliis subinde atq; aliis Ducibus, ut alibi narrabitur, tentarunt. Sed tandem ubi à Stanislaò Coniecpolscio, & Nicolao Potocio, fortissimis viris, ad Caucovum, Pereoslaviam, Starcum, & Cumeicum, memorabiles passi essent clades, inde ad humilioris obsequii patientiam redacti sunt. Porroq; eos Borysthene, firmatâ ad primos hujus scopulos arce Codacanâ, dein ab Euxini etiam maris navigatione exclusit Respublica, contractoq; eorum in sex millia numero, novis, sed quæ ipsis iniquæ videbantur, legibus, reliquæ suæ militiæ innexuit, distributis ad vitam tolerandam agris, & custodibus ex Nobilitate Polonâ additis, quorum sub nutu agerent, imperio Ducum Poloniae audientes, & ad subita necessitatum publicarum parati. Post transactionem Anno

M DC

M DC XXXVIII. factam, satis quidem illi quieti & in officio mansere: aliquando tamen non eo loco, quem viri militares mererentur, se haberi querentes, intra annum verò haud dubiè ad libertatem amisam suspirantes, & occasionibus intenti. Transactioni illi inter alios Bohdan^o (quod nomen Sarmaticum Theodatum interpretari possis) Chmelnicius interfuit: Nunciatus tum etiam, cum binis aliis, ad Comitiam ejus anni à Cosacis missus, cætera non ultra Centurionis adhuc dignitatem, cui postea Scribæ Castrensis munus accessit, in legione Czeherinensi progressus. Sed ultra sapiens, & ut ex eventu didicimus, flagellandæ Poloniæ, factorum dispositu, & ab ingenio nimis quàm idoneus. Animi equidem callidi & versatilis insitam vim, usus postea rerum, tum Turcicæ Tartaricæq; , ac rarior deniq; inter Cosacos Latinæ lingvæ, nec non Reipubl. Poloniæ peritia, jamdudum ad nova ausa acuerat. Unde & multis antè annis suspectatus fuit Duci exercituum Conjecpolscio. Et Rex ipse Vladislaus, cum de bello in Orientem suscipiendo deliberatio incidisset, non alium exercitui Cosacorum, quem ad 12000. protendere decreverat, regundo, judicavit aptiorem. Sed quibus ille stimulis actus, præter

*Chmel-
nicii ini-
tia.*

*Chmel-
nicium
suspectat
Conjec-
polscius
senior.*

præter spem & judicia omnium, ungves aliò destinatos, maternis Reipubl. Poloniæ visceribus impresserit, jam memorandum est; quolibet legentium haud dubiè cum admiratione expensuro, quàm parvâ ex scintillâ ingens incendium oriri possit, ubi ea in materiam capessendo igni maturam

*Causæ
remotiores
seditionis
novissimæ.*

atq; idoneam inciderit. Non lubet verò nunc ingentem flagitiorum licentiam persequi, quæ distinctis longiori pace moribus, effrenatius per Poloniam grassata est. Princeps haud dubiè causa, ob quam iratum Numen, inflicto tam gravi flagello, antiquæ virtutis & gloriæ luxuriantem, & sui penè oblitam terram admonere voluit. Neque occultas, causarum, quibus quidam in tam ardua cæpta impulsus ferunt primū seditionis authorem, operosè nunc referam, quippe incertas & nonnisi suspitionibus, quibus non lubens adaspererim Historiam, innixas. Sufficit meminisse, quod ante jam innuimus, licentiæ asævetum, & non jugi tantum, sed & regiminis malè patientem populum asæduò vestigasse, quâ ista imperii severioris velut custodiâ elaberetur. Nec defuisse, qui occultè illis persvaderent, suæ, id est, Græcæ religionis, sub alieno dominio gemiscentis vindicias haud aliunde quàm à virtute Cosacorum expectandas.

*Religionis
stimulus.*

standas. Ista clam agitantibus pergratum accidit, Regem Vladislaum bellum meditari, cujus præcipuum instrumentum Cosacorum exercitus futurus esset, augeri idè jussus aliquot millium capitum accessione. Bella hæc occasio fore videbatur, armandi in Russiâ plurimos, qui nunc segnitie vel ingloriis laboribus ævum tererent.. Simul exercitus Cosacorum hac occasione & numero validior, & operibus bellicis spectatior redditus, datâ opportunitate, asserendæ & suæ & omnis Russicæ gentis libertatis, eximie aliquando arma sua impendere posse credebatur. Sed malum hoc semel exorsum multæ deinde res longè lateq; provexêre, in ipso Historiæ hujus contextu, cuivis facile & ultrò animadvertendæ. Interquas non immeritò Coloniarum in extrema camporum deserta recens deductarum frequentiam numeraverim. In has, per datæ in annos aliquot libertatis invitamenta, ingens hominum turba, ac propè dixerim, sentina confluit. Fere enim illò, ex aliis Russiæ Poloniæve partibus ferocissimus quisq; multi etiam, qui bonis suis adefis, aut scelere commisso, famen furemve alibi timerent, se receperant; omnesq; aut armati veniebant, aut istic armabantur, quò scilicet adversus Tartarorū vim &

Cosacorum exercitus augeri à Rege jubetur.

Coloniarum novarum numerus seditiosus est adjumento.

vim & insidias se & oppida sua levi opere munita, tueri possent. Illi enim Scythici prædones subitis assultationibus adeò omnia istic infesta reddiderant, ut vix nisi gregatim armatiq; oppidani ad curanda necessaria progredi auderent. Hos verò alioquin soli, ingenio suo uberrimi, facunditas, victu facili, laborum securos vitâq; solutiores, reddebat: adeò ut computationibus plerumq; tempus tererent, de se familiâve parùm solliciti, onerum herilium immunes, tantoq; adeò impotentius felicitatem suam ferentes, quod in servitute na-

Russi a- ti libertate corrumpebantur. Adhæc, No-
gresses bilitatis procures ex plebe illâ rusticâ robu-
in satel- rissimos & agillimos quosq;, in custodiam
litium corporis sui, & ad casuum periculorumq;
Nobiliū fortuita, sæpè etiam ad pompam magis se-
adsciti legerant. Qui more militari pedem refer-
arma re, servare ordinem, arma arte tractare,
tractare à Germano aliquo Ductore eruditi, habitu
discunt. insuper externo, veros Germanorum Di-
 machas, vulgò Dragones, cùm gente Russi,
 religione Græci essent, mentiebantur. Ge-
 nus hoc militis placebat plurimis, ob com-
 pendium sumptuum, & quod domi videba-
 tur jam haberi, qui hactenus alibi fuisset
 quærendus. Nec minùs Colonia (de qui-
 bus paulò ante) privatim publiceq; utiles
 censeben-

censebantur erantq; reverà. Sed ut optime
 cogitata, facile in perniciem hominibus,
 irà fatorum urgente, vertunt; ita utrumq;
 hoc destinatum Reipubl. universæ, pessime,
 ut in progressu Historiæ patebit, cecidit;
 futurum sanè memorabile in omnem po-
 steritatem documentum, non esse facile ar-
 mandam multitudinem, illam præsertim,
 quæ causam vel habet, vel habere sibi vide-
 tur, cur fortunam suam mutatam velit.
 Nam profectò, ubi illa vires suas circumspi-
 cere atq; intelligere cæperit, spe impunita-
 tis mordebit frena, & Duce oblato quæsi-
 tove Dominis suis rebellare, quàm parere
 malet. Cæterum, quicquid hætenus cau-
 sarum refero, ignis fuit sub cineribus la-
 tens, quem in apertum demum oblata oc-
 casiones prolicuere. Has verò ipse ille
 Chmelnicius in literis, ad Nicolaum Poto-
 cium, Castellatum Cracoviensem & Du-
 cem exercituum scriptis, promit, haud du-
 biè aliqua in majus augens, ut solet quisq;
 quantum potest, calamitates suas facundè
 queri. Interim vera multa sub esse, omnes,
 quorum non interest in diversa niti, faten-
 tur. Præcipuè verò in iis Czaplinscium
 Czeherinensis territorii subpræfectum
 incusat, primumq; stimulum ad nova mo-
 lienda sibi fuisse refert. Cum quo tali ra-
 tione

*Offensa
 Chmel-
 nicii.*

*Czaplin-
 ski sub
 præfecto
 infestus
 Chme-
 lincio.*

tione ortum ei jurgium, & postea inimicitia fuit. Possidebat Chmelnicius in eodem Czeherinenfi territorio agrum à Patre suo acceptum. Qui gente Lithvanus, ortu, ut ferunt, Nobilis, cum nomen militiæ Cosacorum dedisset, unde unicè, ducta etiam uxore Ruthenà, vitam sustentaverat more istius generis militum, quibus aliud stipendium non dabatur. Sed post Patrem ad Czeccoram captum, & in Turciam abductum, filius ex Tartarorum vinculis à Matre redemptus ruris paterni limites latius extendere cæperat, licitum id videns usitatumq; in terrâ, non adeò tum refertâ incolis, & Scythicis populationibus plurimum infestâ. Postea verò, cum Duces exercituum, cohibitis Tartaris, habitandi securitatem longius promovissent, plures affluere cultores, atq; inde agrorum limites curiosius arctiusq; haberi cæpere, Polonis, Magnatumq; inprimis ministris sedes hîc sibi, quâ commoditas placuisset, firmantibus. Inter alios Czaplinskius ille, quem nominavi, fundum ibidem à Stanislao Conjeppolscio, Castellano olim Cracoviensi & magno exercituum Duce, impetratum, conquestis haud segni curâ operis, excolebat: eo faciliore successu, quia cum territorii Sub-Prefectus esset, omnia sibi habebat promiora.

niora. Inde cupiditas crevit ampliandi possessionem: & quod Chmelnicius plus aliis tenere istuc videretur, eum parte agri, quam nullo liquido jure, sed ut vacuum ille occupâsset, impetrato à Præfecto territorii consensu, exiit, ex aliâ etiam quâdam interioris, ut ferunt, admissionis familiaritate homini infensus. Cosacus aliquamdiu contrâ nitebatur, preces, minas, atq; etiam literas, non à summo tantum exercituum Duce Potocio, Conjeypolscii defuncti successore, sed à Rege ipso Vladislao IV. opponens. Sed frustra fuit: quippe *Chmelnicius* cedere agro & incomensationem damni *exiit* quinquaginta florenos accipere jussus est; Multa hinc inter illos lis, & ut apud infens *fundo.* solet, dicta & facta omnia adversa. Sed acceptis damnis acerbior contemptus Chmelnicio fuit, cum & publicè in foro filium suum, jussu Czaplinscii verberatum, & per speciem tributum equum sibi ademptum intellexerat. Accidit in super, ut strepente de Tartaris Czeherino imminentibus rumore, vitæ periculum Chmelnicius incurreret. Nam cum copiarum militarium proximæ obviâ procurrissent, intermixtus iis Chmelnicius à socii militis frameâ ictum accepit, quem nisi galea non penitus dirupta represisset, lethalem sibi futurum fuisse,

C

ait

sit ipse in literis suis. Miles ille Tartarum sibi creditum, inquem incurreret, obtendit. Chmielnicius aliis incentoribus structum facinus credebat, jamdudum ante insida sibi omnia & undiq; tendi insidias, carceremq; aut necem imminere ratus. Ac sanè unus ex ipsis etiam Cosacorum Tribunis, Romanus Pesta, incertum an contrariæ factionis studio, an ut magnis ausibus parem destinatumve suspectans, multa ei sinistra ante hæc & objecerat, & minatus erat: cui etiam Proceres quidam aures præbere, & in Chmielnicium indies obliquiores esse cœpère. Unde in carcerem compingi illum Dux exercituum jusserat, quod inprimis sinistra consilia in Vexilliferum Regni Conjecpolscium è Tartarorum tùm suibus multâ cum prædâ revertentem, injerat cum aliis Zaporovianis. Præcluso enim reditu intercipere illum meditatus fuisse dicebatur. Sed è carcere hominem, Stanislai Krzycevi Nobilis Lithvani, legionis Czeherinensis, ad quam Chmielnicius etiam pertinebat, Præfecti interposita fides liberavit, magno & Reipubl. & Krzycevi ipsius, ut postea patebit, malo. Chmielnicium istæ, ut ipse interpretabatur, injuriæ ac contumeliæ eò penitiùs urebant, quòd, ut ante innui, non ita dudum benignû Aulæ in se vultum animumq;

*Incusatur
malarum
molitio-
num.*

*Chmielnicius
captivus
liberatur à
Krzyce-
vio.*

mumq; Vassavia cognoverat, ubi ad bel- *Chmiel-*
 li in non nominandum hostem movendi *nicus*
 secretum erat admisus. Quinimò postea *favore*
 Rege mortuo, jactasse is fertur, sibi cum in- *Regis*
 jurias suas & neglecta, de satisfactione, jus- *abuti-*
 sa Regia quereretur, ostensum à Principe, *tur.*
 quem gestabat, gladium. Quod deinde in-
 ter Nobiles sparsum, prout quisq; Aulae
 consiliis æquus vel adversus esset, ita fidem
 & judicia reperit. Quicquid sit, favori
 Aulico male fesus ille, non erga adversarios
 tantum suos pertinacior fuit, sed & priva-
 ta, quæ accepisse videbatur, damna & con-
 tumelias vel summo terrarum malo ulcisci
 statuit: audacius consiliis suis ipsa blandi-
 ens specie necessitatis, cujus durissimo sci-
 licet telo ad extrema omnia urgeretur. Sed
 haud dubie præter necessitatem occultis
 ambitionis stimulis ad novam in turbido
 quærendam fortunam excitabatur. Itaq;
 infandam ordiri telam moliens, in locum
 florentibus æquè & laborantibus Cosacis
 usitatum, insulas nempe Zaporovianas, *Chmel-*
 quarum situm ante memoravimus, ingru- *nicus in*
 ente jam hyeme, profugit paucis Comita- *insulas*
 tus. Sed multos post exemplo & spe simili *Zaporo-*
 eodem traxit, à nonnullis etiam, rerum *vianas*
 præsentium fastidio, jam dudum Chmielni- *fugit.*
 cium ad pessima quæq; stimulantibus, &

*Repellit
missas à
Potocio
copias.*

*Excusant pri-
mam ho-
stilita-
tem Co-
saci.*

*Cosaco-
rum
querela.*

mox consilia ac fortunam sociantibus, præ-
ventus est. Brevi certè tempore adeò excre-
vit profugorum numerus, ut motæ in illos,
jussu summi Ducis, velut in excubias ordi-
narias, aliquot Cosacorum, tum adhuc fi-
delium, cohortes, nullâ re effectâ, & mayo-
re accepto, quàm dato damno recesserint.
Primus hic actus hostilitatis fuit, sed post
hunc quoq; tàm causæ, quàm viribus malè
fidens, ac calliditate moram rebus suis sta-
biliendis quærens Chmielnicius, & qui cum
eo erant, armorum necessitatem deprecabantur.
Certè literæ eorum ad militiæ Du-
cem Potocium, post hunc primum congres-
sum scriptæ, multam modestiam præferunt.
*Non se, ajunt, ullâ licentiæ aut novarum re-
rum cupidine, sed gravissimis injuriis, depu-
cationibus contumeliis actos, relictis rebus
suis, in asperas istas, & in hospitas insulas se-
cessisse. Nimum scilicet & intolerabile fuis-
se, quod in ipsos sibi non Præfecti tantum, sed
& Judei, spretissima alibi per Poloniam na-
tio, permiserint. Frustrâ avaritiæ & crude-
litati istorum non tantum Ducis exercituum,
sed & Regis auctoritatem oppositam. Nec
in Tribunis suis sibi quidquam præsidii reli-
ctum, qui potentium libidini assentando suas
augeant res, miserari ceteri gregis sortem
nesciant. Et jam in eadem vel supplicium
misero-*

*miserorum nimum properos accurisse, sed à
 Numine se va molientibus haud propitio ne-
 cessariâq; honestè se tuentium virtute repul-
 sos. Æquum esse ut ab iniquitate malè do-
 minantium in posterum immunes, Regiis pri-
 vilegiis fruantur, qui Regiæ voluntati & usui
 Reipubl. se & sua omnia consecrârint. Ex-
 cusant eadem literæ Chmielnicium, concita
 seditionis malè accusatum ferentes, quem
 pariter nihil aliud, quàm infestâ machina-
 tiones, calumniæq; inimicorum, inprimis
 Romani Pestæ, qui olim seditionis autor, eâ-
 dem maculâ nunc innocentes polluere velit,
 lare suo expulerint. Majore specie quàm
 fide composita videbatur epistola Potocio,
 non jam verba profugorum, sed ausa repu-
 tanti: nihilominus Duce amoto, reliquis
 consilium animumq; defore existimans,
 Chmielnicio plenam omnium hætenus fa-
 ctorum impunitatem pollicitus, persuadere
 conatur, ut relictis Zaporavianis suffugiis,
 ad se veniret. Sed is tergiversans primùm,
 mox ceteris acerrimè dissvadentibus, ven-
 turum se penitus negat. Hinc iratior Poto-
 cius, & nihil jam boni sibi de istis pollicens,
 memor deniq; quibus difficultatibus & pe-
 riculis, ante annos aliquot, ferocem illam
 hydram perdomuisset, jam novis capitibus
 repullulantem, properè & modis omnibus*

*Chmel-
 nicum
 vocat ad
 se Poto-
 cius.*

*Potocius
 in
 Chmel-
 nicum
 decernit
 bellum.*

*Disva-
det ar-
ma Kisie-
lus & Lu-
bomir-
scius.*

comprimendam arbitrabatur. Sed erant alii, qui mollibus adhuc consiliis, & potius prudentiâ, quàm vi cum isto hoste agendum censerent. Inter quos accipio non Adamum tantum Kisielum fuisse, Palatinum tum Braclaviensem, postea Kioviensem, gente & religione Ruthenum, ingenio, facundiâ, & multiplici virtute ad summa inter Polonos enisum: sed & Stanislaum Lubomierscium, Palatinum Cracoviensem, virum sago togâq; prælustrem, & rebus gestis authoritatem in Poloniâ maximam adeptum, eandemq; tum adhuc, etsi fessâ annis morbisq; ætate servantem. At exercituum Duci utriq; inprimis Majori, spreta sua à Cosacis imperia, & Chmielnicii ad eos venire recusantis obstinatio, simul contagionis ab indulgentiâ vires acquisituræ metus, aspera remedia lenibus ante habenda esse persuasere. Ac per hyemem quidem, cum aggredi illos intra septa sua atq; avia illa locorum latentes, nequirent, observandis præpediendisq; eminens eorum molitionibus intenti egerunt. Dimissæ etiam tandem à Potocio Duce literæ, quibus edicebatur; *Chmielnicii ut societatem omnes fugiant deserantve; si contrâ fecerint, in uxoribus, liberis, & fortunis relictis pernam luituros.* Nec Chmielnicius interim ferieba-

*Chmiel-
nicius
proscri-
bitur.*

feriabatur, & tametsi plurimis ad societatem facinoris indies spontè affluentibus, vel illectis, crescerent vires ejus: his tamen adhuc parùm fidens, Tartaros in camporum *Chmiel-* desertorum solitudinibus hybernantes, ad *nicius ad* opem sibi ferendam invitat, & ostentatâ *Tarta-* multâ spe prædæ, escâ scilicet barbaræ gen- *ros con-* ti gratisimâ, pertrahit. Quos Tohaibegus *fugit.* ducebat Perecopiensis Præfectus, homo animo manuq; acer, turbidus prætereà, & Chano Tartarorum Regulo subindè refractarius. Unde hic vim illius aliò effundi facile postea patiebatur, in Polonos præcipuè, quibus ob negatum solenne stipendium dudum jam erat infensus. Ferunt & perenne fædus, in utriusq; fortunæ consortium, inter illos & Chmielnicium, tum statim pactum, filiumq; Chmielnicii isthîc pro obside relictum. Sed quia in his libris crebra admodum Tartarorum mentio incidit, non alienum videtur, gentem, aliquando nobis sociam, sæpius hostem paulò curatius memorare. Ipsum vocabulum du- *Tarta-* biæ quodammodò & originis & antiquita- *rorum* tis est. Neq; liquet satis, Tartarosne an Tat- *gens de-* taros dicere conveniat: Priorem tamen *scribi-* nomenclationem Scriptorum consensus u- *tur.* sitatiorem fecit. Sic enim omnes ferè recentiorum seculorum Geographi & Histo-

*Crisis
circa no-
men*

rici appellant. Alteram præfert lingua Slavonica, ut & Sinica, quæ R. nunquam usurpat: eandemq; mavult Leonclavius, diligens Turcicarum hisq; affinium rerum conditor. Et is amnem Scythicum, à quo nomen gentis derivandum pleriq; censent, Tattarum appellatum existimat. Alii vocem ex Syriaco Tottarim deducunt: quod multorum interpretatione *relictas* significat. Hiq; Tartaros Israëlitarum in Mediam deportatorum reliquias esse volunt. At alii his contrarii, voce Syriacâ *redundantiam*, potius signari asserunt: sicq; nomine ipso amplitudinem, & quasi superfluitatem gentis Tartariçæ innui arbitrantur. In priscais Autoribus nullius populi appellationem Tartariçæ propiorem reperio, quàm Tractarorum, quos inter Tauricæ incolas ponit Plinius. Quam Provinciam, cum hodie Tartari incolant, non difficulter forsán quispiam ipsâ affinitate vocabuli induci se patiatur, ut credat, jam olim cum his Tractaris Tartaros per Asiæ extrema tum diffusos, commune aliquid habuisse. Sed rem adeò obscuram anxie hîc scrutari, intempestivum, definire, temerarium, opinor, fuerit. Sufficit scire, de quo utiq; liquidò constat, gentem hanc si minùs appellatione propriâ antiquitus fuit cognita, certè intra Scythici

Scythici complexum nominis latuisse. Eo vetustas, præsertim Græca, signare solebat, quicquid populorum in semotiore recessu Septentrionis ad Solem tamen Orientem vergentis recondiderat Natura. Interim, quos ignorantia aut incuria confudit, genere & moribus longè dispares fuisse patuit postea, cum singulos, procedente tempore, seu bella, seu commercia, & necessitudines Orbi cultiori aperuere. Cæterum Scytharum nomen cæteri omnes tandem populi, unà cum priscâ barbarie exuerunt. Solis hodie Tartaris id relictum videtur. Ita ut quoties Scytham nominamus, Tartarum velimus intelligi. Non quod alii ejusdem originis populi desint, cum Turcæ, Parthi, Persæ, & alii multi eadem stirpe censeantur: sed, ut opinor, ob veterem Scytharum vitam erraticam, atq; equis præcipuè pascendis ac prædæ intentam, quam à cæteris Scythis jamdudum ferè repudiatam, Tartari visi sunt retinere: Diversis simul pascentium gregibus, vulgò Hordis, longè lateq; dispersi. Postquam verò & ipsi ita in immensum crevere, nonnulli eorum grandi illo numero, tum asperâ belli virtute alios subegere populos: Potentia, acceptumq; in cultiores gentes imperium, vagæ & pastoritiæ vitæ neglectum

his quoq; afferre cæpit. Vastissimi in Asiâ extremâ dominatûs sunt, quos Mogul & Chanus tenent, uterq; ob potentiam Magnus appellatus. Quorum ille à Tamerlane sanguinis sui Regniq; primordia habet: & opulentiâ Reges omnes hodie dicitur superare. Alterius imperio maximum olim nomen peperit Cangius, seu Cingis Chan, rebus gestis & legibus in illo Oriente celebratissimus. Alter ab illo Okotai (& aliis Hocot dictus) patrium dominatum magis firmavit: cûmq; plures filios haberet, unus

Sub Baitone in-vasiones Tartarorum. eorum Baito accepto à Patre exercitu, multis Asiæ Europæq; populis se formidabilem fecit. Nam & Turcorum, obscurioris tum populi vires surgentes attrivit, & Ponti, paludisq; Mæotidos accolas, atq; inter eos

Vide de his inter alios, Pence-rum lib. potissimum Poloveos adortus est. Quibus domitis, Russiam propè totam, torrentis instar, corripuit inundavitq;. Mox & copiis divisis partem in Bulgariam & Pannoniâs, alteram in Poloniam misit; cujus terras eò licentiùs pervagatus est, quòd tûm

IV. Chroni-corum. illæ in multos Principatus, eosq; malè concordés, divulsæ, non consultabant in comune. Dûm enim se singulæ seorsim opponerent, in prædam omnes celsère. Qui præcipuâ autoritate tûm rebus Poloniæ præerat, Boleslaus Pudicus, tempestati, cui impar

impar erat, se subduxit; vix demùm post
longi temporis exilium à suis requisitus, &
in avitum solium, quòd Conradus Dux Ma-
sovia interim occupaverat, repositus. Eo
tempore in Silesiam quoq; barbara hæc na-
tio trajecit, & patrato istic apud Lignicium
cum Ducibus Provinciæ ferali prælio, in-
gentem victoriam, atq; in victoriæ monu-
mentum, novem saccos auricularum, quas
cadaveribus absciderat, reportavit. Tan-
dem verò omnis hæc multitudo, immani-
bus spoliis onusta, in Asiæ atq; Europæ
confinia rediit. Varieq; dispersa, diversis
quasi tribubus, vulgò Hordis, vel veriùs, si
magnitudinem spectes, gentibus originem
& nomina dedit. Pars ultrà Volgam in A- *Zavol-*
siâ, alia circa Pontum & Mæotidem palu- *henfes*
dem. Europæ claustra, firmare sedes cœpit. *Tarta-*
Præcipuæ autem, & quodammodò Princi- *ri.*
pes omnium Zavolhenfes Hordæ diu man-
ferunt, à Volgâ fluvio, seu, ut Russi vocant,
Volhâ, cujus ripas longè lateq; accolunt,
nomen adeptæ. Eæ postea cum Turcis,
postquam horum se vires sub Ottomanni-
dis erigere cœpissent, diu ambigûâ fortunâ
certârunt. Sed & Saraceniciis bellis impli-
citæ sunt, patrocinium Asiæ, contra eam
gentem, ipsiusq; religionis Christianæ vin-
dicias aliquandiu profesæ. Tandem Duce
earum

Tamerlanes.

earum Tangadōro, in Mahometismum delapso, cum curā rei Christianæ, gloria quoq; potentiæ extingui cæpit. Quam multò post anno 1384, Tamerlanes, vel ut alii vocant Temur Lenk aut Lechus resuscitavit, cū à Samarcadā Sagathæorum Tartarorum metropolis, obscuris generis & potentiæ iniitiis coortus, Asiam universam, & in eā Turcicum imperium gravissimè afflixit, quaquā pedem poneret, victor, vereq; orbis & terror & flagellum. Ab eo cæteri Tartari, etsi remotiores, animum & ipsi iterum ceperunt, vicinis populis tantò superbius insultandi. Unde cum terræ etiam Kioviensi ab iis periculum immineret, Vitoldum, Jagellonis Poloniæ Regis Patruelem, Ducem magni animi cupido incessit, populum novā jam famā ferocem, omnibusq; ferè terribilem, aggrediendi. Primusq; ei conatus sat prosperè cessit. Aliquot enim millia Tartarorū cum fæminis & sobole in Lithvaniam abegit. Alii sponte secutos ferunt, claritudine & promissis egregii Ducis illectos. Quicquid sit, libertas utiq; illis, & agri prope Vilnam, Lithvaniæ metropolin, dati sunt, quos hodieq; eorum posteritas tenet, Mahometanæ superstitionis, prisci; in aliis quibusdam ritūs retinens, attamen mansuetior longè, & honesto labore, hortensū

Tartari unde in Lithvania.

tenſi inprimis, victitans, ſobrietate verò,
 fideq; , & in curandis negotiis celeritate,
 Magnatibus Lithvanis, ſuprà aliud vulgus
 probata & cara. Verùm altera Vitoldi in
 Tartaros expeditio, ut operoſior mole, ita
 exitu infelicioſior fuit. Eduxerat non parvum
 exercitum, comitantibus multis Lithvaniæ
 Ruſſiæq; Ducibus, atq; inter alios etiam *Clades*
 Andreâ & Demetrio Coributho, Jagello-*Vitoldi*
 nis Regis fratribus germanis. Complures à Tarta-
 inſupèr ex Proceribus Polonis ardor gloriæ *ris.*
 militaris exciverat, ut ſimul irent: inter
 quos Raphael Tarnovius, Oſtrorogius, Sa-
 motulius, Glovacius, Dambrovius, Varſi-
 us, Michovius, Socha Plocenſis, Spitco Mel-
 ſinius Cracoviienſis Palatinus eminuère.
 Cùm ad prælium res deveniſſet, multitudo
 Tartarorum prævaluit. Cæſiq; iſtic Jagel-
 lonis fratres, & alii novè Lithvanici Ruſſi-
 ciq; Sanguinis Duces. Periiit quoq; Melſti-
 nius. Cæteri cum Vitoldo & Svidrigello-
 ne, tertio Jagellonis fratre, reliquiſq; exer-
 citus ægrè evaſère. Tartari Ruſſiam &
 Lithvaniam longè lateq; pervagati ſunt.
 Sed ante iſta Moſchis grave admodum ju- *Moſchis*
 gum à Zavolhenſium Tartarorum Hordis *Tartari*
 impoſitum fuit. Adeò ut his illi non inſi-*graves.*
 ma tantùm venerantium officia, & tribu-
 tum annuum deferre, ſed & Duces ſibi ex
 arbitrio

arbitrio eorum sumere cogerentur, Verùm

Casan &
Astra-
can

diviso postea imminutoq; paululum Tartarorum istorum dominatu, præcipua adhuc duorum duntaxat regnorum celebritas ali-

quamdiu mansit. Quorum utrumq; ab Urbe Principe nomen obtinuit. Alterum-Casan, alterum Astracan appellatur. Casan Civitas ad Volgam. Astracan ad ostium ejusdem fluvii, quâ in mare Caspium seu Hyrcanum evolvitur, sita est. Unde hîc frequens ex Moscoviâ, Perside, Armeniâ, aliisq; ditionibus Turcicis mercatorum est concursus. Hodie regnorum istorum incolæ, extincto Chanorum Zavolhensium pristino dominatu & nomine, Moschis, quibus antè impotenter imperaverant, humili obsequio (præter quosdam identidem adhuc refractarios) subsunt, notabili fortunæ vice & exinde flexu animorum. Primus omnium ex Moscoviæ Ducibus coercere eos cepit Johannes, vulgò Ivvan, ex rerum gestarum gloriâ, Magnus appellatus. Inchoatum opus continuavit ejus filius Basilius, ex Sophiâ Palæologâ natus, qui primus Czari nomen assumpsit, cum Decesores ejus Duces, vulgò Kniasî appellati essent. Ultimam quasi manum Johannes Basilides, Basilii ex Helenâ Glinsciâ filius, vir armis quidem strenuus, sed idem tyrannide infamis, imposuit.

osuit. Ab hoc utiq; non isti tantum, sed
 & alii vicini Tartari, in servitutem redacti
 unt. Inter eos Tumenfcii, Scibanfcii, Re-
 chorenfes numerantur, Calmutii item, ita
 lieti, quod soli capillitium alant. Pars
 quoq; Nahaifciorum iisdem Moscis subje- *Tartari*
 ta est. Qui à flumine Hayk nomen sortiti, *qui Mo-*
 paritèr olim propriis Ducibus paruerunt, *scis sub-*
 & avorum adhuc noſtrorum memoriâ in- *jecti.*
 er trës fratres, Schidakum, Cosum, &
 Schichmamaum, diſpertitum eorum robur
 fuit. Sed ipſâ poſteâ diſiſione imbecillio-
 res collifq; æmulationibus, ac bellis inter-
 nis externifq;, partim Moſchorum, partim
 Crimienſis Chani imperio accēſere. Sunt
 deniq; aliæ Hordæ, nobis & propiores, &
 per bellorum aut populationum injurias
 magis cognitæ. Nam qui Moſcho parent *Aſiatici*
 Tartari, fermè innoxii Poloniæ hætenùs, *Tartari.*
 multò magis alii, qui in Aſiâ extremâ, vetus
 Regnum, à Cangio cæptum, continuant.
 Hi enim poſt primorum Chanorum auſa
 diu, quantum ſcire poſſum, quieti vix niſi
 ſub Cobilâ, qui quintus à Cangio Chano
 fuit, lacertos iterum movère. Ejus fanè
 Principis egregias virtutes & res geſtas lau-
 dat Marcus Paulus Venetus, diu in aulâ
 ipſius verſatus & benignè habitus. Jam
 quanta circa annum Chriſti 400, Sagathai-
 enſes

enses Tartari Duce Tamerlane gesferint, paulò ante innui veriùs, quàm explicui. Eorum, qui Tamerlanis imperio crevère, præstantissimus ille superest, qui Magni Mogulis nomen possidens, triginta septem amplissimis ditissimisq; Provinciis imperat, quarum frequentatissimæ Europæis sunt Cambaja & Bengala. Nostro verò ævo iterùm Tartari Asiatici subactò Sinensium Regno universo, obsoletam aliquandiu, & nostris quidem terris minùs celebratam nominis sui famam oppidò quàm resuscitârunt: nacti & populo Christiano disertos admodùm scriptores, qui novissimas ipsorum in Regnis Chinæ victorias in literas magnâ curâ facundiaq; misère. Inter propiores & Ukrainæ scilicet finibus perpetuò imminentes Hordas prîma Oczakoviensis est. Nomen habet ab arce & oppido Oczakoviâ, quam ab antiquis Axiacen nuncupatam existimat Mercator, alii Olbiam veterum hoc loco positam fuisse arbitrantur. Si tum id munimentum est ad Borysthenem, quâ is per tot scopulorum, insularumq; superiùs memoratarum remoras delapsus, in Pontum deniq; Euxinum erumpit. Tenetur verò Turcarum præsidio, quod validum hîc satis excubare solet, cohibendis Cosacorum, per Pontum subindè

excur-

Oczakovia.

excurrentium, conatibus. Ostium illud Turcis hodie Dziarcrimenda vocatur, indeq; apud Scytas adfuit terræ tractui, quem Milesii olim multis coloniis implevere, nomen. Qui variis & lacubus & fluviis interluitur, inter alios Kipczako, à quo pariter Hordæ Tartarorum, quantumvis exili, appellatio nata. Nec procùl hinc campi glebæ bonitate uberrimi à quibus Debrucenses Tartari nomen habent, inter alios Chani Crimensis titulos, quos ipse sibi tribuit, poni solitum. Atrocissima autem Hordarum *Kilia* omnium est, quæ mediis inter Kiliam (A-Bialochilleam antiquorum, ut videtur) & Biogradus logrodam spatiis inerrat. Urbes hæ sunt *Monca-* Turcicæ ditionis, alteraq; earum Danubii *stro Va-* in Pontum se exonerantis ostio præcipuo, *lachs*, altera verò Tyræ apposita est. Succedanea *Turcis* aut certè vicina Ophiusæ & Hermonacti *Acgri-* veterum. Aliqui & Leucen Insulam *Lyco-* *men.* phroni memoratam, & Leuconem Regem Sarmaticum à Strabone memoratū ad hæc loca referunt: tantò fidentiùs fortassis sententiam suam tuituri, si nomina ista hodierno, quod lingvâ Sarmaticâ Album Castrum notat, significatione affinia esse scivissent. Cæterum interjecta his ostiis planities duodecim circiter milliarium, Arpiis olim & Tirigetis habitata, hodie Budziak.

Budzi- ziak vocatur, incolæ Budziacii: non mul-
aii Tar- torum adeò millium, sed rapacissima homi-
tari. num colluvies, quippe nulli penè imperiò,
 nullis legibus audiens, sed præ cæteris fera
 vagaq; , & in equis aut cùrribus ferè ævum
 transigens. Hunc tractum quoq; anno 1637.
 Cantimirus Murza Chano Crimensi refrac-
 tarius cum aliis similis forociæ Murzisha-
 bitare cæperat, à Chano tandem apud Kili-
 am profligatus, jussuq; Imperatoris Turci-
 ci, quod & huic minùs obsequens fuerat,
 strangulatus.

Enim verò nostris in terris nulli famo-
 siores sunt Tartari Crimensibus, parte haud
 postremâ eorum, qui olim Batta Duce, ma-
 gna Europæ Regna inundaverunt. Nam
 cùm illi hinc tandem reduces, variè deindè
 per Asiam sparsissent vires, numerus eorum
 haud exilis Europæ nostræ, ut dixi, lateri-
 bus inhæsit. Præcipuè autem multitudine
 & pugnacitate illa invaluit Horda, quæ pri-
 mùm circa Tauricam Chersonesum, post &
 in ipsâ, oppressis veteribus incolis, Duce
Taurica Vlano, consedit. Peninsula ea est sita inter
Cherso- Pontum Euxinum, Bosphorum Cimmeri-
nesi de- um, Mæotidem paludem, & restagnantem
scriptio. ex cælacum, Straboni, veteri Geographo,
 Putrem appellatum. Quem à Ponto, versus
 Septentrionem nostrum, exiguus terræ in-
 terjectus

terjectus dirimit. Is nisi intercederet, circumflua undiq; aqua in unum mare commissae insulam fecissent. Et tali situ Provincia haec Chersonesi nomen obtinuit, quia ab angusto aditu, ceu à tenui carpo manus, inde in spatium longitudine quam latitudine majus extenditur. Subvenit porro industria, quae propè oppidum, quod fauces istas exiguo vallo, & arce murata custodit, fossam à Meotidis sinu ad Pontum usq; duxit. Oppidum an idem cum Taphris antiquorum sit, haud satis liquet. Equidem Taphras in ipsis Peninsulae hujus angustiis ponit Plinius & Ptolomaeus, alii & Eupatoriam, & Heracleam, & Pompejopolim dictam volunt. Nunc incolis suis Or, Russis verò à fossa antè nominatà Perecop dicitur: ductumq; inde nomen toti Provinciae sedit. Tartaria enim Precopiensis audit; quae alioquin Tartaris Gazara, vulgò Taurica, à Tauris, seu ut aliàs etiam vocari solent Tauro-Scythis, antiquis cultoribus suis appellata est. Priscis autem temporibus haec terra ob Ponti & Maotidos commoditatem, commerciis opportuna, & inde Urbibus frequens fuit. Quarum aliqua nonnisi ex ruderibus agnoscuntur. Quae restant, nomina mutarunt, nec cultum opesve veteres habent. Hodie post Perecop-

*Unde
nomen
Perecop.*

52 HISTORIAE POLONIAE PLENIORIS

piam, primum terræ munimentum, Coslovia, sed præcipue Baluclava & Cassa navigiis ad euntur. Apud Baluclavam (ubi forsan veterum Calus) Classi Turcarum statio est, commoda admodum & tuta, quia circumjecti longâ serie montes sinum faciunt tranquillum. Cassa metropolis Provinciæ, *Cassa veteris urbs.* & Præfecti Turcici, quem Seniacum vocant, sedes. Theodosia olim dicta, & diu Genuensium commerciis culta. Postea eadem, commissa inter Turcas & Tartaros bello, cum hi succubuisent, in Mahometis Imperatoris Turcici potestatem cessit anno Christi 1475. ut in annalibus Turcarum annotat Leonclavius. Nunc Turcicis, sed & multis simul Christianis, Græcis, Armenis Mercatoribus infidetur, qui captivos à Tartaris emptos Constantinopolin, Trapezuntium, Synopen, & in alias Ponto aditas Urbes mittunt distrahuntq;. Verè forum servitutis dicere possis. Cum ibi infinita Christianorum multitudo ad triremes, aliq; Turcarum vilissima ministeria addicatur; magno religionis nostræ dedecore, quam internis discordiæ, & bella, barbarorum libidine ludibrioq; exponunt. Non procùl à Cassâ, Crimenda est, oppidum exiguum, Crimum aliàs (etsi Geographi hîc non consentiunt) vel Cremum dictum, nunc

nunc ob monetam, quæ hîc cuprea cuditur, maximè memorabile. At majorem ejus celebritatem olim fuisse apparet, quippè quod universæ huic terræ & genti nomen dare potuerit. Quanquam si antiquum id nomen, & ex Cniemetopo, quod Tauricæ promontorium à *fronte arietis* dixere veteres, vel à Cremnis, emporio Mæotidis, de quo Herodotus, deductum quis statuatur, haud quaquam repugnaverim. Chani Regia hodie Bacisaraï vocatur, sumptâ ex Berai Chango & Zeraï origine, ut sit quasi arx Præfecti, Non procùl inde Kala est, ubi præcipui ex Christianis captivi detineri solent: *Alma* itidem oppidum, in quo templum Christianorum habetur, S. Joanni dicatum. Sunt & aliæ in propinguo arces, quibus Chani fratres agnatiq; Sultani istic dicti, habitant. Undiq; accolunt, quos Chanus consiliis aut negotiis familiaribus adhibet, Attalicos appellatos. Tum alii eminentiores Tartari, Murzæ & Ulani ibi nuncupati, alioquin exiguis opibus aut cultu à cæteris distincti. Interspersa passim plebs Tartarica stabulatur, vilibus plerumq; mapalibus, aut tentoriis, alicubi & subterraneis specubus, solis æstus ærisq; asperitates, arcens. Rariùs tamen omne hoc Tartarorum vulgus intra Tauricam manet. Plerumq; oberrat

*Crim
quale
nomen.*

*Bacisa-
rai Cha-
ni sedes.*

in campis, qui Tauricæ, quæ ea continenti
adhæret, prætenduntur, uberiores nimi-
rum pabuli copiam quærens. Hæc quippe
in Peninsulâ plebi, Septentrionale inpri-
mis latus habitanti, malignius suppetit.

*Montes
Tauri-
cam di-
vidant.*

Omniem enim hanc terram horridi montes
mediam quodammodo intersecant. Qui
partem unam & meliorem, ubi Caffa est,
Austro, alteram steriliorem Aquiloni obji-
ciunt. Propè Bosphorum Cimmerium, olim
Panticapeum fuit, emporium omnis hujus
Provinciae frequentissimum, eoq; Geogra-
phis veteribus apprimè laudatum. Nunc
istam Tauricæ oram, quam Mæotis & Pon-
tus, exili freto transmeant, Arabath, &
Cherfi, Urbes Turcicæ tuerentur. Hic enim
Janizari excubant, arcendæ seditioni, nec
non Piratis, qui Mæotidem percuritant, ut
& Tanaim fluvium, qui eandem paludem,
non adeò procul hinc, ad Asovum Urbem
(Osoph vulgò) ingreditur. Quo fine &
ultra Bosphorum Cimmerium, qui hic Tau-
ricam a Circassis determinat, Taman &
Temruch, Urbes non ignobiles, perpetuâ
Turcarum custodia tenentur. Circassii ve-
rò (quos modo nominabam) vulgò etiam
Petthorienes, voce Slavonicâ, quasi Quin-
que montani, dicti, fluvii Copæ & Coracis
montis accollæ sunt, Colchorum veterum,

*Circassii
Tanta-
ri.*

Cerce.

Cercetarum item, necnon Lazorum, de quibus Arricanus in periplo Euxini, Procopius, Agatias, aliiq; memorant, succedentes, & ex parte soboles generosa utiq; & libertatis pertinax. Quanquam Cirassios mari Caspio, Colchos Mengreliosq; Maotidi & Ponto viciniore in tabulâ suâ lustrator harum terrarum Adamus Olearius V. Chl. facit. Quidam istorum Crimenfi Chano parent, sed laxiore obsequio. Multi in his Christiani sunt, & sacra sua, lingvâ Slavonicâ, ritu Græco peragunt. Sed barbarie & bellis vicinorum, tum commerciis Mahumetanorum & matrimoniis, tum literarum religio fermè ibi exolvere. Ad Arabathum, cujus paulò ante facta mentio, ex ipsis quasi Maotidis aquis prominet exiguus terræ tractus *Kesâ* vulgò dictus, in quâ equarum Tartaricarum, Chani inprimis, proletarii greges pascunt. Cogitare licebit curiosis, an Cazeca sit veterum, cujus & Arrianus in periplo facit mentionem. Nomen quidem non multum abhorret. Cæterum Tartari isti, post Baidonis, vel Batti, celeberrimi eorum Ducis tempora, variè quidem agitati, diu tamen omnis externi dominii impatientes, Ducibus suis ex regnatrice Zavolhensium Chanorum, aut aliâ domo primariâ, nonnunquam & prout

libitum, aut per tumultum sumptis paruerunt, quos & ipsos deniq; extincto Zavolhenſium dominatu, Chanos, voce Scythiſi uſitatâ, quibus Principem ſeu qualiscunq; ditionis Dominum ſignificant, appellare capere. Illis Turca annuum ſtipendium, ſubditi equos, ditiores annonam omnis generis, nonnunquam etiam tributum, ſed exile pendunt. Multo autem jam tempore Gierejorum familia rerum hîc regimen habet, viris militiâ præſtantibus dudum conſpicui. In iſis Maſmet-Gierei fuit, qui Moſchorum Ducem Baſilium, ut Baro Herberſteinuſ narrat metropoli ſuâ, & penè toto Principatu expulit, fratremq; ſuum Saph-Gierejum Regem fecit Caſanenſium. Illius Maſmet-Giereji ſucceſſor Mengli-Giereuſ, præcipuam Tartarorum, qui Europæ vicinioreſ egere, gloriam ad Tauricanos tranſtulit: victo Schachmate æmulo, qui tùm Zavolhenſium Tartarorum partem à Moſchorum imperio liberam regebat, Alexandri Poloniæ Regiſ contra Tauricanos amicitiam parùm feliciter amplexuſ. Eadem Gierejorum familia Turciciſ Imperatoribuſ affinitate jam ſolim innexa eſt: quippe de quâ (ut alia vincula taceam) Selymuſ uxorem habuit, Solymanni magni olim Europæ terroriſ matrem. Verùm Turciſ

Turcis jam omnis hæc Tartaria, unâ cum Chanis suis, amissâ veteri libertate, tributaria est. Nam Australem Tauricæ partem atq; in eâ Caffam jam altero abhinc Seculo Mahumetes, ut dixi, occupavit. Borealem Osmanus Basfa ex bello Persico per Circassios & Pontum Euxinum redux corripuit: eò facilius, quod ortâ inter Princeps Tartaricos discordiâ, præcipuus eorum Turcici Imperatoris auxilium imploravit. Nam, ut solet plerumq; populis potentiorum societas in servitutem vertere, Turca ad hunc modum ex socio Dominus factus, terram hanc omnem in Provinciâ seculo superiore redegit. Exinde tributum à totâ gente, captivos præcipue, in signum subjectionis: filios verò vel fratres Chanorum obsequii & fidei, pignora accipit: sed & ipse vicissim certa velut salaria tum Chano, tum Præfecto militiæ, qui Galga illis vocatur, aliisq; nobilium persolvit, hoc quasi autamento fideiiores sibi credens, quos habeat stipendiarios. Corpore Tartari (de *Corporum* propioribus maximè loquor) mediocris *habitus.* staturæ, sed torosi & robusti sunt. Oculis nigris plerumq; & protuberantibus, vividis simul & acutum cernentibus. Facies lata, fusci coloris, capillitium nigerrimum, barba ut plurimum rariuscula. Occipitium

Sarmatico more tondent, parte anteriore comati. Literarum ferè rudes, cæteri etiam cultus, qualis inter opulentos populos obtinet, & in luxum subinde abit, expertes ante hac fuere. Artes regnandi nonnisi à naturali judicio & usu magistro habent: simplicitate legum & fide pactorum multis aliis populis superiores. Inter se porro mites ac compositi, in peregrinos etiam mercatores non inhospitales sunt. Plerumq; enim, cum quis talis obvenit, conquirere ex omni viciniâ solent, quicquid haberi potest gratiorum epularum, cum usitatas ipsis delicias ab aliis fastidiri non ignorent.

Judicia. Injuriz & lites seu ex simplice populi genio, seu ob paupertatem rariores ibi, quam usquâ alibi, si ortæ, sine longis ambagibus, & comperendinationibus, à Præfectis, quos Begos appellant, graviores à Chanis ipsis dirimuntur.

Religio. Deum ex Mahometi impostoris præscripto colunt, simulacra omnia in templis abhorrentes, & suillâ aliisq; nonnullis cibis, Judæorum more, abstinentes, quos & circumcidendi præputii ritu imitantur. Neq; circa alia levicula iis cedunt superstitione: uti nec odio in Christianos, quod in segni Judæorum turbâ inerme, hîc bellicositate gentis in damna nostra atrocissimè identi-

identidem deservit. Accedit noxia persuasio, quod paganos & idololatrias nos putant. Et ideo Gauros vocant, suâq; in *Educa-*
nos crudelitate placent sibi, tanquam in *tio.*
gentiles vel atheos exercitâ. Educatio adolescentiæ rigidissima hæc est, non insitâ tantum feritate, sed ex proposito etiam, ut corpora ad laborum & belli aspera durentur. Infantes suos matres olim frigidâ lavare solitæ, eâq; falsâ, quod cutis densetur, eoque minus postea flumina abhorreat, quæ prædator populus hyeme etiam, cum glacies abest, transnatare solet. Pueri in curru sub pellibus, & ut plurimum sub dio agitant, nec cibi iis antiquis moribus præbiti, nisi quos sagittâ prius tetigissent: ut sic brachia ad certos jaculorum ictus à primâ ætate assuescerent. Vestitus omnibus usq; ad *Vestit.*
postrema hæc bella fuit simplicissimus. Panno vix nisi nobiliores, serico velabantur Reguli, & qui eos sanguine contingunt. Quibus ideo vestes ejusmodi inter potissima dona ab aliis Principibus, præsertim Polonis, mittebantur. Vulgus rhenone plerumq; tegitur, quo ex pelle ovinâ confuto, quovis aëre utuntur. Sed hyeme lanuginem villosam corpori obvertunt; eadem, æstate, soli & pluvie obicitur. Et hirsutie istâ tantò magis terrent obvios, cum prædatum,

Arma. datum, aut ad pugnam processere. Arma hæc tunc non alia ferè habent, quàm gladium incurvum, arcum & pharetram. Familiaria præterea instrumenta, cultrum & subulam, quibus scuticas & vincula ex coriis parant, ligandis, quos venantur, hominibus. Sclopos, aliaq; tela ignita non adhibent, & ab aliis adhibita non parùm formidant. Ipsi, cum cominus pugnandi occasio aut placuit, aut effugi non potest, acinaces magnâ agilitate rotant, eminus sagittas jaculantur, etiam in fugâ. In quam proni illi, eoq; magis invicti sunt, quia fugientes nemo facile assequitur, & qui sequi audent, faciliè seu jaculis, seu subito fugientium reditu obruuntur. Maxima eorum fiducia & potissimum robur in equis est.

Equi
Tartari
riti. Quos velocitate potius, & laborum tolerantia, quàm formâ conspicuos habent. Et his illi narès, incisâ utrinq; cartilagine, laxant, ut tantò ampliore meatu aërem hauriant, tardiusq; adeò fatiscant in cursu. Eosdem exercitatione obsequentissimos sibi reddunt, ita ut levi freno quamvis in partem facillimè circumagantur. Cumq; in expeditione plures tales secum singuli ducant, ubi is, cui insident, fatigatus est, alterum ponè comitantem, medio in cursu, etiam citatissimo, insiliunt. Interim nihilominus

ominus lassus ille, quantumvis illa ducens,
 hæret lateri, & quoties opus, sesforem reci-
 pit. Ex equis porro præcipuum gentis ali- *Alimen-*
 mentum est. Pane non cibantur, nisi ditio- *ta Tar-*
 res, & qui in oppidis paulò cultiori vitæ *tarorū.*
 asseverè; ubi & ovillæ aliarumq; carni-
 um usus est; creberrimus milii, hordei, ere-
 symi, quod alioquin frumentum Saraceni-
 cum, Russis Grika & Pohanka, Polonis Ta-
 tarka vocatur; ducto ab hac ipsâ gente
 nomine, quia id legumen hîc magnâ copiâ,
 penè & ultrò, labente in terram semine,
 maturo provenit. Neq; enim agrum Tar-
 tari, nisi rari, & ferè tantum per captivos
 colunt; tenuiores victum merentur nobi-
 lioribus ministrando: omnes prædâ &
 sanguine, quàm sudore victum parare ma-
 lunt: suprâ modum laboriosi, ubi in hosti-
 cum excurrunt, domi & arma & ferociam
 deponunt, ad torporem usq; desides. Ac-
 ceptissimus iis cibus veteri consuetudine
 (quanquam nunc nostris etiam lauticiis lo- *Caro*
 cus hîc esse incipit) caro equina est. Hanc *equina.*
 maluere hætenus, quàm bubulam aut ovil-
 lam. Nam vervecina hîc penitus inusitata
 est, quia castrandi modus ignoratur. Vivos
 autem equos, qui antiquis moribus vivunt,
 & imprimis pauperiores non mactant, nisi
 cum morbo aliquis aut labore elanguit.
 Huic

Huic cùm juguli venas inciderunt, sanguinem exceptum farinâ miscent, botulosq; parant, qui ipsis deindè pro cupediis sunt. Truncum in quatuor partes dissecant, quarum unam equi dominus sibi servat, reliquas vicinis aut sodalibus distribuit, vicem liberalitatis ab iisdem recepturus, ubi paritèr necessitas illis venerit jumentum suum jugulandi. Singuli quod in quadrante suo carnosum est, in offellas dividunt. (a) Quas ubi mandere volunt, equi dorso imponunt, atq; ephippium carni superinjectum cingulo quàm foitissimè adducunt. (b) Ipsi deniq; conscendunt, atq; ita dapi suæ horas tres vel quatuor inequitant. Postea dempto ephippio, palato ipsorum, quâ parte equo incubuit, satis coctam vertunt, ut pars altera calore equi paritèr maturetur. Cui porro, ne siccescat nimium, demptam equi spumam digito allinunt. Iterum mox ephippium, & sese injiciunt equo, horisq; aliquot insidentes provehuntur. Postea carnem, ut ab equi dorso fumat, magnâ cum aviditate vorant. Quod præter hæc carnis pulpa-

*Modus
equinâ
ad cibum pa-
randi.*

- (a) *Præter alios ita rem refert Beauplarinus Gallus libello novissimè edito.*
 (b) *Sed nunc istum morem exolescere accipio, transeunte paulatim barbarie præscâ in alium vitæ modum.*

pulpamenta osseum de trunco superest, si otium datur, in aquâ elixant, pauco sale addito. Cujus nonnisi permodicum usum probant, eò quod parciolem ejus copiam habent, forte & quia persuasi sunt oculorum aciem integriorem sic servari. Minime autem bullienti huic cibo spumam demunt, quia, quod in carnibus succi & saporis optimi sit, nostrâ despumandi diligentia ejici putant. Sitim vulgus aquâ ut plurimum levat. Sed nec ista ubiq; in promptu, præsertim inter mediis Provinciæ jugis, quæ ariditate squalent. Neq; puteos fodit pigra gentis barbaries. Hyeme nives liquefactas bibunt. Honestiores potum sibi ex milio cocto parant, qui spissitudine & colore lac refert, largius tamen sumptus caput forti vapore replet inebriatq;. Gratissimum verò stomachi solatium ex lacte, potissimum equino, petitur. Eo se quoq; reficiant, cum campos desertos pervolitant, in quibus nulla aut rara aquæ copia. Vino, ex lege Mahometis abstinent, aut furtim utuntur, non item liquore, qui destillatione ex siligine, omni vino potentior, elicitur. Sed is, quia aliundè & difficulter habetur, carò venit. Isto, qualem descripsi, vivendi ritu duravit gens illa insitam barbariem, efferavitq; semper adversum cultiores

Potus.

Eorum excurrendi modus. tiores populos, Quorum crebrâ depopulatione unicas sibi delicias & opes parat. Ipsa vix impetitur, quia & aquis undiq; ambientibus, & Turcarum patrociniò protègitur. Solitudinum porrò interjectu ab aliis gentibus semota est, pauper deniq; & fugax, justiq; belli ignara. Hæ res oppugnare volentibus ingratam dubiamq; faciunt certandi aleam. Alioquin in belli præmium, quod exspoliis nudissimæ gentis aliud penè nullum est, vel spes ipsa securitatis suffecerit, quâ Russicæ nunc terræ in altissimâ etiam pace frui nequeunt. Has quippè prædones isti, quoties aula Turcica vel iussit, vel permisit (nam inconsultâ illâ nullum nisi in solos Moschos bellum gerere licet Tartaris) uno sæpè anno, bis terve incursare solent. Cum verò id moliantur, primùm equos in camporum solitudinibus pascunt curatiùs. Chanus, habito cum Galgâ, aliisq; Sultanis, & primoribus Murzis consilio, imperat ordinatq; agenda. Rariùs ipse, nec nisi cùm operosius bellum instat, progreditur. Quod si verò adesce parat, viritim omnes, quotquot in Tauricâ, & circum eam habitant, accingere se jubentur. Paucis ob ætatem, atq; in tutelam patriæ copia datur manendi. Cùm autem universi ita cojerunt, centum viginti circiter

circiter millium capitum exercitus efficitur. Equorum triplo ferè major numerus est, quia singuli equites, ut antè dixi, unum atq; alterum ad subita casuum, & in levamen fessis, ducunt secum à latere. Cæterum eum alii Ductori, ex agnatis aut nobilioribus terræ, rem delegat Chanus, quadraginta plus minus hominum millia mitti solent, prædandiq; magis quam dimicandi, nisi necessitate adigantur, animo. Pauciores etiam æstate plerumq; emittuntur, ut minore strepitu copias Polonicas ex hybernis reduces, vitent. Mira verò tum eorum *Flumina* in transmittendis fluminibus, Borysthene *trajici-* inprimis, ratio est: aliquantum dispar illi, *endi mo-* quâ in trajiciendo Danubio olim usos *ius Tar-* cetas Choniates sub finem libri secundi me- *taricus,* morat. Fascibus junceis vel arundineis singuli perticas illigant, imponuntq; ephippium, vestes, arma. Ipsi nudi jubam equi apprehendunt, alterâ manu flagellum regunt. Sic juxta equum nantes trajiciunt. Fasces cum impedimentis sequuntur, quipè caudæ ejusdem equi recte alligati. Sed jam porro fasces istos eâ firmitudine compingere didicerunt, ut non modò impedimentis, sed & uni alterive homini vehendis sufficiant. Vector huic quasi penticulo vel lintri junceo insistens natantem ac fasces

E

trahen-

trahentem equum dirigit, quâ opus. Cum deinceps è terris Russicis redeunt, si quid inter prædas vel pretiosum vel imbecillum ducunt, tali modo ut plurimum transvehunt. Quaterna jumenta justæ magnitudinis detruncant, carnemq; omnem & ossa eâ solertiâ eximunt, ut cutis undiquaq; integra maneat, nisi quâ jugulus absectus est. Cuti deinde aerem sufflant, ubi ea satis intumuit, quod in cervice patet, arctè constringunt vinculis, ne aer possit erumpere. Hos truncos, utrium instar, inflatos, in quadrum ligamentis perticisq;, relictâ in medio, qualis necessaria visa est, intercapedine connectunt, & mox asseres, si adsunt, vel currus, rotis suis exutos cumq; his simul quicquid in captivo agmine delicatius est, resq; alias aquæ impatientes imponunt. Alii robustiores ad latera natant, rati tamen isti, quâ possunt, hærentes, ne flumine abripiantur. Prænant bini equi, ratemq; eo, quo ante dixi, modo, laqueis caudæ innexis trahunt, ducente singulos Tartaro, equi jubam amplexo, aliisq; etiam ex rate adgubernantibus. Ac in hunc modum Duces nostros in conflictu mox describendo capto transvexere Tartari, ut ex iis, qui simul tum, & eodè modo transiêre, accepi.

Sed

Sed majore plerumq; & numero & alacritate Tartari hieme excurrunt. Quia tùm intra villas casq; Rusforum reperiunt ea, quæ petunt, æstate aliàs per campos latè vestiganda. Hyberno præterea cœlo, rivi, flumina & paludes frigore constrictæ nullam transituris faciunt moram, nives insuper viam molliunt equis. Horum enim alioquin ungulas Tartari nullo ferro adversus glaciem aliamve humi duritiem muniunt. Rarò cornu bubulum, aut corium aliquod suppingitur. Porro cùm in campos desertos venère, declivia & avia ut plurimum consecrari consueverunt, fallendæ Cosacorum vigilantia. Quibus ubi de hostis istius adventu suboluit, factò pasim tumultu, conclamare ad arma, agrestibus verò in oppida & arces conturrere usitatum est. Sed Provinciæ, quas Tartari petunt, latè admodum patent, latis ferè ubiq; segetibus, pascuis, apiariis, quæ hîc frequentissima, numero deniq; colentium opimæ: cæterum nullis penè saltuum paludumve objicibus morantes transitum. Raroq; ita sedulò incolarum vel præsidiorum excubat industria, quin identidem eam latronum istorum celeritas præveniat aut declinet. Et habent illi varios tramites, per quos se in aperta camporum atq; in ipsa etiam ter-

*Prædan-
di modg.*

ræ penetralia infundunt. Ubi autem, quo-
ire destinaverunt, perventum, nec progre-
di ulterius visum est, retrò jam flexo agmi-
ne, prædari demùm incipiunt. Itaq; tertia
pars exercitus in diversa dimittitur. Reli-
qui cum prætoriam cohortem, (quam vulgò
Kosz appellant) paulatim, & ex composito
dimensis itineribus recedunt; quò alteri,
qui prædationis causâ undiquaq; per vici-
niam vagantur, scire semper possint, quò
confugere, si opus sit, prædasq; referre de-
beant. Hi cum redierunt onusti, mox alii
mittuntur, qui prioribus intacta perscru-
tentur, multifariam iterùm, tamen sat or-
dinatis compositisq; in illâ etiam confusio-
ne turmis, dispersiti. Ita vis ingens conve-
ctatur prædæ. Neq; greges tantùm atq; ar-
menta, sed viri, fæminæ, pueri, puellæ im-
menso numero aguntur, ita ut ad multa
millia, sæpe & ultra quinquaginta proce-
dat captivorum agmen. Casis agrestium
expilatis ignis plerumq; injicitur. Ita ex-
tremam ubiq; solitudinem vastitatemq;
harpjæ istæ faciunt. Nec ante populari
desinunt, quàm materies prædandi, oppida
& pagi deficiant. Cùm in deserta atq; avia
camporum reventum est, respirant pri-
mùm, & lustratis compositisq; copiarum
suarum ordinibus, dividunt spolia & capti-

VOS.

vos. Quorum decima pars Chano, aut si is absit, procuratoribus ipsius datur à singulis. Cæterum hîc, qui nexu sanguinis aut contubernio notitiæve inter se devincti, fortè & simul capti, hætenùsq; juncti iverant, in diversa jam trahuntur, magno calamitatis augmento, cujus quaecunq; solatium erat, inter truces istos notam amicamve faciem videre. Jam maritus ab uxore, à liberis Parentes divelluntur, singuli seorsim ad fædis-
simæ servitutis ministeria, pleriq; etiam ad infanda Turcarum ergastula ac trîremes, nisi redimantur, ducendi. Non lubet refer-
re, quàm indigna sæpe hîc patiantur capti-
vi, fæminæ inprimis, inter homines soluta
admodum libidinis, quiq; partem felicitatis in hac Veneris licentiâ ex lege Mahometis & infitâ salacitate locant. Uxores domi
habent, quot omninò alere possunt: neq;
ullis sanguinis, limitibus circumscribuntur
eorum matrimonia. Ex captivis porrò fæ-
minis, quot & quales libet, adsciscunt. At-
tamen nec masculorum amore abstinēt.
Cæterum captivis omnibus, quos penes se
habent, potestatem se redimendi facere so-
lent. At pretium immane initio exigunt,
præsertim si quem loco aut opibus præsta-
re intelligunt vel suspicantur. Et confes-
sionem fortunæ, tum pretii auctionem, la-

*Libidi-
nes Tar-
tarorū.*

borum intensione, sæpè & flagris extorquent. Unde multi, quò humanius habeantur, supra sortem suam se æstimant. Eò major postea in redimendo difficultas. Interveniunt plerumq; Armeni, in lytro ex Poloniâ accelerando, operam, non miseratione, sed lucrandi cupidine, adnavantes.

Cosaco- Revertentibus autem ita cum prædâ Tartarum cū ris insidiari subinde, ut superius dixi, con-
Tartaris svere Casaci, quippe & ipsi celeres & locustæ.
 corum gnari, tum scloporum usu plerumq; iis formidabiles, ipsi intra carragines, quas subito, quoties opus, struunt, adversus sagittas Tartarorum tuti. Et hi prædæ suæ timentes implicitive ægrè revocantur ad pugnam. Cedunt potissù, & relicta quandoq; spoliolum parte aviditatem sequentium morantur aut placant. Quicquid sit, olim non exile his terris munimentum adversus prædatorem populum Cosaci fuerunt, postea eorundem socii, calamitates Poloniæ, quas avertere aut minuere consueverant, intendere atq; augere capere. His

Cosaci verò demùm temporibus à Chmielnicio & cū Tar- Tohaibego confederationis, ante hac in-
tartaris se solitæ, facta sunt initia: improvisa nostris,
jungunt. quia antiqua, & velut in naturam versa eorum inter se hostilitas omnem necessitudinem videbatur excludere. Verùm insitanti

tali

tali hominum generi levitas, si non extin-
 guit penitus, refrigerat tamen facile odia,
 ubi ea utrinq; evidentiore lucro, in vici-
 num effundi possunt. Quoq; hic potentior
 esse videtur, eò altius illi gratiam inter se,
 & velut adversus communem hostem soli-
 dant nexum. Facile porro hæc, ut ex lon-
 giore digressu ad rem superius captam re-
 deam, in illis camporum solitudinibus *Id nesci-*
 transigi ita potuere, ut nostris Ducibus *unt no-*
 nonnisi serò innotescerent. Ignari itaq; *stri Du-*
 nefariæ societatis, primo vere copias, quas *ces.*
 à quartâ redituum ex præfecturis Regiis
 parte, in stipendium earum sepositâ, Quar- *Quarci-*
 tizianas vocant, contrahunt, advocatis si- *ani mili-*
 mul sex Cosacorum legionibus, quæ mili- *tes unde.*
 tiæ Polonorum post ultimam transactio-
 nem, dicto sacramento innexæ, ordinarium
 stipendium, sub Tribunis suis, Ducibus Po-
 lonis, merebantur. Accesferant insuper *Illi mo-*
 (quanquam solito pauciores) extraordi- *vent co-*
 nariæ turmæ ac cohortes Procerum illo- *pias in*
 rum, qui solito in Patriam & gloriam mi- *Chmiel-*
 litarem studio, necessariis Reipubl. tempo- *nicium.*
 ribus, auxilia ejusmodi solent submittere.
 Atq; ita cojerat in unum septem circiter
 millium exercitus expertus militiæ, & nu-
 mero quidem modicus, animo tamen suo,
 sed & aliorum judicio Cosacis facile suffe-
 cturus,

Eturus, si rectè & ordine rem procedere factum voluisset. Sed id castigandæ Poloniæ jam imminens, omnia secùs vertit. Proce-
debat in campum exercitus, parùm notis,
ut dixi, adhuc hostis viribus, & cum de no-
vo tantoq; Tartarorû subsidio nihil quic-

Duces quam nostrorum ulli suboluisset. Partiri
partium- porrò eum exercitum visum est, quò faci-
tur co- lius per illas solitudines, pabulum equis vi-
pias. risq; sufficeret. Ac properantibus in occur-
Potocius sum hostis, præeundi honor filio summi
Junior Ducis, Stephano Potocio, contigit, futuro
partem hic suis, si pugnandum esset, non vulgari
ducit co- virtutis stimulo, necnon fidei, si transigere
plarum rebelles mallent, autoramento. Cui Hya-
comuite cynthus Schembergius, Arbiter tunc seu
Et Reſto- Commissarius Cosacorû, Stephanus Czar-
re Schē- necius, qui postea summis in Patriam meri-
bergio tis toto orbe inclaruit, Joannes Sapieha,
aliiq; ad omnia magna natus, aliiq; multi manu
et 1839 animoq; impigri, adjungebantur. Erat
et 1819 mille quingentorum circiter hominum
et 1810 manus, cui quater mille Cosaci ex ordina-
et 1811 riis Cosacorum legionibus additi, & partim
itinere terrestri, partim flumine, separatim
ire in rebelles jussi sunt. Horum tamen o-
mnium, antequam loco moverent, fidem,
repetito jurejurando, firmare visum est.
Quamquam qui iis præerant, Tribuni, com-
pertæ

pertæ alioquin & ut mox apparebit, ad extremum usq; immotæ in Rempubl. fidei, nihil de animis suorum dubitandum asseverarent: omnisq; illa turba Chmielnicum viisum brevi adducere fidenter pollicerentur. Ac qui flumini se commiserant, Cosaci ordinarii, feliciter in Insulas Zaporovianas delati, has, à Chmielnicio desertas, & vix quinquaginta hominibus infestas, reperère. Quorum aliquos interemptos, cæteros unà cum Insulis facile expugnarunt. Feroces mox illos succésus, & fortè ipsæ hæ, quas intraverant, jam olim nempe licentiæ dicatæ sedes reddiderunt. Cumq; adeò insuper de viribus Chmielnicii, quem tantâ Tartarorum ope subnixum, antè ignorassent, rectius edocti, cæteris, qui cum Schembergio sequerentur, & pro in omni huic exercitui malè timerent, ire, quâ fortuna invitabat, quàm quâ fides duceret, maluère. Et mox festinato, ut inter tales solet, consilio, eos omnes quos in perfidiam non consensuros sciebant, in primis Tribunos, interficiunt. Indè propere Chmielnicum assecuti, & ab eo in societatem facile adsciti, reliquos, qui sub Schembergio, aliquot diebus, fide integrâ, in Chmielnicum & Tartaros pugnaverant, ad desertionem partis, tanquam nu-

mero longè imparis, & haud dubiè succu-
bituræ, sollicitant. Qui sociorum tum sti-
mulationibus, tum exemplo, fortè & peri-
culo, quod imminere sibi sentiebant, evi-
cti, ubi defectionem orsa esset Draganorum
manus, quæ Polonicis copiis intermixta
ibat, Germana habitu, natione Ruthena,
& ejusdem cum Cosacis fidei, clamore in-
fædisimi ausûs signum sublato, uno omnes
Potocius impetu ad hostem transiére. Imminutus
junior tantâ sui parte præcursor iste exercitus, &
cum suis mox ab hoste, accessionibus istis tantò jam
laborat, animosiore, circumfusus, nihil quidem per
dies sex adhuc pugnando, virtutis omisit;
tandem tamen pactione insidiosâ, circu-
mventus est; cum hostis liberum omnibus
ad castra Ducum regressum polliceretur, si
machinas bellicas ipsi tradidissent. Quod
ubi, quanquam multum reclamante Schem-
bergio, factum, patuit illicò dolus, cum
nullâ habitâ juris gentium ratione, nuncii
seu legati pactionis, Stephanus Czarnecius
& Brzuchanius, ab hoste retenti sunt. Cæ-
teri jam ad quadringentos circiter redacti,
& elusos se conspicati, durante tamen in-
extrema omnia animo, reditum ad Duces
moliebantur. Jamq; instructâ carragine,
strenuè pugnantes, tria milliaria cundo
confecerant. Cum tandem Ducibus desti-
tuti

tuti (quippè Schembergius ductor istarum copiarum, & Potocius, vulneribus invalidi erant, Sapia calore pugnandi à suis longius provectus, in manus hostium devenerat) deniq; etiam pugnando fatigati, potestatem sui amisere. Ita quotquot pugnae superstites essent, capti & à Tartaris, permixti Chmielnicii in Tauricam abducti; ipse Potocius filius summi Ducis, quod aeger admodum esset, relictus est in campis desertis, & ejus habendae curae additus Czarnecius. Ille triduo post, ex vulnere, cui gangraena tandem accesserat, expiravit. Hic apud Cosacos detentus, tandem post transactionem Zborovianam, ad suos magno Patriae suae bono rediit. Ingens, in primo hoc impetu infelicitè effuso, vulnus accepit Polonia; amisso, in praecursore hoc exercitu, flore militum; tum dato atrocissimo perfidiae Russis aliis exemplo, & ulterioris metu Polonis. Insecutus interim erat, sed lentioribus itineribus, Potocius senior cum Campiductore Calinovio Palatino Czernichovia, quinque plus minus militum ducens, & jam quindecim circiter milliaribus à funesto illo loco aberat, successu nuncios à Commissario & filio, quos praemisera, opperiens. Quos cum diu nullos acciperet, sinistra inde animo praecipiens,

*Prima
Polono-
rum cla-
des ad
flavas
Aguas.*

*Potocius
Dux se-
quitur
cum al-
tera pa-
te exer-
citus.*

cipiens, Cercasium rediit, ubi biduo con-
 sumpto, cum tandem XI. Maji à Christo-
 phoro Grodzicio Codacani præsidii præfe-
 cto literas tantæ cladis indices accipit. Ad
 arcem quippe illam, duo ex infelice pugna
 gregarii profugerant, qui quæ viderant,
 retulêre. Grodzicius sine morâ de clade,
 & juxta periculo, quod sibi, & Codaco ipsi,
 milite rebusq; necessariis adversus vim
 tantam non satis instructio immineret, mo-
 nendum arbitratus Ducem, suum simul de
 arce illâ nonnisi cum ultimo sanguine di-
 mittendâ propositum denunciat. Potocius
 confestim ut literas legerat, easdem ad ma-
 gnum Regni Cancellarium Olsolinum ce-
 lerrimè transmittis, orans simul, ut Rex ap-
 properatis subsidiiis, commotôq; omni Or-
 dine Equestri, exercitui suo ad tantam ho-
 stium multitudinem diu sustinendam im-
 pari opituletur. Mox de fato suorum ali-
 unde etiam confirmatus, properantiùs re-
 trocedendum duxit. Motis itaq; castris
 Corfunum oppidum à Stephano Rege ad
 Rosam amnem conditum transit: sic por-
 rò, quantum fieri posset, celeriter perrectu-
 rus. Sed paulò post à Gedeszynio, quem
 exploratum miserat, monetur, Tartaros ad
 sextum inde milliare Tasminum flumen,
 trajicere. Itaq; figere ac munire castra jubet.

Eodem

*Potocius
 retroce-
 dit.*

Eodem die oppidum, ne hosti relictum vires ejus augetet, prædæ militum datum, postridie verò idem, cum Cosaci Tartariq; appropinquarent, quidam & intra jam essent, succensâ jussu Ducis unâ domo, & inde mox in cæteras grassante flammâ, in cineres totum confedit, solâ arce, & fano uno, quod longius paulò abessent, relictis. Stabat noster quinque, circiter millium exercitus, intra castra, supra solenne carraginis sepimentum, festinatis quinque, terreis munitionibus utcunq; firmata. Frontem eorum Henricus Dönhofius vetus militiæ tribunus, quinque, Draganorum vexillis & quatuor machinis tutabatur. Totidem machinis alteram munitionem Vice-Tribuni Corydonis, Stephani Czarnecii & Andreæ Goniepcollscii vexilla tria numero; Tertiam defultorii equites Bieganovii, sed sine machinis (nec enim Dux summus nisi octo machinas adduxerat) quartam pedites & Dragoni Sceniavii: quintam pedites & defultorii equites Dominici Zaslaviz & Ostrogiz Ducis, Palatini tum Sendomiriensis, postea Cracoviensis, defendebant. Primi oppidanum pontem Tartari trajecerant, & turmatim circumfundeabantur castris. In *Poloni se* quos Dönhofius explosâ machinâ detonuit, *defen-* cadentibus ex hoste nonnullis atq; inter eos *dunt.* primi-

primipilarii, quem suorum proximi, equo
 impositum abstulêre. Cosaci cautiùs suc-
 cedebant, atq; eminùs, aut sub collium pro-
 tectu, Castrorum positum accessusq; specu-
 labantur. A Tartaris interim & vicissim
 Polonis magis magisq; præludebatur præ-
 hio, connitentibus utrinq; qui castris exul-
 taverant, captivo aliquo potiri, qui suorum
 numerum animosq; enunciaret. Frustrati
 spe suâ tum Tartari: Poloni Tartaros de-
 cem, & Cosacorum plures, eo die ad Poto-
 cium adduxêre, qui torminibus subacti, re-
 tulêre, *Tartarorum quadraginta, septem
 millia Cosacorum primùm adfuisse; sed qui-
 bus eo ipso die plusquam decem millia agre-
 stium, variè armatorum, accesserint; Cha-
 num deniq; Tartarorum, in campis desertis
 jam stare, bello paritèr accinctum.* Homi-
 nes isti, cùm sibi, seu vera, seu falsa nunciâs-
 sent, extrema instare scirent, ut Cosacis suis
 morituri etiam prodesent, vires hostium
 ultra verum extulerant, ut postea deprehen-
 sum est. Sed fidem tamen tùm invenêre.
 Nam Tartatorum celeritatem & ingentem
 Polonam animos non nescientibus, porro
 autem de plebis, undiq; ad arma concla-
 mantis concursu, aliundè admonitis, nihil
 dicere visi sunt, quod verum excederet. Ver-
 sis tùm in periculi aleam, animis omnium,
 Campi-

Campidiductor svadere cepit, prælio uti *Duces* res committeretur, *augescere morâ pericu- delibe-* lum, *inquiens, & pugnantibus spem superesse rant an* victoria, paulò post nonnisi compedum mor- *prælio-* tispe, nec forsân satis gloriosa, copiam fu- *res com-* turam. Non placuit supremo Duci consili- *mitten-* um, quo uni ictui universæ Reipubl. securi- *da.* tas videbatur subjici. Et Lunæ diem obten- debat, quem tot experimentis sibi infelicem cognovisset. Interim ex singulis vexillis, binos seligi permisit, qui rectore Balabano in præcursores Cosacorum & Tartarorum ducerentur. Sed hos explosâ una Dönhoffi machina ita disjecerat, ut nihil opus esset quenquam in eos ducere. Cæterum uti prælii aleam tentare haud consultum videbatur Duci, ita nec decorum credebatur, loco cedere; aliis contra acriter instantibus, ne teneretur ibi exercitus, ubi, hoste indies incrementa sumpturo, sibi nec auxilii spes ulla, & defecturis mox jumento militiq; alimentis, certum exitium expectandum sit. Concessit tandem in horum sententiam. Potocius, adeoq; stetit consilium, currum gravioribus relictis, cæteris in carraginem connexis, agmine lento, & ad pugnam parato, cedere retrò: datumq; mox negotium Bieganovio metatori castrorum, viro in rebus agendis notæ dexteritatis, carraginem ut in-

*Duces
retrò
movent.*

ut instrueret. Quod ubi factum, iussi singuli militum equis descendere, & his intra carraginem conclusis, pedites locum quisque suum, in carraginis ambitu, propugnare. *Sed infelicititer.* Occupaverat hostis iter, nihilominus in eum, mascule obversa fronte curulis hæc acies ibat, & sclopetorum ictibus obistere ausos, submoverebat. Facto sic sesquimillari, ad betuletum, quod sensim, mixtis aliis arboribus, in sylvæ altitudinem asurgebat, deventum est, locum nefandum, & veras Polonorum Cannas. Impeditum, & curuli aciei propè ineluctabile iter, dumetorum angustia faciebat, inque solo uliginoso & ad gradum instabili, hærebant currus, multiq; evertébantur. Quibus inhiantes Tartari & Cosaci, cum nostrorum tormentis & sclopetis subinde propulsarentur, nihilominus luctantem Polonorum aciem, in penitiora sylvæ comitati, infestabant undique. Alii prægressi, viam fossis transversim ductis & concadibus intercludebant. Cum ita quatuor ferè horis conflictati Poloni (nam qui ex Ruthenis aciei Polonæ intermixti, plus minus mille octingenti, ad hæc devia ductores fuerant Polonis, in primo luci betulacei ingressu ad hostem profugerant) strenuè se sustentassent, tandem circa meridiem, stratis cadavere multo viis, tum intercepta

ceptâ vepretis, viq; etiam hostili perruptâ carragine multitudini violentiæq; urgentium jam impares, in potestatem hostis devenêre. Multos etiam tûm, quanquam re- *Duces*
 sistere jam impotes, crudelitas gladii hosti- *capiun-*
 lis hausit, plures, & in his ipsum belli Du- *tur &*
 cem Potocium, & Campiductorem Calino- *multi*
 vium, duplici vulnere saucium, Odrzyvol- *alii.*
 scium Castellânû Czernichoviensem, eun-
 demq; Præfektum Vinnicensem, insignem
 militiâ virum; Sieniaviû, juvenem opibus
 & avitâ belli gloriâ præsignem, Cazanoviû,
 Balabanû, Henricum Dönhofium, Biegano-
 noviû, multis decorib9 claros Ductores, Co-
 moroviû, Corydonem Gallum, qui tamê ex
 tribus vulneribus triduo post expiravit,
 Flikum, Lacrostadium, Centuriones, aliosq;
 strenuos bello viros strinxêre vinctulis, & in
 Tauricam deniq; abduxêre. Paucissimos,
 atq; inter hos Koricium, Gdesynium, etsi
 jam vulnere tardum, Cosiakovium item,
 notissimos rebus gestis Ductores, hoste in-
 ter currus & spolia occupato, cladi huic, &
 mox agrestium, passim in victos desævien-
 tium insidiis, felicior fortuna & virtus sub-
 duxit. Koricius inprimis nonaginta cir-
 citer militibus comitatus, per multas ad
 Chmielnicium tendentium Rusforum cæ-
 des, Kioviâ primû, & inde rursûs per

F

summa

summa discrimina, ad suos evasit. Sed & Sieniavius à Tohaibego, clam Chano, qui jam prædæ recipiendæ causâ appropinquabat, spondentibus pro lytro, viginti milium aureorum, Potocio & Calinovio, à vinculis citò atq; intra ipsum locum penè cladis, liberatus, cum suis aliquot domum incolumis rediit. Ad eum modum duplici intra dies decem clade, protector finium exercitus, & primum velut robur Poloniæ, à barbaro hoste proculcatum est. A Tartaris verò passim impunè omnia pervagantibus, super antè memoratos, ingens hominum vis abducta mox fuit, adeò ut sint, qui captivorum numerum supra septuaginta milia processisse narrent. Cæterùm cum ingens esset vulnus, quod ista clades Regno inflixit: eodem tempore alterum ex intempestivâ Vladislai Regis morte accesit. Qui sub prima tumultuum istorum initia in Lithvaniam disceserat, recens tùm filio unico Sigismundo Casimiro septenni, sed magnæ indolis Principe orbatus. Unde tristes curas loci & negotiorum mutatione, simul & fessum ex ægritudine, quam non multò ante è Prussia redux, Varsoviæ sat gravem expertus erat, reficere corpus quærebat. Quò eum Regina Maria Ludovica Niverno-Mantuana princeps, nec non frater Joannes Casimirus deduxerant. Sed hic

*Tartari
pluri-
mos ho-
mines
abdu-
cunt.*

*Vladis-
lai Regis
extre-
ma.*

inde iter per Poloniam remensus, in Austriam paulò post contendit. Dùm Vilnæ esset Rex, inter prima negotiorum, prælustrium duorum Lithvaniæ Procerum, Janusii Radzivillii Ducis & Leonis Casimiri Sapiehæ Vice-Gancellarii, reconciliationem habuit. Quos tamen odium inveteratum, frontibus magis, quàm animis posuisse, eventus postea ostendit, cum iidem, mortuo mox conciliatore, in diversa omnia & adversa mutuò ivère. Paulò post ex Poloniâ nuncii, de primis Chmielnicii captis rebellibus, & serpente indies latius seditione, metu deniq; advocatæ in scele-rum societatem patrociniumq; potentia Tartaricæ, Regi afferuntur. Visum itaq; est, in Poloniam regredi, ubi faciliùs iniri consilium, propiusq; ostentatâ Majestate Regiâ retundi nefaria molimina possent. Sed ubi Merecium, Lithvaniæ oppidum, Reginâ comite, pervenisset Rex, subito doloribus calculi & febris deprehensus, dies aliquot inter morbi incrementa consumpsit, magis medicamentis, quàm Medicis, ægrum destituentibus. Cum langvescere se videret, testes ultimæ voluntatis suæ tabulas, Sapiehæ Vice-Cancellario, quem fidi-simum sibi & Domui Regiæ expertus semper erat, signandas dedit, curamq; exe-

84 HISTORIAE POLONIAE PLENIORIS

*Vladis-
lai vita
& virtu-
tes.*

quendi commendavit. Inde magis magisque
vocantium fatorum vim sentiens, à Grego-
rio Schönhofio S. I. ad extrema præpara-
tus, nec multo post, vigesimo die Maji, an-
no ætatis suæ LV placidè, & integris animi
viribus, exspiravit. Princeps sanè inter for-
tissimos & felicissimos seculi numerandus.
Quem mater Polonia in sinu minimè deli-
cato, quippè inter bella ferè perpetua edu-
xerat. Prima rudimenta quindecennis ado-
lescens sub ductu Zolkievii, fortissimi im-
peratoris, deposuit in Moscoviâ. Et hæc
post Demetriani belli tempestatem mirè
ductuans, cum jam sibi in Principem Anno
1610. delegerat, postea cunctatione Patris
Sigismundi, internisq; discordiis, aliò a-
versa. Chotimensi dein expeditioni, vo-
lente Patre, auspicia sua præsens commo-
davit, tam felicia, ut Turcarum Imperator
Osmanes, collectis totius Orientis viribus
Poloniæ imminens, satis tum habuerit se-
curam à Polonis pacem retulisse. Quieto
posthac Regno, ad exteròs versus, peragra-
tâ utrâq; Germaniâ, Romam & in eâ sum-
mum Pontificem salutavit. Post Patrem
deniq; Sigismundum mortuum Anno 1632.
concordibus suffragiis omnium, Rex cre-
atus, cum sceptro simul mox arma capessit.
Smolenscum enim tum Moschus ingente
exercitu

exercitu circumfederat. Quod brevi tempore ita Vladislaus liberavis, ut ipsum deniq; obsesorem exercitum obsideret, & ad deditionem summâ suâ & Reipubl. gloriâ cogeret. Inde in Podoliam cum victore *Turcica* exercitu transgressus, Abasibaslam, quem *expeditio* ingente Turcarû & Tartarorum vi incumbentem Polonis, Coniecpolscius magnus militiæ dux fortiter hætenus sustinuerat, ipso adventu suo territum, & pacta promptè amplexum, ad sua repulit. Hinc eundem in Prusiam exspirantes induciæ, quas cum Svecis in sex annos pepigerat pater, revocârunt. Cujus terræ cum magnam partem celeritate & vi armorum præreptam aliquot annis tenuisset hostis, eam tum bellis Germanicis distentus, sed inprimis Vladislai felicitatem veneratus, productis in annos 26. induciis restituit. Ex eo tempore hostis magis, quàm belli amor Vladislao defuit, Tartaris, quos paupertas sua & pernicietatis fiducia, in Rusiæ viscera identidem antehac impulerat, ita auspiciis Regis, Coniecpolscii verò, Potocii, Chmelecii, aliorumq; Magnatum Virtute refrænatis; ut nec crebrò, nec nisi extrema Regni, & trepidè admodum, plerumq; etiam non impunè attentarent. Nec Cosacorum, quam aliquandò fræna mordentium conatus aut

*Vladis-
lao ho-
stes de-
sunt.*

Cosaci tus aut progressus tanti fuere, quin iis com-
sub Vla- primendis Regis etiam absentis fortuna,
dislao Coniecpolscii dirigentis autoritas, & de-
quieti niq; executrix Potocii manus abunde fuffe-
ant do- cerit; posito tum quoq;, ex consilio in pri-
miti, mis Coniecpolscii ad ripam Borysthenis ca-
 stro Codacensi, tam Cosacorum quàm Tar-
 tarorum molitionibus observandis com-
 pescendisq; per opportuno. Sub hoc itaq;
 Rege, si unquam, pace beatissimâ & ad lu-
 xuriam propè floruit Polonia, nonnisi sa-
 cris dissidiis sibi interdum molesta. Qui-
Pax re- bus & ipsis tamen ille, ponere obicem labo-
ligiosa, ravit. Atq; eo fine amicabile Colloquium
 Thorunii instituit, cui Regiâ autoritate,
 primùm Dux Georgius Ofsolinus Regni
 Cancellarius, post eum verò Joannes Co-
 mes de Leszno Castellanus tum Gnesnensis
 postea Palatinus Posnanix & tandem ad
 majus Regni Sigillum evedtus, præfuit.
 Partium dissenientium moderatores con-
 stituti: Georgius Tiskievicius Episcopus
 Samogitiæ, Sbigneus Goraiscius, Castella-
 nus tum Chelmenfis, postea Kioviensis:
 Sigismundus Guldensternius L. Baro Præ-
 fectus Stumenfis & Aulae Regiæ intimus
 familiaris postea Castellanus Gedanensis.
 Foris bella Vladislaus adcò nunquam re-
 cusavit, ut postremò etiam fere quæsierit:
 domi

domi semper pacificus, benignus, fronte animoq; in amœnitates omnimodas, beneficiis in prodigentiam propè effusus. Sed hæc obiter libereq; de vitâ & moribus Vladislai inferere, morte ejus admoniti sumus.

— — — — —

LIBER II.

COsaci victoriâ tam memorabili, Ductore Chmielnicio, adjutantibus Tartaris, potiti; divisis inter se spoliis ad Album Fanum (vulgò Bialocerkujam appellant) confederunt; affluente indies illuc undiq; plebe, & militiam Chmielnicii aut saltē patrocinium quærente. Ut adeò intra paucos dies ad septuaginta millia hominum excreverit iste exercitus, trepidante interim, ac quâ quisq; poterat, diffugiente tum Nobilitate; tum Oppidanorum iis; qui ob diversa seu sacra seu Studia Cosacis fidere non possent. Ac justissimo quidem metu Polonia omnis persvaserat sibi, progressurum tùm statim hostem, & augescere in immensum multitudine universas Regni Provincias, nemine resistere auso, inundaturum. Sed non fuit ea Chmielnicio mens, aut si fuit, fatis

*Chmielnicii vi-
toris e-
xercitus
crescit.*

Ille sistit ad gubernantibus, mutata est. Quamdiu
cursum quidem mortem Regiam ignoravit, vene-
victoria. ratione Principis, cujus virtutem, autori-
tatem, felicitatemq; non nesciebat, substi-

Et scri- tit. Quin imò misit ad eum deprecatori-
bit ad bus ac literis turbarum istarum calamita-
Regem. tumq; occasiones, gravissimas nempe Præse-

ctorum injurias, Judeorumq; depeculationes
late exsequitur, simul veniam orat eorum,
qua in necessariâ sui defensione, commissa
sint. Tartaros remisurum se, & porro in
obsequio Regis mansurum pollicens, dum
date jam olim à Regibus libertatis usus sibi &
Cosacis permittatur firmeturvè. Postea si-

Chmiel- mul cum obitu Regii nuncio accepit lite-
necium, ras Adami Kisieli, Palatini tum Braclavien-

Kisielus sis viri autoritate validi, ob sacra etiam
mitiga- communia apud Cosacos gratiosi. In iis

re studet Palatinus ad Chmielnicium scribens. Nihil
efficace se, ait, de bono ipsius erga Rempubl. affectu

epistolâ. dubium, ut pariter is prosperam apud alios
Senatores ac Cives existimationem ac fa-

mam experiatur, efficere conari. Militem
Zaporobianum semper quidem libertatis &

gloriæ avidum, obsequium tamen Regum
suorum nunquam exuisse. Et gentem ipsam

Ruthenam fidei suæ adeò tenacem esse, ut
mortem potius decoram, quàm vitam per-

fidiâ deformem probet. Patriam deniq;
quam-

quamvis nunc discordibus & sanguine mutuo pollutis eandem esse, in quâ sua cuiq; jura, sua libertas, aut asserenda saltem libertatis ratio non desit; patente inter ceteros & prater ceteros viris militaribus in liberâ Republ. pro se loquendi tantâ potestate, quanta in nullo Regnorum alio. Hac reputantem Chmielnicium non posse Reipubl. Polonicae inimicum esse; indeq; adeo sibi, utile ad ipsum, ut amicum, per Monachum hominem sacris & ætate venerabilem, scribendi natum impetum, quo sic simul suam erga exercitum Zaporobianum benevolentiam velit testatam. Non ignarum Chmielnicium, & quotquot cum ipso militant. se solum Senatorem religionis Ruthenicae, templorumq; & jurium ejus Patronum, in eâ curâ consensuisse & porro mori velle. Post Cumeicense bellum intactas sibi sanguine Rusfico manus; & si quid durius in ipsos consultum sit, se invito & repugnante factum. Merito itaq; suo postulare se, ut fidem sibi habeant, cujus negandæ nullam obtendere possint causam. Qua facta sint, infecta fieri non posse. Bella, atq; hinc ortam famem, pestilitatem mala esse, divinitus immitti solita. Ea singula perdendis Provinciis idonea, Reipubl. jam incumbere aut instare universa. Eadem porro amplius lacescere, provocare, aut in ex-

tium patriæ asperare velle, indignum & nefas. Satiùs enimverò ultricem Numinis manum precibus, suam penitentiâ inhibere, mitigandisq; potiùs, quàm diducendis, vulneribus applicare. Certum sibi, quæcunq; acciderint tristitia, præter voluntatem defuncti Regis accidisse. Potocio etiam ipsi, quem infelix expeditio in captivitatem jam deduxerit, diu componendi magis tumultûs, quàm armis persequendi placuisse consilia. Scire se deniq; ex Zdanievio affine Chmielnicii, nec ipsum quidem cùm in insulas Zaporobianas secederet, quicquam adversi in Regem aut Rempubl. molitum, in hostilitates nonnisi post suum ex illis abitum deventum: quibus stimulis, quâ culpâ, nec motum Sabella dotis, nec promptum sibi dicere. Cæterùm seu mestica. victor ab hoste seu victus abieris, non uno certamine vel victoriam pertegendam, vel sarcindam cladem. Inter domesticos ubi certatur, etiam victori gloriosius gladium cohibuisse, quàm strinxisse aut ostentâsse ultrâ. Id circò & Chmielnicio se autorem esse, ne Dei Majestatem, nec Reipubl. quietem lacerat amplius. Quin relegatis ad sua Tartaris, & retracto ad suetas Cosacis sedes exercitu, inde per Delegatos vera tumultûs istius primordia injuriasq; , quâ exercitûs, quâ suas sed simul mox fidem, in posterum Reipubl.

publ. haud defuturam exponeret. Seipsum addit (idq; sanctitatem Ecclesiae suae, cujus uterq; ipsorum filius sit, & antiqua gentis sanguinisq; Rutheni sacra & decora obtinens) Causae ipsorum quicquid operâ & auctoritate possit, semper promptissimè commodaturum. Talem sibi in Republ. locum esse, ut se inscio, nec belli nec pacis consilia haberi aut rata esse queant; eum porro animum, qui non bello ejusmodi interno fomenta, sed malorum, quibus ingemiscat, remedia terrae & Religioni patriae apta, aequamq; inprimis pacem asferre optet. An enim non melius vires, in mutua mala jam conversas, in communem potius Christiana gentis & religionis hostem impendi? annon vel ab illo saltem modum internis calamitatibus mendendi discendum? Non semel scilicet istas gentes, Tartaricas inprimis, mutuis discordiis inter se commissas ad arma provolare: facile tamen, ubi primae detumuerint ira, & sine arbitris externis, in concordiam redire. Ipsos igitur Barbaros facescere jubeant, ceterum eorum in ponendis disensionibus exemplum servent & sequantur. Qui literas portabat Monaehus, agrè manûs Tartaricas eluctatus, in exercitu etiam Chmielnici turbida omnia reperit. Tandem tamen convocatâ ad consilium bellicum turbâ, numerosâ

*Cbmiel-
nicius
paret
Kisielo.*

numerosâ admodum, eòq; ad audiendum
agrè compositâ, literæ lectæ sunt, & primus
Chmielnicius Palatini consilium approba-
vit. Cui assensus, sine morâ, cæteris, con-
stitutum, positâ omni hostilitate responsum
ab aulâ præstolari; Tartaros in campestria
dimissos extra noxam Provinciâ, in casum
tamen promptos habere, ipsum verò Pala-
tinum ad se invitare. Et in eam sententiam
missum Palatino responsum, additâ dete-
statione *malorum, quæ ipsis nolentibus &
deprecantibus orsa, in nocentes juxta & inno-
xios reciderint.* Eodem tempore, quo Mo-
nachum ad Cosacos, alium tabellarium
Varsaviâ expedierat Palatinus, quæ Chmiel-
nicio scripsisset, nuncios; simul consi-
lia addens, de quærendis honestæ compo-
sitionis modis, & antequam ad eam acce-
datur, mittendis properè subsidiis; milite
inprimis Prætoriano, quem præsentis ani-
mi consiliq; viro committere svadebat.

*Kiseli
consilia
de Duci-
bus eli-
gendis.* Summam verò belli auctoritatem Palati-
nus Cracoviensis dandam censebat Duci
Zaslaviæ & Ostrogiæ Dominico, qui pri-
mario inter Senatores loco (erat enim tum
Palatinus Sendomiriæ) & ordinariâ suâ
aliquot millium hominum potentiâ, opi-
busq; suis præ aliis eam dignitatem sustine-
re posse videretur. Cæterum grato animo
omnia

omnia hæc accepta sunt à Collegio Sena- *Senatus*
 torum, qui primo Senatore & quasi inter- *Regni*
 rege Matthiâ Lubienſcio Archiepiſcopo *negotia*
 Gneſnenſi, Regni Primate, viro ætate, pru- *admini-*
 dentiâ, & probitate venerabili, negotia- *ſtrat*
 Reipubl. curabant. Sed magis etiam po- *præſide*
 ſtæa animos omnium crexere aliâ literâ, *Archie-*
 quibus Monachi ad Coſacos adventus, & *pifcopo.*
 flexa horum ad arma ſiſtenda inclinatio
 memorabatur. Et actæ Palatino pro iſto
 in Rempubl. ſtudio ingentes gratiæ, ſimul
 & miles prætorian9, ducente Oſlinſcio Tri-
 buno, deinceps verò Caroli Principis Polo-
 niæ, Epifcopi Uratiſlavienſis & Plocenſis
 deſultorii equites quingenti in Ruſſiam ire
 juſſi ſunt. Scriptæ item ad varios literæ,
 de conſenſu quidem Senatûs cæteri, ſed
 impulſu maximè nutuq; Ducis Georgii Oſ-
 ſolinſcii Cancellarii : qui vir oris inge- *Conſillo*
 niq; dotibus ingens, & incomparabilis ex- *inprimis*
 perientiæ, immotâ, quantumvis inter mul- *Oſſolin-*
 ta inimicitiarum & ſuſpicionum adverſa, *ſcii Can-*
 autoritate, præcipua rerum tum etiam re- *cellarii.*
 gebat. Datum inprimis reſponſum ad Cha-
 ni Tartarici epiſtolam, quâ ille à *Rege Vla-*
 diſlao, morte ejus nondum intellectâ, qua-
 tuor annorum tributum & Coſacorum in ve-
 terem fortunam reſtitutionem, ſuperbè ſatis
 & calamitatibus Regni non modicè inſul-
 tans,

*Respon-*tans, postulabat. Cui repositum à Senatu
*detur ad*tributi nomen insolens & intolerandum Po-
*Chani li-*lonis semper visum, nec unquam Tartaris
teras. quicquam datum, nisi eâ lege, ut vicissim re-
 quirentibus operam Polonis præstò essent:
 ab iis verò sapiùs contra factum. Et nupèr
 in fraudem domûs Ottomannica, cui obse-
 quium debeant, violato apertissimè fædere,
 rebelles Polonorum subditos ab iis adjutos,
 magnamq; hominum multitudinem miserè
 abductam. Quid itaq; & quantum stipendii
 ipsis debeatur, non paucorum Procerum, qui
 in honorem Regii corporis & subita neces-
 sitatum, congregati essent, sed majoris Con-
 ventûs esse, definire. Qui ad 16. Julii diem
 indictus, propediem instet. Cosacis, ubi sup-
 plices veniam commissorum petierint, iusta
 & equa à futuro Rege, interponente se Se-
 natu, non iri denegatum. Caterùm minas
 Chani, ut terrori non sint quamvis afflicta
 Reipubl., ita stimulo fore, ne imparatos ille
 inveniatur, si ultra minas sevirè voluerit. Eo-
 dem svasore Cancellario ad Vefirum quoq;
 Turcicum missæ à Senatu per Gazubam,
 nobilem Lithvanum literæ: Chanum Tar-
 taricum incusantes, qui & libertatis à Rege
 defuncto olim receptæ immemor & Polonici
 cum Turcarum Imperatore fæderis irreve-
 rens, cum Cosacis Polonia rebellibus & in
 Turcas

*Literæ
 ac Vefirū
 Turcicū.*

Turcas ipsos hostilia subindè agitantibus, societatem pactus sit, immisisq; magno numero Tartaris, custodem finium exercitum, tam insperata multitudini imparem circumven-
 rit, Ducesq; ipsos & plurimos bellatorum, alios, post infelix Polonia prælum, in capti-
 vilitatem Tararicam abduxerit. Oratus Ve-
 sirus, autoritate suâ apud Imperatorem ef-
 ficiat, ut homini, imperium majoris Domini
 adeò non moranti, fautori juxtâ rebellium;
 fœderum deniq; violatori scelera sua non si-
 nat impune esse. Et ut idem Duces, nullâ in
 Tartaros aut Turcas destinatâ acie, captos,
 restituere jubeat. Rogatur insuper ab iis-
 dem Senatoribus Galliæ Legatus qui ade-
 rat, uti res Polonicas Christianissimi Regis
 apud portam Ottomannicam Oratori, quàm
 diligentissimè commendet. De belli deniq; **Duces**
 Ducibus in eo Senatu deliberatum, quos **militiæ**
 ternos bello illi præficere visum. Primus **consti-**
 ordine & autoritate, Dominicus Dux Zas-
 tui.
 lavix & Ostrogix, de quo antè, nominatus
 est. Alter Nicolaus Comes de Ostrorog,
 Pocillator Regni, vir majorum gloriâ &
 suis meritis illustris. Tertius Alexander
 Coniecpolscius, Vexillifer Regni, unicus
 magni illius Stanislai Coniecpolscii, quem
 verè remoram fatorum Poloniæ dicere
 possis, filius. Si Jeremias Dux Visnovecius
 Palatinus,

Visno-vecius non est inter Duces nomina- tus. Palatinus Rusiæ, paulò citius ex remotioribus extremæ Rusiæ oris eluctari potuisset, multùm sanè ambiguum eligentium curam fecisset. Sed is, ultra Borysthenem, cum ruente in eandem rebellionem plebe agrestium, diu conflictatus, postea malo immensis auctibus crescenti illic imparem se sentiens, quæsitis per Lithvaniæ fines ambagibus, trajectoq; istic Borysthene, fidelioribus suorum comitatus, in loca tutiora, seriùs aliis, evaserat. Postea quantumvis publicæ voces, militarium inprimis virorum, quorum ille favorem populari humanitate & virtute toties spectatâ collegerat, summæ eum rei destinarent, adversa tamen illi pars evicit, ut in placito Proceribus Aulicis regimine militari nihil mutaretur. Et deinceps in ipsâ Convocatione (sic in Poloniâ primus à fato Regum Conventus vocatur) hæc ordinatio confirmata est, etsi non deessent, qui aliò judiciis inclinarent, imò aliqui etiam sinistra omnia sub tali militiæ regimine portenderent Reipubl. Illi autem habendo Conventioni diem 16. Julii Archiepiscopus literis publicis tum præfinit, mortem simul Regiam, ex more, Civibus Regni omnibus significans, & quæ ad tuendam Regni securitatem & Rusiæ tumultuantis seu pacationem,

Convocatio indicitur Varsaviam.

nem, seu levamentum facerent, de sententiâ Senatorum præsentium, sollicitè monens. Nec mora, concurrunt ubiq; Cives, agunt Conventus, quæ posceret necessitas, deliberant. Illicò & post Conventus istos provinciales, ubiq; per Palatinatus colligitur miles, & in militis stipendium pecunia; aliis suo ære, aliis publico militiam & patriæ curam susceperantibus. Nec facilè meminimus tempus, quo majore conatu vires suas Polonia omnis concusserit. Ut videatur specimen, Posnaniensem primò Palatinatum nominabo, qui omnium Poloniae terrarum à Russiâ, adeoq; à periculi aleâ remotissimus erat. Et is tamen breve intra tempus bis mille ducentos milites contraxit, lectis ex primæ notæ Proceribus, qui ducerent, Tribunis quatuor, Andreâ Carolo Grudzinio, Rogozinensi Præfecto, postea Palatino Posnaniensi; Jacobo Rozrazevio Coninensi Præfecto postea Palatino Inovlodaviensi, Francisco Czarnkovio Medzericensi & Pizdrensi Præfecto, postea Castellano Posnaniensi; Hyacyntho deniq; Rozrazevio, viro præsigni, & cujus egregia decora, mortemq; posterior Historia memorabit. Cæterum singuli horum, supra assignata è publico ærario stipendia, proprii æris non parùm in eam

*Miles
colligi-
tur in
Polonia.*

G

expedi-

expeditionem, patriæ laudisq; amore, erogarunt: suâ scilicet manu nonnulli ducentorum militum publicas cohortes turmasq; augentes. At ultra has copias, in Russiæ laborantis subsidium destinatas, tria millia militum ad tutelam ejusdem Palatinatûs, quod is Silesiæ affinis & aliarum gentium conatibus opportunus esset, Boguslao Lescinio Generali Majoris Poloniæ Præfecto commissa sunt. Non dispare in Rempubl. animo alii Palatinat^{us} expediere copias suas. Prusii quoq; quamquam alium & propiorem tûm hostem formidantes, mille pedites, equites ducentos ad extinguendum commune incendium misere; commisso eorum regimine Ludovico Veihero, Castellano tunc Elbingensi, postea Pomeraniæ Palatino. Sed his mille ducentis, cæterorum Prusiæ Procerum alacritas totidem alios addidit. Dantiscani quoq; laudabili in Rempubl. fide, & acri Archiepiscopi sollicitatione impulsî, trecentos pedites suo stipendio auctoratos Varsoviâ misere. Cæterum eadem Prussia, ne his delectibus exhausta & quodammodo nuda, eò magis hostium finitimorum incursibus pateretur, aliis qui militem in idem bellum legere vellent, jus & privilegia sua opposuit; ne literas quidem Archiepiscopi, qui inhibi-

tionem

tionem illam juxta cum aliis agrè acceperat, morata. Etiam portorium, quod Elbingæ Gedaniq; Regi pendì solitum, in copias contrahendas tum postulabatur, denegatum est eo nomine, quòd more dudum recepto, Regi futuro id reservaretur.

Isti autem armantis se Poloniæ apparatus Chmielnicius equidem non latebant. Nihilominus is amica sibi omnia, sponfore Kisielo Palatino Kioviensi, à Republ. promittens, haud dubiè & viribus suis fretus, ad Album Fanum, injecto successibus suis inflammine, stabulabatur. Et tantum ab erat, ut de augendo militum numero laboraret, ut potius nimiam exercitûs molem metuens, ultrò accurrentem multitudinem à castris suis, quanquam frustra ferè, prohiberet. Nam immensa rusticis armis accinctæ plebis agmina, cum non admitterentur, castris accubabant. Sed nonnullos Cosacorum Ductores tadium quietis, tum haud dubiè desiderium prædæ, in excursus faciendos, prolicuit. Ac cum intellexissent non exiguam Nobilium manum Tulcinum (vulgò Nestervar dictum) se recepisse, illuc primum, connivente vel potius jubente Chmielnicio, vertère. Vetus id Calinoviourum, & adversus Tartarorum insultus firmum satis municipium erat. Nunc insuper

Chmielnicius ad Biala-cerkvam moratur.

Tulcinum invaditur.

cohortibus aliquot militum, raptim à Baibusâ nobili viro collectis defendebatur. Quibus & Mrozovius cum turmâ Coniecpolscii Vexilliferi Regni speculatum missus, postremò Czetvertinii Ducis, & Zamoscianorum militum aliqua manus accessit. Ac istorum quidem virtute repulsus aliquandiu hostis, sed majore mox impetu reversus, cùm obviam prodire ausos, numero & viribus prævalens, disiecit, oppidum primò, deinde arcem cepit; tandem pretium vitæ & libertatis offerentibus ignoscere visus est: at hâc conditione, ut Judæos dederent. Quos manibus egresos, inter atrocissima lamenta, nullo ætatis vel sexûs discrimine, gladius hausit. Gerebantur hæc Ganzæ Tribuni ductu. Cujus cum avaritia pecuniis, crudelitas tot cædibus satiata videretur, supervenit alius Cosacorum Ductor Ostapa (Eusthatius nobis) qui pactum cum Ganzâ initum nil moratus, oppidum & ipse arcemq; vi invadit. Atq; ut facilius loco potiretur, ignem turri lignæ, in quâ pulvis pyrius aservabatur, injicit, unde magno accensi pulveris fragore attoniti, qui in civitate erant, cò facilius hostem, magno impetu in valla nitentem, admisêre. Tum miserabili cædemulta millia hominum, nobilium inprimis utri-

Idem oppidum miserè excipitur.

mis utri-

mis, utriusq; sexûs, perierè. Ibidem inter alios Zetvvertinius ex priscis Ruthenorum Ducibus oriundus securi rusticâ peremptus est. Tum quoq; Niemitovia, sed ferè sine negotio, occupata est: quòd nemo aderat, qui oppidanos, in nova jam nimium pronos, in officio retineret. Si qui obsistere aut minùs favere turbidis viderentur, immaniter trucidati: præcipueq; in Judæos utriusq; sexûs sævitum. Sed sæminis plerisq; non ante stuprum mors illata. Quandam ex primoribus, & liberalioris formæ, servavit Cosacus incolumem, conjugium ab eâ stipulatus. Annuere ipsa, & in sacra insuper Græca transire velle visa est: hâc tamen lege, ut sibi, antequam mutaret, semel adhuc Hebræo ritu Deum adorare liceret. Consentit ille, sed abeunti tamen custodem addit. Contendit ad flumen Hebræa, ibiq; præceptis Decalogi, quæ secum gestabat, capiti impositis, in aquam sese præcipitat, memorabili contemptu vitæ, quam, nisi incolumi religione & castitate, mulier servare noluit. Dùm ista hîc geruntur, non procul inde incertum an connivente, an coercendæ effræni turbæ impare Chmielnicio, licentiæ majoris signum sustulerat, Krzyvonosius, homo olim ferris bombardisq; faciendis exercitus: nunc bel-

*Niemi-
rovias.*



*Krzyvo-
nosius
Dux Co-
sacorum,
præcipue
agrestium.*

*Pohere-
biscica-
piuntur
à Visnio-
vecio.*

li aliquo usu, sed inprimis astu senili & audaciâ, modicæ primùm manûs, mox vasti exercitûs ductor factus. Etenim turbidissimus quisq;, cui nec Chmelnicius satis barbarus videbatur, prædæ cupidine & publico quodam quasi furore ad eum ruebat. Cui ante alios omnes Jeremias Visnovecius, Dux magni animi & bello felix, ex ultimis Rusiæ trans-Borysthenianæ oris nuper eluctatus, se opposuit; primo impetu Poherebiscos & Niemiroviam, oppida perduellia, aggressus. Poherebiscis aliquot Rutheni, qui cæteris ad perduellionem præiverant, in furcam acti. Niemiroviani venienti à Principe Baranovio portas præcluserant. Postea vim experti & majorem metuentes, misso obviam Magistratu, Ducem se purgârunt, & ut tutiores adversus hostem essent, militem in præsidium poposcerunt. Misit ducentos equites desultorios Visnovecius, Scanscio & Juskievicio Ductoribus. Sed hi vix manibus succeserant, cùm Cosaci Braclaviani advocantur, qui magno numero oppidum ingressi, omnes istos præsidarios, adjutante oppidanorum perfidiâ, trucidârunt. Insignitum Niemirovianorum scelus abominatus Visnovecius, & similem aliarum istuc Civitatum perfidiam metuens, cùm neminem sibi in
auxilium

auxilium venire sentiret, retrò ducit militem suum. Iter ingresso obvius fit cum aliquâ manu suorum Janusius Tiskievicius Palatinus Kioviensis adferendam Machnovczæ, oppido suo hæreditario, quod hostis occupâset, opem flagitans. Nec deservendum sibi tantum amicum, & tam sollicitè orantem putavit Visniovecius. Cùm Machnovkam venissent, harpyjas hostiles direptioni oppidi intentas reperiunt. Irant in palantes, & per intima ædium venientes prædam, nullo negotio fugant truncidantq;. Quod ubi nobilis turba, quæ undiquaq; ab hoste circumfusa, in arcis quodam conclavi, ad extrema omnia se obstinaverat, intellexit, summâ alacritate accurrit, & in cædendo hoste non segnem, novat opem. Mox ad castra quoq; Crivonosii itur, quæ non procùl ab oppido remota erant. Hac verò ipsa quoq; prævi-
us jam terror ita perculerat, ut undiq; in fugam ruere hostiles catervæ cernerentur. Et parùm aberat, quin duo hi magnates ad extrema ibi hostem redigerent, facturi fanè utilissimum patriæ, sibi gloriosissimū belli compendium. Sed publico bono privata se utilitas interposuit. Fuit enim, qui patrimonio & subditis suis, quorum plurimi inter hostilia agmina erant, me-

*Visnove-
cio se ad-*

jungit

Tiskie-

vicius

Palating

Kiovien-

sis.

Ma-

chnovie

hostis de-

prehen-

ditur.

Victoria

corrumpitur.

tuens, effecit autoritate & precibus, ut cæ-
dium victoriæq; cursus sisteretur. Nox præ-
tendebatur, æquè victoribus, quàm victis
periculosa. Interim tenebrarum opportu-
nitate usus hostis, desertis castris & impe-
dimentis, exitio se, in summam terrarum
illarum perniciem, subduxit. Nam paulò
post idem accursu plebis innumeræ eò viri-
um spirituumq; procescit, ut victorum co-
pias, nullâ aliunde ope sublevatas auderet
lacescere. Deniq; etiam recedente nonni-
hil ob impares vires Duce, Polonnam Sta-
Polonna] nislai Lubomirscii Palatini Cracoviensis
capitur oppidum, ingenio loci & opere validissi-
& mise- mum, septuaginta dudum machinis belli-
rè habe- cis, arcendæ vi externæ, instructum, ag-
tur. gressus est. Non alius sustinendo atq; etiam
retundendo hosti sufficientior locus vide-
batur, ejusq; ad tutelam Visniovecium Du-
cem animus terebat, sed à comite Palatino
attinebatur, qui fraude oppidanorum om-
nes Polonorum conatus irritos fore su-
spicabatur. Cæterum præsidii Visnioveci-
ani fiduciâ, vicina Nobilitas & quisquis ho-
stem timeret, inter alios etiam Castellanus
Kioviensis Brzozovius, & Czernius sub-
Præfectus Bialocerkviensis, aliiq; viri insi-
gnes se & carissima quæq; in Urbem hanc
intulerant. Sed nullo post apparente, mox
& despe-

& desperato omni auxilio, animadversâq;
civium in Cosacos inclinatione, multo-
rumq;, ex præfidiariis etiam, ambigua fi-
de, cautissimus & promptissimus quisq; in-
de se proripuit. Qui fugere nequirent, vel
ob hostis propinquitatem timerent, gli-
scenti proditorum civium perfidiæ ali-
quantum reluctati, eidem deniq; cedere co-
gebantur, Adeoq; nemine prohibente in-
gressa barbara colluvies, quicquid crude-
litas & libido juberet, perpetravit, cædibus
in Polonos juxtâ ac Judæos, stupris in se-
xum imbellem, nobiles præcipuè fæminas,
direptionibus deniq; in omnes atrocissi-
mè grassata. Putes fædisimum hostem da-
rè voluisse specimen sævitix, quod sparso
longe lateq; terrore, omnium animos ita
dejiceret, ut nemini non consilium fugien-
di quàm resistendi videretur melius. Et fa-
nè post Polonnam ita facile occupatam,
nihil impervium hosti, nihil tutum esse
Polonis visum est. Latè mox, atq; in omnes
circum partes diffusa colluvies, & augeba-
tur cundo, & quicquid usquam ad obsequia
minùs obvium reperiret, malè mulctabat.
Ubi sic in sanguine fundendo plebem agre-
stium aliquandiu exercuerat Crivonosius,
efferationem & tot perpetratis scilicet egre-
giis facinoribus nihil non ausuram, duxit

Constantinopolim tendit Crzywonosius. versus Constantinovum, Dominici Ducis Zaslaviae Ostrogiæq; hæredium, urbem, commerciis celebrem, & vallo pæalto cinctam. Ei defendendæ Dux possessor mille

Idem defendunt Poloni.

quingentos equites, pedites ter mille circiter, regente illos ductore insigni Coricio, hos Suchodolscio non spernendæ experientiae viro immiserat. Quibus commodum Oslinscius castrorum Lithvaniae metator, pervenit, prætorianam Regis defuncti legionem ducens. Ubi copias junxerant, parte peditatus intra urbem relictâ, aciem ritè instruunt hostemq;, ut ex speculatoribus intellexerant, propediem adfuturum opperiuntur. Interim Dux quoq; Vîsniovecius, eum frustra ante Oslincium Coriciumq; ad se invitasset, nunc majore ingruente periculo, ab iisdem ad capessendam Constantinoviae defensionem sollicitè invitatus, comitante Palatino, advolat, quinq; circiter milium exercitum ducens. Vix de nocte in unum cojerant copiae, cum ecce sequenti mox die hostis, missis primùm prælusoribus, qui specie paucitatis in acie stantes Polonos in camporum aperta prolicerent; paulò post, cum nemo prodiret, totâ eâq; immensâ multitudine vicinos urbi campos opplevit. Stagno & paludum uliginibus duo adversi exercitus interjungebantur.

Sed

Sed per stagnum quia arte factus agger *Feliciter*
dabat trajectum, eo occupato, ire in Polo-rem a-
nos decreverat Crivonosius. Hi verò tran-*gunt Po-*
situm prohibitori, pariter cis trajectum, *loni.*
constiterant. Ipsum aditum trajectus cu-
stodiebant circumpositi Ducis equites de-
sultorii, quibus intermixti stabant Oshin-
sciani pedites, ab equite ita contexti, ut
conspici ab hoste non possent. Alterum
latus, quod in campos respiciebat, Coricio
dabatur tuendum. In subsidiis collocatae
erant turmae Palatini Kioviensis & Visnio-
vecii, iisque praefectus Zamoscius. Hostis
istos omnes exitium sibi ipsis ultrò parare
arbitratur, quippe qui adeò modico suo
numero tam ingentem exercitum opperiri
non dubitarent. Itaque aggerem & quae ag-
geri subjecta erat, uliginosam planitiem
trajicere properat multitudo, secuta sui, &
victoriae certa. Cum ultra medium aggeris
venisset, dato à Ducibus signo, equites in
latera discedentes, pediti spatium faciunt
in hostem sclopiis detonandi. Hosti impro-
visus iste pilarum nimbus fuit. Unde ubi
stragem ille in primis Ordinibus haud exi-
lem vidisset, subito prior audacia in formi-
dinem vertit, ita ut sine morâ omnes fugam
retrò maturarent, pars viam per stagnum
vel paludes quaerent, vel trajectu, ab aliis
præire

præire nitentibus, depulsi; vel quia per angustias aggeris non satis celer fuga consternatis videretur. Alii, quibus præcox alacritas invia paludum ante peruia fecerat, nunc quicquid tardum iter redderet, evitantes, facto per campos circuitu ad suos evadere laborabant. Sequebantur quâ poterant Poloni refugos. Et equitum plurimi, præviis Sokolo & Curossio, trajectum & uligines alicubi superaverant, ut hostem undiq; exciperent urgerentq; Krzyvonossius cum Præfectis aliis & cæterâ multitudine, pugnae magis quàm pavoris adhuc experte, recepit se ad castra: quæ quia structâ caragine adversus vim firmata, jam & machinis fulminare cæperant, persequentium ardorem stitère. Redditâ luce, instandum hosti, & impulsam ejus fortunam fortiter

Fortunâ urgendam censebat Visniovecius. Sed alii, *non ur-* quod tam parvo exercitu insuperabilem, *gent vi-* hostium multitudinem crederent, & fama *flores.* esset, Chmielnicium à Pavlucó oppido non longé remoto ire suppetias Krzyvonossio, jamq; aliquot inde turmas accurrens: non tutum putabant denuò fortunæ aleam istic experiri. Quare stetit sententia, reducendum exercitum; donec receptis à Republ. subsidiis, tantò majore fiducia, minoreq; periculo iri posset in colluviem istam, fatis
interim

interim suis & discordiis internis relin- *Crzyvo-*
quendam. Krzyvonosium prioris diei cla- *nosius*
des haud facilè dixerim, turbaveritne magis *retentae*
an irritaverit. Equidem postero die rur- *fortunā.*
sum suos versus locum, pridiano adhuc
sanguine cruentum, duxit. Sed inter traji-
ciendi tamen aggeris tentamenta minasq;
tū suam tū adversam aciem diu tenuit
suspensam. Postea firmatis ad expiandum
dedecus hesternum animis, haud dubiè &
de discesu pedestrium copiarum aliquā
edoctus, commotis castris universis & simul
machinis in hoc, quod residuum erat exer-
citūs, invehebatur. Duplici autem agmine
procedebat. Dextro latere carrago duce-
batur, cui tuendæ circumfusa ingens turba,
aggere trajecto in camporum subjecta pro-
dibat. Qui trajectu superato, latus fini-
strum obtinuerant, primi ad pugnam se-
parare jussi sunt. Polonorum acies ita or-
dinata est, ut dextra ala Tiskievicio, fini-
stra Visniovecio ducenda contingeret.
Convenerat autem inter hos, minimè im-
pedire transitum hostis. Imò & gradum *Iterum*
paulatim, integris ordinibus, referre jus- *vincitur*
sus est miles: quò securius solutiusq; hostis *Crzyvo-*
insequeretur nostros, quos fugere existima- *nosius.*
ret. Ac pulchrè utiq; procescit dolus. Fu-
gere enim Polonos rata multitudo hostilis,
undi-

110 HISTORIÆ POLONIÆ PLENIORIS

undiquaq; per udum & ad gradum instabile solum proruebat. Ubi tempestivum visum est, vertère vestigia Poloni, atq; in hostem non cogitantem ite capere. Inter primos ipse Dux cum equitatu in frontem adversam erupit. Explosis semel sclopis illicò ad gladios res devenit. Quos maximo ardore imperuq; dùm rotant Vishloveciani, quæ obvia erant hostium agmina, ubi nequicquam sclopos exonerassent, turbata primùm, mox non tam pugnae quam cædis fuere materies. Et eodem terrore mox percussi proximi terga pariter dabant victoribus. Palantes plerosq; & trepidos hausit gladius: ita ut ad sesquimilliare usq; cadaveribus omnia opplerentur, Ruthenorumq; lacernis albescerent campi. Plurimos in aquas & invia paludum pavor egit. Tormenta sex majora tum adempta sunt hosti, Signa militaria quadraginta, atq; inter ea aliquot in clade Corfunensi amissa, inprimis illud, quod aulica Calinovii Campiductoris turma duxerat. Captus etiam Pulianus, non postremae notæ Centurio, & omni fere, quæ inter Cosacos agitabantur, conscius particepsq; ; Qui à Baranovio Dapifeto Braclaviensi adductus, seu verè, seu, ut tormenta effugeret, enuntiavit, *monitū à Chmelnicio Krzywonosium,*

ut moræ

ut moraretur Lachos, dum ipse Pauluco, ubi
 bucusq; harent, promoveret castra. Ita eo
 tempore sinistra aciei hostilis ala insigniter
 profligata atq; accisa est, victoriâ eo me-
 morabiliore; quod paucò hinc sanguine
 constiterit. In primo tamè incursu Visno-
 vecius, dum acerrimè pugna ciet, duos pri-
 marie notæ ductores amiserat, Mokiscium
 Tribunum, & Casparum Curosium præto-
 riæ turmæ subpræfectum. Dextram hostium
 alam pariter ingens terror pervaserat, ut
 qui istic erant, æquè fugam capesituri fue-
 rint, nisi carragine desertâ in manus Polo-
 norum circumfultantium incidere metuis-
 sent. Verùm & in illo carraginis angusto *Carrago*
 conclusos haud levis tenebat metus: pa- *Cosaco-*
 rumq; aberat, quin plebs infelicia seditio- *rum,*
 nis capta jam abominans, in præfectos in- *tantum*
 surgeret, vinctosq; in pretium suæ incolu- *non ca-*
 mitatis traderet Polonis. Serius postea id *pta.*
 Ducibus innotuit, alioquin hæc ipsa castra
 tum, extremâ haud dubiè hostium perniciè,
 fuissent aggressi. Sed hi carraginem non
 perfunctoriè instructam conspicati, pedite
 inprimis & machinis oppugnandam credi-
 dere. At peditatus unâ cum impedimentis
 retrò ad pagum Rosolovve missus, ad duo
 milliaria à loco pugnae jam aberat. Hic si
 Polonis ita feliciter pugnantibus adfuisset,
 non

Hostis e- non dubitatum, modico illo septem circi-
luclatur ter millium exercitu debellari Krzyvonos-
malo Po- sum, & in hoc universam rebellium fortu-
lonia fa- nam impelli ac comprimi potuisse. Ea rei
 10. agenda occasio postquam effugerat, nihil
 visum conducibilius, quàm ista duplicis
 palmæ decora portantem, sed & fessum jam
 laboribus exercitum reducere, antequam
 ab infinitâ illâ multitudine circumvento,
 commeatus & subsidii à Poloniâ spes inter-
 ciperetur. Cum abiissent illi, flumen im-
 punè trajecit hostis, & mox Constantino-
 vum urbem defensoribus vacuam occupa-
 vit, & deniq; illâ Urbis parte, quæ Poloni-
 am respicit, fixis, valloq; & fossâ circum-
 ductis castris, confedit.

Chmel-
nicii
nuncii
cum lite-
ris Var-
saviam
perveni-
unt.

Ad eum modum dum Russicæ quateren-
 tur provinciæ, Varſaviam interim nuncii
 illi, quos supra à Chmelnicio ejusq; exer-
 citu ad Regem, cujus mortem tum non-
 dum intellexerant, cum literis misſos dixi-
 mus, pervenerant. Qui simul ad Regem,
 tum Regni Mareſchaleum, postea Palati-
 num Ravensem Lucam Opaliſcium, ætate
 & meritis gravissimum senem, nec non ad
 Regni & M. Duc Lithvaniæ Cancellarios,
 epistolas ferebant, ejusdem ferè cum alteris
 ad Regem scriptis argumenti: *excusatri-*
ces nempe facinorum, in quæ atrocibus Pra-
fectorum,

fectorum Judaeorumq; præcipue injuriis compulsi essent. Quorum ut modum ipsi à Kislelo Palatino moniti, sibi posuerint, ita veniam se jam poscere, rogareq; simul, ut remissis intoleranda servitutis oneribus, antiquæ libertati restituantur.

Sed quoniam in his libris Judæi, ut non Digressio de Juda minima belli hujus causa, & simul pars cassio de Juda mitatum, subinde memorantur, fortasse deis. non abs re fuerit, de eo hominum genere, quædam altius repetere. Judæi, gens olim Deo dilecta, postquam missum cœlitus Servatorem occidere, quam amplecti maluerunt, gratiâ omni Divinâ, & hinc non tantum libertate, sed terrâ etiam patriâ excidere. Neq; , post destructam à Tito urbem sanctam, ullum amplius illis ad restaurandam solii antiqui, sacrorumq; suorum sedem patuit postliminium; adeo usq; flagrante in perfidos irâ DEI, ut nec contumaciam in illis, nec pœnas contumaciæ cessare hætenus voluerit. Dispersi per omnes pænè Orbis partes agunt, nusquam honoris ullius, aut muneris publici participes, ubiq; supra exulum sortem contempti, exosi & injuriis plerumq; expositi. Nec cultu agrorum aut artibus laboribusve decoris, sed sordido ut plurimum quæstu vitam tolerant, magnam partem laniones,

H

aut

114 HISTORIÆ POLONIÆ PLENIOR

aut inſtitores. Spectatiores inter ipſos immani fanore, aut vectigalibus rem faciunt. Aliqui ad opima etiam commercia exſurgunt, cæteris mercatoribus plerumq; graves, quibus victu tenui viliqu; tum & vigilantia ac ſagacitate, plerumq; etiam pravis artibus lucrum præripiunt. Poloniam gens iſta multis retrò ſeculis habitat, non alibi uſquam liberalius exilium experta. Primum ejus ſeminarium Boleslaus Dux Caſiſienſis in majoris Poloniæ oppida aliquot, præſertim Caſiſium, recepit ex Germaniâ : Unde linguam hanc, eſſi corruptam, uſq; etiam retinent, quotquot uſquam per Poloniam fixere ſedem : peregrino ſermone ſecreta ſua inter ſe faciliùs celantes. Sed nunquam benignius habiti ſunt quàm ſub Caſimiro magno, qui mulierofus cum eſſet, inter alias pellices Eſtherem habuit ; quæ gente Judæa, favore, quo apud Regem valeat, ad erigendam popularium ſuorum fortunam ſcitè uſa eſt. Unde multas immunitates adepti, per omnes Regni provincias ſeſe diffudere. Eâ inprimis ſupra omnes & indigenas & peregrinòs prærogativâ ſuperbi, quòd nullis Urbanis magiſtratibus, neq; etiam Satrapiarum Regiarum Præſectis parere tenentur, ſed jura ſua à ſolis Palatinis accipiunt. Quos muneri-

bus ap-

bus apprimè delenire sciunt; ab omni onere civili ac militari immunes: nec ad tributa alia, nisi quæ publicis Regni Comitibus decreta fuerint, trahuntur. Porro parsimoniâ victus & præproperis impuberis etiam ætatis nuptiis, quantum robur gentis libidine infringitur, tantum fertilitas & multitudo augetur. Inde magnam partem Urbium Regiarum implevêre, liberri-
mè quovis modo quæstum, tum & sacra sua publicis Synagogis exercentes. Eâdem libertate minora oppida incolunt, invitantibus eos aut certe non respicientibus plebisq; nobilium & Magnatum, dum frequentiam coloniis suis conciliare quærunt. Et quoniam cætera ferè plebs solitâ ignaviâ socordiâq; in diem plerumq; vivit, eò magis illorum sobrietas & solertia Domini fundorum probatur. Nec obstat, quòd artibus suis cæteros incolas & corrumpant & exhauriant. Nam & potulentis, quæ præcipuè ac pâne soli vendunt, in bibacitatem per se pronos stimulant, & usuris enormibus pecuniæ egenos emulgent. Iidem plerumq; cauponas heriles, molendina item, uti & prædia, integrasq; subinde præfecturas conducunt, supra pretium, quod Locatoribus pendunt, ingentia sibi compendia ac lucra, non sine multo plebis ru-

sticæ onere, trahentes: conniventibus ad ista Dominis, illis præsertim qui ad subita necessitatum non aliunde ferè, quam à Judo pecunias quærunt. In Russia utiq; ubi magna rerum, non item nummorum affluentia est; plusculum istis hîrudinibus facilitas Magnatum, his præsertim temporibus, indulgere visa est. Eaq; fiduciâ Judæi, conductis subinde potulentorû aliarumq; rerum proventibus monopolia ante inusitata moliri cæpère: Edicta plerumq; à Præfectis eblandientes; quibus subditi alii eos quos possent, domi potûs confiscare vetabantur, ut ita eisdem pretio, quale Judæus poneret, quisq; cogeretur mercari. Atq; ea servitus paulatim ad Cosacos quoq; extendi cæperat, quantumvis vetera Regum privilegia obtendentes, quibus homines militares ab istiusmodi oneribus eximantur. Verum alii, non toties rebellibus, sed in obsequio manentibus gratiam Principum servire regerebant, publicæq; rei interesse arbitrabantur, libertatem istorû sensim magis magisq; attonderi: Parte utrâq; sat speciosis coloribus causam suam agente, donec fatis dispensantibus, tempus subiit, quo controversia incassum rationibus agitata, iudice gladio decidi cæpit, neq; sic tamen forsitan, nisi plurium

plurium annorum vicissitudinumq; inter-
 cursu terminabitur. Sed ego à Judæis ad
 Cosacorum nuncios, quos Varsaviam ve-
 nisse memoravimus, revertor. Hos verò
 ad instantem ordinum conventum retinen-
 dos censuit Cancellarius. Ad literas per
 eos allatas Archiepiscopus sine morâ re-
 spondit in hanc sententiam. *Ex iis, quæ*
Cosaci partim scripsissent ad Serenissimum
Regem nunc cœlitem, partim etiam nun-
ciis suis coram agenda dedissent, intellecta
sibi, quæ molesta ipsis contigissent hætenus.
Et se quidem iniqua illa asperâq; toleratu
haud diffiteri: sed aliis profectò modis amo-
lienda fuisse, non tali sanguinis profusi im-
pensâ, non junctis cum infideli hoste armis,
Et objectâ ejus libidini tantâ Christi sanguine
redemptorum hominum multitudine. Gra-
tiam tamen sibi ipsorum de malè actis pœni-
tentiam, sed eam, prout apud Regem defun-
ctum testatam illi voluerint, ita coram Re-
publ. à Regibus suis nunquam dividuâ, testan-
dam fuisse. Non dubium, illam ut beni-
gnam, matrem in redeuntes ad obsequium, Et
societatem Tartaricam exuentes, oculum re-
flexuram. Sibi sine consensu totius Reipubl.
tâm ardua negotia, quale sit ipsorum, nefas
esse transigere. Sed instare conventum, or-
bato, optimi Rectoris morte, Regno, rebusq;

Chmel-
nicii li-
teris re-
sponder
Archie-
piscopus.

turbatis consulturum. Ad hunc allegandos
 hos feciales; aliosq; insuper, resipiscentiam
 ipsorum plenius exposituros. Firmiora fu-
 tura, quæ universa Reipubl. comprobatione
 sancita, tum retulerint. Ceterum mirari se,
 quæ tam malè literis ipsorum respondeant fa-
 cta, quæ famâ constantissimâ afferantur. Ni-
 mirum hic veniam & pacem orari, alibi fer-
 rum stringi, & in Regni incolas atq; oppida
 modis infandis saviri, jubente, certè non in-
 consulto ipsorum ductore. Cohiberent, si fi-
 dem sinceri ad obsequium reditus facere ve-
 lint, licentiosè grassantium globos, & auto-
 res novissimarum facinorum castigarent. Ca-
 ptivos præterea, quos vel ipsi vel Tartari in-
 vinculis haberent, libertati redderent. Id
 hominibus Christianis dignum facinus, id
 rectè in communem patriam affectus indi-
 cium & pignus fore.

Cosacis His literis Magnus Regni Cancellarius
Cancel- alias suas, sensus prope ejusdem, addidit.
larius Percepta ex literis ipsorum & cum curâ ex-
respon- pensa sibi ea, quæ excusando inconsiderato &
det. precipitis audaciæ facinori sua afferrent.
 Exercitui Zaporohiano fuisse se semper,
 virtutemq; ejus & quesita multorum anno-
 rum laboribus, perpetuâq; in Reges & Rem-
 publ. fide decora, etiam Regi defuncto com-
 mendasse. Eò acerbius jam sibi, illos fidei &
 parte

parte in Republ. existimationis immemores, in repetendo, quod habuerint aut prætendant, jure, viam ingresses, orbi Christiano tristem, & abominandam omnibus; inito videlicet fœdere cum internecinis Religionis & Reipubl. hostibus: Pronius sine dubio & laudabilius ipsis ad Regem suum tot beneficiis cognitum, quàm ad Christiani nominis adversarios & pestes, patuisse perfugium. Jus legitime petentibus non defuturam fuisse sui & animi benevolentiam, & muneris auctoritatem. Nec impune abituros, quos injuriarum violatæq; ipsorum libertatis reos inquisitio deprehendisset. Jam data à se præludia, cum sub ipsa anni hujus auspicia, viva & jubente Rege, judicium recuperatorium designasset, cognoscendis ipsorum injuriis. Cæterum, quia facinorum, quæ non sponte, malè tamen facta ipsimet confiteantur, veniam à Republ. postulent, etiam nunc se apud Ordines (brevis consiliorum causâ coituros,) efficere conaturum, ut facilius & expiare crimen à se commissum, & laudabilibus in posterum ausis labefactâ fidem famamq; resarcire possint. His literis præmissis, reliqua à conventu expectare jussi sunt nuncii. Quem quovis Interregno ante Electionem haberi solitum, necessaria tum Reipubl. tempora festinari postulabant. Tempore itaq; du-

Convo- dum definito, hoc est, XVI. Julii, conve-
catio nère Senatores Regni, magno numero, &
Varfa- cum iis delecti à Nobilitate viri, quibus
via ha- suorum Palatinatum postulata deferre, &
bita. agere causam incumbibat. Ac prima dies
 aliquot extracti sunt piis erga defuncti Re-
 gis manes officiis, tum luctus communis,
 coram Reginâ viduâ & Serenissimis fratri-
 bus Defuncti, contestationibus. Quæ per
 Andreæ Gembicium Episcopum Luceori-
 ensem, & Sbigneum Goraiscium tum Ca-
 stellanum Chelmensem, factæ. Postea lite-
 ræ cum aliorum, tum imprimis Chani &
 Cosacorum publicè prælectæ: à Kisielo de-
 niq; Palatino exordia tumultuum facundè
 exposita, tum simul legationis, ad Moschos
 feliciter obitæ ratio ab eodem reddita est.
 Hinc sententias super Reipubl. negotiis &
 periculis dixere Senatores, præeunte omni-
 bus Archiepiscopo. Inde tandem ad tri-
 bunitia ordinis Equestris suffragia cum de-
 scensum esset, ab aliis alia illata, ut maximè
Cosaci- necessaria & præ aliis curanda. Sed potio-
corum. res & periculi publici intelligentiores, inter
nuncio- primas curas expeditionem nunciorum,
rum ex- Cosacorum esse voluere. Quorum sen-
peditio tentiam Senatus iuvit erexitq;: missis in
urgetur. illorum conclave binis egregiæ autoritatis
 Castellanis Zavyiechoviensi, Kochavonio,
 & Chel-

& Chelmenſi Sbigneo Goraiſcio. Introdu-
ctos itaq; tandem nuncios interrogavit, ur-
gente ordinis Equeſtris confeſſu, Bogus-
laus Comes de Leſzno, confeſſus iſtius mo-
derator, de nonnullis in inſtructione, ipſis
à Chmelnicio datâ, repertis: inprimis ve-
rò ubi ſint *literæ, quarum Chelmnicius in*
inſtructione faciat mentionem, à quo ſcriptæ,
quo Regni annulo ſignatæ? Deinde cujus
autoritate permiſſum ſibi ferant Coſaci,
exercitum ſuum ſex millium acceſſione au-
gere? *Quis poteſtatem iis fecerit retentandi*
intermiſſam tot annis Ponti Euxini naviga-
tionem? *Quis pecuniam ſuppeditaverit ad*
parandos lembos neceſſariam? Nuncii nul-
las ſibi literas commiſſas reſpondere, præter
quas Archiepiſcopo, Magiſtro Aula ſeu Ma-
reſchallo Regni, Magno deniq; Cancellario
reddidiſſent. Nec ad cetera quaſita, quod
reſpondeant, habere ſe, illos, à quibus miſſi es-
ſent, percunſtandos. Multis tali ignora-
tione ſeu reticentiâ ſecretorum non pla-
cuere hi nuncii, tamen comiter, quia tem-
pora ſvadebant, ex confeſſu & poſtero die,
Varſaviâ dimiſſi ſunt: reſponſum ferentes
ab ordinibus Reipubl. univerſis, haud diſ-
ſonum ab iis, quæ antea Archiepiſcopus &
Magnus Cancellarius ſcripſerant. Nimi-
rum literas ipſorum, quas ad defunctum Re-

Nuncii
exami-
natur.

Ordines
Poloniæ
ſcribunt
ad Caſa-
cos.

H s

gem

gem exarâssent, ad se, quibus post obitum Regium universæ Reipubl. negotia incumbant competantq; delatas, inq; iis supplices preces, quibus magnorum & Deum juxta ac Rempubl. gravissimè ledentium, facinorum veniam rogent. Non opus esse verbis dilatare quæ ab ipsis admisa sint. Ipsos confiteri, violatum à se omne fidei divinæ ac humanæ sacramentum, quando factâ cum infestâ Christianæ rei gente conspiratione, in exiguam Reipubl. manum, eamq; divisam, vim & sevitiâ exercuerint. Ac adesse equidem Dei beneficio Reipubl. vires, sumenda de tali hoste ultioni pares; & cœli profectò favorem divinæ equè ac suæ injuriæ vindicibus Polonis haudquaquam defuturum, contra eos, qui Rempublicam, cui debuerint obsequium, perfidiâ lacescant. Ceterum sanguinis humani reverentiâ, cum humili ipsorum post patrata facinora submissione, ad meliora se flexos, destinâsse jam Recuperatores, viros insignes, qui voluntatem Reipubl. super eo negotia luculentiùs explicaturi sint. Interim jam nunc quoq; de suâ in ipsos tanquam subditos clementiâ aut commissorum condonatione non dubitandum, dummodò ipsimet firmam satis sinceræ de commissis pœnitentiæ fidem faciant. Facturos autem, si captivos quos habeant, quàm primùm dimittant.

Duces

Duces verò rebellium globorum Rusſiam, nunc paſſim pervolitantium, & in nobilitatem præcipuè ſevientium, Recuperatoribus ſiſtant: quicquid deniq; ſit ſocietatis aut fœderis, quod cum Tartariſ ſuſceperint, abjiciant. Quæ alia tranſigenda cum iſſis reſtent, Recuperatoribus ſe commiſiſſe, quos modeſtis animis exſpectent, ab omnibus interim injuriis abſtinentes, & nullâ infeſtâ amplius manu, Regno vel Mag. Lithvania Ducatui graves. Poſtremò cum in formulâ commiſſorum (vulgò inſtructione) nunciis ſuis datâ, mentio facta ſit literarum, tum privilegiorum, iſtorum nihil Ordinibus redditum eſſe. Et ſic quidem ad ſuos remiſſi, quos Chmelnicus poſt victoriam Corſunenſem Varſaviam miſerat, pacis Oratores. Quos propriid. Cal. Auguſti durante adhuc con-

Kiſielus mittitur ad Coſacos.

ventu, Kiſielus Palatinus turbarum Coſaccicarum pacator deſtinatus, cum collegis ſupra nominatis, inſecutus eſt, comitante cum Sereniſſ. Principis, poſtea Regis Joannis Caſimiri, cohorte. Nam hiſ iſſis ſeditionibus, res quoq; Palatini adeò acciſæ erant, ut itineris ſui ſecuritati, functioniſve ſuſceptæ dignitati ſuis opibus conſulere non ſufficeret.

Cæterum amoto hoc primo & Rempubl. omnium maxime urgente velut lapide, tantò

de, tantò tranquillioribus animis, in alia, quæ in istiusmodi conventu agi consuevere, itum est. Et post multas plurium dierum concertationes, quæ à tantâ sentiendi dissentiendiq; libertate abesse vix solent, vel possunt, in hæc tandem capita, quæ propter curiosiores apponere libet, conventum est.

Confæderatio à quo & Confæderationis nomen huic Con-
Ordinũ. ventui inditum, omnia Regni, ex tot diver-
sis Nationibus coaliti, membra & ordines
omnes, in commune concordie ac pacis mu-
tue fædus novo & sanctissimo nexu conspi-
rant, abdicatâ ultrò & quodammodo ejura-
tâ copiâ à reliquo corpore secedendi, seorsim-
vè ullis stimulationibus vel modis, publice
Electionis libertati damnosis, quenquam, non
expectato unanimi omnium Ordinum con-
sensu, Regem nominandi, vel deniq; ante ju-
rium, privilegiorum, immunitatum confir-
mationem sacramento factam, pro Rege re-
cipiendi audiendivè. Qui secus faxit, pro
hoste patriæ habendum. Ac cum ab orbitâ
legum juriumq; non parum discessum sit,
spondent sibi mutuò, non accessuros se ad
Electionis suffragia, aut cum Candidatis pa-
cta, nisi sanatis primùm Reipubl. ac liberta-
tis vulneribus, & exorbitationibus, quas ulla
Regni

Regni provinciae publicè privatimvè factas ostenderint, correctis & sublati.

Inprimis Religionis diversitatem nemini Sacrorum fraudi fore, stipulantur, fidem, honorem & cavetur conscientias inter se obtestati. Decreta etiam libertati, Tribunalitia, vim legis, & adversum quid isti libertati spirantia, mandata item Regia, pacem Religionis luxare aut convellere visa, abrogant; & ne post-hac fiant, cavere pollicentur. In quibuscumq; urbibus Regiis publicis & solennis sacrorum usus dissidentibus in Religionem antehac usitatus fuerit, eundem pariter deinceps licitum esse; ubi is exulaverit huiusq; tumultibus amoliendis, posthac etiam exesse volunt: ita tamen ut privatim sacris suis operari peregrè advenientibus fas sit. In violatores verò securitatis dissidentium, cum antehac anno 1631. acris lex lata fuerit, eam istius insuper conventus auctoritate firmant, denunciataq; promptiori in peccantes in posterum animadversione stabiliunt.

Ecclesiae Russicae, Religionis suae, in qua Ecclesia illa gens olim cum Regno Poloniae coaluerit, Graecae jura & privilegia antiqua firmantur, addito jura. insuper, si quae sub Rege defuncto labefactata, vel imminuta sint, ut futuro Electionis Conventu in integrum restituantur, & citra contradictionem aut etiam disquisitionem, futuro

turo Regi tuenda exequendaq; commendentur.

Judicia Postea justitiæ administrandæ curam in-
constitu- tendunt, mutuò sibi ingeminantes, ut in Re-
untur. gnis nunquam, ita multò minùs in Interre-
gnis, quibus ferè, ut criticis diebus, corpora
Regnorum debilia maximè, mutationiq; op-
portuna sint, legum auctoritatem hebescere
debere. Sententiæ itaq; ante publicationem
mortis Regiæ ab Archiepiscopo factam, quo-
cunq; in judicio legitimo latæ, pro ratis ha-
bentur: contractus, testamenta, protestatio-
nes, relationes etiam post publicationem
mortis Regiæ, apertis de consensu Palatina-
tûs vel territorii cujusq; libris publicis inser-
tæ, pro legitimis promulgantur.

Judicia sub interregno instituta, (quæ à
velo magni luctûs indice Capturalia dici so-
lent) sanctiones, & consilia omnia, ad de-
fensionem patriæ, conflationem aeris in dele-
ctûs militares, juris deniq; tuitionem institu-
ta approbantur firmanturq; ; additâ tamen
conditione, ne vel publico vel privatorum
etiam aut spiritualium, ærarii deniq; publici
juri quicquam derogent.

Lithvanica porrò, si quâ à cæteris abeunt,
aut extra fines antehac usitados extendun-
tur, ne in exemplum posthac trahantur, aut
juri communi noxam, solvendæ vè uniti cor-
poris compagi occasionem afferant. (Ele-

Electiōni Regis sextam Octobris diem, Electiō-
locum propè Varsaviam à Mareschalco ag- tempus
gere subitaneo circumducendum, assignant, adsigna-
id caventes, quod lege anno 1587. latà cau- tur.
rum sit, ne quisquam peregrinis hominibus, Electio-
vel machinis bellicis instructus veniat. Cete- nis leges.
ra ut ad modum & institutum majorum, An-
ni inprimis 1573. revocentur, & si quæ dubia,
vel sequius facta, ea ut sub ipsa Electio-
nis auspiciis primis congressibus emendentur
componanturvé.

Cavetur pariter, ne ab euntibus ad Ele-
ctionem vel jam presentibus vis aut injuria
cuiquam inferatur; illata ut cognoscatur
à Judicibus in id primo statim conventus die
delectis ac juratis, inter quos Regni & Mag.
Ducat: Lithvanie Mareschalli futuri sunt.

Thesauro Regni Cracovie aservato, tum
& Lithvanico, lustratores, viri ex Senatu &
Nobilitate primarii designantur.

Pacta cum Principibus & Regnis vicinis
antiqua renovari, incerta stabiliri, missis in
id, sumptu publico, sed modesto, legatis, im-
perantur, inprimis verò repetundarum à
Tartaris cura commendatur illi, qui ad Tur-
cam iturus esset.

Militiæ autem præfecti coram Belli arbi- Militiæ
tris seu Commisfariis adigi jubentur in tale præfectis
sacramentum: Ego N. juratus spondeo, me dantur
exercitui leges.

exercitui mihi tradito fideliter praefuturum, & operâ illius ad reprimendas hostium invasiones usurum, Regni fines tutos, dignitatem & securitatem Reipubl. pro viribus indemnem inviolatamq; praestitutum: si, quod Deus avertat, Regnum seditio invaserit, nulli parti adhaesurum, damna incolis Russiae, Poloniae, Voliniae &c. nulla illaturum, & ne à militibus inferantur, omni ratione provisurum. Pensiones verò tam ab Ecclesiasticis, quàm aliis personis quibusvis, nullas omnino exacturum, & ne milites exigant, curaturum. Sic me Deus adjuvet, & haec sancta Crux.

Iidem Praefecti militiae, exercitum Reipubl. in viscera Regni seu totum, seu partem, sub tempus praecipue Electionis, & in locum huic destinatum admoveere prohibentur: si secus faxint, pro hostibus patriae declarantur.

Ut belli res consilio maturiore procedant, praefectis militiae pro Consiliariis seu Provisoriis, nomine Commissariorum, triginta sex ex primoribus Senatûs & Nunciis terrestribus adduntur: quibus extra ordinem adscriptus est Christophorus Arciszevius, ille, qui annis superioribus, rebus in Brasiliâ gestis apud Batavos florentissimus, in patriam rei tormentaria curam gerebat. Lithuania Ducibus bellicis quinq; millium exercitum

citum conficere, coërcendæ Cosacorum, illi Lithva-
 quog, provinciæ imminentiam rebellionis, nica mi-
 permisum: sed simul, ut is sub rectâ disci- litia
 plinæ fræno habeatur, severè injunctum. præfetti.
 Ubi exercitu postea opus non fuerit, nume-
 rato stipendio dimittendum; aut ad feren-
 dam Polonia laboranti opem, suis à Dacibus,
 & integrâ eorum potestate mansurâ, ducen-
 dum. Arcis præterea Smolenscensis cura &
 reparatio imperatur iis, quorum id mune-
 ris sit. Adhæc quia turbatissima nunc Rei- Smolen-
 publ. negotia præsentissimis consiliis & ma- scum.
 gnis adjutoribus egeant, Archiepiscopo Gnes-
 nensi, cui ut primati suprema autoritas re-
 linquitur, adduntur ex Senatu & Ordine
 Equestri Consilarii, viri dignitate, & pru-
 dentiâ pollentissimi; quorum cura commit-
 titur, Legatos externos recipere, ad subita
 necessitatum Reipubl. excubare, reservatâ in
 gravioribus, ad Electionis conventum, deci-
 sione.

Corpori etiam defuncti Regis, ut honos Cadave-
 suus à memore meritorum Republ. constet, ris Regii
 ei adesse & quæ decus Regium postulet, admi- honori
 nistrare primariæ dignitatis viri, præcipuè cavetur.
 ex Aula continuis Mareschalci & Cancellar-
 rii jubentur.

Quod si hostis potentia adeò ingravesce- Expedi-
 ret, ut præsentis Reipublicæ exercitus ei co- tio Gene-
 I hibenda ralis.

hibenda non sufficiant, expeditio publica jam nunc indicitur, quò ad eam omnes parati sint: & ubi Archiepiscopus cum Consiliario Senatu tempus desinierit, ut ritu majorum sine divisione belli, loco, qui nominatus fuerit, adsint sine morâ.

Descriptio militum tam à Republ. quàm particulatim per Palatinatus autorum in castris institui jubetur; simul & Palatinatibus stipendiorum suo militi tempestivè nutibus lemerandorum cura mandatur, eum verò miges pra-litem non nisi, cum Comitibus Coronationis scribunt-Reipubl. non necessarium judicaverint, extur. autorare permittitur.

Exercitus ab Electionis conventu procul esse, ubiq; verò ab injuriis abstinere, & bonis Nobilium, Ecclesiasticorum, Regiis præcipuè Oeconomis, innoxii agere jubentur, presentissimâ in delinquentes poenâ sancitâ.

Thesaurariis interdicitur, tributa Regni sine scitu Archiepiscopi & ejus assessorum, aut aliò, quàm in stipendia militum publicorum erogare.

Reginae viduae redditus mensæ Regiæ destinati, usitati item salinarum & vectigalium proventus relinquuntur, usq; ad exequiarum Regiarum tempus. Omnium tamen ratio à Thesaurariis poscitur, in Comitibus Coronationis reddenda. Salinarum simul Cracoviensium

coviensium ruinis remedia festinari iussa, commisso eas lustrandi negotio, tribus eximia dignitatis & virtutis viris: Hieronymo Milonscio Castellano Rospirensi, Stephano Coricinscio Osvecimensi Praefecto, Joanne Schlichtingio Judici Wschovenssi.

Palatinis insuper & praefectis arcium limitanearum, ut intra loca ista, hostium conatibus proximè patentia, maneant, edicitur.

Arci Cracoviensi trecentorum militum praesidium, inde toto hoc Interregni tempore non abstrahendum assignatur; simul ut pyrii pulveris & aliorum belli apparatus sufficiens copia eò inferatur, Christophoro Arcis-sevio, cujus paulò ante mentio facta est, imperatum.

Turbarum Cosacicarum compositio de Cosacica mandatur Adamo Kisielo Palatino tum Bra- turba claviensi, postea Kioviensi, cui collegae adun- componi guntur Franciscus Dubravius, Alexander jubentur Sielscius Posnanien- sis tum Dapifer, Theodo- per com- rus Obuchovieius, viri omnes facundiâ & mis- sarios. meritis in Republ. insignes.

Quia incertum habeatur, quantum ex caeso Reipubl. exercitu, quem Quartanum vulgò vocant, supersit; numerum superstium inire jubetur scriba Castrensis, adjunctis, qui curam facient, quinq; Equitibus.

Legiones jussu Archiepiscopi à Tribunis nonnullis, inprimis Christophoro Przyjemscio, claro natalibus, & Germanicâ Gallicâq; militiâ ad patriæ usum apprimè exercito, coactæ approbantur.

Urbium Quia urbes nonnullæ jus Regis, juxta quaruncum aliis Regni civibus, eligendi habere gloriâdantur, iis ad suffragiorum libertatem ad Electionem. tus non ante permittitur, quàm jus illud suum, quod prætendant, liquidum fecerint.

Palatinatibus singulis certi dies conventuum, quibus hætenus acta, relictis domiciliis, seu, ut se mutuò appellant, fratribus referenda essent, definiti.

Lithvaniæ. Magnus verò Ducatus Lithuania, qui antequam de expeditione publicâ ageretur, amplius inter suos domi deliberandum consuegenerat, in tributum ultrò consensit, aliis Palatinatuum quaternas agrarias, aliis ternas binasve promittentibus. Civitatibus bonisq; aliis Regiis & Ecclesiasticis quaternæ agrariæ, totidem Judæis, sed in singula capita, exactiones imperantur.

Tributa Tributa deniq; omnia, tam ea, quæ in aerarium Reipubl. illata, quàm quæ singulorum Palatinatum administrationi hucusq; relicta essent, in delectus militares, ad arbitrium militiæ Præfectorum erogari jubentur.

Hæc

Hæc autem omnia, antequam universo *De libera-*
 conventui allubescerent, magnis sanè ani-*tate Re-*
 morum motibus & laterum contentioni-*ligionis*
 bus agitata sunt. Inprimis Religionis ne-*contro-*
 gotium multas dabat turbas : dissidentium *versæ.*
 quovis libertati suorum sacrorum, quò ju-
 stius timere videbatur, eò fulcra sollicitius
 quærente. Ac satis quidem omnium secu-
 ritati superiorum Interregnorum confœ-
 derationibus cautum videbatur ; adeò eti-
 am, ut Episcopi, & quotquot flagrantiore
 in Ecclesiam Romano-Catholicam studio
 agerentur, nimium cæteris indultum pu-
 tarent. Hi verò factam à decesoribus con-
 cordiæ ac pacis contesferationem urge-
 bant : tolliq; exceptiones volebant, qui-
 bus obrogari confœderationi illi, & cum
 injuriâ partium infirmiorum contraveniri
 querebantur ; fidemq; adeò promissam,
 & legis, quâ pax religionum niteretur, as-
 sertionem declarationemq; minus paten-
 tem effugiis postulabant.

Sed magno quoq; æstu, in hoc conven- *Extra-*
 tu, provinciarum internuncii in extraneos *neos re-*
 efferbuerant, quibus præcipua munerum, *motos*
 in Aulâ, multis ab annis, dari indignaban- *volunt*
 tur. Et parum abfuit, quin aliqui istorum *quidam.*
 exauctorarentur, ægrè à magnis Senatori-
 bus, Episcopis præcipuè, protecti. Nec an-

*Prusforū
querela.*

te quievit oppugnantium strepitus, quàm promitteret Archiepiscopus, illos Saltem extraneorum, qui alibi larem fixissent, à negotiis Regni inposterum prohibitum iri. Non parum deniq; cum Prusicis internunciis negotii fuit, idq; duplici nomine. Primum quidem, cum de Sanctionum omnium sub Interregno hoc per provincias factarum approbatione ageretur, nunciorum unus, Ignatius Bonkovius, vir facundiâ & rerum usu spectatus, ob insignes dotes posthac Palatinus Pomeraniæ creatus, approbationi illi haud ante subscripturum se perterritus, quàm addita foret cautio, juribus Prusiæ, quæ hæc terra ad Regnum peculiaris attulerit, & adhuc servet, nihil illâ sanctione decesurum. Et quamvis huic postulato à plurimis intercederetur, evicit is tamen, ut lex ista ad solius Poloniæ provincias restringeretur. Alterum de quo sub finem conventus cum iisdem Prusis disceptatum est, portorium Pruthenicum fuit, quod ex mercium exoticarum provenitu, partim Regi, partim urbibus, in quibus colligitur, cedere solitum, cum delectibus faciendis ab Archiepiscopo ejusq; collegis destinaretur, negabant internuncii, tempore Interregni, ab urbibus illis in ærarium Reipubl. debere inferri. Cumq; lis illa fini

nlri aliter non posset, quicquid etiam pro ærario dicerent magnæ autoritatis viri, recipiendum fuit Archiepiscopo, se scriptis literis Elbinganos & Gedanenses monituum, ut tam necessario Reipubl. tempore, istud exhausto ærario subsidium ne denegarent.

Antequam Varlaviâ in Rusiæ extrema, *Lithva-*
hoc est à finito Convocationis Conventu *nia à Co-*
ad Cosacos redeam, par erat divertere ali- *faciis*
quantum in Lithvaniam, cujus res quan- *turbis*
quam haud dubiè suum seorsim, ut meruê, *non libe-*
re, scriptorem aut habent, aut habebunt, à *ra-*

Polonicis minimè divellendæ sunt. Ea enim regio, æquis legibus & pari per omnia libertate Poloniæ innexa, magnam Rusiæ Polonicæ partem olim sibi bello imperioq; subjectam tenuit. Quæ hodieq; Russia Alba appellatur. Incolas verò Ducatus penè totus earundem cum Russis cæteris consuetudinum, ejusdemq; in sacris ritus habet, Eò facilius nunc quoq; seditionum hæc contagies, inter vicinos, & gentium morumq; similes, transmissa diffusaq; est. Ac primum ultra Borysthenem, cum Visniovecius Dux prævalidæ seditionum multitudini se & quotquot sibi fidos perfidisq; invisos videret, inde subduxisset, pestis illa sine impedimento omnes illas oras

Lithvaniæ finitimas pervasit, idq; tantò effrænatiùs, cum bina militum signa à Mirscio excubiis Lithvaniæ præfecto, ad occupandum Berezynæ fluvii tractum missa, subito furibundæ multitudinis accursu circumventa atq; obtrita essent. Inde sumpto impetu hostis in viscera Lithvaniæ progredi tentabat, haud ignarus, omne istic vulgus, simili religionis œstro agitari. Et magis mox erupturum, ubi ex Ukrainâ propinquarent, qui plebem istic armaverant.

*Cosaci
ad Bi-
chovum.*

Eâ spe, Bichovum, vetus Chodkeviciorum hæredium, situm ad Borysthenis ripam, & præaltis aggeribus munitum decem millia Cosacorum, ductore Orcussâ, promptos sibi oppidanorum animos polliciti, accesserant: sed hi destituere illorum conatus, seu suopte ingenio fidei supra cæteros retinentes, seu quòd à validissimo præsidio custoditi, promere perfidiam non auderent.

*Defendi-
tur Lith-
vania.*

Etenim Leo Casimirus Sapieha Lithvaniæ Procancellarius loci illius possessor, ultra mille quingentos prædiarios istic ære proprio jam dudum alebat. Qui & suggredientes hostiles catervas ita fortiter excepere; ut majore earum parte cæsâ, quod reliquum esset, ægrè sibi fugâ consuleret. Inprimis verò Janussius Radzivillius tum Campiductor Lithvaniæ periculum Regno uni-
verso

verso imminens opposito Lithvanico exercitu amoliri, suarum partium esse duxerat. Kiska enim Palatinus Polocensis, summo belli in Lithvaniâ regimini præfectus, per corporis debilitatem dignitatis tantum nomen gerebat, omni armorum curâ in Radzivillium, sorore ipsius genitum, Ducem annis animisq; virentem, depositâ. Sed hic nec multum è publico æris, nec exercitum, quantum discrimina Reipubl. requirerent, dari sibi querebatur, aliis periculi magnitudinem nondum æstimantibus satis, aliis alia causantibus, & in Duce ipso requirantibus non parum. Nihilominus is collecta vetere suorum, tum & recens, autoratâ manu ita rem agebat, ut & pronam ubiq; in perfidiæ scelus plebem, ostentato cominꝰ periculo, compesceret, & hoste omnia latè inundaturum refrænaret. Quem etiam tandem auctis in modicam molem copiis, post velitationes haud paucas, ad Lojoviam memorabili in omnem posteritatem prælio debellavit; triginta isthic millium exercitu partim profligato, partim cæso, castris occupatis, capto ipso exercitus illius ductore Cryczewio, & mox ex vulneribus mortuo. Sed ista omnia in tempore memorabimus uberius.

LIBER III.

Nunc tandem ad Chmelnicum, quem ad Fanum Album (Bialacierkev vulgò) reliquimus, series

Chmelnicius ad Fanum Album patienter temporis reverti jubet. Is interim exercitum suum ex illo tractu, in quo literæ Palatini ipsum stitère, non moverat, speciosâ satis patientiâ & fide, promissorum conatumq; Kisielanorum eventum opperiens, Krzyvonosium separatæ colluviei ductorem, immanemq; tum Rusiæ calamitatem, nec juvabat apertè, nec inhibebat. Hic

Krzyvonosius vagatur. verò ut relatæ nuper ad Constantinovum duplicis cladis ignominiam insigni aliquo facinore elueret, Barum aggressus est, urbem mole & operibus sic satis firmam. Et in eâ machinas, aliosq; apparatus militares depositos servari non ignorabat. Coniec-

Barum occupat. polscius Regni Vexillifer, ne loco tanti momenti deeset, legionum suarum unam, ductore Bronievio immiserat. Sed hic suspectam civium fidem habens, converso aliò itinere, locum Germanis peditibus tuendum tradit, quos in auxilium laborantis Rusiæ Carolus Poloniæ Princeps miserat. Horum pars arcem, Potocio rectore, infedit, pars

dit, pars ad portas civitatis iussa est excubare. Krzywonosius magno exercitu urbem circumvenit. Dum speculatur, quâ faciendus esset assaultus, oppidani seu metu, seu pridem meditatâ fraude portas hosti aperiunt. Illicò in excubitores Germanos fit impetus, & ad unum omnes trucidantur. Inde dilapsa per urbem hostilis turba quicquid usquam Germani vel Poloni militis lateret, summa ima ædium perreptando venantur occiduntq;. Non templorum non altarium sanctitas quenquam servare potuit. Neq; mortuis furor barbarus pepercit. Judæorum magnus in eâ urbe numerus antiquitus agit, cui tum ingens advenarum ejusdem sanguinis multitudo accesserat. Cùm mortem alibi effugissent, hîc non effugerunt, miserimis modis unâ cùm hospitibus suis interempti. Perisse ejus gentis quindecim millia capita istic teruntur. Arcem ducentorum peditum manus, ducente Potocio, per quinque dies fortiter defendit: neq; pauci istic oppugnantium occubere. Adeò ut tandem hostes per cadaverum suorum strues niterentur in vallum. Repulsi diu sunt, tandem tamen eâ parte, quâ stagno objecta arx hostem minus metuebat, minusq; munita erat, sgressi, quicquid reperiret præsidarii militis,

Præsidarii cœdit.

nuncios de adventu suo Chmelniciū præmonituros: sed ii partim diu detenti, partim etiam, dum quidam de exercitu nostro factâ ad Ostrogiam excursionē hostem offendissent, interempti, aut certē inclementer habiti sunt: ut ex epistolâ Palatini mox subjiciendâ colligere licebit. Alibi quoq; ad Luceoriam nobilitas disjicitur, & oppida plurima effrâni agrestium licentiâ pervastantur. Hinc exstimulatus Palatinus literas facundi doloris plenas ad Chmelniciū scribit; in hunc modum: *cum Sanctissima Dei matris, nationis verò Ruthenice protectricis adscensione sit sacer dies, quo tristes has & forsan extremas ad te exaro: primò omnium eandem Dei sacratissimam, genitricem veneror, ut interpositis apud Filium suum precibus animum tuum mitiorem reddat, & ad hæc, quæ jam aguntur aut ingruunt, rectè introspicenda advertat. Non filio paternum, non servo herile negotium tam flagranti curæ esse potest, atq; mihi fuit id, quod Tibi & Cosacis cum Republ. est. Dies noctesq; ita me DELLUS amet, omni animi & corporis contentione incumbo in hanc causam, ex quo mihi curam ejus imponi passus sum. Judicia & vocule sinistra, quas eò nomine subii, nō per Poloniā tantū, sed extra eam quoq; jam percrebuere Perluctatus tamen.*

*Kisielus
Chmel-
niciū
acri epi-
istolâ ad-
monet
officii.*

men omnia fide constantiâq; quicquid tū & exercitus Cosacorum à Republ. petere magis, quàm sperare ausi estis, impetratum ferebam, felix orator & jam meriti apud Deum fiducia, ob inhibitum sanguinis Christiani diluvium, propè superbiens, certè exultans. Properabam ad vos, diffidentiam omnium, atq; etiam vestram reipsâ confutaturus; nihil ipse quoq; dubitans, omnia me eo loco, quo reliqueram abiens, reperturum. Sed ô quàm contra accidit! quot oppida, quot arces, quot ditiones Reipubl. devastatas & ignem ferrumq; expertas; quàm misere indigneq; habitam etiam Huisciam meam, & quicquid in eâ pretiosissimarum rerum habebam, ablatum reperi! Hec scilicet gratia fidei, labori & optimæ voluntati meæ relatâ erat. Neg; sanè mirum cuiquam videri potuisset, si tum missis adversum homines, data mihi fidei oblitus, suspiriis, negotium hoc omne excussissem cervicibus meis. Ego tamen injuriis alienis à proposito meo non absterritus, à te usq; persuaderi mihi passus sum, omnia illa infanda, te invito & inscio, perpetrata esse, & literis tuis extremis Constantinoviam invitatus, eò cum collegis meis magnâ fiduciâ pergebam. Ac vix diei unius atque alterius iter jam supererat, cum Barum à Vestris invaditur; & paulò post, me prope

Huischia expilatur.

exercitui mihi tradito fideliter praefuturum, & operâ illius ad reprimendas hostium invasiones usurum, Regni fines tutos, dignitatem & securitatem Reipubl. pro viribus indemnem inviolatamq; praestitutum: si, quod Deus avertat, Regnum seditio invaserit, nulli parti adhaesurum, damna incolis Russiae, Poloniae, Voliniae &c. nulla illaturum, & ne à militibus inferantur, omni ratione provisurum. Pensiones verò tam ab Ecclesiasticis, quàm aliis personis quibusvis, nullas omnino exacturum, & ne milites exigant, curaturum. Sic me Deus adjuvet, & hæc sancta Crux.

Iidem Praefecti militiae, exercitum Reipubl. in viscera Regni seu totum, seu partitè, sub tempus praecipue Electionis, & in locum huic destinatum admoveere prohibentur: si secus faxint, pro hostibus patriae declarantur.

Ut belli res consilio maturiore procedant, Consilia-
rii ad- praefectis militiae pro Consiliariis seu Provi-
duntur soribus, nomine Commissariorum, triginta
praefectis sex ex primoribus Senatûs & Nunciis terre-
stribus adduntur: quibus extra ordinem adscriptus est Christophorus Arciszevius, ille, qui annis superioribus, rebus in Brasiliâ gestis apud Batavos florentissimus, in patriâ tum rei tormentariae curam gerebat. Lithuania Ducibus bellicis quinq; millium exercitum

citum conficere, coërcendæ Cosacorum, illi Lithva-
 quog; provinciæ imminentium rebellionī, nica mi-
 permisum: sed simul, ut is sub rectæ disci- litie
 plinæ fræno habeatur, severè injunctum. præfecti.
 Ubi exercitu postea opus non fuerit, nume-
 rato stipendio dimittendum; aut ad feren-
 dam Polonia laboranti opem, suis à Dacibus,
 & integrâ eorum potestate mansurâ, ducen-
 dum. Arcis præterea Smolenscensis cura &
 reparatio imperatur iis, quorum id mune-
 ris sit. Adhæc quia turbatissimæ nunc Rei- Smolen-
 publ. negotia præsentissimis consiliis & ma- scum.
 gnis adiutoribus egeant, Archiepiscopo Gnes-
 nensi, cui ut primati suprema autoritas re-
 linquitur, adduntur ex Senatu & Ordine
 Equestri Consiliarii, viri dignitate, & pru-
 dentiâ pollentissimi; quorum cura commit-
 titur, Legatos externos recipere, ad subita
 necessitatum Reipubl. excubare, reservatâ in
 gravioribus, ad Electionis conventum, deci-
 sione.

Corpori etiam defuncti Regis, ut honos Cadave-
 suus à memore meritorum Republ. constet, ris Regii
 ei adesse & quæ decus Regium postulet, admi- honori
 nistrare primariæ dignitatis viri, præcipuè cavetur.
 ex Aula continuis Mareschalci & Cancell-
 arii jubentur.

Quod si hostis potentia adeò ingravesce- Expedi-
 ret, ut præsentis Reipublicæ exercitus ei co- tio Gene-
 I hibenda ralis.

hibenda non sufficiant, expeditio publica jam nunc indicitur, quò ad eam omnes parati sint: & ubi Archiepiscopus cum Consiliario Senatu tempus desinierit, ut ritu majorum sine divisione belli, loco, qui nominatus fuerit, adsint sine morâ.

Descriptio militum tam à Republ. quàm particulatim per Palatinatus autoratorum in castris institui jubetur; simul & Palatina-

Exercitiis stipendiorum suo militi tempestivè nutibus lemerandorum cura mandatur, eum verò miges pra-litem non nisi, cum Comititia Coronationis scribun-Reipubl. non necessarium judicaverint, ex-tur. autorare permittitur.

Exercitus ab Electionis conventu procul esse, ubiq; verò ab injuriis abstinere, & bonis Nobilium, Ecclesiasticorum, Regiis præcipuè Oeconomis, innoxii agere jubentur, præsentissimâ in delinquentes pœnâ sancitâ.

Thesaurariis interdicitur, tributa Regni sine scitu Archiepiscopi & ejus assessorum, aut aliò, quàm in stipendia militum publicorum erogare.

Reginæ viduæ redditus mense Regia destinati, usitati item salinarum & vectigalium proventus relinquuntur, usq; ad exequiarum Regiarum tempus. Omnium tamen ratio à Thesaurariis poscitur, in Comititiis Coronationis reddenda. Salinarum simul Cracoviensium

coviensium ruinis remedia festinari iussa, commisso eas lustrandi negotio, tribus eximie dignitatis & virtutis viris: Hieronymo Milonscio Castellano Rospirensi, Stephano Coricinscio Osvecimensi Praefecto, Joanni Schlichtingio Judici Wschovenssi.

Palatinis insuper & praefectis arcium limitanearum, ut intra loca ista, hostium conatibus proximè patentia, maneat, edicitur.

Arci Cracoviensi trecentorum militum praesidium, inde toto hoc Interregni tempore non abstrahendum assignatur; simul ut pyrii pulveris & aliorum belli apparatus sufficiens copia eò inferatur, Christophoro Arcis-sevio, cujus paulò ante mentio facta est, imperatum.

Turbarum Cosacicarum compositio de Cosacica mandatur Adamo Kisielo Palatino tum Braclaviensi, postea Kioviensi, cui collegae adiunguntur Franciscus Dubravius, Alexander Sielscius Posnaniensis tum Dapifer, Theodorus Obuchovieius, viri omnes facundiâ & meritis in Republ. insignes.

Quia incertum habeatur, quantum ex caso Reipubl. exercitu, quem Quartanum vulgò vocant, supersit; numerum superstium inire jubetur scribe Castrensis, adiunctis, qui curam socient, quinq; Equitibus.

Legiones jussu Archiepiscopi à Tribunis nonnullis, inprimis Christophoro Przyjemscio, claro natalibus, & Germanicâ Gallicâq; militiâ ad patriæ usum apprimè exercito, coactæ approbantur.

Urbium Quia urbes nonnullæ jussu Regis, juxta quarumcum aliis Regni civibus, eligendi habere gloriâ jus riantur, iis ad suffragiorum libertatem adiutus non ante permittitur, quàm jus illud suffragiorum, quod prætendant, liquidum fecerint.

Palatinatibus singulis certi dies conventuum, quibus hætenus acta, relictis domi civibus, seu, ut se mutuò appellant, fratribus referenda essent, definiti.

Lithvaniæ. Magnus verò Ducatus Lithvaniæ, qui ante, cum de expeditione publicâ ageretur, amplius inter suos domi deliberandum consueverat, in tributum ultrò consensit, aliis Palatinatum quaternas agrarias, aliis ternas binasve promittentibus. Civitatibus bonisq; aliis Regiis & Ecclesiasticis quaternæ agrariæ, totidem Judeis, sed in singula capita, exactiones imperantur.

Tributa Tributa deniq; omnia, tam ea, quæ in ærarium Reipubl. illata, quàm quæ singulorum Palatinatum administrationi hucusq; relictæ essent, in delectus militares, ad arbitrium militiæ Præfectorum erogari jubentur.

Hæc

Hæc autem omnia, antequam universo *De liber-*
 conventui allubescerent, magnis sanè ani-*tate Re-*
 morum motibus & laterum contentioni-*ligionis*
 bus agitata sunt. Inprimis Religionis ne-*contro-*
 gotium multas dabat turbas : disidentium *versæ.*
 quovis libertati suorum sacrorum, quò ju-
 stius timere videbatur, eò fulcra sollicitiùs
 quærente. Ac satis quidem omnium secu-
 ritati superiorum Interregnum confœ-
 derationibus cautum videbatur ; adeò eti-
 am, ut Episcopi, & quotquot flagrantiore
 in Ecclesiam Romano-Catholicam studio
 agerentur, nimium cæteris indultum pu-
 tarent. Hi verò factam à decesforibus con-
 cordiæ ac pacis contesferationem urge-
 bant : tolliq; exceptiones volebant, qui-
 bus obrogari confœderationi illi, & cum
 injuriâ partium infirmiorum contraveniri
 querebantur ; fidemq; adeò promissam,
 & legis, quâ pax religionum niteretur, as-
 sertionem declarationemq; minus paten-
 tem effugiis postulabant.

Sed magno quoq; æstu, in hoc conven- *Extra-*
 tu, provinciarum internuncii in extraneos *neos re-*
 efferbuerant, quibus præcipua munerum, *motos*
 in Aulâ, multis ab annis, dari indignaban- *volunt*
 tur. Et parum abfuit, quin aliqui istorum *quidam.*
 exauctorarentur, ægrè à magnis Senatori-
 bus, Episcopis præcipuè, protecti. Nec an-

*Prusforū
querela.*

te quievit oppugnantium strepitus, quàm promitteret Archiepiscopus, illos Saltem extraneorum, qui alibi larem fixissent, à negotiis Regni in posterum prohibitum iri. Non parum deniq; cum Pruslicis internunciis negotii fuit, idq; duplici nomine. Primum quidem, cum de Sanctionum omnium sub Interregno hoc per provincias factarum approbatione ageretur, nunciorum unus, Ignatius Bonkovius, vir facundiâ & rerum usu spectatus, ob insignes dotes posthac Palatinus Pomeraniæ creatus, approbationi illi haud ante subscripturum se perterritus, quàm addita foret cautio, juribus Prusliæ, quæ hæc terra ad Regnum peculiaris attulerit, & adhuc servet, nihil illâ sanctione decessurum. Et quamvis huic postulato à plurimis intercederetur, evicit is tamen, ut lex ista ad solius Poloniæ provincias restringeretur. Alterum de quo sub finem conventus cum iisdem Pruslis disceptatum est, portorium Pruthenicum fuit, quod ex mercium exoticarum provenitu, partim Regi, partim urbibus, in quibus colligitur, cedere solitum, cum delectibus faciendis ab Archiepiscopo ejusq; collegis destinaretur, negabant internuncii, tempore Interregni, ab urbibus illis in ærarium Reipubl. debere inferri. Cumq; lis illa fini-

niri

niri aliter non posset, quicquid etiam pro ærario dicerent magnæ autoritatis viri, recipiendum fuit Archiepiscopo, se scriptis literis Elbinganos & Gedanenses monituum, ut tam necessario Reipubl. tempore, istud exhausto ærario subsidium ne denegarent.

Antequam Varsoviâ in Russiæ extrema, *Lithva-*
hoc est à finito Convocationis Conventu *nia à Co-*
ad Cosacos redeam, par erat divertere ali- *faciis*
quantum in Lithvaniam, cujus res quan- *turbis*
quam haud dubiè suum seorsim, ut meruê, *non libe-*
re, scriptorem aut habent, aut habebunt, à *ra.*

Polonicis minimè divellendæ sunt. Ea enim regio, æquis legibus & pari per omnia libertate Poloniæ innexa, magnam Russiæ Polonicæ partem olim sibi bello imperioq; subjectam tenuit. Quæ hodieq; Russia Alba appellatur. Incolas verò Ducatus penè totus earundem cum Russis cæteris consuetudinum, ejusdemq; in sacris ritus habet, Eò facilius nunc quoq; seditionum hæc contagies, inter vicinos, & gentium morumq; similes, transmissa diffusaq; est. Ac primum ultra Borysthenem, cum Vîsniovecius Dux prævalidæ seditiosorum multitudini se & quotquot sibi fidos perfidisq; invisos videret, inde subduxisset, pestis illa sine impedimento omnes illas oras

Lithvaniæ finitimas pervasit, idq; tantò effrænatiùs, cum bina militum signa à Mirscio excubiis Lithvaniæ præfecto, ad occupandum Berezynæ fluvii trajectum missa, subito furibundæ multitudinis accursu circumventa atq; obtrita essent. Inde sumpto impetu hostis in viscera Lithvaniæ progredi tentabat, haud ignarus, omne istic vulgus, simili religionis æstro agitari. Et magis mox erupturum, ubi ex Ukrainâ propinquarent, qui plebem istic armaverant.

*Cosaci
ad Bi-
chovum,*

Eâ spe, Bichovum, vetus Chodkeviciorum hæredium, situm ad Borysthenis ripam, & præaltis aggeribus munitum decem millia Cosacorum, ductore Orcusâ, promptos sibi oppidanorum animos polliciti, accesserant: sed hi destituere illorum conatus, seu suopte ingenio fidei supra cæteros retinentes, seu quòd à validissimo præsidio custoditi, promere perfidiam non auderent.

*Defendi-
tur Lith-
vania.*

Etenim Leo Casimirus Sapieha Lithvaniæ Procancellarius loci illius possessor, ultra mille quingentos præsidarios istic ære proprio jam dudum alebat. Qui & suggredientes hostiles catervas ita fortiter excepere; ut majore earum parte cæsâ, quod reliquum esset, ægrè sibi fugâ consuleret. Inprimis verò Janusius Radzivillius tum Campiductor Lithvaniæ periculum Regno uni-
verso

verso imminens opposito Lithvanico exercitu amoliri, suarum partium esse duxerat. Kiska enim Palatinus Polocensis, summo belli in Lithvaniâ regimini præfectus, per corporis debilitatem dignitatis tantum nomen gerebat, omni armorum curâ in Radzivillium, sorore ipsius genitum, Ducem annis animisq; virentem, depositâ. Sed hic nec multum è publico æris, nec exercitum, quantum discrimina Reipubl. requirerent, dari sibi querebatur, aliis periculi magnitudinem nondum æstimantibus satis, aliis alia causantibus, & in Duce ipso requirantibus non parum. Nihilominus is collecta vetere suorum, tum & recens, autoratâ manu ita rem agebat, ut & pronam ubiq; in perfidiæ scelus plebem, ostentato cominꝰ periculo, compesceret, & hoste omnia latè inundaturum refrænaret. Quem etiam tandem auctis in modicam molem copiis, post velitationes haud paucas, ad Lojoviam memorabili in omnem posteritatem prælio debellavit; triginta isthic millium exercitu partim profligato, partim cæso, castris occupatis, capto ipso exercitus illius ductore Cryczewio, & mox ex vulneribus mortuo, Sed ista omnia in tempore memorabimus uberius.

gem exarâssent, ad se, quibus post obitum Regium universæ Reipubl. negotia incumbant competantq³, delatas, inq³ iis supplices preces, quibus magnorum & Deum juxta ac Rempubl. gravissimè ledentium, facinorum veniam rogent. Non opus esse verbis dilatare quæ ab ipsis admisa sint. Ipsos confiteri, violatum à se omne fidei divina ac humane sacramentum, quando factâ cum infestâ Christianæ rei gente conspiratione, in exiguum Reipubl. manum, eamq³ divisam, vim & savitiam exercuerint. Ac adesse equidem Dei beneficio Reipubl. vires, sumenda de tali hoste ultioni pares; & cæli profectò favorem divinæ equè ac sue injuria vindicibus Polonis haudquaquam defuturum, contra eos, qui Rempublicam, cui debuerint obsequium, perfidiâ lacescant. Ceterùm sanguinis humani reverentiâ, tum humili ipsorum post patrata facinora submissione, ad meliora se flexos, destinâsse jam Recuperatores, viros insignes, qui voluntatem Reipubl. super eo negotio luculentiùs explicaturi sint. Interim jam nunc quoq³, de suâ in ipsos tanquam subditos clementiâ aut commissorum condonatione non dubitandum, dummodò ipsimet firmam satis sinceræ de commissis pœnitentiæ fidem faciant. Facturos autem, si captivos quos habeant, quàm primùm dimittant.

Duces

Duces verò rebellium globorum Russiam, nunc passim pervolitantium, & in nobilitatem præcipuè sevientium, Recuperatoribus sistant: quicquid deniq; sit societatis aut fœderis, quod cum Tartaris susceperint, abjiciant. Quæ alia transigenda cum ipsis restent, Recuperatoribus se commisisse, quos modestis animis expectent, ab omnibus interrim injuriis abstinentes, & nullâ infestâ amplius manu, Regno vel Mag. Lithvania Ducatui graves. Postremò cum in formulâ commissorum (vulgò instructione) nunciis suis datâ, mentio facta sit literarum, tum privilegiorum, istorum nihil Ordinibus redditum esse. Et sic quidem ad suos remissi, quos Chmelnicius post victoriam Corfunensem Varsoviâ miserat, pacis Oratores. Quos propriâ Cal. Augusti durante adhuc conventu, Kisielus Palatinus barbarum Cosaccarum pacator destinatus, cum collegis supra nominatis, insecutus est, comitante cum Serenis. Principis, postea Regis Joannis Casimiri, cohorte. Nam his ipsis seditionibus, res quoq; Palatini adeò accisæ erant, ut itineris sui securitati, functionisve susceptæ dignitati suis opibus consulere non sufficeret.

*Kisielus
mittitur
ad Cosa-
cos.*

Cæterum amoto hoc primo & Republicæ omnium maximè urgente velut lapide, tantò

de, tantò tranquillioribus animis, in alia, quæ in istiusmodi conventu agi consuevere, itum est. Et post multas plurium dierum concertationes, quæ à tantâ sentiendi disentiendiq; libertate abesse vix solent, vel possunt, in hæc tandem capita, quæ propter curiosiores apponere libet, conventum est.

Confæderatio à quo & Confæderationis nomen huic Con-
Ordinũ. ventui inditum, omnia Regni, ex tot diver-
sis Nationibus coaliti, membra & ordines
omnes, in commune concordie ac pacis mu-
tue fœdus novo & sanctissimo nexu conspi-
rant, abdicatâ ultrò & quodammodo ejura-
tâ copiâ à reliquo corpore secedendi, seorsim-
vè ullis stimulationibus vel modis, publice
Electionis libertati damnosis, quenquam, non
expectato unanimi omnium Ordinum con-
sensu, Regem nominandi, vel deniq; ante ju-
rium, privilegiorum, immunitatum confir-
mationem sacramento factam, pro Rege re-
cipiendi audiendivè. Qui secus faxit, pro
hoste patriæ habendum. Ac cum ab orbitâ
legum juriũq; non parum discessum sit,
spondent sibi mutuò, non accessuros se ad
Electionis suffragia, aut cum Candidatis pa-
cta, nisi sanatis primùm Reipubl. ac liberta-
tis vulneribus, & exorbitationibus, quas ulla
Regni

Regni provincia publicè privatimvè factas ostenderint, correctis & sublati.

Inprimis Religionis diversitatem nemini Sacrorum fraudi fore, stipulantur, fidem, honorem & cavetur conscientias inter se obtestati. Decreta etiam libertati, Tribunalitia, vim legis, & adversum quid isti libertati spirantia, mandata item Regia, pacem Religionis luxare aut convellere visa, abrogant; & ne post-hac fiant, cavere pollicentur. In quibuscumq; urbibus Regiis publicis & solennis sacrorum usus dissidentibus in Religionem antehac usitatus fuerit, eundem pariter deinceps licitum esse; ubi is exulaverit huiusq; tumultibus amoliendis, posthac etiam exesse volunt: ita tamen ut privatim sacris suis operari peregrè advenientibus fas sit. In violatores verò securitatis dissidentium, cum antehac anno 1631. acris lex lata fuerit, eam istius insuper conventus autoritate firmant, denunciataq; promptiori in peccantes in posterum animadversione stabiliunt.

Ecclesie Russicae, Religionis suae, in qua Ecclesia illa gens olim cum Regno Poloniae coaluerit, Graecae jura & privilegia antiqua firmantur, addito jura. insuper, si quae sub Rege defuncto labefactata, vel imminuta sint, ut futuro Electionis Conventu in integrum restituantur, & citra contradictionem aut etiam disquisitionem, futuro

turo Regi tuenda exequendaq; commendentur.

Judicia Postea justitiæ administrandæ curam in-
constitu- tendunt, mutuò sibi ingeminantes, ut in Re-
untur. gnis nunquam, ita multò minùs in Interre-
gnis, quibus ferè, ut criticis diebus, corpora
Regnorum debilia maximè, mutationiq; op-
portuna sint, legum auctoritatem hebescere
debere. Sententiæ itaq; ante publicationem
mortis Regiæ ab Archiepiscopo factam, quo-
cunq; in judicio legitimo lata, pro ratis ha-
bentur: contractus, testamenta, protestatio-
nes, relationes etiam post publicationem
mortis Regiæ, apertis de consensu Palatina-
tûs vel territorii cujusq; libris publicis inser-
ta, pro legitimis promulgantur.

Judicia sub interregno instituta, (quæ à
velo magni luctûs indice Capturalia dici so-
lent) sanctiones, & consilia omnia, ad de-
fensionem patriæ, conflationem aeris in dele-
ctûs militares, juris deniq; tuitionem institu-
ta approbantur firmanturq; ; additâ tamen
conditione, ne vel publico vel privatorum
etiam aut spiritualium, aerarii deniq; publici
juri quicquam derogent.

Lithvanica porrò, si quâ à cæteris abeunt,
aut extra fines antehac usitados extendun-
tur, ne in exemplum posthac trahantur, aut
juri communi noxam, solvendæ vè uniti cor-
poris compagi occasionem afferant. (Ele-

Electiōni Regis sextam Octobris diem, Electiōis locum propè Varsaviam à Mareschalco ag- gere subitaneo circumducendum, assignant, adsigna- id caventes, quod lege anno 1587. latâ cau- tum sit, ne quisquam peregrinis hominibus, Electi- vel machinis bellicis instructus veniat. Cete- nis leges. ra ut ad modum & institutum majorum, An- ni inprimis 1573. revocentur, & si quæ dubia, vel sequius facta, ea ut sub ipsa Electi- nis auspiciis primis congressibus emendentur componanturvé.

Cavetur pariter, ne ab euntibus ad Ele- ctionem vel jam præsentibus vis aut injuria cuiquam inferatur; illata ut cognoscatur à Judicibus in id primo statim conventus die delectis ac juratis, inter quos Regni & Mag. Ducat. Lithvanie Mareschalli futuri sunt.

Thesauro Regni Cracoviae asservato, tum & Lithvanico, lustratores, viri ex Senatu & Nobilitate primarii designantur.

Pacta cum Principibus & Regnis vicinis antiqua renovari, incerta stabiliri, missis in id, sumptu publico, sed modesto, legatis, im- perantur, inprimis verò repetundarum à Tartaris cura commendatur illi, qui ad Tur- cam iturus esset.

Militiæ autem præfecti coram Belli arbi- Militiæ tris seu Commisfariis adigi jubentur in tale præfectis sacramentum: Ego N. juratus spondeo, me dantur exercitui leges.

exercitui mihi tradito fideliter praefuturum, & operâ illius ad reprimendas hostium invasiones usurum, Regni fines tutos, dignitatem & securitatem Reipubl. pro viribus indemnem inviolatamq; praestitutum: si, quod Deus avertat, Regnum seditio invaserit, nulli parti adhaesurum, damna incolis Russiae, Poloniae, Volinia &c. nulla illaturum, & ne à militibus inferantur, omni ratione provisurum. Pensiones verò tam ab Ecclesiasticis, quàm aliis personis quibusvis, nullas omnino exacturum, & ne milites exigant, curaturum. Sic me Deus adjuvet, & hæc sancta Crux.

Iidem Praefecti militiae, exercitum Reipubl. in viscera Regni seu totum, seu partitè, sub tempus præcipuè Electionis, & in locum huic destinatum admoveere prohibentur: si secus faxint, pro hostibus patriæ declarantur.

Ut belli res consilio maturiore procedant, praefectis militiae pro Consiliariis seu Provisoribus, nomine Commissariorum, triginta sex ex primoribus Senatûs & Nunciis terrestribus adduntur: quibus extra ordinem adscriptus est Christophorus Arciszevius, ille, qui annis superioribus, rebus in Brasiliâ gestis apud Batavos florentissimus, in patriâ tum rei tormentariae curam gerebat. Lithuania Ducibus bellicis quinq; millium exercitum

citum conficere, coërcendæ Cosacorum, illi Lithva-
 quog; provinciæ imminentiam rebellionis, nica mi-
 permisum: sed simul, ut is sub rectæ disci- litie
 plinæ fræno habeatur, severe injunctum. præfecti.
 Ubi exercitu postea opus non fuerit, nume-
 rato stipendio dimittendum; aut ad feren-
 dam Polonia laboranti opem, suis à Dacibus,
 & integrâ eorum potestate mansurâ, ducen-
 dum. Arcis præterea Smolenscensis cura &
 reparatio imperatur iis, quorum id mune-
 ris sit. Adhæc quia turbatissimæ nunc Rei- Smolen-
 publ. negotia præsentissimis consiliis & ma- scum.
 gnis adiutoribus egeant, Archiepiscopo Gnes-
 nensi, cui ut primati suprema autoritas re-
 linquitur, adduntur ex Senatu & Ordine
 Equestri Consilarii, viri dignitate, & pru-
 dentiâ pollentissimi; quorum cura commit-
 titur, Legatos externos recipere, ad subita
 necessitatum Reipubl. excubare, reservatâ in
 gravioribus, ad Electionis conventum, deci-
 sione.

Corpori etiam defuncti Regis, ut honos Cadave-
 suus à memore meritorum Republ. constet, ris Regii
 ei adesse & quæ decus Regium postulet, admi- honori
 nistrare primariæ dignitatis viri, præcipue cavetur.
 ex Aula continuis Mareschalci & Cancellarij
 jubentur.

Quod si hostis potentia adeò ingravesce- Expedi-
 ret, ut præsentis Reipublicæ exercitus ei co- tio Gene-
 I hibenda ralis.

hibendæ non sufficiant, expeditio publica jam nunc indicitur, quò ad eam omnes parati sint: & ubi Archiepiscopus cum Consiliario Senatu tempus definierit, ut ritu majorum sine divisione belli, loco, qui nominatus fuerit, adsint sine morâ.

Descriptio militum tam à Republ. quàm particulatim per Palatinatus autoratum in castris institui jubetur; simul & Palatinatibus stipendiorum suo militi tempestivè nutibus lemerandorum cura mandatur, eum verò miges prælitum non nisi, cum Comititia Coronationis scribuntur. Reipubl. non necessarium judicaverint, exautorare permittitur.

Exercitus ab Electionis conventu procul esse, ubiq; verò ab injuriis abstinere, & bonis Nobilium, Ecclesiasticorum, Regiis præcipuè Oeconomis, innoxii agere jubentur, præsentissimâ in delinquentes pœnâ sancitâ.

Thesaurariis interdicitur, tributa Regni sine scitu Archiepiscopi & ejus assessorum, aut aliò, quàm in stipendia militum publicorum erogare.

Reginæ viduæ redditus mense Regiæ destinati, usitati item salinarum & vectigalium proventus relinquuntur, usq; ad exequiarum Regiarum tempus. Omnium tamen ratio à Thesaurariis poscitur, in Comititiis Coronationis reddenda. Salinarum simul Cracoviensium

coviensium ruinis remedia festinari iussa, commisso eas lustrandi negotio, tribus eximia dignitatis & virtutis viris: Hieronymo Milonscio Castellano Rospirensi, Stephano Coricinscio Osvecimensi Praefecto, Joanni Schlichtingio Judici Wschovenssi.

Palatinis insuper & praefectis arcium limitanearum, ut intra loca ista, hostium conatibus proximè patentia, maneat, edicitur.

Arci Cracoviensi trecentorum militum praesidium, inde toto hoc Interregni tempore non abstrahendum assignatur; simul ut pyrii pulveris & aliorum belli apparatus sufficiens copia eò inferatur, Christophoro Arcis-sevio, cujus paulò ante mentio facta est, imperatum.

Turbarum Cosacicarum compositio de Cosacica mandatur Adamo Kisielo Palatino tum Bra- turba claviensi, postea Kioviensi, cui collegae adjun- componi guntur Franciscus Dubravius, Alexander jubentur Sielscius Posnaniensis tum Dapifer, Theodo- per com- rus Obuchovieius, viri omnes facundiâ & missa- meritis in Republ. insignes. rios.

Quia incertum habeatur, quantum ex caso Reipubl. exercitu, quem Quartanum, vulgò vocant, supersit; numerum supersti- tum inire jubetur scribe Castrensis, adjun- ctis, qui curam socient, quinq; Equitibus.

Legiones jussu Archiepiscopi à Tribunis nonnullis, inprimis Christophoro Przyjemscio, claro natalibus, & Germanicâ Gallicâq; militiâ ad patriæ usum apprimè exercito, coactæ approbantur.

Urbium Quia urbes nonnullæ jus Regis, juxta quarum-cum aliis Regni civibus, eligendi habere gloriâ jus riantur, iis ad suffragiorum libertatem ad Electionem. tus non ante permittitur, quàm jus illud suffragionem. um, quod prætendant, liquidum fecerint.

Palatinatibus singulis certi dies conventuum, quibus hætenus acta, relictis domiciliis, seu, ut se mutuò appellant, fratribus referenda essent, definiti.

Lithvanie. ex- Magnus verò Ducatus Lithvanie, qui ante, cum de expeditione publicâ ageretur, am-
pedicio pliùs inter suos domiciliis deliberandum censue-
genera- rat, in tributum ultrò consensit, aliis Pala-
lis. tinatum quaternas agrarias, aliis ternas binasve promittentibus. Civitatibus bonisq; aliis Regiis & Ecclesiasticis quaternæ agrariæ, totidem Judæis, sed in singula capita, exactiones imperantur.

Tributa Tributa deniq; omnia, tam ea, quæ in ærarium Reipubl. illata, quàm quæ singulorum Palatinatum administrationi hucusq; relicta essent, in delectus militares, ad arbitrium militiæ Præfectorum erogari jubentur.

Hæc

Hæc autem omnia, antequam universo *De libera-*
 conventui allubescerent, magnis sanè ani-*tate Re-*
 morum motibus & laterum contentioni-*ligionis*
 bus agitata sunt. Inprimis Religionis ne-*contro-*
 gotium multas dabat turbas: disidentium *versia.*
 quovis libertati suorum sacrorum, quò ju-
 stius timere videbatur, eò fulcra sollicitiùs
 quærente. Ac satis quidem omnium secu-
 ritati superiorum Interregnum confœ-
 derationibus cautum videbatur; adeò eti-
 am, ut Episcopi, & quotquot flagrantiore
 in Ecclesiam Romano-Catholicam studio
 agerentur, nimium cæteris indultum pu-
 tarent. Hi verò factam à decesforibus con-
 cordiæ ac pacis contesferationem urge-
 bant: tolliq; exceptiones volebant, qui-
 bus obrogari confœderationi illi, & cum
 injuriâ partium infirmiorum contraveniri
 querebantur; fidemq; adeò promissam,
 & legis, quâ pax religionum niteretur, as-
 sertionem declarationemq; minus paten-
 tem effugiis postulabant.

Sed magno quoq; æstu, in hoc conven- *Extra-*
 tu, provinciarum internuncii in extraneos *neos re-*
 efferbuerant, quibus præcipua munerum, *motos*
 in Aulâ, multis ab annis, dari indignaban- *volunt*
 tur. Et parum abfuit, quin aliqui istorum *quidam.*
 exauctorarentur, ægrè à magnis Senatori-
 bus, Episcopis præcipuè, protecti. Nec an-

*Prusforū
querela.*

te quievit oppugnantium strepitus, quàm promitteret Archiepiscopus, illos Saltem extraneorum, qui alibi larem fixissent, à negotiis Regni in posterum prohibitum iri. Non parum deniq; cum Prussicis internunciis negotii fuit, idq; duplici nomine. Primum quidem, cum de Sanctionum omnium sub Interregno hoc per provincias factarum approbatione ageretur, nunciorum unus, Ignatius Bonkovius, vir facundiâ & rerum usu spectatus, ob insignes dotes posthac Palatinus Pomeraniæ creatus, approbationi illi haud ante subscripturum se perterritus, quàm addita foret cautio, juribus Prussiæ, quæ hæc terra ad Regnum peculiarior attulerit, & adhuc servet, nihil illâ sanctione decessurum. Et quamvis huic postulato à plurimis intercederetur, evicit is tamen, ut lex ista ad solius Poloniæ provincias restringeretur. Alterum de quo sub finem conventus cum iisdem Prussis disceptatum est, portorium Pruthenicum fuit, quod ex mercium exoticarum provenitu, partim Regi, partim urbibus, in quibus colligitur, cedere solitum, cum delectibus faciendis ab Archiepiscopo ejusq; collegis destinaretur, negabant internuncii, tempore Interregni, ab urbibus illis in ærarium Reipubl. debere inferri. Cumq; lis illa finiri

niri aliter non posset, quicquid etiam pro ærario dicerent magnæ autoritatis viri, recipiendum fuit Archiepiscopo, se scriptis literis Elbinganos & Gedanenses moniturum, ut tam necessario Reipubl. tempore, istud exhausto ærario subsidium ne denegarent.

Antequam Varsoviâ in Russiæ extrema, *Lithva-*
hoc est à finito Convocationis Conventu *nia à Co-*
ad Cosacos redeam, par erat divertere ali- *faciis*
quantum in Lithvaniam, cujus res quan- *turbis*
quam haud dubiè suum seorsim, ut meruê, *non libe-*
re, scriptorem aut habent, aut habebunt, à *ra-*
Polonicis minimè divellendæ sunt. Ea-
enim regio, æquis legibus & pari per omnia libertate Poloniæ innexa, magnam Russiæ Polonicæ partem olim sibi bello imperioq; subiectam tenuit. Quæ hodieq; Russia Alba appellatur. Incolas verò Ducatus penè totus earundem cum Russis cæteris consuetudinum, ejusdemq; in sacris ritus habet, Eò facilius nunc quoq; seditionum hæc contagies, inter vicinos, & gentium morumq; similes, transmissa diffusaq; est. Ac primum ultra Borysthenem, cum Vîsniovecius Dux prævalidæ seditiosorum multitudini se & quotquot sibi fidos perfidisq; invisos videret, inde subduxisset, pestis illa sine impedimento omnes illas oras

Lithvaniæ finitimas pervasit, idq; tantò effrænatiùs, cum bina militum signa à Mirscio excubiis Lithvaniæ præfecto, ad occupandum Berezynæ fluvii trajectum missa, subito furibundæ multitudinis accursu circumventa atq; obtrita essent. Inde sumpto impetu hostis in viscera Lithvaniæ progredi tentabat, haud ignarus, omne istic vulgus, simili religionis æstro agitari. Et magis mox erupturum, ubi ex Ukrainâ propinquarent, qui plebem istic armaverant.

*Cosaci
ad Bi-
chovum,*

Eâ spe, Bichovum, vetus Chodkeviciorum hæredium, situm ad Borysthenis ripam, & præaltis aggeribus munitum decem millia Cosacorum, ductore Orcusâ, promptos sibi oppidanorum animos polliciti, accesserant: sed hi destituere illorum conatus, seu suopte ingenio fidei supra cæteros retinentes, seu quòd à validissimo præsidio custoditi, promere perfidiam non auderent.

*Defendi-
tur Lith-
vania.*

Etenim Leo Casimirus Sapieha Lithvaniæ Procancellarius loci illius possessor, ultra mille quingentos præsidarios istic ære proprio jam dudum alebat. Qui & suggredientes hostiles catervas ita fortiter excepere; ut majore earum parte cæsâ, quod reliquum esset, ægrè sibi fugâ consuleret. Inprimis verò Janusius Radzivillius tum Campiductor Lithvaniæ periculum Regno uni-
verso

verso imminens opposito Lithvanico exercitu amoliri, suarum partium esse duxerat. Kiska enim Palatinus Polocensis, summo belli in Lithvaniâ regimini præfectus, per corporis debilitatem dignitatis tantum nomen gerebat, omni armorum curâ in Radzivillium, sorore ipsius genitum, Ducem annis animisq; virentem, depositâ. Sed hic nec multum è publico æris, nec exercitum, quantum discrimina Reipubl. requirerent, dari sibi querebatur, aliis periculi magnitudinem nondum æstimantibus satis, aliis alia causantibus, & in Duce ipso requirentibus non parum. Nihilominus is collecta vetere suorum, tum & recens, autoratâ manu ita rem agebat, ut & pronam ubiq; in perfidiæ scelus plebem, ostentato cominꝰ periculo, compesceret, & hoste omnia latè inundaturum refrænaret. Quem etiam tandem auctis in modicam molem copiis, post velitationes haud paucas, ad Lojoviam memorabili in omnem posteritatem prælio debellavit; triginta isthic millium exercitu partim profligato, partim cæso, castris occupatis, capto ipso exercitus illius ductore Cryczewio, & mox ex vulneribus mortuo, Sed ista omnia in tempore memorabimus uberius.

LIBER III.

Nunc tandem ad Chmelnium, quem ad Fanum Album (Bialacierkev vulgò) reliquimus, series

Chmel- temporis reverti jubet. Is interim exerci-
nicius tum suum ex illo tractu, in quo literæ Pala-
ad Fa- tini ipsum stitère, non moverat, speciosâ
num-Al- satis patientiâ & fide, promissorum cona-
tum pa- tuumq; Kisielanorum eventum opperiens,
rienter Krzyvonossium separatæ colluviei ducto-
beret. rem, inmanemq; tum Russiæ calamitatem,
 nec juvabat aperte, nec inhibebat. Hic

Krzyvo- verò ut relatæ nuper ad Constantinovum
nosius duplicis cladis ignominiam insigni aliquo
vagatur. facinore elueret, Barum aggressus est, ur-
 bem mole & operibus sic satis firmam. Et
 in eâ machinas, aliosq; apparatus militares
 depositos servari non ignorabat. Coniec-

Barum polscius Regni Vexillifer, ne loco tanti
occupat. momenti deesset, legionum suarum unam,
 ductore Bronievio immiserat. Sed hic su-
 spectam civium fidem habens, converso aliò
 itinere, locum Germanis peditibus tuen-
 dum tradit, quos in auxilium laborantis
 Russiæ Carolus Poloniæ Princeps miserat.
 Horum pars arcem, Potocio rectore, inse-
 dit, pars

dit, pars ad portas civitatis iussa est excubare. Krzyvonosius magno exercitu urbem circumvenit. Dum speculatur, quâ faciendus esset assaultus, oppidani seu metu, seu pridem meditata fraude portas hosti aperiunt. Illicò in excubitores Germanos fit impetus, & ad unum omnes trucidantur. Inde dilapsa per urbem hostilis turba quicquid usquam Germani vel Poloni militis lateret, summa ima ædium perreptando venantur occiduntq;. Non templorum, non altarium sanctitas quenquam servare potuit. Neq; mortuis furor barbarus pepercit. Judæorum magnus in eâ urbe numerus antiquitus agit, cui tum ingens advenarum ejusdem sanguinis multitudo accesserat. Cum mortem alibi effugissent, hic non effugerunt, miseris modis unâ cum hospitibus suis interempti. Perisse ejus gentis quindecim millia capita istic feruntur. Arcem ducentorum peditum manus, ducente Potocio, per quinque dies fortiter defendit: neq; pauci istic oppugnantium occubere. Adeò ut tandem hostes per cadaverum suorum strues niterentur in vallum. Repulsi diu sunt, tandem tamen eâ parte, quâ stagno objecta arx hostem minus metuebat, minusq; munita erat, sgressi, quicquid reperiret præsidarii militis,

Præsidarii cædis.

militis, quicquid hominum non sui generis, ferro demesuere, uno servato Potocio juvene. Barum occupatum animos Krzyvonosio ad majora tentanda addidit. Et
Krzyvonosius Cameneciam ipsam aggredi ausus est: operam ei sociantibus, qui in illis Moldaviæ finibus, vitam latrocinio tolerant. Sed ob-
Camene- sidionis istius opus irritum & supra vires suas expertus, ad Chmelnicium seu sponte seu jussus rediit. Ille, quod hominem collectis ex prædâ opibus prægravem sentiret, fortè & Polonorum, quibus cum pacis tentamenta aliqua ipsi intercedebant, gratiæ
Capitur à Chmelnicio. aliquid daturus, comprehendi eum jussit, & machinis bellicis adstringi. Sed ubi non exiguam vim auri argentiq; & omnis generis spoliis ab ipso expressisset, facile deinde adduci se passus est; ut cum desiderio plebis, turboni illi nimis quàm faventis, redderet. Visniovecius Dux, apud Zbarasium, oppidum sibi gentilitium, aliquandiu moratus, & cum Potocio Palatino Podoliæ, Coniecpolscio Vexillifero, Calinovicio juniore, Czolovanocio, Dzikò alijsq; habito consilio, ubi Barum expugnatum intellexerat, reversus est ad exercitum, qui circa Camienum Czolhanociorum dictum, & Lachovecias, Sieniutarum hæredia, tum agebat; paucitatē copiarū, quibus Krzyvonosii
 nosii

nosſi molimina & grãſſationes coërcere
 non poſſet, tum cunctationes lentius veni-
 entium auxiliorum, & deniq; compositio-
 nis tardè procedentis moras ægerrimè fe-
 rens. Chmelnitio verò, uti præ aliis ſem-
 per formidatus iſte Dux, ita tum pro pacis
 remorâ habitus, imò pro turbatore ſermo-
 nibus literisq; traductus eſt. Kiſielus autem
 Palatinus, quanquam patriæ juvandæ ſtu-
 dio æſtuans, primùm tamen publicis deli-
 berationibus Varſaviæ, dein itineris longi-
 tudine, & deniq; viarum, quibus ad Chmel-
 nicum per medias hoſtium catervas eun-
 dum fuerat, difficultate præpeditus, alicubi
 etiam cum globis oppida paſſim populan-
 tibus conflictari coactus; ſuſcepti negotii
 maturatione, vota nec ſua, multò minus
 aliorum adæquare poterat. Unde & mul-
 torum non ſuſſuris tantum, ſed & publicè
 vocibus minùs ſecundis & literis deniq;
 Belli Commiſſariorum perſtringebatur,
 Quibus ille, ita ut æquum erat, motus, in-
 nocentem ſe multis excuſationibus proba-
 bat. Et ut re magis probaret, miſſis aliis
 atq; aliis nunciis Chmelnicum ſubinde ur-
 gebat, ut locum & tempus cæptando nego-
 tio designaret: qui tandem Conſtantino-
 vum nominavit. Quò cum Palatinus cum
 collegis tenderet, mittebat iterum iterumq;
 nuncios

*Kiſielus
 tardè ad
 Chmel-
 nicum
 pervenit.*

*Quo no-
 mine
 carpitur
 à multis.*

nuncios de adventu suo Chmelniciū præmonituros: sed ii partim diu detenti, partim etiam, dum quidam de exercitu nostro factâ ad Ostrogiam excursionē hostem offendissent, interempti, aut certē inclementer habiti sunt: ut ex epistolâ Palatini mox subjiciendâ colligere licebit. Alibi quoq; ad Luceoriam nobilitas disjicitur, & oppida plurima effræni agrestium licentiâ pervastantur. Hinc exstimulatus Palatinus literas facundi doloris plenas ad Chmelniciū scribit; in hunc modum: *cum Sanctissima Dei matris, nationis verò Ruthenicae protectricis adscensionī sit sacer dies, quo tristes has & forsā extremas ad te exaro; primò omnium eandem Dei sacratissimam, genitricem veneror, ut interpositis apud Filium suum precibus animum tuum mitiorem reddat, & ad hæc, quæ jam aguntur aut ingruunt, rectè introspicenda advertat. Non filio paternum, non servo herile negotium tam flagranti curæ esse potest, atq; mihi fuit id, quod Tibi & Cosacis cum Republ. est. Dies noctesq;, ita me DEUS amet, omni animi & corporis contentione incumbo in hanc causam, ex quo mihi curam ejus imponi passus sum. Judicia & vocule sinistrae, quas eò nomine subii, nō per Poloniā tantū, sed extracam quoq; jam percrebuere Perluclatus tamen.*

*Kisielus
Chmel-
niciū
acri epi-
istolâ ad-
monet
officii.*

men omnia fide constantiâq; quicquid tū & exercitus Cosacorum à Republ. petere magis, quàm sperare ausi estis, impetratum ferebam, felix orator & jam meriti apud Deum fiducia, ob inhibitum sanguinis Christiani diluvium, propè superbiens, certè exultans. Properabam ad vos, diffidentiam omnium, atq; etiam vestram reipsâ confutaturus; nihil ipse quoq; dubitans, omnia me eo loco, quo reliqueram abiens, reperturum. Sed ô quàm contra accidit! quot oppida, quot arces, quot ditiones Reipubl. devastatas & ignem ferrumq; expertas; quàm miserè indigneq; habitam etiam Huisciam meam, & quicquid in eâ pretiosissimarum rerum habebam, ablatum reperi! Hæc scilicet gratia fidei, labori & optimæ voluntati meæ relatâ erat. Neg; sanè mirum cuiquam videri potuisset, si tum missis adversum homines, data mihi fidei oblitus, suspiriis, negotium hoc omne excussissem cervicibus meis. Ego tamen injuriis alienis à proposito meo non absterritus, à te usq; persuaderi mihi passus sum, omnia illa infanda, te invito & inscio, perpetrata esse, & literis tuis extremis Constantinoviam invitatus, eò cum collegis meis magnâ fiduciâ pergebam. Ac vix diei unius atque alterius iter jam supererat, cum Barum à Vestris invaditur; & paulò post, me propè

*Huischia
expilatur.*

Barum me propè adspèctante, Ostrogiæ: mox & ali-
 invadi- bi sacra profana proculcantur; plebeiq; pa-
 tur. riter ac nobiles bonis vitaq; ipsâ exuuntur.
 via deniq; quibus eundum erat, copiis ob-
 viam misis, mihi intercluduntur. Vici &
 tunc animum, pacis sequestrum me cogitans,
 & injuriâ istâ, planè equidem hostili, ad col-
 loquium tuum reservatâ, Tribunos misis
 nunciis monui, darent viam non arma sed
 pacem ferenti, & euntem comitarentur præ-
 irentve. Consensere illi hâc conditione, ut
 Obsides denos mutuò obsides daremus; ego nobiles,
 violan- illi succenturiones. Fidem habui amicitiam
 tur. præferentibus, decemq; nobiles viros ex pa-
 tro misi, nihil sinistri scilicet metuentes. At
 ô quàm iterum spes me fefellit! quàm inau-
 dito, quàm inexpectato facinore conatus no-
 stri interversi sunt! septem ex obsidibus illis
 trucidârunt, tres tristi terrore detinent,
 simili fortè crudelitate mactandos, nisi jam
 mactati sunt. Si milites Visnioveciani ex-
 cursione factâ Ostrogiam tentârunt, id non
 luere isti, non ego debui, expers, Deum testor,
 atq; inscius planè ejus consilii. Cujus si fuis-
 sem particeps, an quæso tot nobiles viros,
 cives & fratres meos, ultionis vestræ libidini,
 præsentissimog; adeò periculo objecissem!
 Quid superest jam, quod diffidentiam & re-
 sumpta inter nos hostilitatis cursum refræ-
 nare

nare possit? Ipse rem considera; etiam atq;
 etiam cogitans, esse in cælis Deum, qui &
 possit facile vel validissimos exercitus obtine-
 re, & vindictam fidei ac sanguinis, præter
 fas effusi, non soleat trahere. Altaria *Belle*
 tam Græcis quàm Latinis ceremoniis conse- *mala*
 crata, sexus imbellis, & ætas innocens crude-
 liter habita, omnesq; illæ injuriæ, quas Chri-
 stiani Christianis, civibus hujus Reipubl. He-
 ris suis subditi, gravissimas, & à Turcis
 Tartariq; vix expectandas intulere, divi-
 nam Nemesein invocant. Ego igitur, acerbis
 lacrymis inanes labores meos profectus, ex
 viâ ad vos susceptâ, sed nunciorum meorum
 cadaveribus jam obseptâ, revertor ad exerci-
 tum Reipubl., cui propior factus, cum Collegis
 copiisq; meis extra castra subsistam, ultimos
 à vobis nuncios præstolaturus. Tu fac, cælo
 atq; orbi innotescat, sine scitu tuo factum,
 quicquid à perfidis istis perpetratum est. Pi-
 ent illi noxio cruore tot hominum innoxio-
 rum sanguinem, & tot domuum, pagorum,
 oppidorum, templorum deniq; immuni sacri-
 legio expilatorum ruinas. Ipse autem in fa-
 ciem tuam coram Majestate, omnia nostra,
 etiam cogitata, pervidente, supplex procum-
 be, & veniam commissorum roga. Quid pa-
 tria in te commisit, mater, nutricia & alu-
 mna tua? quid Dei, cui vitam & omnia
 debes,

debes, fana & altaria commeruere? quid nos, tibi & exercitui Zaporobiano, nullis injuriis, aliqui verò multis benevolentia pignoribus cogniti? Nemo usquam vivit mortalium, qui non conscientia tangatur sensu, qui ad Deum creatorem suum non suspiret. Te Christianis sacris imbutum qui non moveant vulnerentq; intimè ea, quæ facta sunt, quæq; fiunt: qui futura etiam non habeant sollicitum? reputantem scilicet, quò iste tanta multitudinis, & nil nisi sanguinem spirans concursus, quò tanti tumultus evasuri sint? Deus Opt. Max. & sanctissima Virgo, cui hunc diem Ecclesia esse sacrum voluit, meliorem tibi mentem dent; adeoq; te emolliant, ut emendandis, atq; in melius flectendis rebus animum intendas. Sex eni dies praefinio tibi: quibus sententiam tuam ultimamq; destinationem, non procul ab exercitu nostro, cum Collegis meis opperiar. Tu ne amplius expectationem nostram morare, sed effice, ut propensa in melius voluntas tua, stricto in perfidos istos ultore gladio, nobis & Reipubl. clarè pateat. Sin obduru it mens, sciat age saltem hac à subditis suis adeò præter meritum afflicta Mater, num merè factorum arbitrio rem committere, vindicemq; Dei manum expectare debeat. Quod abominatus ego semper, & usq; abominans, Deum

Deum oro, ut sacram hanc noxam, & quā nullam deteriore pestem scimus, bellum domesticum, à nobis averruncet. Penetravit Chmelnicii animum epistola, à viro magnæ autoritatis profecta, & ad eam, remis-
 so, quem inter alios Palatinus allegaverat, *Chmelnicius*
 Copistinio, sic satis reverenter respondit: *respon-*
det Ki-
sied Illa quæ ad Ostrogiam contigissent, non sibi, *sed* Polonis (Visniovecianos autem expertè *sic*lo.
 nominabat) potius imputanda. Quibus fra-
 num injici optat, se vicissim quicquid suorum
 militum Ostrogiam insedisset, revocaturum
 ad castra, atq; in id Semenem Tribunum
 Canioviensem jam misisse. Deniq; ut pateat
 inducias & pacis tractatus continuare se pa-
 ratum, conciliatores Constantinorum denuò
 invitat, eò se quoq; voluntatis suæ & Cosaco-
 rum internuncios missurum. Scriptæ hæ li-
 teræ erant 28. Augusti. Quibus acceptis si-
 ne morâ Palatinus, cum Collegis, versus lo-
 cum destinatum tendunt, præmisso, qui in-
 dicium faceret propinquantium, Glembo-
 vio. At interim nescio quo infausto sidere
 invaditur denuò à Polonis excursoribus O-
 strogia, nullo bono profectu (nec enim ur-
 bem obtinuere,) potius verò immenso Rei-
 publ. malo. Nam ad hunc sanè scopulum
 illisum pacis tractandæ universum nego-
 tium in nihilum cecidit. Chmelnicius
 K 2 enim

Ostrogia
invadi-
tur à Po-
lonis.

enim his irritatus, Glembovium, & quos deinceps nuncios misit Palatinus, machinis castrensibus alligatos retinuit, sacerdotem etiam Ruthenum ultimò missum non remisit, ad bellum nempe se jam parans, cui instaurando prægrandem habebat exercitum, & Tartaros ad omnia paratos advo-

Exercitus Polonicus tractatum moras agere fert. care constituerat. Polonicæ copiæ, quæ hæctenus ad Lachovecias, Camienum, Janpolum, Zaloscias, se utcunq, continuerant, belli quidem ab inani compositionis conatu suspensi moras, nec non habentis Ducum, inconsultos exercitus impetus cohibentium, parum æquis animis tolerare visæ, expectabant tamen reliquum ex Poloniâ militem. Qui ex singulis Palatinatibus collectus magnâ splendoris ostentatione, sed sparsim & lento admodum gradu, insuper verò itinera sua ubiq; rapinis signans, coibat. Neq; ad eadem castra, cum omnibus imperatum esset, Glinianos uti tenderent, confluebant omnes, conjunctionem morante æmulatione, & discordiâ Ducum; dubitantibusq; adeò multis, cui illorum se se adjungerent. Quidam etiam sine dubitatione, posthabitis, qui Varsoviæ constituti erant, militiæ Rectoribus, rectâ ad Vinniovecium ibant. In quem inde tantò major cæterorum invidia & indignatio concitata

Æmulatione inter Duces.

concitata est. Ut Commisfariis seu mavis
 Confiliariis belli, quorum plures in Convo-
 cationis Comitibus, Ducibus adjunctos dixi-
 mus, primo omnium laborandum fuerit in
 fopiendis inimicitiis, quæ inter Domini-
 cum & Vîsniovecium Duces; illum tum
 summum belli moderatorem creatum, hunc
 multis militiae decoribus, etiam recentibus,
 insignem Reipubl. propugnatorem, dudum
 glifcebant. Etenim rem fortunamq; Polo- *Discor-*
 norum omnem turbaturæ illæ videbanrur. *dia com-*
 Et primus quidem conciliationis conatus à *ponitur.*
 nonnullis magnæ etiam autoritatis viris
 fufceptus, prorsus fuit inanis. Alter demum
 labor Stanislai Witovvfcii Castellani Sen-
 domiriensis, rem confecit; cui Sigismun-
 dus Dönhofius Præfectus Sokalensis gna-
 vus hîc adjutor exftitit. Ubi autem effe- *Duces*
 ctum tandem erat, ut hæc primaria Reipu- *amicè*
 blicæ capita privatas similtates publicis u- *tandem*
 tilitatibus remitterent: primus Vîsniove- *conveni-*
 cius vicit animum, ut castra altera ingrede- *unt.*
 retur; cui ad æquum viæ spacium Domini-
 cus cum Nicolao Oſtrorogio, Regni Pocil-
 latore, altero belli hujus moderatore, pro-
 cesſit. Ita poſt mutuos amplexus, ad con-
 ſultandum primum de re communi, deinde
 ad epulas, raptim, & velut ſtringendo tan-
 tum arctius amicitiae nodo, verſi ſunt. Fa-

Et sic animorum armorumq; conjunctione, speculatores emissi, qui quid hostis agerent, explorarent. Is verò interim, cum exercitum Polonorum à Glinanensibus campis in Podoliam progressum; magis magisque grandescere intelligeret, satagebat rerum suarum, nec contentus multitudinem illam ingentem ad bellum componere,

Chmel-
nicius
Chanum
evocat,
re, Chanum quoque Tartaricum, nunciato periculo, quod sibi & Tartaris à Poloniâ, in bellum jam totâ effusâ, instaret, denuò ad se invitat. Qui foederis conscientiam, sed

multo magis amore prædæ, tum verò insuper literis à Porta Ottomannicâ allatis, quibus ad continuationem belli Polonici excitabatur, stimulatus, indictâ in singula capita expeditione, omnibus potentia suæ viribus premere Poloniam minabatur. Sed antequam ille adveniret, aut suppetias etiam

Poloni
propius
admo-
vent co-
pias ad
Chmel-
nicius.
am mitteret Chmelnicio, Poloni Tartarorum adventum animo præcipientes, propius accessere ad Kisieli Palatini copias, quæ duum millium circiter, in viciniâ hostis, pacifica ab hoc responsa expectantes stabant. Factâq; conjunctione, quantumvis inter languida aut minus audita diversorum imperia, discordia & confusio glisceret, res tamen identidem non infelicitè adhuc gerebatur. Ac ad primam venientium

tium famam Constantinovū 19. Septembr. *Constan-*
receptum est, Ostaphone tribuno rebellium, *tinovum*
istic vim venientium expectare non auso. *deditur*
Inde ad ipsas Pilavencias (arx est nobilis viri *Polonis.*
Czermienscii, ab amne præterfluente ita
dicta) ubi Chmelnicius cum centum circi-
ter millibus armatorum stabulabatur, pro-
cessit exercitus: non æquo sanè omnium
consensu, & ut res postea docuit, magno
cunctorum malo. Multis, atq; inter eos
Visniovecio utilius visum erat, ad Constan-
tinovum morari, dum novus iste exercitus
rectius componeretur, militiæq; melius ad-
suesceret. Sed Ducibus plerisq; adventum *Pilaucos*
Tartarorum, qui in procinctu esse diceban- *progre-*
tur, prævertere svadentibus, properatum, *ditur*
deventumq; est in loca confragosa, mul- *malo*
tisq; collibus & stagnis intersecta; adeò ut *consilio.*
castra istic solito aggerum circumductu ritè
muniri non possent. Interim verò hostem,
etsi numero validiorem, & utriusq;, ad illas
paludes, ripæ potentem, audax hæc Polo-
nici exercitus acceleratio non parum con-
sternavit. Eumq; suo, pariter tum malè ad- *Hostis*
huc coalito robori fidere non ausum, de re- *trepidat.*
trocesu jam cogitasse ferunt, quò postea
integras suas vires auxiliis Tartaricis ad-
jungere posset. Etiam hoc accepi, pluri-
mos è gregariâ agrestium multitudine de-

ditionem suā agitare cœpisse; metu scilicet Dominorū appropinquantium percellente animos serviles. Nutantes ita, magis mox etiam belli præludia, Polonis quàm Cosacis feliciora turbaverè. Agger, sed angustus, & solo humili atq; uliginoso ad gradum pene instabilis, interjectu suo prohibebat, ne rectà iri posset in Chmelnicum. Et hic suā ex parte aggeris aditum binis propugnaculis infestum Polonis reddiderat. Illinc proturbare hostem, ardui operis, sed egregium ad famam & ominosum ad cætera fore videbatur. Itaq; alæ aliquot, Carolo Corecio Duce & Samuele Lasczio præeuntibus, stagni caput circumgressæ, aliæ, quæcunq; capax vestigii vadum erat, properato transitu, in exercitum hostilem irrupère. Cumq; non cogitantibus supervenisent, antequam arma consternati hostes arripere possent, orta ibi confusio est. Et mox ubi plures nostrorum, quâ data via, accurrissent, munitiones hosti ademptæ, custodiæq; earum dein Prætorianæ cohorti, quæ strenuam hic operam navaverat, commissa fuit. Sed non diu ea nostris seu fortuna seu alacritas mansit. Postero enim die nullâ certâ ex causâ, alia longè facies, alius animorum habitus, quàm qui hesternam victoriam deceret, in castris fuit. Spar-

sus ne-

*Munitiones
due occupan-
tur à Po-
lonis.*

us nescio quo autore rumor erat, Chmel-
 nicium, hesternis belli præludiis irritatum,
 cunctis viribus in Polonos ire velle. Inde
 toto die in armis stetit miles, Cosacos, &
 cum iis prælium assidue prospectans. Da-
 tum tum documentum est, *majoribus solere*
animis invadi, quam expectari hostem : &
milites, qui impetu valuisent, morâ inter-
dum flaccescere. Hîc interea etiam voces,
 debile aut dissonum exercitus regimen in-
 cusantium, crebescebant. Et quidam o-
 mnia pessima sibi & universis auguraban-
 tur. Neq; deerant, qui malè rem cedere,
 optarent, ut major inde Ducibus, in quos
 obliqui erant, infamia nasceretur. Adeò
 non veretur invidia publico etiam damna
 iras privatas satiare. Sed hîc jam insuper
 nebula acceserat, quæ ut diem, ita pectora
 quodammodò fuscabat. Alter alterum,
 vix nisi de proximo cernere & agnoscere
 poterat. Noctem esse crederes, immisani,
 ut pavorem, tenebras comitari solitum, vel
 afferret vel portenderet. Atq; uti fieri solet,
 cum oculorum usus eripitur, ad quemlibet
 motum vel sonum arrigebantur corda, &
 ne quâ à latere, beneficio tenebrarum, sibi
 hostis, talibus furtis assuetus arreperet, me-
 tus erat. Sed ille eo die pariter suos in ca-
 stris continuit, impetum expectans potius,

In exer-
citu Po-
lono mu-
tatio a-
nimorû.

K 5

quam

quam inferre cogitans. Pauci aliqui excussores utrinq; commeabant, speculaturi, num quæ pugnae prætentamenta apparent. Sub vesperam repentinus, in castris hostilibus, tubarum tympanorumq; clangor, mox & tormentorum fragor exsonuit. Qui auditus incertiores animi Polonos faciebat, quia, quid is sibi vellet, ignorabatur. Plerisq; tamen creditum, advenisse Tartaros, illosq; his lætitiæ signis à Chmelnicio excipi. Exploratores, seu segnitie suæ, seu vitio agrestium, hosti quàm Polonis amiciorū, nihil quod dubitationes solveret, afferebant. Eò magis jam nonnulli numerum pugnacitatemq;, Scytharum in majus secum augere: & quādam specie prudentiæ in sequiora omnia labi animo & sermone. Dubitare in primis, an tam ingenti hostium multitudini par esse possit exercitus. Sed ii tamen aliorum adhuc præsentiore animo, fiduciāq; meliore coerciti, non audebant nimis apertè, vel pertinaciter tueri metus suos. Duces interim edici jubent militi, ne abeat stationibus, majorq; adeò pars exercitus in excubiis tum mansit. At hostem, quid in castris Polonicis ageretur, non latebat. Et quia Tartarorum inani umbræ consilia animiq; multorum adeò turbati erant, augendam fraude

fraude formidinem ratus, die postero, qui *Terro-*
erat 28. Septembr. suos educit, præmissis *rem dolo*
quatuor millibus Tartarorum, quos dudum *auget*
jam secum habuerat. Adjuncti eis non *hostis.*
pauci agrestium, ita vestiti armatiq;, ut
Tartari esse crederentur. Hi confertis
agminibus & solitâ Tartaris vociferatione
(Alla alla) ingeminantes, in ereptas hester-
no die munitiones impetum faciunt. Quas
Palatini Sendomiriensis, summi tum mili-
tiæ Ducis, prætoriani pedites, ductore Su-
chodolscio, infederant: Excubantibus si-
mul circa aggeris exitum turmis equestri-
tus, Sendomiriensis præcipuè Palatinatûs,
Volinensis præterea, & Brestensis. In o-
mnes istos, quia proximi erant, vehemen-
tissimo impetu vis hostilis primò incubuit.
Neq; suppetiæ iis maturè mitti poterant, *Laborat*
ob viâ, quâ eundum illuc erat, uliginosam *exercitq.*
angustiam. Sed nec, cum poterant, culpâ
mali regiminis, missæ sunt. Interim pedi-
tes illi multitudine oppressi pereunt, & e-
ques numero impar, tum in loco tam ini-
quo, armis suis, hastis præcipuè, uti impo-
tens, multum similiter laborabat. Multi
ante aggerem cadebant, non pauci & in
ipso aggere, partim ab hoste urgente, par-
tim mutuâ, atq; horum quoq;, qui in au-
xilium veniebant, trusione obtereabantur;
aliqui

aliqui in ipso amne Pilavvkâ, vicinâq; ei
Castella- ulvâ peribant. Ipse Sendomiriensium Ca-
nus Sen- stellanus & tum ductor Stanislaus Witov-
domiri- ski, cum equus, cui insidebat, ex vulnere
ensis pe- procumberet, vix demum alio à famulis
reclita- suppeditato, summo discrimini ereptus est.
tur & Etiam Christophorum Balduinum Oso-
B. Oso- scium Præfectum Stobnicensem in uligino-
linfcius. sâ ripâ hærentem, ægrè servavit gregarius
 miles, nihil moratus periculum, dum He-
 rum in cœno illo sidentem, & jam prote-
 rentium calces experientem sublevat, atq;
 à loricâ, salutis ante tegumento, nunc re-
 morâ, discissis cultro vinculis, expedit. La-
 bente in vespèram die, Proceres raptim sub
De re- dio, & quidam, ut ex pugnâ adhuc calebant,
tro-cesu de summâ rerum consultabant, ac aliis alia
consul- afferentibus, potioribus tamen placuit, quia
tatio. jam meliore ex loco & viribus longè mayo-
 ribus hostis pugnaret, adversum dissonos
 & suâ quasi mole ruituros, ut sub structæ
 carraginis tegumento Constantinovum re-
 diret exercitus. Atq; eâ mente singuli ad
 suum militem redibant, cæperantq; jam
 currus in carraginem connecti. Sed paulò
 post nonnullis, nescio quâ fatali cæcitate
 aut desperatione correptis, nimis lentus es-
 se ille protegendæ privatæ & publicæ inco-
 lumitatis visus est modus. Quare seorsim

denuò

denuò capita conferentes, & quò etiam sua *Consiliū*
 os fallerent, murmure secreto suum & simul *subitum*
 Reipubl. quæ in isto civium flore periclita- *de fugâ.*
 retur, discrimen sibi mutuò ostentant.
 Mox & licentiam invicem dant sumuntq;,
 quâ quisq; posset, sibi consulendi. Vellem
 hæc quæ memoro, & continuò hinc memo-
 randa habeo, potiùs silentio transire posse,
 quàm in lucem protrahendo mihi & Operi
 huic invidiam consciscere. Sed agendum
 est liberè, fidem veritatis professo, & fru-
 stra siluero, quæ in ore famæ posita sunt,
 ac forsan alicubi in majus corrumpuntur.
 Cur verò etiam dissimulemus dedecora,
 quorum nulla expers natio fuit, quando
 justum Caput non habuit. *Ut corpora vel ma-*
xima labascere ac disfilire necesse est, quæ
vel nulla vel discors anima gubernat, ita
exercitus, cui aut Rector, aut ex ipsâ mul-
titudine regentium, regimen deest. Hic
 utiq; novus paucissimisq; veteranorum
 fultus exercitus & auspiciis & ductu caruit,
 cum nec Regem haberet Regnum, & legi-
 timi Duces Scythicis Tauricæ vinculis atti-
 neretur. Qui substituti interim erant, non
 audiebantur. Carrago itaq; ut rem dolen- *Subito*
 dam, postquam cæpta est, pertexam, omit- *tumultu*
 ti illico, & quâ connexa jam erat, dissolvi *exerci-*
 capit. Primi omnium, qui nescio an su- *tus dila-*
 bito, *bitur.*

bito, & in hâc arenâ nato, occulto certè consilio in fugam inter se consenserant, sese proficiunt. Inde mox terror in proximos quosq; , hinc in reliquos, porroq; ita in totum diffunditur exercitum. Alii, quæ ista consternatio sit, inquirere, alii nihil quærentes, sequi tantum cæteros: omnes fere, & in iis strenuissimi quiq; , veræ rei ignorantia, falsa omnia fingere sibi, ipsâ etiam inprimis nocte omnia incertiora reddente. Ita ruitur undiquaq; è castris, & non secus atq; victor hostis tergo instaret, properatur, non curribus tantum omnibus, quorum ingens humerus, sed & pretiosissimis quibusq; rebus derelictui habitis. Fuere quidam ex veteribus militiæ, qui voce manuq; obfisterent, gloriam majorum, fugæ dedecus, sed inprimis etiam, placitum caraginis consiliû objicientes. Sed nemo rectè monentiû audiebatur. Dilapsis ita partim suâ, partim alienâ trepidatione omnibus, soli supererant, qui aut longius à castris per excubias dispositi steterant, aut è statione pugnâve eo die reversi, quieti se dederant, inscii omnium, quæ cæteri agerent, sed tandem strepitu ipso admoniti, cum discesu reliquorum desolatos se intellexissent, triste exemplum, abominantes, & necessitate coacti excusatiq; , sequebantur.

tur. Visniovecio Duci jam à paucis aliquot *Visnio-*
 deferebatur belli regimen; sed is, quod re *vecio*
 integrâ sibi negatum esset, conclamâtâ, re-*frustra*
 cipere abnuebat. Alicubi tamen restitans, *regimen*
 inclamabat fugientes, ut sisterent gradum: *jam de-*
 esse adhuc, qui manentibus præesse possit. *fertur.*
 Sed nemini vacabat jam auscultare aut se-
 qui Ducem. Quidam peditum cum ex sta- *Castra*
 tionibus reduces, deserta castra, & relictam *expilant-*
 in curribus tantam rerum pretiosarum co-*tur.*
 piam deprehendissent, vestigiis cæterorum,
 quantum possent, sibi quoq; insistendum
 rati, manus tamen à prostante prædâ non
 abstinuere. Rem oprabilem fecissent, si
 igne tot illis curribus subjecto, hosti tantas
 opes præripuissent. Sed id vel insperatâ re-
 rum facie attonitis, non venit in mentem,
 vel festinantibus arduum factu visum est.
 Atq; ita non tantum ille adeò splendidus
 & tot millium exercitus, novâ insolitâq;,
 sed haud dubiè, ad excutiendum veternum,
 cœlitus permissâ formidine paucas intra
 horas, dilapsus est: sed & simul tormenta,
 suppellectilis aureæ, argenteæ, sericeæ *Multa*
 curruum, equorum, omnis deniq; generis *opes ho-*
 impedimentorum incredibilis vis, homi-*sti relin-*
 num etiam, qui seu equis destituti, seu mor-*quun-*
 bis vulneribusq; invalidi sequi alios non *tur.*
 potuerant, haud exilis turba in manus ho-
 stis de-

stis devenit. Qui fortunam ipse suam din-
nesciens, aut cum de vacuis Polonorum
castris nuncii afferrentur, dolū suspectans,
diu suos ab invasione castrorum, & à divi-
te illâ prædâ continuit. Hâc dein potitus,

*Hostis inde eri-
git ani-
mam.* quântum animos ac cristas erexerit, facile
culvis est conjicere. Quippe vehementer se
formidatum videbat exercitui, qui tantas

opes hosti relinquere non dubitasset. Sed
& se suosq; milites, adeò præter opinio-
nem & laborem, velut fato ipso ducente,
ditatos, haud dubiè, ad majora vocari cre-
debat. Nihil certe tam improbum fingi
queat, quod sperare ille non ausus sit, tam
inexpectata assecutus. Et patebat equidem
ejus libidini omnis propè Polonia, prote-
ctore exercitu, in diversa prolapso, & ter-
rorem insuper undiquaq; per provincias
circumgestante. Multi Procerum Leopoli-
lin tacito pudore prætervecti, alii urbem
ingressi, de retrahendo exercitu, eluendâq;

*Leopoli-
proceres
quidam
delibe-
rant.* maculâ, consilium inire cæpère. Visniove-
cius, quicquid illâc militum iret, hortatu,
prensatione, precibus, nummis deniq; ab
oppidanis in fidem Reipubl. & suam acce-
ptis, retinet. Pocillator etiam Regni Ostro-
rogus, missis raptim Varsoviâ ad Archie-
piscopum literis, rem omnem exponit, con-
silia sua, in primis de carragine, non audita

memo-

memorans: simul tamen in rem præsen- *Pocilla-*
 tem suadens, ut edictis publicis miles, tam tor *Ar-*
 qui dispersus jam vagaretur, quàm qui len- *chiepi-*
 tius progressus, ad Pilavecias nondum accēs- *scopo di-*
 sisset, ad ipsum apud Leopolin properè coire lapsum
 juberetur: peregrinus præterea miles, in- *exercitū*
 primis pedester & exercitatus, undiq; legere- *nunciat.*
 tur: deniq; ut publica ediceretur expeditio;
 addito postremum, videri sibi melius mori,
 quàm Patriam ita pereuntem spectare. Bo-
 num sine dubio consilium erat, sed eâ cele-
 ritate, quâ opus erat, in tam præcipiti Rei-
 publ. discrimine, ad effectum deduci non
 potuit. Hostis præmissis Tartarorum alio-
 rumq; velutum alis, & qui quovis Tartaro
 velocior est, terrore omnia optimè cogita-
 ta disjecit. Vix usquàm iusta aliqua ma-
 nus militum restitabat, nisi postquam eò
 pervenerat, quò hostem tam citò sequi non
 posse putaret. Oppida etiam pleraq;, arces
 deniq;, quæ in Rusiâ sat frequentes, certa-
 tim deserebantur. Ipsum Zbarasium, vetus
 & sat benè munitum illius tractûs propu-
 gnaculum, tum quidem quinquaginta ma-
 chinis bellicis aliisq; apparatus instru-
 ctum, sed præsidario milite vacuum repe-
 rit Chmelnicius, cum dimissis per diversa
 Nieczajo, Niebaba, Tyssâ, Glovacio aliisq;
 ductoribus, huc primum cum grandiore

*Oppida
 patent
 hosti.*

L

exerci-

Dubna exercitu se convertit. Alibi *Dubna*, Domini *item*. nici Ostrogia & Zaslavia Ducis arx, à praefidio suo, ductu imprimis Radlovii, qui ex dispersione illà publicà huc se receperat, protecta, impetum hostilem exclusit. Sed majore vi *Brodana* arx oppugnata est. Con-

Nec Arx Brodana.

Oppidum Brodi, desertum occupavit hostis.

Opifices oppidi Brodani & commercia.

dita illa annis superioribus à Stanislao Coniicipolscio, Castellano Cracoviensi, eodemq; exercituum Duce, & egregiis postea operibus munita; Cosacis verò nunc praefaliis locis invisa erat, ob possessorem ejus Alexandrum, magni illius Ducis filium, Regni vexilliferum, quem Chmelnicus inter praecipuos persequabatur. Adsitum arci oppidum non exiguae molis. Quippe cui exornando ditandoq; multam curam defunctus exercituum Dux adhibuerat, vocatis illuc Gedano & ex ipsa Batavia opificibus variis, praefertim talibus, qui conficiendis rarioris artificii texturis sericeis oppidi famam augere idonei essent. Ac caperat idem Dux cum Batavis quibusdam modum agitare, quo sericum aliaq; Persicae merces ex Oriente in Poloniam terram portarentur: ut ita, non sine Ducis, Regniq; totius commodò, compendium fieret itineris, quod haftenus per tot marium discrimina, magnis sumptuum mensuramq; multorum impendiis, faciendum esset. Sed oppidum hoc quia

quia latius diffusum, minusq; adhuc mun-
 nitum erat, quàm ut contra vim magnam
 defendi posset, desertum nunc fuit ab inco-
 lis. Horum quippe major pars cum uxori-
 bus liberisq; in Arcem se receperat: alii
 aliò erant dilapsi. In Arce centum pedites *Præsidia*
 à loci hærede fuerant relictæ. Quibus toti- *vii Arcis*
 dem ferè de legione Osfinscianâ, post triste *Broda-*
 illud Pilauciarum Poloniæ vulnus accesse- *næ.*
 rant. Ex viciniâ triginta circiter nobiles,
 ex oppidi civibus ducenti plus minus ade-
 rant, qui arma tractare possent. Nec tor-
 menta varii generis, aliiq; apparatus belli-
 ci decrant. Cura Arcis tutandæ Paulo Gav-
 lovio & Alexandro Casperscio demandata
 erat. Hostis paulò post Calendas Octobris
 ad oppidum accessit: quod cum vacuum
 reperisset, domos & templa prædator ali-
 quandiu miles percursavit, sed idem non
 multò post ad Arcem se admoveere cæpit. Cû
 propugnatores strenuè inde jacularentur,
 Chmelnicius animos obsesorum tentatu-
 rus, fortè etiam, ut Auxiliatori suo Scythæ
 gratificaretur, literis ad Præfectos mis-
 sis, Tartaros, qui istuc in vinculis, multis ad-
 hinc annis, detinerentur, liberos dimitti
 petiit. Eâ re impetratâ, oppido Arciq; vim
 se nullam spondebat illaturum. Erant octo-
 ginta numero Tartari, quos belli Dux Co-

*Tartari
 dimittuntur
 ex Arce
 Broda-
 nâ.*

niecpolscius, diversis temporibus captos compedibusq; oneratos ad opus, in Arce novâ & multas manûs adhuc requirente, faciundum damnaverat. Sed eos, tanquam fessos & emeritos dudum dimittere statuerat Regni Vexillifer filius. Tanto itaq; pronius Chmelnicii precibus eosdem dare jam placuit, cum præsertim ita oppidum redimi posse speraretur. Igitur per murum dimissi sunt illi Tartari. Posthæc movit castra Chmelnicius Leopolin, ulterius dein in Poloniæ viscera progressurus. Pars tamen exercitûs (viginti amplius millia hominum) contra fidem datam, obsidionis operi continuando, sub Danielis Nieczaji & Stempi, Tribunorum Cosacicorum, regimine relicta. Qui ut Arce potirentur, nihil reliquere intentatum. Ac primum quia viginti tormenta habebant, ea ædibus oppidi lapideis imposita sunt, quo certior tanquam de suggestu in Arcem iactus esset. Uti sanè non parum inde noxæ datum est obsessis. Domos præterea ligneas demoliti, binas inde velut turres fabricabant, quæ magno longoq; labore in eam deniq; altitudinem surrexere, ut Arcis mœnia æquarent. Sed & fossas iisdem domuum fragmentibus implere cæperant, atq; sic ad ipsos Arcis muros munire sibi viam. Videntes periculum

*Brodana
arx op-
pugna-
tur va-
rie.*

periculum Præfecti, captato tempore, quo *Opera*
decidens pluvia, etsi levior, Cosacos secu- *obsiden-*
riores reddiderat, peditem ex Arce demit- *tium*
tunt, qui pilam pyrio pulvere artificiosè *exurun-*
effertam, struici lignæ injecit. Quæ paulò *tur.*
post accensa ignem latè sparsit, & hostile
illud duarum hebdomadum opus eo die in
cineres deposuit. Nam etsi Cosaci flam-
mam magno concursu niterentur extin-
guere, frustra tamen erant, & eorum non
pauci ex arce figebantur globis. Eodem
igne correptum est stabulum, quod præma-
gnificum defunctus Coniecpolscius Arci
olim subjecerat. Nunc verò id obsesori-
bus tegumentum dabat adversus obsesos.
Octo post diebus altera quoq; strues, eaq;
penè major, incensa est, submissis in eam
rem ex Arce triginta peditibus, quorum
etiam tres in ipso hoc conatu periêre. Irr-
tati inde Cosaci vindictam explere statue-
runt ignibus oppido injectis, cui hucusq;
pepêcerant. Atq; ut tanto plus damni *Oppidum*
inferrent obsesis, placuit ventum expecta- *Brodi*
re, qui ex oppido in Arcem non fumum *incendi-*
modò, sed & flammam sparsurus videretur: *tur.*
quia in Arce quoq; ædes aliquas ligneas,
igni q; adeò concipiendo aptas esse nove-
rant. Ubi commodus ipsis ventus adspirare
visus est, missi agminatim Cosaci diversis
L 3 partibus

partibus succendere oppidum cæperunt. Sed cum extrema ejus citius corripenteretur, alii qui in foro rem eandem tardius aggressi erant, ignibus subito circumdati ægrè effugere exitium. Alibi etiam combusti sunt. Cum universum jam oppidum flagraret, pro Aquilone Auster flare cæpit, qui incendii vaporem & periculum ab Arce avertit. Frustrati ita toties Cosaci, jamq; etiam oppidi latebris destituti, vi omninò Arcem adoriri ac transcendere decreverunt. Ac proinde continuis aliquot noctibus conmissi sunt muris scalas apponere: quas in id præaltas paraverant, sylvis proximis sat uberem ad talia materiem præbentibus. Verùm obsessi tum machinis suis omnibus, quas plerasq; non globis majorib9, sed granis plumbeis implebant, ut latius vulnera & mortem spargerent, tum saxi lateribusq; undiquaq; viritum propulsabant subire aulos. Horumq; adeò magnus subinde numerus peribat. Tandem, ubi vim omnem eludi viderent, ad dolos conversi sunt hostes. Collecto omni exercitu discessum simulant, castrisq; motis versus Beresteciam tendere incipiunt. Sed iidem, ubi ad primum lapidem ventum erat, consistunt, ac deinceps mediâ nocte redeunt tacitè, quinquaginta amplius scalas secum vehentes.

Has

*Cosaci in
muros
Broda-
nas ni-
tuntur.*

*Sed ina-
ni cona-
tu.*

Has subito suggesti, admovent muris, omni ope Arcem ingredi laborantes. Sed extremis quoq; viribus obnisi sunt praesidiarii, praeter machinarum jacula, quicquid ad manum esset, quod nocere hosti posset, ingerentes. Caeterum cum ad hunc modum per octo amplius hebdomadas cum hoste, non nunquam & cum suis quibusdam, ad hostem metu tandem inclinantibus, certassent obsessi, mitigatus interim, ut in progressu historiae dicimus, Chmelnicius & relicto Zamoscio in Ukrainam tendens, hunc Brodanæ quoq; Arcis obsesorem exercitum secum reduxit. Atq; ita Arx, quod paucissimis tum locis contigit, evasit, non sine magnâ constantiæ laude, periculum. Eademq; cum oppidum servare non posset, oppidi tamen cives plerosq;, & multos ex viciniâ servavit: quanquam etiam ex ætate & sexu imbelli ingens ibidem multitudo fame & morbis interiit. Verum mihi ad Leopolim, principem Russiae meridionalis Urbem, & ut sequentium annorum historia docebit, immotâ inter tot obsidia, fidei constantiâ præclare de & Rege publ. meritam, reflectendus jam stylus est. Hanc Proceres quidam post cladem Pilaucianam, ut dixi, huc digressi, omnibus modis tuendam statuerant. Sed ex dilapso per diversa exer-

Arx Bro-
dona li-
beratur
obsidio-
ne.

Leopolin citu nullos aut paucos huc milites tulerat
defende- impetus. Longè verò paucissimis sistere hîc
re statu- impetum libuit. Instabat porrò novi Re-
unt Pro- gis electioni destinatū tempus. Quem con-
ceres, ventum sine his, quæ Leopoli jam essent,
 Regni Capitib9 haberi nefas, nec è Republ.
 videbatur. Itaq; consilio raptim hîc insti-
 tuto, summum quidem belli regimen Vis-
 novocio Duci demandatur. Sed simul mox
Varssa- pleriq; , obsidii hîc discrimen opperiri no-
viam ii- lentes, Zamoscium primò, inde Varfaviam,
dem ab- locum scilicet Electioni dicatum, conten-
euntes dunt. Urbis cura in Christophorum Arcis-
deserunt sevirum, quem rei tormentariæ in patriâ
locum, præpositum ante diximus, rejecta est. Qui
Leopolis laboribus morbisq; fractus, munus istud, à
Arcisse- multis alioquin expetitur, jamdudum in-
vio com- vitus sustinebat. Tum verò id administra-
mitti- re penitus detrectabat, nisi servato gen-
tur, tium, apud quas militiâ inclaruerat, more,
 legionem militum, ad custodiam arma-
 mentorum, accurandumq; commeatum,
 haberet. Quam non adeptus, sed ex ventu-
 ris demum è Prussiâ copiis sperare, ac Leo-
 poli interim subsistere jussus, ei defenden-
Sed is dæ magis adesse consilio, quàm imperio
abvuit præesse recepit. Quippe suo milite, ad ob-
ibi regi- sequia remq; bellicam exercitato destitu-
men, tus, solis civium præsidiis, haud satis felici-
 ter pro-

ter processuram civitatis defensionem arbitrabatur: præsertim ubi plurimos eorum, metu instantis periculi, ab urbe se subduxisse, intellexerat: adeò ut hominum ad arma induenda utcunq; habilium, vix quingenti supra mille superessent. Quibus serò demum una Draganorum cohors sub Andream Cikovio, accessit. Cæterum simul ut urbem ingressus erat Arcissevius, multa eisdem nobilitatis primoribus, qui istic iudiciorum, ut vocant, Capturalium causâ coiverant, multa & civibus suasit muniendæ propugnandæq; urbi necessaria. Ac fidem quoq; Primorum Urbis, virorum sanè insignium, & magnam partem doctrinâ etiam excellentium, nec non civium plerorumq; (nam quosdam ex Russis in hostem propensiores dies & calamitas postea aperuit) integram immotamq;, alacres etiam cunctorum ad consilia operamq; aures, sed lentiores iudicum ante dictorum ad sumptum faciendum manus, expertus est. Et hæc ex *Defectus in Urbe* causâ, Arcis, quæ alioquin loco ad defensionem sui, & vicinæ, sita opportuno, par- *& Arce* vâ impensâ in magnam hostis remoram *Leopoli-* emuniri poterat, omisâ cura est. Sic cum *tanâ.* idem Arcissevius certis vallorum spatiis, stationes, militi excubitori & imprimis civi, aëris injuriarum minus patienti, neces-

saria suffugia strui, sepes item militares, quæ raræ & malè admodum hærentes, facillimum cuivis transitum dabant, vibis transversis firmari, inter alia, postulâset, auditus quidem est, sed auditus tantum; effluente, inter obedientium cum cæteris certamina, agendi opportunitate. Interim, magis magisque propinquabat hostis, & adventum ejus ex collucentibus undiq; ignibus latè ardens cœlum, tristi præludio, denunciabat. Donec VII. Octobr. Tartaricæ primum turmæ conspici cæpere. A quarum ductore Tohaibejo præmissi quidam, & præbitis amicitiae signis, ad colloquium admissi, à Sieniavio urbis hujus Præfecto, quem post Corsunensem cladem à Tohaibejo, fidejudentibus pro lytro binis belli Ducibus captivis, è vinculis dimissum supra narravimus, summam promissam postulabant; subindicantes, eo impetrato, urbem tutam fore ab hostilitate. Sed, Sieniavio absente, colloquium sine effectu fuit. Interim IX. Octobr. Cosaci quoq; succedere. Et hi oppressis subito impetu civium illis, qui extrema suburbiorum sepimenta tuebantur, primò Domos, fossæ urbis imminentes, occupabant eoq; mox tegumento, ad infestandos cives, in vallis excubantes, utebantur. Unde quod nulla ante ratio potuerat,

*Tar-
tari ap-
propin-
quant
Urbi.*

potuerat, necessitas persuasit civibus, ut suburbia incendi paterentur. Is ignis bi-
duo ferè arcuit hostem ab urbis accessu. Po-
stea arx, trium dierum continuo conatu
oppugnata est. Quam initio Bratkovius *Arx oc-*
Burggrabius, postea, cum is in urbem unà *cupatur.*
cum majore militum manu noctu recessis-
set, viginti aliquot pedites, abitus cætero-
rum aliquandiu ignari, strenuè eandem
defendère. Sed his ipsis tandem, deficiente
omni commeatu, reliquos sequi coactis,
arx in potestatem hostis devenit. Qui eam
XIV. Octobr. ingressus, quicquid istic re-
perit, (nihil autem ferè hominum reperit,
nisi si qui fugâ sibi nequiverant consulere)
miserrimè trucidavit. Infantum certè, quos
barbarus persecuerat gladius, reperta sunt
postea, plus minus ducenta cadavera. Juxta *Urbs do-*
autem tum Chmelnicius non vi tantum *lo tenta-*
mœnia urbis, sed dolo etiam, & blanditiis *tur.*
animos civium tentabat; scriptis literis
obsessos, & præcipuè Russos monens, ut à
cæteris Lachis (sic genuinos & inprimis
Romanæ fidei Polonos Russi vocant) sese
abjungant: universos porro civitatis in-
colas, ostensâ armorum suorum, quæ ne-
cessitate subactus induisset, æquitate, simul
& inopiâ Pecuniæ, quâ ad satisfaciendum
Tartaris, sociis jam suis, indigeat, ad collo-
quium.

*Urbs de-
dere se
parat.*

quium & ad compositionis tentamenta invitans. Nulla spes erat sustentandæ diu urbis, quam à milite & annonâ imparatam, exercitus trecentorum circiter millium circumsepsisset. Adeoq; hostem inani obstinatione, ad extrema lacescere nemini etiâ fortissimorum, videbatur consultum. Quòd tamen initio dolus adhuc metueretur, neq; ulla nisi cum ipso Chmelnicio tuta videretur compositio, quæsitæ inter oppidanos, qui Chmelniciū noscent. Et reperti duo sunt Mokrsceius Sacerdos & Armenus quidam. Quorum ille olim in Patrum Jesuitarum collegio bonas literas professus, inter auditores adolescentem Chmelniciū habuisse se meminerat, nuncq; adeò tantò gratiosorem se apud illum fore rebatur. Prodiit itaq; ille cum Armeno, noscitatum, quis colloqui, & quo animo posceret. Reversi ipsissimum adesse Chmelniciū, & legatos ad se mitti velle, retulêre. Ita consulum unus Vaklevicius, cum eodem Sacerdote & binis civibus, Armeno uno, altero Russo, ad colloquium egressus, redimi posse urbem, sed pretio non modico, intellexit. Quippe ducenta aureorum millia postulabat Chmelnicius. Illi regerere, esse iniquum postulatum, & excedere vires civitatis. Quam nunquam adeò nummis abundantē,

*Urbs pa-
ciscitur.*

nunc

nunc insuper proceres Poloni, antequàm abirent, in delectuum novorum stipendium, plusquàm nonaginta millibus florenorum, hoc est omni præsente pecuniâ nudâssent. Si quid argenti non signati, aut mercium pretiosarum superesset, lubenter daturos obsessos mitteret hostis suos aliquos, rem omnem suismet oculis arbitraturus. Venit Glovácus, unus ex Chmelnicii Tribunis, homo Polonus, sed qui patriæ caritatem & sacra priora novis rebus posthabuerat. Eum comitabatur Scytha, castrorum apud Tartaros metator. His præsentibus ad Chmelnici- *Urbs se*
cium mille ducentæ selibræ, vulgò marcæ, *redimit.*
argenti solidi, &, quod majus, sacris ferè usibus dicati, ad faciendam seriæ compositionis fidem, missæ sunt. Sequentibus diebus cum magis magisq; urgeret hostis, argenti signati ad sedecim millium florenorum non sine magno labore civitas confecit; ad quos viritim postulati Ecclesiastici sexcentos universim florenos contribuêrunt: privatim ferè cunctis inopiam excusantibus; at sacræ, si quid superesset supellectilis, communi necessitati omnes Religiosi ordines lubenter obtulêre. Ita hi sacras opes; cæteri cives, præter pecunias ante dictas, sericearum, lanearum, pellicearum mercium haud modicam vim miserunt.

Annona defectus & aquarum Leopoli. runt. Nempe necessitas, durum telum, nihil non extorquebat obsessis, in primis postquam fames & simul morborum contagio ingrueret. Aquæ prætereà, præcis quorundam hosti benè cupientium perfidiâ ductibus publicis, deficiebant: puteo, qui unus in cœnobio quodam supererat, non sufficiente omnibus, & plebe plerâq; passim de lutosis scrobibus pluviam hauriente. Panis caro veniebat, & ægerrimè jam haberi poterat. Quæ annonæ difficultas, etiam post compositionem aliquandiu mansit, relictis passim ab hoste per oppida, vicos, & villas custodibus Cosacis, qui exercitui suo annonam servantes, nullâ ope oppidanos juvari patiebantur, & egredientes ex urbe inclementer plerumq; excipiebant. Exercitus Chmelnicii 24. Octobr. moveri à Leopoli cepit. Ipse gratis civitati actis, cum lectioribus Cosacis postridiè secutus est: ulteriora jamdudum animo agitans, à quibus longâ ad unam urbem morâ abstrahi, & senescere impetûs suos nolebat. Cæterum uti hætenus nihil propè non obvium, apertumvè reperit: ita ab Urbe hac discedenti passim jam omnia magis patuere, uno excepto monasterio Sokalensi, ad Bugum amnem sito. Quod superioribus annis Monachorum, & vicinæ nobilitatis solici-

solicitudo, circumducto ex arte muro & propugnaculis firmaverat. Oppidum ipsum Sokal à civibus Ruthenis facile deditum est. Quippe qui jam pridem Græcæ Ecclesiæ ac *Socalen-* cisam dignitatem indignè tulerant, eoq; *ses cives.* nunc propensiores in Cosacos erant. Cæteri, quos nulli ejusmodi affectûs Chmelnicio conciliâssent, severitatis nuper à Polonis in Ruthenos, ut proditionis suspectos, exercitæ memores, adeoq; talionem metuentes, tempestivè se subdlexerant. Et salutare hoc fugæ consilium illis fuisse eventus mox docuit. Etenim atrociter admodum in omne id, quod ad profugos, diversæ inprimis religionis, compertum est pertinere, sævitum fuit. Non sepulchrorum claustra, non templorum religio improbos retinuit, quò minùs in intimis adytis omnia, ac sub humo cadavera ipsa excutientes, aurum argentumvè vestigarent. Parem immanitatem Thomasovia experta est: ne alia jam memorem obscurioris famæ oppida, Magieroviam, Lipsciam, Florianoviam. Naroliam porrò vir nobilis Georgius Laszczus, incertum, an subito incursum deprehensus, an suo in fundo occumbere quàm fugere malens, sanguine suo conspergit, commoriente illi loci ejusdem Presbytero. Tam im- *Cosaci* manib9 vestigiis *Zamo-* Zamoscium tendens hostis *sciũ ten-* signabat *dunt.*

signabat iter suum. Hæc verò urbs à Jo-
hanne Zamoscio, æterno illo Poloniæ suæ,
cujus exercituum Dux & Cancellarius fuit,
ornamento, parentum nostrorum memo-
riâ, condita est. Et multiplici decore, in-
primis verò Academiâ & munimentis, su-
pra plerasq; alias Poloniæ urbes, eminet.

*Ad hanc
Urbem
multa
hostem
illiciunt.*

Illam si occupâset hostis, cor quodammo-
do Sarmatiæ in manu sibi videbatur habi-
turus. Ingentes porro thesauros istic reper-
turus sese sperabat : iis scilicet opibus in-
hians, quas partim domûs Zamoscianæ,
opulentissimæ sanè, curâ repositas, partim
concursum nobilium, qui magno numero il-
lic sua congesissent, accumulatas non
ignorabat. Aberat tum urbis hæres, ma-
gni illius Joannis nepos, Avo cognominis;
anno circiter ante, ingenii excolendi cau-
sâ, ad externos profectus. Sed ejus in urbe
defendendâ vices multi egregii viri tuen-
das nunc susceperunt. Præ aliis ipse Visni-
ovecius, Zamoscii, ductâ ejus sorore, affi-
nis : qui post dissipationem Pilavicensem,
se & pretiosiora quæq; huc intulerat. Cui

*Zamo-
scianum
presidiū.*

Aulæ Zamoscianæ clientes, multi sanè nu-
mero, tum cives urbis ex Polonis, Germa-
nis, Scotis mixti, strenuam operam ani-
mosq; in omnia promptos, obtulêre. Ac-
cessit Belzensis Palatinatûs nobilitas, quæ,
sumpto

sumpto sibi ductore Stanislao Sarbievio
 Præfecto Graboviensi, viro ab ingenio
 usuq; rerum multum illustri, in mutuam sui
 & urbis defensionem conjurârat. Ex quâ
 etiam paulò post modica Polonorum ma-
 nus, Duce eodem Sarbievio, speculatum ul-
 tra Sokaliam progressa, hostium turmam
 profligavit, cæsisq; inde plurimis, undecim
 captivos, atq; inter eos Ruthenum Sacerdo-
 tem secum adduxit. Sed bona fortuna aliâ *Auxiliū*
 majore & inopinatâ ope Urbi huic succur- *à Veih-*
 rit. Ludovicus Veiherus tum Castellanus *rorum*
 Elbingensis, postea Pomeraniæ Palatinus, *eopiis.*
 junctâ cum fratre Jacobo, Palatino Mariæ-
 burgensi operâ, mille quingentos quâ pe-
 dites quâ equites in Prusfiâ conscripserat.
 Cum iis in Rusfiâ jam tendebat. Sed eun-
 dem tardiusculè, quippe è longinquo, ve-
 nientem, rei malè gestæ fama offendit sti-
 titq; apud Zamoscium. Ubi hærentem Vis-
 novesium adventu suo mirificè recreavit.
 Qui illum mox non modò ad sociandam
 secum fortunam invitat, sed & cum Ele-
 ctionis ergò, Varsaviam ipse properaret,
 custodiam urbis eidem tradit, adjuncto in
 partem curarum præsigni viro Vladislao
 Miszkovio Marchione de Mitovv, postea
 Palatino Sendomiriensi. Aucta tam egre-
 giâ bonorum & Ducum & militum acces-
 sione

M

sione

Zamo- sione urbs eò erectioribus jam animis ex-
scium spectabat hostem: cui ne suffugio aut muni-
multi mento essent suburbia, quantumvis pulchra
confugi- & opulenta, igni sine morâ à propugnato-
unt. ribus data sunt. Tanto densior undiq; tur-
 ba in urbem se trudebat, suburbanis scilicet
 receptibus suis ejecta. Plurimi quantum
 possent, copiarum & suppellectilis inferre
 in urbem nitebantur, seu quod perdere nol-
 lent, seu penuriæ in futurum famiq; arcen-
 dæ. Magna inde ingredi certantium lucta
 circa ostium urbis, quod unicum & subter-
 raneum, magnâ nobilium aliquot & cen-
 tum peditum curâ servabatur: ac misera-
 bilis omninò rerum istic facies erat: cum
 nec omnes, multò minùs cum impedimen-
 tis suis admitterentur, & multi quoq; exire
 juberentur: qui scilicet ad defensionem
 inepti, fruges tantùm consumpturi vide-
 bantur. Fuère, qui funibus se trans mœnia
 cum alimentis suis trahi peterent, trahe-
 renturq;. Multi Urbe exclusi, sub mœnibus
 fatum suum expectabant, curruum præsidio
 se tuentes adversùm cœli injurias. Quæ
 tum solito graviores, iis etiam molestæ
 erant, qui intra urbem agrè alicubi in an-
 gulis, intercolumniis, ædiumvè projecturis
 vitam tolerabant. Unde omnia puerorum
 planctibus, faminarum lamentis, famelico-
 rum

rum argentiumq; gemitibus perstrepebant. Sub hoc tempus legionis Veiherianæ trecenti equites, Samuelis Regovii Subdapi-feri Chelmenſis ductum ſecuti, in legionem Niebabæ Tribuni Coſacici, quater mille minimum homines ad Chmelnicium ducentis, incidere. Caſu verò cum hoſte tam numeroſo, non procul Naroliâ commiſſi ita pugnârunt, ac ſi deliberatò in certamen, & pari numero deſcendiſſent. Et primum ſat æquam experti fortunam, omnem hanc Coſacorum manū formidine perfuderant. Calina quoq; excubiis apud Coſacos præfectus in manūs tum venit, & Zamoſcium abductus eſt. Cumq; laborantibus hîc Coſacis Keldy Scytharum Ductor, Tohaibegi frater, opitulari vellet, Buimanni ſtrènuï Centurionis manu occubuit. Sed & ipſe hic interfectoꝝ à ſuperveniente mox Scytharum agmine majore occiſus eſt. Interim hoſtes auxilio iſto, tum & rectius cognitâ paucitate noſtrorum, animoſiores, redintegrant conflictum: & quia cum laſſis jam negotium erat, pleroſq; Germanos cecidere: pauci abducti ſunt vivi. Regovius cum expeditiore equite elapſus eſt. Interim Tomaſſoviâ, quam V. Novembr. ingreſſus erat, Zamoſciam verſus movebatur Coſacorum Tartarorumq; exercitus;

Duce Chmelnicio subinde auream urbem aggredi se ingeminante, quo animos in prædam inhiantes tantò magis incenderet. Visum illi tamen est, primùm placidi sibi animi circumdare speciem famamq;.

Zamoscianos blanditis tentat Chmelnicius. Cum enim militem fortè speculandi causâ cum aliis egressum nactus esset, per eum literis misis monet oppidanos, ut amicum potius se, quàm hostem experiri malint; mitia omnia Pacem quærentibus promittens. Ad literas antequam responderent propugnatores, intra urbem omnia quàm ordinatissimè componenda sibi duxère. Portis itaq; omnibus jamdudum ritè obfirmatis; stationes & excubiæ per singula murorum propugnacula dispositæ sunt.

Dispositio præstidiariorum Zamoscianorum. Primi propugnaculi cura inter centum viginti Visniovecii Ducis pedites Ungaros, & Aulæ Zamoscianæ præsidarios Germanos, quos Procopius Szornelus ducebat, divisa est, quibus centum equites Jacobi Veiherei Mariæburgensis Palatini, Ulrico Schafgotzio Comite Silesio, cujus Sororem Palatinus thori sociam tum habebat, adjuncti fuère. Alterum quod è regione palatii Zamosciani est, ducenti quinquaginta pedites Veihेरiani tuebantur. Tertium à totidem Veihेरianis defendebatur. Quartum Davidi Tidemannò Gedanensi hîc tum Vice-tribuno,

tribuno, manu ducentorum peditum, equitum quinquaginta contigerat tuendum. Quintum, cui pulcherrimo & omnium firmissimo, templum Armenorum imminet, nobilitas Belzenfis, quater propè mille equites, propugnandum suscepere: assumptis in partem laboris civibus quinquaginta, quos Jacobus Haz Tribunus regebat. Sexto, quod murus depressior, & stagni alveus aquis suis nudatus impressioni hostili maxime opportunum facere videbatur, cives variæ nationis, supra mille, ductoribus Jacobo Bernio & Nicolao Hadziejovicio, invigilabant. Spatium quod inter sextum & septimum propugnaculû pari periculo obiacet, septuaginta equites Germanos, quinquaginta pedites Polonos ex civibus defensores habuit. Septimum Academicorum pubisq; literariæ, cui Covalscius Rector datus, sed insuper centum peditum custodiæ commissum est. Ad subita porrò necessitatum, in arcâ, quæ patentissimo intervallo arcem à civitate sejungit, centum pedites, sub imperio Martini Comorovii, sed simul nobilium advenarum ingens manus perpetuò excubabat. Cætera plebs ad majora inhabilis, falcibus suis aliove agresti armatu instructa, muros passim implebat, adscensus hostiles cominus impeditura.

Interim hostis VI. Novembr. Sole ad occasum vergente, propius suggressus, positus ab orientali civitatis parte castris confederat; cineribus suburbiorum deustorum spatium inter ipsum & urbem facientibus. Qui & oculis hostium, vento ferente, nostrisq; subinde per tormenta strenuè supplodentibus, unà cum fumo ingerebantur. Illi nihilominus, & fumi caligine & postea noctis obscuro usi, homines è flammis sua audentius subducentes, aut ab urbe, ob angustiam loci, metumvè famis, exclusos, sublegebant, quidam & stagnum natando transicere laborabant, nihil grandine pilarum territi, quæ ex urbe volantes, multos subinde necabant. Eadem illi audaciâ pecudum & generosissimæ notæ equorum equarumq; magnum numerum, ex horto Zamolsiano olim amœnissimo, tum, ne hosti suffugium daret, succiso, abegère. Mox & stagnum, quod magnam partem urbis alluens, hostem inde arcebat, perfossis aggeribus, pervium facere sibi conati sunt. Et derivârunt equidem inde aquas, sed earum tamen quantum necessarium esset, oppidani fossâ urbi proximâ exceperunt; factâ ad fossæ ejus os aperiendum singulari excursionem. Tum etiam Chmelnicio responsum tandem datum est, missis per tubicinem (nam miles, qui

qui Chmelnicianas attulerat, nolebat re- *Chmel-*
 dire in manûs, è quibus semel elapsum se *nicii*
 gaudebat) literis, nullam obsessorum tre- *blandi-*
 pidationem, sed præsentem potius &, ad *menta*
 omnia extrema paratum animum loquen- *-rejiciun-*
 tibus. Simul è propugnaculis tormenta *-tur,*
 explodebantur, quibus quicquid operum
 accessuumvé strueret hostis, disturbabatur.
 Iterum iterumq; per eundem tibicinem ob-
 sesos ad pacta hortatur Chmelnicius; sed
 constantes semper expertus est, & cum fortè
 in concione super oppidanorum responso
 & rebus præsentibus deliberaret, parùm ab-
 fuit, quin ei pila tormentaria exitium affer-
 ret. Unde capiti suo jam cautiùs prospici-
 ens, in pagum Labunie secessit: legionibus
 circa urbem ad exequenda jussa sua relictis,
 ad quas & ipse identidem, sed minus obser-
 vabilis, ventitabat. Cæterùm nihil is hæc-
 nus proficiebat, quippe tormentis suis ad-
 huc destitutus. Unde erectioribus animis
 nostri crebrioribusq; excursib9 infestabant
 obsesores. Ac quia templum, non adeò *Templū*
 dudum S. Catharinæ dedicatum, publicam *S. Catha-*
 nuper suburbiorum conflagrationem eva- *-rina*
 serat, & jam non nisi barbaricæ licentiæ *combu-*
 stabulum, mox & latibulum machinatio- *-ritur.*
 num, atq; etiam fortè pro suggestu tormen-
 tario fore videbatur, factâ eruptione illud,

& juxta, quicquid circa id supererat ædium, succendere placuit. Quod ita dextrè administratum est, ut eodem procursu multi simul Cosacorum interficerentur: unus præterea ex iis vivus, inter spolia, in urbem, indicii causâ, adduceretur. Aliâ urbis parte peditum Visniovecianorum præfectus, fidei maritalis & animi imperterriti specimen edidit. Conjux ejus in suburbio diutius fortè morata, in manûs hostium inciderrat. Cum illam duci videret maritus, amore, & miseratione stimulatus, assumptis sociis, multisq; simul ex plebe agrestium, proruit; & cæsis nonnullis, cæteris fugatis, misellam illam liberat, salvamq; in oppidum exultans, & aliis simul spoliis decòrus, reducit. Unde agrestibus sæpius in hostem procurrendi, aliis verò extra mœnia securius agendi audacia crevit. Octavâ Novembr. tormenta sua & omnem apparatus bellicum, tardius scilicet ob pondus & viarum difficultates infecutum, accepit Chmelnicus. Inviçtâ itaq; oppidanorum constantiâ destinatis suis moram injici molestè ferens, postquam oppugnationum instrumentis potitus esset, quaterne urbem capit globis tormentariis. Quorum sedecim, urbis ædificiis editioribus, publicis & privatis, impacti, aliquo murorum, cætera vix notabili

*Maritus
liberat
cum pe-
riculo
uxorem.*

*Oppu-
gnatio-
num ini-
tium.*

notabili damno decidere. Unus ex tot ictibus aurigam quendam abstulit. Porro autem mendacibus etiam minis lascare oppidanos nitebatur hostis, jussis undique simul canere classicis. Quibus oppidani ad flagrantissimas preces & supplicia, curam armorum interim minimè omissem, versi, cum postea astu, vanoque territandi consilio, excitatum tubarum strepitum cognoscent, valido ex ira & religione impetu, in suburbium Janovicensem, ubi Glovacius homo Polonus, sed ut diximus, patriæ & fidei suæ oblitus, cum multorum millium exercitu stabulabatur, effudere se, non parvo hostium, nullo suo detrimento. Arctius deinde cingere urbem Chmelnicius cepit, stratisque suggestibus oppugnare validius. Semel circa mediam noctem conclamari, velut ad expugnationem, jussit, idque binis ex locis, quò advocatam illuc omni oppidanorum diligentiam, situm in medio spatium, cui maximè insidiabatur, negligeretur, pateretque; deinde assultantium conatibus. Sed sensit hostis, totum urbis ambitum pari propugnatorum vigilantiam ac fortitudine defendi. Et non minus in silentes illos, quos in insidiis positos, lucidi apud alios sclopetorum ignes prodebant, tormentorum & fistularum ictus detonabant. Istic non mo-

*Dolus
hostilis.*

*Oppu-
gnatio
acerri-
ma.*

*Prodi-
gia.*

dica strages edita est; sed eam sublatis, per noctis opacum, cadaveribus obtegere Confaci laborabant. Eâdem nocte cum conticuisset undiq; armorum strepitus, oppidanis, nihil de vigilantia remittentibus, prodigia in aëre sereno observata esse refert Profesor & Canonicus Zamoscianus, Joannes Bytomsky qui in Urbe obsessa omnium istarum rerum spectator fuit. Cujus adeò fidem hîc sequor. Draco nempe igneus apparuit, cujus cauda tota rubens & quasi sanguine plena Chmelnicii castris impendebat: caput verò pariter cruentum in meridiem tendere visum est. Id signum, postquam diutiusculè hominum multorum oculos tenuisset, tandem capite ad caudam se contrahente crassescens, versumq; in Orientem, in nubes paulatim evanuit. Post horæ dimidium vipera supernè conspecta est, quæ in sagittæ gracilitatem ac longitudinem protensa, locum suum immotum, aliquandiu tenuit, donec pariter flexo in orbem capite disparuit. Ferunt hæc eadem signa hosti observata non parùm conturbasse animos; cum præsertim sagæ, quarum incantamenti multum tribuisse dicitur Chmelnicius, quibus etiam alii hæc ipsa in aëre ostenta accepta ferebant, sinistra pariter prædicerent. Et postero quidem die
is cum

is cum agrestibus suis multum luctæ habuit, *Plebs Co-*
 qui se solos in oppugnationes murorum *facica-*
 prodigi querebantur, Cosacis plerisque, post *obmur-*
 terga ipsorum, in tuto latentibus. Dato *murat.*
 itaq; laborum periculorumq; interstitio,
 plebs illa direptionibus incendiisq; circum-
 jectorum pagorum, delicias sibi facere jus-
 sa est. Postea, quo undiq; urbem circumda-
 ret obsidio, nova legio, ductore Hladkio,
 latus meridionale occupavit, sumptâ in pri-
 mis statione in Aula vel potius Arce subur-
 bana, (nam & hæc muro fossaq; circuibat-
 tur) quam Thomas Zamoscius, Joannis
 filius, Regni pariter olim Cancellarius, ma-
 gnis impendiis, haud procul à sylvâ, & ibi-
 dem instructo vivario, excipiendis magnis
 hospitibus, tum verò filii quoque sui edu-
 cationi adornaverat; adjecto insuper hor-
 to, cui multæ arbores herbæq; peregrinæ
 decus addebant. Cæterùm urbem, ita un-
 diq; circumseptam, credebat hostis facilio-
 rem jam fore ad paciscendum. Itaq; eun-
 dem Mokrscium Canonicum, qui, nuper
 Leopoltanorum fecialis, nunc à civitate
 illâ pactæ summæ reliquum Chmelnicio at-
 tulerat, in urbem immittit. Qui solitâ fa-
 cundiâ & dexteritate hostis potentiam &
 huic minimè suffecturam ullam defenden-
 tium obstinationem, Præfectis ob oculos
 posuit.

*Ad pacta
 iterum
 invitantur Za-
 mosciani.*

posuit. Hi primum in extrema omnia, quàm ad paciscendum proniores adhuc erant. Sed cum Canonicus & cum eo alii, captivorum calamitatem, tum suorum intra mœnia famem, & inde pereuntium multitudinem, equorum quotidie cadentium, numerum, & hinc metum contagionis ostenderent, eò deniq; flexère Ductores, ut audire sustinerent, quid postularet Chmelnicius.

Pacisci incipiunt obsessi. Mox & commeante ultro citroq; feciali illo, effectum, ut ex obsessis duo viri nobiles, Alexander Gruszecius, & Georgius Morochovius de conditionibus acturi, mitterentur. Quibus Chmelnicius scalas ostendit, transcendendis muris apparatus. Arbores erant è sylvâ recentes, quibus rudimanu insertæ fuère trabes transversæ, eâ crassitie, ut singulis gradibus terna corpora possent insistere. Quælibet scala quinquaginta propè hominum onus futura videbatur. Unde colligi proclive est, quâ agrestium strage earum machinarum ad mœnia applicatio constitura fuerit. Revertebantur tum quoq; ad Chmelnicium Tartari Cosacis permixti; immensam captivorum pecudumq; vim ducentes. Tanto major nostris commiseratio mota. Qui simul non sine gemitu atq; admiratione hostis securitatem, inconditamq; & vel modico

Scala Cosacica. exercitui

exercitui domitu facilem multitudinem expendebant. Quippe agmina in inmensum *Securitas hostilis.* extensa incubabant campis patentibus, sine metu & nullis antepositis vigiliis. Plurimos iners otium aut crapula in somnum profundissimum deposuerat. Summa quippe rerum omnium istic abundantia erat, cum in solo fecundissimo autumnum uberem, & horrea messibus referta reperissent. Sed eos nimis avidos copia ipsa corripit, & fructuum carniūq; affluentia abutentibus magis, quàm fruentibus, in morborum materiam cibi cessare. Unde orta contage, multi quotidie interibant. Eò magis properandum duxit Chmelnicius, ut vel expugnationi urbis impenderet gratis moriturum populum, vel, inito cum obsessis pacto, aliò duceret morarum pertæsos. Datis itaq; obsidibus, hinc quidem duobus illis, quos ante nominavimus, illinc Mozyrâ & tribus aliis Cosacis, Scythis deniq; binis Murzako & Janczarzycio, cum sex dies negotiationi insumpti essent, consensit tandem Chmelnicius in conditiones ab oppidanis propositas, inq; viginti millia florenorum, cum primùm ducenta aureorum millia poposcisset.

Obsides dantur utrinq.

Inde præconio publico vulgatâ pace, eousq; fidebant sibi partes, ut sermones & merces

*Com-
mercia
post obsi-
dionem.*

*Captivi
malâ fi-
de reddi-
ti.*

merces commutarent, Cosacis Tabacum, vinum, & destillatione, ex maceratâ filigine elicited liquorẽ avidè quærentibus: oppidanis vicissim aurum, argentum, stannum, lintea, boves & alia id genus spolia perexili ementibus. Poterat enim bos florenno uno acquiri, & pari cum bobus pretio venibant captivi, quos passim populabundi Tartari prehenderant. Avaritia tandem, & mercium vilitas nimum quoq; sibi viles reddebat plurimos oppidanorum. Quippe disvasu prudentium parum moti, nonnunquam & clam per muros exitu quæsito, partim contagiosis cadaverum exuviis, aliisq; infectis mercibus morbum mortemq; sibi accelerabant, partim à petulantibus, extra suorum conspectum, abducti, vestimentis exuebantur, ludibrium debentes aliis, qui in manibus omnium quæ fierent, arbitri stabant. Cum pecuniam accepisset Chmelnicus, captivi redditi sunt, fide non satis bonâ. Quippe nonnisi sexaginta homines, præter Georgium Belzecium primariæ nobilitatis virum, & tres ejus famulos, Germanumq; quendam, nuper excubiis apud nostros præfectum, rediêre.

Aderat destinata solvendæ obsidioni dies (XIX. Novembr.) cum novi in castris hostilibus motus, oppidanos novâ sollicitudine

dine arrexere. Ibat quippe ad Chmelnici-
um Smarzevius à Joanne Casimiro, tum re-
cens electo Rege internuncius: cui obvia
hostium turmæ, rem eminùs spectantibus
speciem metumq; dabant hostilitatis. Sed
missi speculatores gratulationibus & con-
viviis intentum reperere hostem. Et totos
sanè tres dies epularum festivitate extrahit
Chmelnicius, tormentis, tubis, tympanisq;
lætitiâ monstrans, quam ex prospera Re-
gis in solum avitum successione cepisset.
Tandem 24. Novembr. præmissis impedi-
mentis discescit: quem paulatim insecutæ,
quæ Mozyræ, Kapustis binis, Hieræ, Wolko
& aliis istiusmodi parebant legiones. Re-
liquæ tertio demum die urbem metu exsol-
vère. Quæ dein in supplicationes, hym-
nosq;, omnibus templis inq; varia passim
læticiæ argumenta cumulatissimè se effudit.
Quanquam intra mœnia, & multò magis
propè urbem omnia summum squalorem
longè lateq; monstrabant. Si quid inte-
grum relictum erat, id jam reduces illi glo-
bi hostiles, qui paulò ante in diversa sparsi,
omnia latè percurrerant, absumpsère. Im-
maniter inprimis Tartari grassabantur.
Quorum ingens numerus, Sultano Galgâ,
Sultano Muratin, & Tohaibego Ducibus,
viscera Poloniae, penè ad Vistulæ usq;
ripana,


*Terror
inanis.*

*Festivi-
tas inter
Cosacos
ob electū
Regem.*

*Tarta-
rorum
grassa-
tiones.*

*Tohai-
begi
Tarta-
ri mors.*

ripam, scrutatus erat. Ut nihil adeò prædonum istorum rapacitatem in propioribus territoriis potuerit effugere. Vix forsan falsi suspensionem evitabo, referam tamen id, quod ex hominibus fidem merentibus accepi, Hominum varii generis hac tempestate plusquam ducenta millia abducta esse. Sed addam aliud, in quo non minus fortè laborabit fides historiæ: Ex ingente barbarorum numero vix tertia pars, & porro de innumerâ captivorum multitudine, vix quingenti in Tauricam pervenêre. Adeò hos frigidi aëris injuriæ & fames, utrosq; verò morbi pestiles attrivêre. In eodem hoc itinere, aut saltem eo vix confecto, periit ex malè sanato, quod ad Zamosciam acceperat, vulnere Tohaibegus, prima & præcipua Poloniæ pestis. Quippe qui ante omnes, datis Chmelnicio suppetiis, tenuissima istius hominis principia, in tantum fastigium evexerat. Sed vindex flagitiorum Numen noluit hominem tot malorum autorem, scelere suo diu frui.





HISTORIÆ POLONÆ PLENIORIS

LIBER IV.

Hoste jam in Russiæ extre-
ma remisso, nos Varsaviam remea-
mus. Ubi uno post cæptum Leopoldi
obsidium die, sexto scil. Octobr. Anni
1648., Electio novi Regis inchoata est. Id
tempus in Convocgtione Ordines definie-
rant: & rebus creperis haud aliud præsen-
tius suppetebat remedium, nisi ut quàm pri-
mùm sub unum caput colligerentur Regni
vires. Quo deficiente, nihil nec auspiciò,
nec ordine gerebatur. Neque unquam pro-
fectò in Rempubl. Rectore suo nixam tan-
tùm hosti licuisset. Qui & ipse mox Regiæ
autoritatis vim agnoscere visus est, cùm,
quò propius nominatio Regis immineret,
hoc magis remisit animos. Cæterùm ubi
tempore & loco ad Varsaviam præfinito,
cives omnium ordinum, hoc est, Senatores
quà Ecclesiastici, quà Politici, & porrò E-
quites, quorum omnium in diversâ fortu-
nâ par ad Electionem potestas est, conve-
nissent, Boguslaus Comes de Leszno, nu-
peræ Convocationis moderator, vir summè
facundus ordinem Equestrem, qui in eo-

*Electio-
nis festi-
nanda
necessi-
tas.*

*Electio-
nis ini-
tium.*

N

dem

dem quidem campo, sed seorsim tamen à Senatu, congregabatur, ita allocutus est:

Oratio *Quod faustum esse superi velint, campe-*
Boguslai *stre & nomini scilicet genioq; Polono con-*
Comitis *gruentissimum, Cives, intravimus theatrum.*
de Lesz- *Disimile sanè illi, quod olim tributo gen-*
no. *tium, & certante omnium orbis partium am-*

bitiosâ luxurie exstructum, spectaculorum,
jucunditate novissimos Romanorum ludifica-

Theatri *batur, & tragicarum miseriarum, quas sub*
Romani *dominantibus patiebantur, novâ arte ima-*
compa- *ginem simul, oblivionemq; spectantibus præ-*
ratio cū *stabat. Introducebantur istic maria & certa-*
campo, *mina fluctuum, ut inter illa pugnarum si-*
inquo E- *mulachra, vera ac patriæ scilicet debita &*
lectio fie- *necessaria cura efflueret: amorq; libertatis*
bat. *in facticiis aquarum vorticibus extinguere-*
tur. Committebantur hominum bestiarumq;
paria, ut his oculos pascens Romana juven-
tus, decoros belli labores expavesceret simul
& adspernaretur. Atq; id humanitas voca-
batur, cum pars servitutis esset. Diversum
inquam, ab illo nostrum hoc theatrum est,
quippe quod nativum, & ab omnium rerum
opifice manu, non Regio alicui umbraculo,
sed apertissimo cæli laqueari subjectum, an-
tiquissimam & innocentissimam Terrigena-
rum, at genere animisq; nobilium, præfert
majestatem. Non hic cassibus libertati in-
sidianti

fidianti bus circumdamur, non caveis à manu
dominâ cicuramur. Patet undiq; theatrum,
& ad exemplum genuinorum Poloniæ pectos-
rum nihil celat, nihil abscondit. Et ut Ro-
manorum aliquis domum sibi optabat, quæ
undiq; reclusa, quicquid ageret habitator,
oculis exponeret omnium: ita hoc campestre
Capitolium, nullis parietibus à conspectu ho-
minum subductum, Poloniam ingenuitatem
orbi enunciat: ut quæ per rationem Status,
quam aliæ gentes jactant, nihil recondit,
sed propalam, teste cælo & cælitibus, spe-
stante orbe Christiano, jura Majestatis exer-
cet, & quod augustius est, distribuit. Gaude-
mus hoc super alias omnes nationes privile-
gio Poloni, quod per nos Reges regnant. Id
quod actus iste libertatis tutela destinatus,
hic campus, cunctis scenarum divitiis pretio-
sior, brevi ostendet. Arduum enim verò est
quod aggredimur, Cives. Servium commo-
dum, si parva magnis licet componere, re-
perire, difficile esse ajunt, quantò difficilius,
Rectorem. Non malè sapuisse censetur ille, Electio-
qui facilius sumi principem, quàm quæri ju-
dicavit. Nobis jam quærere principem in-
cumbit, & quod maximum, quærere bonum.
Ubi autem is quærendus, si verum est, quod
pronunciavit quidam, bonos Imperatores
annulo inscribi posse? Inprimis Vladislao
N 2 nostro

Vladis- nostro, quem cælum sibi vindicavit, magnò
lai IV. profectò labore quærimus successorem, majore
laudes. & forsàn nullo, parem inventuri. De cu-
 jus laudibus non est, quod dicere hìc ordiar.
 Orbi notus fuit, & vivit vigetq; immortalis
 ejus memoria, non fabrefactis inscripta co-
 lossis, quales ubi posteritatis judicium in odi-
 um vertit, pro sepulchris spernuntur, sed in
 aternitate temporum, famâ rerum: vivetq;
 eadem porrò, fide annalium, sempiternæ tra-
 dita posterorum venerationi. Ille, ah! ille
 fuit, qui post beneficium multorum anno-
 rum imperium, solâ morte suâ de Republ.
 malè meritus est.

Savitia, est voluisse mori.

Phœnix fuit noster, cujus cineres cum nobis
 proh dolor! similem non reliquerint, dare
 nobis similem per arduum est. Et auget dif-
 ficultatem temporum sinisteritas, quando
 jam destitutâ ad pœnam patriâ nostrâ, nescio
 quæ fatalis periodus summa imis miscet. Stu-
 pemus, Cives, ad congeriem malorum nostro-
Mala rum. Amisimus Principem, amisimus Duces,
Polonia. exercitus, opes, & quod præcipuum, existi-
 mationis agrè admodum reparabile damnum
 fecimus. Jam si diffidentias, simultates, pri-
 vatas stimulationes, & spe malorq; ambitu ob-
 noxias mentes spectamus, non difficultatis
 tantum, sed periculi plena redditur Nobis
 Electio.

Electio. Haud pensi est, quod nobilis ille Romanus notavit, esse privatis cogitationibus progressum, & prout velint, plus minusve sumi ex fortunâ. Imperium cupientibus nihil medium, inter summa & precipitia. Attamen erigamus animos, Cives, & ne nimium scopulis, qui se nobis obiciunt, terreri aut dejici nos patiamur. Difficilia quæ pulchra. Et ipsa hæc, si rectè perpenditis, difficultas, gentis nostræ præcipuum & solatium & ornamentum est. Non aliunde quippe *Electio* illa nascitur, quàm quod apud nos, non una *nis bo-* dominantium domus, ceteri servi; & quod *na-* pro arbitrio legimus principem, non ex cunis acceptamus. Jalet Electionem suam Romanum, quale hodie est, Imperium. Intra septem Capita illa consistit. Reliquis impanitur, ac si natus esset, Dominus. Ab alienâ voluntate expectare illum coguntur. Sola Polonia insolito aliis omnibus Regnis modo, Principem eligit. Hic quot Equites, tot Electores: quot lingua libera, tot suffragia. Et hæc non in conclavi, sed in aprico, non schedulis aut tabellis, sed vivis vocibus feruntur. Ea ut dii benè vertant, (gentium verbo, Christiano sensu loquor) divinæ Majestati supplicandum est; precandumq; , ut flexo, non in nos, gratiâ ejus indignos, sed in vastitatem Domuum suarum, & ingentem hanc

Sacrorum profanationem oculo, nunc tandem, quos servili subditorum flagello iratus castigat, boni Principis munere clemens exhibaret. Ne patiatur nos, extremo malorum, discordiâ, ad exitium fatigari. Inclamet ipse nobis cœlitus svave illud, Pax vobis. Faxit deniq; ejusdem benignitas, ut hanc patre orbam Virginem bene & felice quâdam animorum concordia elocemus: quod fiet, si non sibi quisq; , sed publicæ rei omnes Principem legerimus.

*Director
Electionis.*

*Leges Electioni
præscrip-
tæ.*

Hæc prolocutus addidit, Conventui huic directore opus esse, & nihil cunctatus Philippum Casimirum Obuchevicium Tribunum tum Mozerensem, postea Palatinum Smolenscensem nominat, Lithvanum gente, quia inde ordo usitatus jam sumi moderatorem postulabat. In quem tota illic sine refragatione consensit Equitum corona. Hoc igitur præeunte, primò omnium illata, quæ ad ordinem & securitatem conventûs facerent. Ac præcipuè judices constituti, qui, novendecim numero, secundum leges, jus dicerent, & debitâ in peccantes severitate omnia redderent quæta. Tum leges quas talibus conventibus Majores præscripsissent firmatæ declaratæq; , quarum aliquas propter externos talium, curiosos enumerabo: Principiò vetus sanctio,

ctio, quâ machinæ bellicæ & peregrini procul haberi jubentur, ita explicata est, ne cuiquam intra tertium à Varsaviâ lapidem machinas vel peregrinos adducere liceat. Qui secus faxit, cum electionis jure privandum, aut si excludi se non patiatur, pro hoste patriæ habendum. Peregrinis autem non accensendos terrarum ad Poloniam, vel Lithvaniam pertinentiû incolas, quantumvis lingvâ & habitu diversos. Nec stringi hâc lege exteros, qui vel singuli, vel aliquot numero, Equiti alicui Polono, familiares in usus, nullo militari obsequio devincti, aut etiam spectandi causâ, pacati in urbe degant. A loco tamen consilii publici ut per Mareschalcos arceantur omnes, qui nullo vinculo Reipubl. illigati tenerentur, sancitum. Tum porro legati exterorum extra Varsaviam, certis limitibus, quos egredi nefas sit, circumscripti. Adhæc vetitum, ne quisquam bombardâ, arcu aut alio armorum genere minus usitato, (acinales autem, framea, spatha pro usitatis habentur,) instructus locum Electioni dicatum ingrediatur. Qui secus facit, eum ducentis selibris seu marcis & sex hebdomadam carcere multandum. In malleos rostratos & pugiones par multa pecuniaria decreta est. Peditibus quoq; armatis

loco illo Electionis interdictum. Tum iura hospitiorum descripta, quò suum quisq; pacatus occupet teneatvè, violentiæ in aliena abstinens. Atq; ut pariter in omnibus tam publicè, quàm privatim quietè agatur, edictum. Eo fine & cum satellitio multo prodire in loca publica, & bombardas oneratas, per aut propter urbem circumferre, gladiumvè stringere, rigidè vetitum: tumultuari verò circa Comitium auso, percussori item, multò magis interfectori hominis, etiam plebeji, pœna capitis aut si iudicium is effugisset, infamiæ, constituta. Adhæc Pops, (nam in hâc nimîa multorum licentiâ etiam minuta legibus circumscribenda videbantur) quem ex scaphis colligatis Vistulæ insterni Præfectus ærarii curaverat, ne violetur, nevè à vectoribus tum, cum Ordines coeunt, vel etiam digrediuntur, occupetur, deniq; ne in transitu alius alium de industriâ dejiciat, cautum, capitis etiam supplicio, si quis tali trusione submersus fuerit, in detrusorem constituto. In locum conventus, inprimis quâ aggere circumductus is esset, nemini equos vel currus inducere permisum, & ne circa ingressum materia litium suboriatur, alii aditus Minoris Poloniæ, alii Majoris, alii Lithvaniæ civibus dati. Pueri aliivè levioris

levioris notæ famuli, à conventûs spatiis exesse, & passim alibi à vociferatione & immodestiâ omni abstinere, inprimis autem erga legatos externos, eorumq; famulos, reverenter agere, atq; ab omni contumeliâ etiam specie, temperare sibi jussi. Mercatoribus quoq;, institoribus, opificibus & cauponibus ne quicquam vi auferatur, severe cautum: sed iisdem etiam, ut pretio, quod Mareschalci cum reliquis deputatis definierint, merces suas vendant, injunctum, pœnâ in delinquentes constitutâ. Cauponibus porrô loco conventûs interdictum, & ad octavam vespertinam vendere sua permissum, non ultra. Duella omnia severissimè vetita. Legum harum executionem Mareschalcis quatuor, & quindecim insuper viris, ad id ex Senatu & ordine, Equestri electis, fidemq; incorruptam, & integerrimam justitiæ curam solenni juramento pollicitis, demandata est.

Cæterum ista ut antiquitus ferè recepta, facilem pleraq; apud Regni ordines consensum reperere. Ardua magis & difficilioris longè explicatûs super securitate Reipubl. deliberatio erat. Illi ceu corpori saucio, & Capite manibusq; quodammodò trunco, quò propiore periculo incubaret hostis, eò maturius intentiusq; prospicien-

*Inquisitio in-
autores
dissipa-
tionisPi-
laucia-
na.* dum censebatur. Si otium dedissent crepe-
ræ Regni res, ante omnia equidem ratio
actorum à nuperis belli Rectoribus postula-
ta, inq; autores dissipati exercitûs severè
inquisitum fuisset: optimo quoque, tam
inaudito in hâc Reipubl. malo dedecoriq;
infremente, nec publicè etiam ab acribus
abstinente censuris. Ac quidam ex Magna-
tibus publicè privatimq; innocentia suæ
causam, cum curâ, non postulati etiam,
dixere: patuitq; equidem, plurimos istic
extra culpam, nec nisi publicæ confusionis
quasi torrente abreptos fuisse. Neq; ulla
liquidior mali tanti, exceptis divinis, cau-
sa apparuit, quàm quod parva Ducum au-
toritas, & in nimium multos divisa fuerit.

*Causa
ejus dis-
sipatio-
nis.* Nimirum regimen & ordinem rerum nihil
facilius quam regentium multitudo tollit,
perditq; ut plurimum tam eos, qui re-
gunt, quàm qui reguntur. Sed curiosius
in omnia animadverti tum non licuit, re-
potius, ne in futurum delinquatur, dispici
postulante, quàm anxie inquiri in delicta.
Ac cum primò omnium novum exercitûs

*Regi-
men e-
xercitu-
um Vis-
niovecio
datur.* Rectorem constituere placeret, cunctorum
illicò iudicia in Jeremiam Michaellem Vis-
niovecium consensere: Ducem civili æquè
ac militari ingenio, bello verò jamdudum,
ac rerum, hoc ipso etiam rebellii Cosaeici
tempore

tempore gestarum gloriâ clarissimum; ideoq; etiam nuper Leopoli à milite & quotquot istic fuissent ex nobilibus Proceribusvé, nominatum militiæ Ducem. Quod ab aliquibus, exempli noxam verentibus, sinistrè acceptum est, tanquam sine publico omnium consensu factum. Visniovecio tamen id non obfuit, qui onus illud, extraordinem sibi oblatum, ægrè admodum, nec nisi salvo jure aliorum, qui suffragium suum absentes addere non potuissent, susceperat. Jam igitur illi magno atq; amplissimo totius Regni consensu, belli regimen defertur, ac tantis quidem studiis, ut aliquibus ex Senatu morari aut accidere hanc ejus dignitatem visis, voces asperæ & propè gladiatorum mucrones opponerentur. Vis- *Collega*
niovecio Duci collega adjunctus est An- *Visnove-*
dreas Firlejus, Castellanus Belzensis, vir na- *cio datur*
taliū splendore, prudentiâ, & quod tum *Firlejus*
præcipuè expendebatur, ætate in bellis tritâ *Castella-*
venerabilis. *nus Bel-*

Constitutis ducibus de titulo eorum *zensis,*
disceptatum: plerisq; ex ordine Equestri, *Tituli*
usitata summæ in bello autoritatis nomina *Ducum*
illis dari postulantibus. Alii alia potius in- *belli,*
denda svadebant, quò captis apud Corsu-
num Ducibus honor salvus, & Regi futuro,
liberior mutandi facultas maneret. Et
horum,

horum quidem sententia prævaluit, reliquis blandâ ratione persuasis, ne nominum inanibus tempora Reipubl. pergerent morari. Hinc milites, tam quos Pilavicensis dissipaverat confusio, quàm quorum ad castra iter, dissipati exercitûs fama, diversis in locis, stiterat, literis consensu ordinum scri-

Milites adversus hostem expeditur. ptis severè moniti sunt, ut intra mensem, illi, hi ante proximos dies quindecim exactos, ad Visniovecium & Firlejum confluant, sub horum imperio periclitanti Reipubl. adfuturi, Inprimis Christophorus Przyjemscius Tribunus cum mille ducentis suis, & Sigismundus Dönhofius Præfectus Sokalensis cum quadringentis, cum totidem Corfius, properare versus laborantes

Satellaria magnâ eodem destinantur. terras iussi sunt. Pleriq; etiam procerum, ne patriæ nutanti deessent, satellitia sua, augendo Reipubl. exercitui, mittere destinaverant. Et Archiepiscopus Regni Primas centum quinquaginta pedites, totidem Episcopus Varmiensis Venceslaus Lescinius, Nicol. Gnievoscius Episcopus Vladislaviensis pedites quinquaginta, velites quadraginta, Episcopus Posnanienensis centum, Culmensis qui idem tum Regni Procancellarius, totidem; & sic alii pro facultatibus suis quisq; offerebant. Osofinsci9 verò Regni Cancellarius & Leo Casimirus Sapienha

Vice-

Vice-Cancellarius Lithvaniæ, mittere pollicebantur, quicquid haberent circa se hominum, arma gestare habilium. Habebant autem sat grandem manum, posterior inprimis, utpote opibus præpotens. Et jam istis quasi prætoriiis Magnatum cohortibus Duces dispiciebantur; præq; aliis Paulus Sapieha Palatinus tum Vitebcensis, postea Vilnensis ac Magnus exercituum Lithv. Dux, & Georgius Rzecicius Præfectus Urzedoviensis, hisq; detrectantibus, alii jam muneri isti destinari cæperant. Sed huic curæ intercescit veniens de Brestiâ Lithvanorum à Cosacis exultâ nuncius. Hostes enim adeò propinquante privatum hunc militem custodiendæ Varsoviæ, ubi cadaver Regium, & de summâ rerum consilia haberentur, servandum esse visum fuit. Quidam quoq; ingruentibus ita periculis, suadere cæperant, ut Principes Vladislai defuncti fratres Varsoviam vocarentur; tametsi id legibus videretur adversum: *has quippe ex necessitate & usu Reipubl. latas, eidem pariter attemperandas esse. Hoc esse illis pulcherrimum demerendæ sibi Reipubl. tempus: & spem magnam superesse, rebelles non minus Regii sanguinis majestatem, quàm in cæteris armorum aciem reverituros. Sed horum utrorumq; dicta contradicentium.*

multitu-

*Duces
Satellitiorum.*

*Fratres
Regios
quidam
Varso-
viam vo-
candos
censent.*

*Securi-
tati va-
riè con-
sultitur.*

*Argenti
confici-
endi ra-
tiones
novæ.*

multitudine irrita fuere. Quia verò ab ho-
ste periculum magis indies gravesceret, de
eo propulsando, tuendâq; sic publicâ secu-
ritate variè adhuc deliberatum est. Ac
quamvis in tributa nova, tum in militum
faciendos delectus, & deniq; in expeditio-
nem publicam, Rege electo, mox acceptan-
dam, plerâq; omnes provinciæ consensis-
sent; haud tamen unquam adhuc sibi ipsi
satisfaciebant, multò minus profugis ex
afflictâ Rusiâ, Lithvaniâq; civibus, qui ut
alendæ inopiæ suæ subsidia, ita properam
terris suis opem à fratribus suis, & commu-
ni matre Republ. quotidianis precibus &
quiritationibus efflagitabant. Et propo-
nebantur varii adhuc conficiendi tum mi-
litis, tum æris, modi, præcipuo quoq; suæ
pro Republ. curæ ac studio, ingenium quoq;
facundiamq; addente. Audita etiam non-
nullorum, opes privatas cum Republ. par-
tiri volentium haud contemnenda promiss-
sa. Inter alios Regni Referendarius Ale-
xander de Otok Zalescius, facundiâ & juris
peritiâ eminens patriæ civis, ducentas sili-
bras argenti solidi obtulit, cæteris, inpri-
mis iis, qui plus possent, exemplum futu-
rus. Sed plures approbatores, quàm imita-
tores habuit. Quidam pretia monetæ au-
geri, militum stipendia minui, argentum
deniq;

deniq; sacrum, ut olim in Hispaniâ contra Mauros factitatum sit, redimendæ publicæ salutis impendi: alii decimam partem proventuum à quovis nobili, atq; ordine etiâ Ecclesiastico conferri suadebant. Sed consensus in istis defuit, neq; tum ultra bina per Regni provincias tributa, & certas militum suppetias, publicæ deniq; decretum expeditionis processum est. Dixeris vigili pro Poloniæ rebus providentiâ fati ita subductas impendiorum rationes, ne supra vires decusq; patriæ, vel deniq; necessitatem essent. Præsens enim periculum, uti mox apparebit, sine omni sumptu, solo mox Majestatis Regiæ oppositu, amotum est. Lubet tamen Palatinatum aliquot laudata pro Republicâ conamina hîc exponere. Posnaniensis cum * Calisfensi junctis Palatinatus ad hoc bellum promisit milites bis mille & ducentos, bina insuper de singulis focis tributa, & si opus foret, generalem ad arma evocationem recepit. Totidem tributa Cracoviensis; milites verò mille ducentos: præter ordinarios, quos tutandæ Regni metropoli servaret; cui & viritim publicâ edictione succurrere spondent, extra suum tamen territorium, cui metuendi maximè è vicino hostes essent, haud profecturi. Sendomiriensis Palatinatus mille milites & ducentos

*Palati-
natuum
delectus
& tribu-
ia ad
bellum.
* Posna-
niensium
& Calisf.
Cracovi-
ensium.*

Sendo- ducentos pollicetur, in cæteris Posnanien-
mirien- ses imitaturus. Minora aliæ terræ, sed si
sium. modū virium spectes, non minus aliis pro-
Lithva- mittebant. Lithvani decem tributa (ut vo-
norum. cant) agraria & insuper vectigalia in Co-
 mitiis ani 1647. constituta dare recepêre:
 hoc præcauto, ne in alias quàm belli neces-
 sitates à Thesaurario illius Ducatûs erogen-
Judeo- tur. Judæis præter exactiorem nuper in
rum. singula capita factam, aliquot iterum mil-
Régiarū lia imperata. Regiis verò civitatibus, vi-
Civita- ginti quinq; florenorum millia, donativi
tum. nomine, in stipendium militis supernume-
 rarium indicta, quò is in itinere se tantò
Leopo- gereret continentius. Leopoltanæ deniq;
tanis ca- urbis civibus, qui nuper, præsentē summo
vetur. periculo, nonaginta millia florenorum in
 novos delectus laudabili promptitudine,
 suggesferant, publicâ fide satisdatum, &
 ut ille, qui summam istam accepisset, in
 Comitiis Coronationis rationem expensa-
 rum reddat, injunctum est.

Hæc non sine magno animorum motu
 & multis contentiōibus perrogabantur.
 Subinde autem intersonabant voces civi-
 um aliorum, qui factò tandem deliberatio-
 num compendio, Regis eligendi negotium
 suscipi flagitabant. Et privatim quidem
 inter procures jamdudum ea cura, sed
 studiis

studiis multum discordibus, fervebat. Erant *Discor-*
 ex Sigismundi, laudatissimi Regis, filiis, *dia vota*
 defuncti Vladislai fratribus, duo superstites, *in Rege*
 Joannes Casimirus, & Carolus Ferdinan- *eligendo.*
 dus: quorum ille ætate prior, aliquot in
 Poloniâ præfecturas, & post mortem frater-
 nam, Regni Svecici titulum; alter Episco- *Candi-*
 patum Uratislaviensem & simul Plocensem *dati Re-*
 tenebat. Hos inter Principes vacillabat *gni Fra-*
 Electio, cunctibus in factiones civibus, & *tres Re-*
 aliis hâc, aliis aliâ de causâ, pro hoc illo *végis de-*
 decertantibus. Nam quod de aliis externis *functi.*
 muslitavit fama, intra cogitationes forsan
 aliquorum; sed paucorum tamen, nec diu
 constitit. Cæterum circa Principes fratres
 tantus erat contendentiû ardor, ut metue-
 rent multi, ne, quod unum scilicet laben-
 tibus in exitium Polonorum rebus deesse
 malum videbatur, in partes omninò disce-
 deret Respublica. Nec inter legatos exte-
 rorum Principum eâ in re satis convenie-
 bat. Nam ut quidam apertè pro Joanne
 Casimiro nitebantur, ita alii scissam in-
 contraria studia Poloniam conspicati, diu
 sensum animi recondebant, generatim Ja-
 gellonicum sanguinem Civibus Polonis
 commendâsse contenti. Ita utrumq; Prin-
 cipem juvantes, neutrum sibi videbantur
 offendere.

Orato- Pretium autem operæ videtur, ponere
res & nomina Oratorum Legatorumq; , qui tum,
Legati Varſaviæ, Principum quisq; ſuorum partes
exterorū agebant. A Pontifice Romano aderat Tor-
Princi- reſius, tum Adrianopolitanus Archiepiſco-
pum. pus, & ad Poloniæ Regnum Nuncius. A
 Cæſare primū prodromus, mox legatus
 Ferdinandus de Carretto, Granæ Marchio,
 conſiliarius Imperialis. Ex Gallia præter
 Dominum de Breze, Comes Arpajus. Ex
 Sveciâ Laurentius Canterſteinius Reginæ à
 Secretis, literas ab eâdem & certa poſtulata
 ferens. Ab Electore Brandeburgico bini,
 Joannes Höverbequius Conſiliarius Ele-
 ctoris intimus, & Carolus Olsnicius. A
 Principibus Neoburgicis pariter bini, Jo-
 annes Berthranus de Scheid, Sereniſſimæ
 Principis Catharinæ Conſtantiæ, quæ Si-
 gismundi III. filia, Philippo Vilhelmo Pa-
 latino-Neoburgico Duci nupſerat, Mare-
 ſchalcus, & Franciſcus Gize ejusdem Prin-
 cipis Cancellarius. A Duce Curlando Vil-
 mannus conſiliarius, cui eidem Marchio-
 nes Brandeburgo-Anſpacenſes juris ſui,
Legato- quod ad ſucceſſionem Feudi Pruſſici præ-
rum ex- tendunt, negotium commiſerant. Hi o-
terorum mnes benevolentiam Dominorum ſuorum
poſtula- erga Regnum Poloniæ, & dolorem ex mor-
ta. te Vladislai Regis, multipliciq; hâc Regni
 calamita-

calamitate susceptum, prolixè testabantur. Pontificius præterea, ad concordiam animorum curato sermone hortabatur Ordines: Regemq; eligi suadebat Catholice fidei studiosum, atq; inprimis ex Sanguine Jagellonico, domoq; adeò Sigismundi, qui ipse, præhabitâ quodammodo Regnis suis hereditariis Poloniâ, & multis suis erga hanc beneficiis meruerit, ut, quemadmodum olim Vladislaum successorem habuërit, nunc in uno superstitum filiorum denuò gratum Polonorum animum experiatur. Cæsareus antequam adveniret, per præcursores suos generatim pariter Regium sanguinem, sed mox, cum animi in Joannem Casimirum flecterent, Varsaviam ingresses, hunc eundem Reipubl. commendabat. Gallus à primo protenus adventu summam in Joannem Casimirum propensionem testatus, eandem tum publicè facundâ oratione expresit; Gallicam prolixè amicitiam promittens commendansq; , quam scilicet tot aliæ gentes, Sveci, Dani, Batavi, Mantuani, Hassii aliq; fidam sibi utilemq; pernovissent. Sveciæ Regina primis literis sanguinem suum, prolem Sigismundi, alteris natu majorem, fratrem proponebat; ea insuper amovenda ab Electione istâ monens, qua inter Regna ista vel inimicitias excitare, vel perennem

amicitiâ remorari possent: tum & Comissarios postulans, pacta induciarum in æterna pacis fœdus producere tentaturos, suos vicissim Lubecam vel Hamburgum mittere pollicens. Electores, postquam Heri sui absentiam, magnorum Imperii negotiorum objectu excusâssent, Joannem Casimirum enixè commendant; in Cosacos porrò auxilia pollicentur, simul tamen pacem potius cum iis honestam, quàm bellum svadent; Deniq; ad fœdus cum Svecis æternandum, sequestram Electoris sui operam offerunt. Neoburgici, sanguinis Regii rationem haberi desiderabant, reliquum simul dotis, Anna Catharina Constantia è Sigismundo genitæ nomine, poscentes. Marchionum Brandeburgo - Anspacensium nomine, ad Prussia feudum, ut innui, aditus, si id fortè hodiernæ stirpis Electoralis interitu vacaret, petebatur. Dux Curlandus feudivi continuationem & simul emendationem eorum, quæ contra suum jus bonumq; ordinem fiant, rogat. His omnibus Primas Regni Archiepiscopus & Equestris Ordinis nomine Moderator Obuchevicius, quæ res tum statim exigeret ferretvè, respondere, cæteris, quæ deliberationem postularent, in aliud tempus rejectis. Cæterùm antequam istorum aliqui admitterentur, spatium datum est audiendis

Legatis
respon-
detur.

audiendis Poloniae Principum & simul jam
 sceptri Candidatorum legatis. Horum prio- *Regni*
 ribus, qui à Joanne Casimiro mittebantur, *Candi-*
 Georgius Tiskievicius, Samogitiæ Episco- *datorum*
 pus Vir pietate, doctrinâ & singulari animi *Legati.*
 modestiâ præcellens, atq; hinc antea mode-
 ramini *Thoruniensis de Religione Colloquii*
 à Rege defuncto adhibitus; alteris Stanis-
 laus Zaremba, Senatoriâ Infulæ Kioviensis
 dignitate, nec minus virtute majorum &
 suâ insignis, caput erat. Uterq; Candidati
 sui, *eximias laudes & egregium erga Rem-*
publ. proq; eâ opes, sanguinemq; ipsum pro-
fundendi studium cum curâ deprædicabat.
 Auditis Archiepiscopus & Equestris Ordini
 Director reposuere; *reverentiam domûs* *Respon-*
Jagellonica, tot seculorum scilicet meritis *detur Le-*
inclyta, minimè apud cives Polonos exolevis- *gatis.*
se, Etiam dotes Principum, virtute majorum *Candi-*
ac fastigio Regio perquam dignas, nuncq; *datorû,*
etiam eorundem pro Republ. sollicitudinem,
ac promptam huic succurrendi voluntatem,
gratisimâ mente ab omnibus agnosci: ca-
terum quia sceptrum Polonia, post Deum, à
liberis civium suffragiis dependeat, brevi ex
horum consensu clarum fore, cui id divina
voluntas desponderit. Et post hæc tanto qui-
dem magis à quàm plurimis urgebatur Ele-
ctionis festinatio; sed intercedebant sub-

inde adhuc alia negotia, & immaturè ad eam accedi videbatur, nisi tum Candidatorum, tum civium pro ipsis inter se certantium animi, optatæ aliquo concordiaë temperamento coaluissent prius, aut saltem ex tanto contentionum æstu resedissent. Adhuc enim acriter tum dissidebatur, utravis parte pervincere eò impensius laborante, quò diuturniore dissensu alterum Candidatum offendisse metuebat.

Dissensiones.

Quamvis verò inter Carolinos plus nummorum splenderet; indies tamen magis magisq; Joannis Casimiri partes evalescebant, nitente pro ipso præter Reginam viduam, & Cancellarium, Lithvaniâ, atq; ejus inprimis Pro-Cancellario Sapiehâ, viro multum potente:

Joannis Casimiri partes prævalere incipiunt.

tum Prussiæ propè omnis, eodè tendentè consensu. Non minùs ex cæterâ quoq; Polonia multa magnaq; Capita, & pleraq; nobilitas istuc inclinaverant animos: & alios, qui contradicerent, paulatim vi blandâ rationum demulcebant trahebantq; in

Pro eo suas partes. Inprimis major ætas urgebat rationes, tur, cui, si alioquin virtutum paritas ambigam fortè faciat deliberationem, jure tamen nature debeantur primæ. Sed & alia afferebantur commendando huic principi, simulq; quæ de indole, & diverso sortis vitæq; colore à quibusdam partis adversæ solum

lerent objici, refellebantur. Jam olim, aiebant, Divos parentes, ingenium Joannis Casimiri tanto imperio non indignum judicasse, quando paulò ante finem vitæ, illum cum Vladislao, quanquam annis & rebus gestis majore compositum, tantum non præposuere. Nec contemnendum ipsius Vladislai judicium, qui supremis tabulis eum ut magis idoneum Reipubl. commendârit. Adesse Casimiro præter naturæ & institutionis bona, experientiam rerum, belli & pacis negotiis, ac cuius jam fortunæ regundæ parem. Adversitates, quæ obtendebantur, pro ipso magis jam facere: quibus exerceri & meliora sibi fata struere ac mereri, proprium sit Casimirorum. Opes parandi nullam ei fuisse occasionem; cum quas post Patrem crevisset, fratri Regnoq; impenderit; dum horum dignitatem in Aulâ Cæsaris, filiam hujus Cæciliam Renatam Vladislao adducturus, studuerit tueri. Bellis porro fraterne, inprimis Moschovitico, non sine sumptu & cum laude fortitudinis, interfuisse. Nec peregrinationes, nisi optimâ mente & exemplo fratris Vladislai, susceptas; quarum infeliciores eventus si culpetur aliquibus, iis videndum, ne convicium cælo faciant. Innocentiam consiliorum præstare sibi homines posse, non posse fortunam. Sæpè optimè co-

O 4. gitata

gitata pessimè cadere. Quāquam & reverà
benè cecidisse credi possint, quibus animus
Principis ad laborum, curarum, atq; etiam
frugalitatis patientiam, induruerit. Addu-
ctum talem Regiæ fortuna fræna, quādam
hactenus facilitate imperantis indulgentiāq;
vel etiam nimia parentium felicitate, lon-
gius prolapsa. Planè ut in fratre defuncto
Vladislaorum, ita in hoc Casimiro vir-
tutes refulsuras. Porro autem illo Rege crea-
to, multa Reipubl. bona, jam ab ipso posses-
sa, benè meritis civibus cessura: & si in-
super in Regine viduæ matrimonium consen-
serit, id quod in calibe & non adverso condi-
tionibus facilè sperandum, ingens sumptuum
compendium facturam Rempubl., remisâ al-
terius Regine inducenda necessitate. Deniq;
cum Regis Sveciæ titulum gerat, sine illo nul-
lam unquam cum Svecis rectè procesuram
compositionem.

Chmel- Ita isti argumentabantur. Alii insuper,
nec cum Chmelnicio quidem facilem speran-
dam pacem, nisi Joanne Casimiro Rege ele-
cto, diserebant. Fore illi majorem hujus,
quàm cujusquam alterius reverentiam: &
quippe qui jam in literis ad Zamoscianos
scriptis, tum misso etiam Mokrschio, non ob-
securas pronioris ergà hunc affectus dederit
significationes. Valebat aliquantum hæc
ratio,

ratio, non jure aliquo, quod nullum istiusmodi contra Poloniam armatis hominibus ad Electionem competit, sed temporum, iniquitate, & quod periculorum ab hoste magis magisq; augescentium increbesceret fama. Sed jam ante ista, alia quoq; argumenta Pocillatorem Regni Ostrorogium, & hujus efficaci facundiâ Visniovecium, quoq; Ducem parti Casimirianæ reddiderant æquiores. Quos sequi & sensim velut fatis imperantibus cedere reliqui cæperant; sic ut fortuna Casimiri jam evidenter elucetaretur. Præter cæteros huic non parum momenti addidêre duarum Poloniarum, generales præfecti: Majoris quidem Boguslaus Lesczinius, de quo ante sæpius; Minoris Georgius Lubomirscius, nunc magnus Regni Mareschalcus, & Campi Dux viri ut avitis decoribus, ita civili ingenio & doctâ facundiâ, nemini per Poloniam secundi. Hi jam tandem Joannis Casimiri partes validè amplexi, magnâ contentione eò juxta cum aliis ejus causæ fautoribus collaborabant, ut partis alterius prima capita syadendo inducerent, ne aliò verterent animum, quàm quò potior Regni pars inclinâset. Capita autem ista erant Andreas Comes de Leszno Episcopus tum Culmensis idemq; Vice-Cancellarius, nec non Jeremias

*Capita
Caroli-
norum.*

mias Dux Visnovecius. Sed uterq; auctoritate suâ multos præterea alios trahebat. Dum in his permovendis laboratur, leges, quæ Regibus Poloniæ præscribi solent (*parata conventa* vulgò dici solent) perleguntur, examinanturq; publicè, quò potestas fieret ordinibus, monendi, si quid mutatum vellent. Nec remissum quicquam de more antiquo, potestatem Regiam arctioribus terminis cludendi, quò solutior esset libertas. Cui nunquam facilius, quàm ubi vacuum Rectore regnum est, consuli posse videtur, mollibus plerumq; ad leges accipiendas Candidatis, qui postea adultâ sceptri auctoritate, suæ potiùs quàm populi libertati invigilaturi creduntur. Inter alia proponebantur, quæ in causâ Disfidentium à Religione Romano-Catholicâ, à certis delegatis, apud Episcopum Cracoviensem, de consensu partis utriusq; constituta erant. In iis autem nimis multum Disfidentibus indultum esse, quidam contendebant, imprimis Masovii, qui adeò suis Palatinatibus caveri postulabant additâ clausulâ: *Salvâ ratione jurium & decretorum Ducatus Masovia.* Sed hanc diu multumq; frustra tamen alii oppugnabant; ex Senatoribus imprimis Sbigneus Goraiscius Castellanus Chelmenfis. Tandem, post aliquot dierum

discepta-

*De Religione
disceptatio.*

disceptationes, in id consensum est, ut dis-
 fidentium libertas tuta maneret eâ lege,
 quæ & anteriorum Regum juramento fir-
 mata esset, & planiorem explicationem in
 superiore Conventu (Convocatione) ac-
 cepisset. Prussi præterea jura sua in inte- *Prusforū*
 grum restitui postulabant; inprimis illud, *postula-*
 quo cautum sibi ferebant, ne bona Regia *ta*,
 aliis, quàm indigenis Prusliæ darentur.
 Nominatim Pucensem Præfecturam nega-
 bant Magno Cancellario dari legitime po-
 tuisse. Is verò hos propositi tenaces con-
 spicatus, interponentis se Venceslai Comi-
 tis de Leszno, Episcopi & Principis Varmi-
 ensis, (postea Archiepiscopi Gnesnensis,) a-
 deoq; in Senatu Prussico Præsidis, & viri
 alioquin apud omnes gratiosissimi, persua- *Cancel-*
 sioni atq; auctoritati hoc dedit, ut se præfe- *larius se*
 cturâ illâ spontè abdicaret, beneficium sic *abdicat*
 imputans paci publicæ, quam privatæ rei *Pucensi*
 studio nollet turbatam. Tranquillos fore *Præfe-*
 Prussos putabat Archiepiscopus, & jam in *Elurâ*,
 genua procumbere cæperat, solenni can-
 tione Sancti Spiritus auxilium, ad concili-
 andam animorum in suffragiis ferendis
 concordiam, imploraturus. Sed iidem illi
 adeò universi constanter intercedebant cæ-
 pto Antistitis, in aliis desideriis suis pariter
 satisfieri sibi ante inchoata suffragia po-
 tentes;

Prusificantes: ut denuò surgendum fuerit mitis-
ad hoc simo optimoq; leni. Mox cum ab aliis de-
recla- liniti acquiescere viderentur, iterum ad
mant. Numinis adorationem componere se An-
 tistes, iterum obturbare illi, & sua oggerere
 magno clamore. Nec tertius Antistitis co-
 natus cecidisset prosperius, nisi is fidem illis
 dedisset, non ante Regem nominatum iri,
 quam factum desiderio eorum fuerit satis.
 Sic tandem (XVII. Novembr.) ruentibus
 simul in genua omnibus, habitæ preces;
 confestimq; in diversa digressi, ad sui Pala-
 tinatûs antesignanos singuli sese aggrega-
 bant. Illi autem Palatinatum Duces in
 suo quisq; cætu suffragia perrogantes, unû
Joannis Casimiri Nomen ab omnibus &
 singulis audire. Nempè enim, dum circa
 pactorum formulam disputatum supra fuit,
 plenissimè interim in partes hujus Principis
 etiam ii, qui validissimè alteras antè fovis-
Carolus sent, concesserant. Et ipse Candidatus
Princeps alter, Princeps pius ac mitis, nunc autem
cedit magis à familiaribus quibusdam, quàm
Fratri ambitu insito ad Regni spem impulsus, tan-
natu dem primi natûs juri, & nimis liquidò elu-
majori. centi divino nutui animum & vota sua,
 postquam rebus suis clientumq; suorum,
 certis cautionibus prospexisset, adeò non
 ægrè submitit, ut & preces ipse suas per lite-
 ras pro

ras pro fratre deniq; interponeret. Ita non tantum omni illo ordinum cœtu suffragatore, sed adversante jam omninò nemine, destinatum addictumq; Joanni Casimiro sceptrum est Poloniæ. Mox ex utroq; ordine nominati, qui de *pactis*, ut vocant, *conventis*, transigerent cum Principis electi legatis. Qui erant Georgius Tiskievicius Episcopus Samogitiæ, Christophorus Coniecpolscius Palatinus Belzensis, Stanislaus Varhicius Palatinus Masoviæ, Stanislaus Naruszevicius M. D. Lithvaniæ Referendarius, Christophorus Gembicius structor seu incisior generalis Regni, Alexander Lubomierscius Regni stabulo præfectus, Alexander Coniecpolscius tum Aquilifer Regni, Adamus Sieniavius Præfectus tum Leopoltitanus, Albertus Lubienescius Signifer Sira- diensis, Thomas Sapieha familiaris Regis aulicus. Hi jurejurando obstricti, nomine Regis Electi, in leges jam olim aliis Regibus, & proximè Vladislao IV. propositas condicunt: videlicet:

Regem nec heredem Poloniæ nomen usurpaturum, nec succesorem sibi ullo modo vel arte designaturum; sed leges sanctionesq; super eligendi Regis libertate olim vel recens factas sanctè servaturum.

*Leges
Principi
electo ab
Ordini-
bus præ-
scriptæ.*

Pacem

Pacem inter dissidentes in Religione secundū conventiona convocationis nupera Var-saviensis, tuiturum.

Græci ritûs homines, ad regulam propo-sitorum in Electione olim Vladislai Regis ar-ticulorum, perpacaturum.

Apparatum bellicorum diligentem habi-turum curam, addito in id, super usitatos an-te sumptûs, novo certog, ex Regiis bonis re-ditu: assignatisq, omni huic paratui & in-strumento militari curando, binis præfectis generalibus.

Gymnasium militare, exercendæ munitio-num operumvé bellicorum arti, tum discipli-næ tormentariæ, ad lineas & principia à Vla-dislao defuncto ducta, exstructurum.

Pacta & fœdera cum exteris Principibus, adeog, pacem cum iis firmaturum.

Rempubicam, recuperatis amis, redin-tegrare, & undiq, quietam reddere conatu-rum.

Compositioni inprimis belli, ex occasione Regni Svecici olim orti, ex utroq, ordine Senatorio & Equestri in Comitibus Coronatio-nis designaturum arbitros, datâ iis plenâ potestate tractandi negotium ad formulam, tum à Rege & Republ. præscribendam.

Ad Magnum Moscovia Ducem ex iisdem Comitibus misurum legatos fœdus amicitie stabilituros.

Moneta

Moneta curam proventumq; dispensationi Reipubl. plenè remisurum.

Sine scitu & consensu Reipubl. nec copias militum externorum in Regnum introducturum, neq; bello quenquam lacesiturum, neq; militem extra fines ducturum, aut gregatim edaci passurum.

Opera muniendæ Cameneciae à Rege defuncto capta continuaturum sumptibus suis. Tum quatuor propugnacula in finibus Regni ubi inprimis belli Ducibus visum fuerit, exstructurum.

In Prusîâ insuper Puckum, necessarium Reipubl. propugnaculum, emuniturum.

Peregrinos cujuscunq; conditionis nec ad consilia sua, neq; ad munia, Dignitates, Præfecturas ullas admisurum.

Comitatum dignitati Regiæ congruum ex Polonis, Lithvanis, & annexarum provinciarum incolis more & stipendio veteri habiturum: pariter quoq; Prætorianum satellitium: cujus Ductor indigena, non Regi tantum, sed & Reipubl. sacramentum dicturus, & juxta cum aliis Curialibus, cumq; ipso satellitio, sub jurisdictione Mareschalcorum futurus sit.

Conjugium nonnisi ex legum veterum præscripto cum consilio Senatus initurum, & si externa conjux fuerit, non plures ei famulos comi-

los comitesve peregrinos adesse passurum, quam visum fuerit Senatui.

Sigillo privato non usurum ad negotia Reipublice.

Muneribus Reipubl. Curiaq; ut sua potestas & ordo integer maneat, & ne ea vel à privatis occupentur vel vacua maneant, vel deniq; numero minuantur, curaturum.

Judicia, secundum pacta cum Henrico Rege olim inita, ex sententiâ Senatorum & Magistratuum Regi assiduorum, administraturum: deliberationibus uti & negotiis à Vladislao Rege nuper in suspensio relictis, finem impositurum.

Oeconomias, præter usitatas hætenus, mensa Regia nullas addicturum, & usitatis, secundum jura & privilegia earum, fruiturum.

Munera, beneficia, ac dignitates, quas ex Comitiorum Coronationis, veterumq; etiam legum præscripto, uni simul habere nefas esse reperietur, non daturum uni.

Officia non ultra sex septimanarum spacium relicturum vacua.

In Comitibus verò inter prima negotiorum habiturum horum ipsorum officiorum collationem, & per Cancellarios eam promulgaturum. Collaturum deniq; illa secundum leges indigenis, paritate juris gaudentibus, bene meritis, ætate & judicio vigentibus.

Militiam

Militiam equestrem pedestremq; ex consilio Reipubl. meliori ordine compositurum; ne opus sit Reipubl. milite externo, tantisq; in eum impendiis, tum ne subditis adeò gravis miles, sed suo stipendio contentus sit, provisurum.

Cimelia (vulgò Clenodia) à Sigismundo Patre ex thesauro Regni in usum sumpta redditurum, & thesaurum illum minimè unquam à Rege imminutum, sed spontaneis potius donationibus auctum iri.

Æs alienum, quod Comititia Coronationis liquidum pronunciaverint, ex consilio Ordinum exsolvere conaturum.

Classis maritimæ, in Reipubl. necessitates struendæ, ex consilio Ordinum, initurum rationem.

Cùm in hoc Conventu Electionis, ardua negotiorum non permiserint, ea, quæ in Regno & D.M.Lithvanie &c. à juris bonivè ordinis viâ devient, corrigere, aut curâ de modo justitiæ distributricis, de legibus Interregni, emendatione jurium, compositione statuum, & Academiæ Cracoviensis, suscipere, omnia sub Decessoribus contra leges admissa, correcturum, omisa executurum, legum calidis interpretationibus aut exemplis cum lege pugnantibus haud indulgendo.

De summâ Neopolitanâ in Comitibus Coronationis initurum consilium.

Deniq; in univēsum jura, libertates, privilegia ac statuta Regni, M.D. Lithvanie & innexarum his provinciarum civibus, Ecclesiasticis, Politicis, nec non Urbibus justè & legitimè data, ut & omnia Comitiorum Coronationis Henrici, Stephani, Sigismundi, Vladislai Regum & hujus ipsius conventus scita, omnia deniq; in proximis Coronationis & aliis in posterum Comitibus de consensu Ordinum sciscenda sanciendaq; in omnibus eorum punctis & clausulis tuiturum, literasq; confirmationis jurium & pactorum daturum, exemplo duorum Decessorum & in primis laudatissimæ memoriæ Patris sui vestigiis insiſtendo.

Quod si id, quod Deus avertat, juribus, privilegiis, conditionibus istis vim fecerit, aut obsequi omiserit, cives utriusq; gentis à fide & obsequii nexu (secundum legem anni 1590) liberos & solutos fore.

Pactis his, quæ nos hîc compendio, & de Polonico in Latinitatem, qualem talia patiuntur, transfusa dedimus, ubi legati fidem Regiam, jurejurando insuper paulò post firmandam, jurati & ipsi, adstrinxissent, nihil jam restabat, quàm ut præstito, quod Prussis Archiepiscopus promiserat, ad Nominationem accederetur. Quæ

Quæ tandem, Prusis ad Comitia Coronationis desideria sua, quanquam ægerri-
mè, nec sine quiritatione prolatari passis,
XX. Novembr. cum bono Deo succedit :
Archiepiscop non sine religioso quodam
animi ardore in ejusmodi verba prorump-
ente: *Nomino Regem Polonia & Magni Du-* *Nomi-*
catus Lithvanie annexarumq; Provinciarum- *natio*
Johannem Casimirum Svecie Regem heredi- *Regis.*
tarium, cœleste Numen invocans, ut hunc,
quem jam olim Regno huic destinavit, gra-
tia suâ in sustinendo hoc munere juvet,
hancq; electionem Reipubl. isti faustam for-
tunatamq; & inprimis Ecclesie Catholice
salutarem esse velit.

Postero die Rex nominatus templum S.
Joanni Baptistæ sacrum ingreditur. Ubi rei
divinæ, perorante Stephano Wydzgâ fa-
cundissimi oris concionatore Aulico, postea
ad Varmiensẽ Insulã, & deniq; ad Primã-
tum Regni evectõ, sacra verò peragente Ar-
chiepiscopo, ritè operatus, ad altare majus,
eundem Archiepiscopum & Mareschalcum
Equestrem obvios habet, pacta conventa
gestantes, & ut in ea, ex lege promissi sui
juret, poscentes. Itaq; is genibus innixus,
verba præeunte Ossolinio Cancellario Ma-
gno, ita jurat: *Ego Joannes Casimirus Ele-*

Etus Poloniae Rex & Magnus Dux Lithuaniae, Russiae, Prussiae, Masoviae &c. spondeo & sanctè juro Deo Omnipotenti ad haec sancta Jesu Christi Evangelia, quòd pacta conventa per Oratores meos cum amplissimis Poloniae & Magni Ducatus Lithuaniae ceterarumq; Provinciarum Ordinibus in electione nostrà transacta, & eorundem Oratorum juramento confirmata, in omnibus eorum articulis, punctis, clausulis, conditionibus, ita ut nec specialitas generalitati, nec generalitas specialitati deroget, servabo, manu-tenebo, & adimplebo, atq; ea omnia iteratò etiam in solenni nostrà coronatione juramento confirmabo, sic me Deus adjuvet, & haec sacra Christi Evangelia.

Factum hoc praesentibus, Matthiâ Lubieski, Archiepiscopo Gnesnensi, Legato Nato, Primate, & Primo Principe Regni, Petro Gembicki, Episcopo Cracoviensi, Andreâ Szoldrski, Episcopo Posnaniensi, Andreâ Gebicki, Episcopo Luceoriensi. Venceslao de Leszno Leszczynski, Episcopo Varmieniensi, Paulo de Piaseczno Piaseccki Episcopo Premysliensi, Andreâ de Leszno Leszczynski Episcopo Culmensi, eodemq; Procancellario Regni. Stanislao de Buzenin Pstrokonski, Episcopo Chelmensi, Christophoro Opalinski, Palatino Posnaniensi, Christophoro Chodkiewicz, Palatino Vilnensi,

nensi, Janusio Radziwil, Generali Samo-
 gitæ Capitaneo, Campestri Duce M. D. L.,
 Jeremia Michaële Witniowecki, Palatino
 terrarum Rusiæ, Georgio Hlebowicz, Pa-
 latino Smolenscensi, Paulo Sapiehâ, Pala-
 tino Vitebscensi, Stanislaŏ Waiŏzicki, Pa-
 latino Mazoviæ, Alexandro Oginski, Pa-
 latino Minscensi, Michaële Stanislaŏ, Co-
 mite de Tarnow, Castellano Woynicensi,
 Theodoro Stetkiewicz, Castellano Novo-
 grodiensi, Lucâ Opalinski, Supremo Regni
 Marschalco, Alezandro Ludovico Radzi-
 wil, Marschalco Supremo M. D. Lithv.,
 Georgio de Teczyn Osfolinski, Supremo
 Regni Cancellario, Alberto Stanislaŏ Rad-
 ziwil, Cancellario M. D. L., Casimiro Leo-
 ne Sapiehâ, Procancellario M. D. Lith.,
 Adamo in Czasniki Kazanowski, Mar-
 schalco Curia Regni, Joanne Antonio
 Tyŏzkiewicz, Marschalco Curia M. D. L.,
 Michaële Gedeone Tryzna, Thesaurario
 Supremo M. D. L., Alezandro de Otok
 Zaleski Referendario Regni, Stanislaŏ Na-
 ruszewicz, Referendario M. D. L.; Chri-
 stophoro Gembicki, Incisore Regni, Ale-
 xandro Lubomirski, Præfecto Stabuli Re-
 gni, Boguslaŏ Radziwil, Præfecto Stab. M.
 D. Lithv., Alexandro Koniecpolski Vexil-
 lifero Regni, Theodato Oginski, Vexilli-
 fero

fero M. D. Lithv. Nicolao Ostrorog, Pocil-
latore Regni, Casimiro Tyszkiewicz, Po-
cillatore M. D. L., Vincentio Corvino Gosi-
ewski, Dapifero M. D. L. Georgio Lubomir-
ski, Capitaneo Cracoviensi Gener. Bogus-
lao Leszczyński, Generali Majoris Poloniae,
Joanne Wielopolski Bieleni, & Bochnensi
Capitaneo, Joanne in Zamoscie Zamoyski
Capitaneo Kalusienſi. Adamo Sieniawski,
Capitaneo Leopoliensi, Hyacintho de Mi-
chalow Michalowski, Dapifero terræ Ro-
fanensis. Emerico Młeczko, Capitaneo
Mielnicenſi, Hieronymo in Radzieowice
Radziejowski, Incisore dapum Serenissimæ
Reginæ Poloniae, Daniele Zytzkiewicz, In-
ſtigatore Regni, Georgio Monvid Irzyko-
wicz, Mareſcaleo Vilkomiriensi, Ceslao Ca-
simiro Miloszewski, Secretario S. R. M. &c.

Regi jurato Cancellarius decretum Ele-
ctionis in chartâ pergamenâ descriptum &
Procerum Equitumq; subscriptionibus fir-
matum tradit. Cui brevibus verbis Rex, di-
fertissimâ autem oratione Boguslaus Le-

* Regis ſczyński nomine Regio respondit in hunc
nomine modum :

Ordini- * *Primavox, quam Serenissimus Princeps*
bus gra- *Joannes Casimirus per faventem Numinis*
tias agit divini & tot suffragiorum liberrimum con-
Comes de ſensum, in hac excelsâ Regni speculâ positus,
Leszno, *eloqui-*

eloquitur, primum nobis esto futura ejus in nos clementissimæ dominationis augurium. Orditur quippe is à testificatione agnitæ inclyti hujus populi in se benevolentia; emicantis scilicet ex illo auribus ipsius suavissimè adhuc inerrante, in animo autem nunquam intermorituro concentu vocum, letissimum istud, *VIVAT REX CASIMIRUS*; ingeminantium. Fuit olim in Romanâ Republ. tempus, cum subditis, ad aures principis, quocunq; eventu admisfis, omnium sermorum finis esset, gratias agere. O quanto melius cum hac, Principi nosiro natali terrâ agitur, ubi Rex futurus à gratiis sermonem inchoat, quo cives suos alloquitur. Habet Electio- profectò præ omnibus populis, quo triumphans bo- phet hac clarissima Respubl., quod arbitrio na- suo decernit eligitq;, cui summam Regni sui majestatem committere velit; non in ortûs nataliumq;, fortuita, non in cunas, sed illuc liberrimè flectens sententias, quò cælestem præire sentit suffragationem. Habet quo gloriatur, non se supplicem in Monarcharum clientelam; sed Monarchas venerabundos in sinum ipsius festinare. Latatur meritò, quod alibi votis tantum & suspiriis expetuntur boni Principes, qualescunq; autem tolerantur: hic votis judicia accedunt, accedunt consilia, in quibus non sine singulari majestate, nobi-

les confident, feruntq³ sententias. Latatur, quod non servientium populorum exemplo, gratias agit pro Principe, qualemcunq³ è domo regnatrice sors nascenti dederit: sed ipsi potiùs pro Regni diademate à principibus gratiæ aguntur. Verùm minimè quoq³ Rex noster illis Principibus invidet, quibus sceptræ & diademata natales sui afferunt. Mavult is voluntatum subditarum prius, quàm fortunæ aut sceptri dominantis adire possessionem, ac hereditatem: mavult ante pectora obtinere, quàm coronam. Atq³ o quàm pulchri dominatûs, quàm dulce argumentum, quàm magnificum specimen jam habet, cum servire nescientis populi corda se illi spontè & ultro subjiciunt! Quàm illustre Divinæ benevolentiae pignus recipit, quando Numen, communicato quasi regimine; soli alioquin sibi proprio, prius mentium imperium Principi, quàm throni mortalis fastigium permittit? Ceterum non nescit quoq³ Serenissimus Rex molis, quam suscipit, gravitatem. Non ignorat, quàm arduum semper, quamq³ fortunæ subiectum cuncta regendi onus sit, imprimis in eo Regno, ubi jam summa imis miscet fortuna; & saucia à servili barbarâq³ manu, publica res gravissimè laborat. Intrepidè nihilominus ad clavum hunc admoveat dextrâ, fretus Divinæ Majestatis ope, ut quæ

Difficul-
tates
muneris
Regii.

ut quæ soli jam, manifestis singularis gratiæ
indiciis, arbitrium dederit in bella nostra,
quæq; manum fumi pulverisq; militaris non
inexpertam ita dirigat, ut ad famam ejus, im- Bona o-
mensa perduellium catervæ, in cubilium suo- mina &
rum latibula paulò post recessura videan- vota.
tur. Erit brevi, ut templa sua sacerdotibus,
& templis splendor, & aræ fortunæq; afflictis
civibus reddantur. Habebit ultorem nobilis
casorum sanguis, & qui nostro adeò inhiâ-
runt cruori, in suo brevi natabunt. Redibit
deniq; optatissima terris pax, & cum hac de-
licia generis humani. Porro autem non diffi-
tetur Rex Serenissimus, magnum se de manu
vestrâ recipere thesaurum: dum ingens il-
lud libertatis, boni delicatissimi, depositum
ipsi conceditis. Natq; enim cum sit in gremio
hujus Reipubl., cum domûs suæ decora lon-
gâ serie posita hîc intueatur, ignorare non
potest, quid sit libertas Polona. Splendidis-
simæ domûs Jagellonica surculus est, sine du-
bio etiam imitator erit. Prælucent illi facem Spes de
tot grandes avi, præluceat magnus parens Rege ele-
Sigismundus, præluceat inclytus frater & ve- cto.
rissimus bellicosorum, simulq; feliciûm Re-
gum archetypus Vladislaus. Omnes tenerio-
re in libertati subditorum, quàm propriæ do-
minationi curam soliti impendere. Signato
tot præclaris majorum vestigiis tramiti, haud
dubie

dubiè institurus Serenissimus Princeps, fidei suæ pignus jam ad sanctum altare, religiose, nec unquam violando jurejurando dedit. Certare ille cum patriâ nostrâ & suâ conabitur benefactis. Et quemadmodum ab illâ, quod suavissimum habet, accepit; ita vicissim tanquam gratus memorq; beneficiorum primogenitus, matri suæ omnia optima maxima sua devovet, mite in subditos imperium, impensissimam pro bono publico curam, promptissimos in omne genus laborum humeros; vitam Reipubl. vettigalem & non minus oneri, quàm honori sacratum caput offerens. Gladio, quem lateri adaptat, domabit Regni hujus hostes; sceptro negotia Reipubl. componet ordinabitq; aureo honoris prosperitatisq; pomo, togâ sagôpe id merentes beabit: nihil deniq; à vobis accipiet, ut sibi habeat, sed ut quicquid datur illi, id à manu gestatrice splendidius pretiosiusq; redditum, cum pluribus quàm pulcherrimè communicet.

Exequiis Sequentibus diebus alia in futurum præ-
Kla- sentemq; Reipubl. usum constituta. Præci-
dislai pue defuncti Regis exequiis decima quarta
Regis Januarii sequentis; inaugurationi autem
tempus electi Regis decima septima, Comitiorum
præfinitur. auspiciis XIX. ejusdem mensis præfinita est.
 Vexilliferis quoq; terrarum & Palatinatu-
 um om-

um omnium imperatum, ut dicto exequiarum Regiarum die Cracoviæ adsint, signum quisq; Palatinatûs sui, funeri, ex more, prælaturi. Rex insuper rogatus, ut etiam antequam diadema susciperet, curam rerum turbatarum, inito cum Primate, & Senatoribus, Ducibusq; belli consilio, gerat. His actis XXIII. Novembr. solutus est conventus, sine minus composito, quod plerique nobilium ab hoste adeò propinquo, suis domi rebus metuentes, abitum præcipitarent; & Prussi insuper sui minus habitam rationem quererentur; aliqui vicissim auxilium laborantibus cæteris subtrahere, interminati sunt.

Archiepiscopus cum aliis Senatoribus nonnullis Varsoviæ mansit, perficiendis quæ in publicis adhuc agenda restarent. In primis Pontifici Imperatoriq; Romanis per literas gratiæ actæ pro impensâ rebus Poloniae sollicitudine, simulq; quod gratisimum auditu fore credebatur, nunciatum est, Joannem Casimirum maximâ tandem consensione, & ipsorum etiam adversariorum pace, nuncupatum Regem. Mox & Svecorum Reginæ datum responsum; jamdudum, sub Rege etiam defuncto, Rempubl. honestæ pacis, quàm belli cum Svecis cupidiorē, Ducis Curlandiæ pacificos conatus pro-

Conventus raritatis primis dissolvitur.

Responsa Principibus externis data.

Ultima Reginae Sveciæ.

tus probâsse. Similem animi propensionem cum literæ quoq; Regina & missus ab ipsâ Laurentius Cantersteinius Secretarius Statûs testentur, tanto ampliorem spem esse, communibus utriusq; gentis votis subscripturum Numen. Quod ad sequestros pacis attineret, eos in pactis nominatos. Ex quibus quia Britanniarum Rex domesticis discordiis attineatur, ejus vicem ut Respubl. Veneta suscipiat, sibi quoq; volentibus fore. Nec de loco difficiles esse velle. At Francofurtum ad Oderam situm, multis ex causis opportunissimum suis videri. Eò maturè venturos Delegatos, ubi de tempore à conciliatoribus Respubl. fuerit monita. Caterum sperare se, rem gratam fore Regina, in Electione istâ, pondus habuisse commendationem ipsius, & pensi fuisse id, quod ad stabiliendum æternæ pacis fœdus facere, aut necessarium esse, visum sit. Testem actorum fore Cantersteinium; & eundem de iis quoq; quæ jam non scribantur, relaturum. Cæteris Principibus, quorum legati aderant, Electionis eventus pariter cum multâ studii testificatione nunciatus est: si quæ verò postulata intulerant, ea pleraq; in proxima Coronationis Comitia rejecta fuere.

Rex verò Electus non ante sceptro, quàm patriæ gravissimè laboranti manum apposuit.

fuit. Scripserat is jam antè per Georgium Jarmoleviciam ad Chmelniciam literas, hortatus hominem, *ne Electioni ab exercitu Zaporoviano obstrepi aut impedimentum poni pateretur.* Sed nuncius iste tardius, ob morbi interventum, pervenerat ad Chmelniciam, uti ex responso ejus, cujus autographum mecum habeo, colligere licet. Nunc verò simul ut in se suffragiorum consensus ire Princeps intellexerat, illicò *Rex electus de Cosacis pacandis cogitat.* Chmelniciam ablegat, Regem se jam Poloniae nuncians, monensq; simul, ut missa hostilitate reducat copias suas. *Reperit quandoq; etiam inermis apud armatos Majestas venerationem, addente ipso cœlesti Numine principibus nescio quid non augmentum tantum, sed penè divinum, quo animos hominum, etiam barbarorum, percellant.* Chmelniciam certè brevissimæ Regis literæ movêre, ut cum pactis Zamoscianis ab urbe discedere promississet, ad mandatum istud Regium sine morâ exercitum omnem retrò in extremam Rusiam duxerit. Sed is etiam, antequam Smarzevius adesset, velut propinquum jam sceptro Regem odoratus, remittere cæperat animum, missoq; Varsoviâ eodem illo, qui ad Leopolum & Samosciam conciliator pactorum exstiterat.

*Chmelnicius
Regem electum
veneratur.*

existiterat, Mokrfcio Canonico, quicquid hactenus à se, & Cosacis perpetratum esset, eodem, quo sæpè antehac, modo excusare studuerat.

Nempe magnâ se necessitate in ista facinora impulsos. Primum enim à non paucis nicipio ex-Proceribus magnis emalis mactatos, postea et-cusat fa-iam cum, superatis Polonorum exercitibus ista sua. meruissent non contemni, non paucos suorum exquisitis torminibus exagitados, & deniq; in crucem actos. Mox se iterum compositionum ostentamentis insopitos esse, sed hostilia alibi omnia suis nihilominus illata. Rerum ex eo tempore successus in aperto esse. Inde tamen minimè sese inflatos, spirare illicita: quin adhuc potius patratorum sibi veniam, sed simul Magnatum quoq; illorum justam reprehensionem petere. Spreta his desideriis suis, manifestum futurum, se quoq; ipsos, & servitia sua fastidiri.

Rex
Chmel-
nicio
placide
respon-
det.

Quibus ritè expensis Rex tandem ita respondit: Gratam sibi eorum sub antiqui obsequii leges redeundi promptitudinem, & pro fido resipiscientis animi indicio esse, quod, relicto Zamoscio, pedem tulerint retrò. Clavam ferrcam (Bulavam Poloni vocant) & vexillum, summi à Rege in exercitum Zaporobianum imperii, insignia, brevi se missurum Chmelnicio. Facinora, quia eluere ea tanto

tanto insignioribus in posterum servitiis polliceantur, condonare se, pœnitentiâ ipsorum contentum. Quod exercitum Zaporobianum in potestate Regis tantum & Reipubl. esse desiderarent, sibi quoq; probari. Neq; factum velle aliter. Nec quæ de unione seu coalitu inter Græcam & Latinam Ecclesiam factio querantur, amplius moratura pacem; & destinatos jam à se arbitros seu Commisfarios, eam litem definituros. Quicquid juri-um privilegiorumq; olim habuissent, quicquid insuper etiam ab illis Delegatis per æquitatem indultum fuerit, in proximis Coronationis Comitibus firmaturum se, dum ad eadem Comitibus ipsi delegatos suos mittant, debitâ modestiâ Majestati supplicaturos. Interim exercitus Polonicos procul ab ipsis habitum iri. Nec Commisfarios amplius quingentis hominibus in comitatu ducturos. Pari numero & ipsum Chmelnicium ad capessenda militaris in Cosacos imperii insignia, & jusjurandum præstandû, totiusq; transactionis istius negotium, adesse debere. Tartaros in Tauricam, agrestem multitudinem ad suam quàm primû mittendam: & populatores ditionum globos, missis edictis publicis, revocandos. Deniq; exercitum in Zaporobianas insulas deducendum.

His

Chmel- His literis acceptis, Chmelnicius tanto
nicius ex promptius reditum ex Poloniæ visceribus
Poloniâ maturabat; stimulum insuper adhibente
redit in hyeme. Nam in terrâ à suis passim perva-
Ukrai- statâ, graminum quoq; per alienum anni
nam. tempus vacuâ, immenso illi hominum e-
 quorumq; numero defecturum pabulum
 videbat; minutiore verò exercitu, Polo-
 niam, adeò jam non hostili tantum vio-
 lentiâ, sed suâ quoq; ignominiâ irritatâ,
 deniq; Capite jam novo animosâ, porro
 lacescere non audebat.

Commis- Rex autem Electus cum Senatoribus deli-
sarii de- berat, quos ad arduum istud conciliationis
stinati negotium adhibeat. Et tandem in sex vi-
ad Cosa- ros, rerum sanè agendarum gnarissimos,
eos. consensum. Caput omnium iterum esse
 iussus est Adamus Kisielus Palatinus tum
 Braclaviensis, cui collegæ dati; Maximilia-
 nus Brzozovius Castellanus Kioviensis, Al-
 bertus Miascovius finibus terræ Leopoli-
 ensis regendis præfectus, vulgò Succamê-
 rarius, Nicolaus Kisielus Signifer Novo-
 grodiensis Palatini frater, Jacobus Ziele-
 nius Pocillator Braclaviensis, Zacharias
 Dux Czetvertinius, additus deniq; Smarze-
 vius Regi à Secretis. Hi lentè admodum
 sumptum ex Regni ærario adepti, vix deci-
 mâ sextâ Januarii Anni 1649. Huiscia, Ki-
 sieli

fieli Palatini oppido, in Voliniâ extremâ ad Horinum sito, convenere, Pereaslaviâ autem, quò ad colloquium ab hoste invitantur, ipsi alioquin Kioviam malentes, decimâ nonâ Februarii, hyeme gravissimâ, delati sunt. Hic quid effecerint, post memorabo, ubi quæ tempore antecessere, exposuero.

— 06:90 — 06:90 — 06:90 — 06:90 — 06:90 — 06:90 —

HISTORIÆ POLONÆ PLENIORIS

LIBER V.

REx, ubi pacis conciliatorum expeditioni satis datum temporis esset, Cracoviam ad exsolvenda fratri defuncto iusta, & diadema exin suscipiendum, habendaq; mox Comitia, circa novi anni auspicia, profectus est. Quem multi Procerum comitati, alii insecuti, multi etiam prævenere. Erat Januarii decima quarta, cum Rex equo insidens, & umbraculo, quod quatuor urbis Consules ferebant, adopertus, metropolin Regni sui ingrederetur, præcedentibus ipsum Magnatum Equitumq; longâ & multum nitente pompâ, peditum item cohortibus supra triginta, turmis deniq; viginti quinq;

*Annus
M. DC.
XLIX.*

*Rex electus Cracoviam ingredi-
tur.*

Quarum

*Cadaver
Vladis-
lai Regis
in Urbem
deduci-
tur.*

quarum utrarumq; major pars ex civibus, reliquum ex Regiis Magnatumq; militibus constabat. Sequens dies exequiis defuncti Regis datus est, recepto hîc more, ut non nisi sepulto decesore. Rex Electus diadema capessat; fortassè ut sic inspectâ mortis pompâ, mortalitatis suæ admoneatur, & eò attentior accedat imperium, cujus rationes post mortem quoq; redditurus sit. Cadaver Regium ex coemiterio templi Mariani in arcem, octo equis, holoserico rubeo tectis, deducebatur: præeunte tum militum, sed arma inversa trahentium, tum juxta Sacerdotum Monachorumq; longissimâ serie. Quorum agmen claudebant tres Episcopi & Cracoviensis Suffraganeus, omnes Pontificali habitu induti. Hos sequebantur Vexilliferi provinciarû, numero vigintiseptem, sui quisq; Palatinatûs signû ferentes. Inter quos eminebat Regni Aquilifer Alex Coniecpolscius. Illis succedebant Canonici Cracovienses & Musici magno numero. Hinc Senatores conspiciebantur: ex quibus Castellanus Lublinensis vellus aureum, Palatinus Smolenscensis Sceptrum Svecicum, Lublinensis Polonicum, pomum aureum Polonicum Castellanus Sendomiriensis, Svecicum Voinicensis, Diadema Polonicum

*Pompa
funer-
bris.*

Ionicum Palatinus Russiæ, Svecicum Mazo-
 viensis, Magnus Cancellarius Sigillum,
 Ensis Regni gladium, Marechalci bacu-
 los gestabant. Senatorum vestigia excipie-
 bat currus cadaver Regium vehens. Quem
 proximè sequebantur Dux Boguslaus Rad-
 zivillius, & Joannes Zamoscius; tandemq;
 Rex, Nuncio Apostolico & Palatino Bre-
 stensi comitatus. Inde magistratus Craco-
 viensis, & mox turba promiscua. In Arcis
 templo excipiebant Regem Archiepiscopus
 Gnesnensis, Cracoviensis & Cujaviensis Epi-
 scopis stipatus. Ubi sacro ritè peracto, Ma-
 nibus porrò defuncti Regis ab Episcopo
 Posnaniensi Andrea Szoldrscio honorâ o-
 ratione parentabatur. Posthæc Marechal-
 ci ante altare baculos suos, Cancellarii si-
 gilla gypsea, Jacobus Michalovius Tribu-
 nus Lublinensis clypeum, Sborscius hastam
 confringebant. Signum, quod cuspidi lan-
 ceæ affixum hærebat, à Rege ipso attolle-
 batur. His actis, cadaver è pegmate, hono-
 ri ejus structo, ad tumulum paternum, qui
 ponè templum est, deferabatur: Rege ipso
 deniq;, cum demittendum esset cadaver,
 funi manum admovente: testandæ scilicet
 erga fratrem mortuum ultimæ pietati. *Po-
 stero die idem alio solenni religiosoq; offi-

Tum-
 latur
 Vladi-
 lai Regis
 cadaver.

Q 2

cio

* Rex in Scalkam tendit magnâ religiositate.

cio defunctus est. Urbis Cracoviæ eâ parte, quæ Casimiria appellatur, sacellum est per-
vetus (Skalka vulgò vocatur locus) sed
multo auro, picturisq; exquisitissimis splen-
didum. Inprimis autem celebratissimi per
Poloniâ Martyris S. Stanislai memoriæ sa-
crum habetur, sanguine ejus olim, cum al-
tari illi adstans à Boleslao Audace occide-
retur, conspersum. Unde Rex ille diris de-
votus à Pontifice Romano Gregorio VII. ;
& porrò successoribus ejus deinceps impo-
situm est, antequam diadema Regium ca-
pesant, ut adpersam Regno labem pio
supplicio hîc expient. Quod à Regibus ha-
ctenus omnibus factitatum, Hic minimè
omisit. Pedes quippe huc venit, & mox
prono in terram corpore coram altari pro-
volutus, & sacris porrò vespertinis, magno
Procerum comitatu, solenniter operatus
est. His ceremoniis velut lustrabatur ad
Diadema, quod die sequenti XVII. Januar.,
Corona- tali ritu suscepit. E conclavi suo in Ca-
tionis se- thedrale arcis templum, S. Stanislao sa-
lennia. crum, tum verò, præter solitum, magnificis
tapetibus undiq; exornatum, veste & ipse
pretiosâ, ac ad hunc actum dedicatâ con-
spicius, à Senatoribus deducebatur. Ubi
cum in sellâ, contra altare positâ, conse-
disset, paulò post à duobus Episcopis ad
altare

altare ipsum deductus, aliis omnibus in genua flexis, projectus & ipse in faciem, manibus protensis humi eousq; decubuit, dum litaniæ hymnus decantaretur. Postea erectus, sacramentum solenne præstitit, præcunte in hæc verba Archiepiscopo :

Ego JOANNES CASIMIRUS, Juramē-
 Electus Rex Polonia, Magnus Dux Lithva-tum Re-
 nia, Russia, Prussia, Mazovia, Samogitia, gium.
 Livonia, Smolenscia, Czerniechoviaq; &c.
 Nec non Suecorum, Gottorum, Vandalor-
 umq; hereditarius Rex, per omnes Regni or-
 dines, utriusq; gentis, tam Polonia quam
 Lithuania, ceterarumq; provinciarum Re-
 gno Polonia Magnaq; Ducatui Lithuania
 annexarum & incorporatarum, communi
 consensu liberè electus, spondeo ac sanctè juro
 Deo omnipotenti, ad hæc sancta Jesu Christi
 Evangelia. Quod omnia jura, libertates,
 immunitates, privilegia publica & privata,
 juri communi utriusq; gentis & libertatibus
 nō contraria, leges Ecclesiasticas & seculares,
 Ecclesiis Catholicis Romanis, Principibus, Ba-
 ronibus, Nobilibus, civibus, incolis, & qui-
 buslibet personis cujuscunq; status & condi-
 tionis existentibus, per Divos prædecessores
 meos Reges, & quoscunq; Principes Regni
 Polonia, & Magni Ducatus Lithuania, præ-
 sertim verò Casimirum Antiquum, Ludovi-
 cum,

cum (Lois nuncupatū,) Vladislaum primum Jagiellonem dictum, fratremq; ejus Vitoldum, Jagiellonis filium Casimirum Tertium Jagiellonidem, Joannem Albertum, Alexandrum, Sigismundum Primum, Sigismundum Secundum (Augustum,) Henricum, Stephanum, Sigismundum Tertium pie memoria parentē nostrum, Vladislāū deniq; Quartum fratrem nostrum, Reges Poloniæ & Magnos Duces Lithvaniæ, justè & legitime datas, concessas, emanatas & donatas, ab omnibusq; Ordinibus tempore Interregni statutas atq; sancitas, mihi oblatas, tum pacta conventa, per Oratores meos cum Ordinibus Regni & Magni Ducatūs Lithvaniæ inita, manutenebo, observabo, custodiam, & adimplebo, in omnibus conditionibus, articulis & punctis in eisdem expressis: pacem quoq; & tranquillitatem inter disidentes de Religione Christianā tuebor, manutenebo, nec ullo modo, vel jurisdictione nostrā, vel officiorum nostrorum, & statuum quorumvis autoritate, quenquam affici opprimiq; causā Religionis permittam, nec ipse afficiam nec opprimam, ac ea quæ in Electione nostrā Varsaviensi constituta sunt, & quæ in Conventu Coronationis nostræ constituentur, manutenebo, iisq; satisfaciam; omnia illicitè à Regno Magnog; Ducatu Lithvaniæ & dominiis eorundem quocunq; modo alienata,

alienata, vel bello vel quovis alio modo distracta, ad proprietatem ejusdem Regni Poloniae & Magni Ducatus Lithuania aggregabo, terminosq; Regni & Magni Ducatus Lithuaniae non minuam, sed defendam & dilatabo, justitiam omnibus incolis Regni juxta jura publica, in omnibus dominiis constituam, abq; omnibus dilationibus & prorogationib; administrabo, nullo quorumvis respectu habito, & si, quod absit, in aliquibus iuramentum meum violavero, nullam mihi incolae Regni, omniumq; dominiorum uniuscujusq; gentis obedientiam prestare debebunt, imò ipso facto eos ab omni fide, obedientia Regi debitâ liberos facio, absolutionemq; nullam ab hoc meo juramento à quoquam petam, neq; ultrò oblatam suscipiam, sic me Deus adjuvet, & hac sancta Christi Evangelia.

Dicto sacramento, idem Archiepiscopus *Inungitur Rex.* brachium Regis dextrum, humerum item sinistrum, & frontem deniq; sacro oleo inungit. Inde in sacellum Zadzicianum à duobus Episcopis deducto, toga alia, Episcopalem referens, circumjicitur; Senatoribus verò gladius, vaginae aureae inclusus, sceptrum, pomum aureum, quæ omnia in eodem sacello deposita tum erant, ferenda dabantur. Illa fercula gestantes, Regem

iidem denuò ad altare ducebant, ubi post
 habita precū solennia, Archiepiscopus cum
 aliis Episcopis, deniq; diadema capiti ejus
 imponit, mox & gladium porrigit, quem
 ille quater, secundū mundi latera se cir-
 cumagens, ita vibrabat, ut crucem toties fi-
 guraret. Gladio dein Ensifero Regni tradi-
 to, dextrā manu sceptrū, sinistrā pomū au-
 reum ab eodem Archiepiscopo suscipiebat;
 sicq; ornatus, ab illo aliisq; Episcopis &
 Regni Proceribus ad solium Regale (sella
 erat holoserico, multoq; interlucente auro
 insignis, & in altiore suggestu, quasi thea-
 tro, posita) deducitur. In quo cum conse-
 disset, illicò exemplum Antistitum secutus,
 genibus flexis, solennem hymnum, omni
 illo præsentium cætu concinente, decan-
 tat. Inde reversus ad altare, S. Eucharistiæ
 particeps fit; & tandem precibus absolu-
 tis, acceptāq; solenni benedictione, Diade-
 mate, sceptro, & pomo aureo iterū (nam
 inter S. cœnæ solennia deposuerat ista) or-
 natus, claudentib9 latera ejus Nuncio Apo-
 stolico & Archiepiscopo, aliisq; Procerum
 præeuntibus, in palatium Regium reduci-
 tur. Nec multo post in conclavi Senatorio
 publicè pransus est, ministrantibus mensæ,
 præter cæteros, Boguslao Radzivillio Prin-
 cipe & Joanne Zamoscio; assidentibus non
 nisi

*Prandi-
um so-
lenne
post Co-
ronatio-
nem.*

nisi duobus illis Præsulibus, à quibus Regem è templo ductum diximus. Reliqui Senatores Proceresq; eodem in cœnaculo, mensis separatis excipiebantur. Ita ille dies convivio extractus est. Sequenti luce Rex ab Arce in Curiam urbis, eques procedebat, præviâ iterum splendidissimâ Senatorum, Nobilium, Militumq; insigniorum pompâ, Thesaurario etiam Curiae Maximiliano Os-
 solinscio nummos alicubi misfiles spargen-
 te. Hi unâ parte coronam *Manipulo*, fami-
 liæ Regiæ insigni, impendentem repræsen-
 tabant. Addita manus manipulum tenens:
 verbaq; circumposita: *Dominus assumpsit me.* Alterâ parte apparebat manus arma-
 ta, Seram artificiosam, & in hâc nomen Re-
 gis complexa. Adscriptum circa: *Desuper compactum est.* In Curia à primo Consule
 Urbis, qui tum Ochocius Medicus & Aca-
 demiae professor erat, & Magistratu univer-
 so exceptus Rex; & mox illis recedentibus,
 trabeâ aliisq; Regiis ornamentis indutus,
 ex Curia tandem in theatrum, quæsitissimo
 apparatu in foro exstructum, deductus est.
 Istic sedenti in folio, idem Urbis Magistra-
 tus adstitit, & digitis protensis, genibusq;
 flexis, sacramentum dixit. Mox & Consul
 Ochocius claves deauratas ad Regios pedes
 supplex deponebat; sex simul pocula ar-
 gentea,

*Misfile
sparsa.*

*Jurat
Cracovi-
ensis Ma-
gistrat.*

Q

gentea,

gentea, sed auro obducta offerens. Postea Ensiser Regni gladium denudatum Regi porrigebat. Qui eo apprehenso senos ho-

Equites aurati sunt à Rege. mines, tergum singulorum leviter percuti-
endo, in numerum Equitum auratorum, quos vocant, cooptabat. His actis in Curiam Rex, & mox ibi depositis ornamentis, in Arcem revertitur. Theatrum autem, & quo id obductum erat, pannus, more solito in prædam plebis cecidit. Simul verò dispositæ in foro machinæ detonuere; passimq; ignes, solito artificio, in sublime missi, fragore innoxio in aëre decrepabant. His læ-

Incendium in arce Regiæ Cracovia. titiæ contestationibus strepebat totâ nocte propè civitas: sed in arce ignis interim alius, haud perinde sanè festus, erupit. Qui nescio quâ Aulæ puerorum incuriâ, prope conclave Regium pabulo inconvenienti il-lapsus, & mox proximis correptis, eò tandem procrevit, ut in contiguâ cœnaculo turri, quicquid uri aptum esset, depasceret, ipso etiam tecto, quod cupreum erat, defluente. Sed major damno terror fuit, aliis insuper curiosioribus magnâ sollicitudine in omen rapientibus casum. Pletiq; periculum Regi Regnové sed brevi flammâ deflagraturum augurabantur. Aliis spes bonas sub Regis primordia pollui indignantes, mera gaudia & ex igne hoc nescio quid sereni,

sereni, etiam scriptis publicis portendebant. Dies sequens XIX. Januarii Comitiorum auspicio destinatus fuerat. Et paratus erat cum Senatu Rex post peracta in templo sacra, auditamq; concionem, agenda aggredi. Sed quia id absentibus nunciis, quos *Comitio-* vocant, terrestribus fieri ritè non poterat, *rum ini-* his in suo conclavi multas inter se lites mo- *tium,* ventibus, aliquot dies frustra extracti sunt. XIX. Ja-
 * Ex Palatinatu Rusiæ duplices aderāt nun- *nuarii,* cii; quorum alteros in Electionis Conven- *Anno* tu, nobiles, qui tum ex eâ terrâ adfuere, *M. IJC.* creaverunt Varsoviæ, metuentes, ne in loco *XLIX.* consveto, quippe ab hostibus vel insesso vel * *De Di-* malesecuro, id fieri non posset. Alteros *rectore,* reliqui nominaverant Przemysliæ, quan- *nuncio-* quam inter crepera belli & imminente jam *rum dis-* hoste, congregati. Qui jam illos Varso- *fidia,* vienses vitio creatos, nec in Comitiiis pro Nuuciis habendos esse, pugnabant. Hi vicissim, quod Varsoviæ electi essent, sibi fraudi esse debere negabant, cum Electionis Conventu, rata habita esset ejusmodi nuncupatio, eademq; exemplis, inprimis autem istis Reipubl. temporibus, satis excusari posset. Diu agitata res est; tandem tamen datâ secundum plures lite, pervicere qui Przemysliæ creati erant, quorum Antesignanus erat Franciscus Dubravius Premisliensis

Pilauciana dissipatione culpatur acriter.

misliensis Succamerarius. Cùm postea de Directore cœtus Equestris ageretur, acerrima denuò orta est inter Nuncios concertatio: intercedente inprimis Succamerario Rozanensi Petricovio, qui rationem prius Pilaucianæ dissipationis exigendam ab iis, qui istic rem administrassent; nequicquam aliis, ne intempestivo rigore tempora publica moraretur, svadentibus. Fore, ajebant, locum & tempus cum curâ in istos inquirendi: sed agendum ex more & lege, diemq; adeò illis prius dicendam. Et paratum jam pridem illos in jus vocare Regni Instigatorem, nisi plerosq; militiæ muneribus adhuc implicitos revocare inde, cum publico damno, pereretur. Alii acrius in has negotiorum, moras invehebantur, minati etiam factâ protestatione domum redire. Et Rex ipse mittebat subinde aliquos, qui ne tempora necessariis consultationibus debita, litigando prodigantur, admonerent. Ita denuò perrogatæ sententiæ Franciscum Dufit Franc. bravium, Succamerarium Premisliensem, Dubravins Succ. magnâ consensione Directorem constituere. Qui & tandem XXVI. Januarii (totos enim octo dies disceptationes istæ combusserant) Regi honorâ oratione de sceptro gratulatus est. Cui Andreas Leszcynius Episcopus Culmensis & juxta Procancellarius

rius, postea Cancellarius, & deniq; Archie-
 piscopus Gnesnensis, respondit: *Regem li-*
berrimis Polonæ gentis suffragiis, majorum spondet
suorum solio impositum, in laudatissimis ho-
rum vestigiis notare, quæ Reipubl. utilia. Comes de
 naxiavé fuerint hætenus. Et jam thronum Leszno.
 justitiæ conscendenti, nihil aliud magis in
 votis esse, quam ut se ministro, virtuti bene
 sit, malos pœnæ suæ sequantur. Novo hoc
 Diadematis vinculo non caput tantum exter-
 num, sed & animum arctissime Reipublicæ
 illigatum, perpetuò commodis ejus salutiq;
 invigilaturum; rationesq; cum Senatu ini-
 turum, ut quæ hætenus ipsam exedant tur-
 bentvé, amoveantur. Et jam nunc solici-
 tudinis pro Regni securitate specimen, in cæ-
 ptâ pacis tractatione, magno publicæ spei
 autoramento, effulgere. Cupidius equidem
 Regem, integræ florentiq; Reipubl. manum
 admoturum fuisse. Sed & qualem superi
 tradant, suscipere; vulneribusq; ejus opem,
 quam possit, maximam præsentissimamq;
 polliceri. Vota gratulantium accepta Regi
 esse, &, ut Cælum ea sanciat, optare. Ad
 osculationem deniq; manûs, quam superi bo-
 nis beneficam, malis severam, hostibus terri-
 bilem faxint, patere jam accessum. Ubi fi-
 nieraat Episcopus, supplex Dubravius ad Re-
 gem accessit, manumq; ejus osculatus est.

Quod

Cancel- Quod & reliqui Nuncii; & postea dele-
larius gati urbis Cracovienſis ex jure veteri, nec
proponit non Vilnenſes fecere. Exin Magnus Regni
delibe- Cancellarius prolixè præfatur *de Regis affe-*
randa. Etu atq; erga publicum ſtudio, tantò incita-
 tiore ſcilicet, quanto hanc Regni quaſi lam-
 padem à morte invictiſſimi fratris, languidi-
 ſus lucentem ſuſciperet. Et deniq; argumen-
 tum futurarum deliberationum proponit.

Ac primum quia Vezyrus Turcicus, ſcri-
ptis ad Archiepiſcopum literis, Tartarorum
etm Coſacis conſpirationem Imperatori ſuo
non diſplicere, ſignificet: Regi conſultum
videri, Legatum ad Turcarum Imperatorem
mittere, qui pactorum conventorum ipſum
admoneat.

Ad minas Orientis Tartarorumq; violen-
tiam retundendam, Moſchorum amicitiam
armorumq; ſocietatem utilem fore. Cujus
cum jacta jam ſint ſuperiori legatione fun-
damenta, mittendos, qui rem benè ceptam
absolvant firmentq;.

Cum Regno Sveciæ æternæ pacis tractatio-
nem utilem neceſſariamq; videri: quam ad
rem, cum Rex viam quodammodo munierit,
Et certi Principes ſequeſtram operam polli-
ceantur; hanc quoq; curam non inter po-
ſtremas eſſe debere.

Hæc

Has ad Legationes cum sumptus non exigui requirantur, ii unde haberi possint, incundam rationem.

Finium custodia intendendam curam, imprimis Russiae laborantis & Cracoviensis provinciae protectioni.

Ante omnia de belli apparatu cogitandum. Delégatis pacem cum Chmelnicio tractaturis sumptus procurandos, & qui jam ab Aerariorum curatoribus dati sint ex publicis proventibus, à Republ. ratos habendos. Meditandum insuper, quale responsum Cosacorum nunciis, qui expectentur, dari expediat: & denique quomodo in posterum exercitus Cosacorum disponendus.

Cum Palatino Cracoviensi, de salis-fodinis ejus agendum, tentandumque, an illa per commutationis contractum Reipubl. addici queant.

Reginae & Principis Caroli, ut habeatur ratio, Regem percupere.

Denique monere, ut probè subductâ temporum ratione, animisque in solida rerum seriò conversis, debitas utilibus negotiis horas, inanibus nolint contere. Hæc Cancellarius. Dubravius verò nomine Collegii vius No-Equestris à Rege distributionem vacantium bilitatis Reipubl. bonorum, atque iis ut exules inpridesideriis subleventur, petit; tum Legi de bonis proponi munerem.

muneribusq; publicis, quæ ab uno teneri vetitum sit, satisfieri possit. Porro rationem Senatusconsultorum & deniq; accuratam, rerum ad Pilavicias gestarum, à Ducibus, aliisque benè peritis relationem postulat, quò judicare liceat, quâ culpâ exercitus ille dissipatus, & tanta Reipubl. labes inusta sit. Cancellarius respondit: Regem in hac Reipubl. natum enutritumq; jura illius nota habere, iisq; etiam in distribuendis bonis honoribusq; publicis omninò satisfacturum; sed post audita Senatorum suffragia. Senatusconsultorum rationem, in publicis tabularii actis, patere cuivis poscenti. Pilavicense ulcus quando refricare lubeat, optandam esse Principis Dominici Palatini Sendomiriensis presentiam: qui nunc fratris sui morte domi attineatur, promitti tamen ejus adventum; hunc proinde operiendum. Postero die cum loqui Archiepiscopus ordiretur, unus ex nunciis Equestribus Twardovius, vir disertus, interpellavit sermonem, & va-

Vacantium Reipubl. bonorum distributionem,
sia mu- consultationibus omnibus præmittendam
nera pu- urisit, legem anni 1607. allegans. Eam etsi
blica. non satis liquidam alii dicerent; Rex tamen, ne mora cæteris negotiis fieret, per Cancellarios publicè, quid cuiq; bonorum vacantium dedisset, recitari juslit. Sed

Prute-

Prutenicorum nulla facta est mentio, quæ multum dein turbarum his ipsis Comitibus concivere. Nunciorum porro Equestrium Director, Senatoribus solitas deliberationes aggressuris Trubecense negotium & Cameneciae ultimi adversus Orientem propugnaculi curam, denique disciplinæ militaris, in præfidiarios, extremæ Russiæ graves, asseverationem commendabat. Hinc tandem orsus Archi-Episcopus, quicquid sub Interregno Ipse, cum Senatu Consiliario, publicè egisset, latè enumerat. Nempe *Archie-* mortem à se Regiam, & mox duplicem *piscopus* Exercitus cladem, simul ut sibi innotuisset, *acta In-* ritè publicata, civesque admonitos, ut provide- *terregni* rent, ne quid amplius detrimenti Respubl. recenseret. *pateretur.* Inde, indictis conventibus, ad ferendam publico opem Palatinatus singulos concurrisse. Se verò Varsaviâ, prætorianam defuncti Regis legionem, trium mensium stipendio instructam, ductore Osinscio, laboranti Russiæ properè submisisse. Eodem fine & Christophoro Przyjemscio & Sigismundo Dönhofio Præfecto Sokalensi, facientium delectuum datum negotium. Inde *Convo-* Varsaviam convocatos Regni Ordines, de sa- *catio.* lute publicâ consultasse. Ubi nihil salubrius Reipubl. repertum, quàm amicâ compositione hostiles impetus inhibere: & commissam

R

can.

Cosacici,
Legati.

Duces
militia.

eam curam Palatino Braclaviensi. Nec aliâ spe voluntatumq; inclinatione dimissos tum è conventu nuncios Cosacorum: cum eorum aliqui, etiam ante Conventum, ad suos relegati, amicæ ejusmodi ad literas ipsorum responsionis promissum deportâssent. Interim habitis per singulas provincias delectibus, conflatum quidem exercitum, sed ei Ducem defuisse. Tribus itaq; qui promptam Reipubl. operam obtulissent, probassentq; ante non semel, summam rei commissam. Nam Visnovecium Principem, serò ex ultimis Russia recessibus emerxisse; haud sanè alioquin postponendum ulli reliquorum. Quippe, antequam alii militia regimen suscepissent, aut conduxissent militem, data ab hoc egregia virtutis & pro Republ. vigilantia specimina. Ab eo enim & Palatino Kiovia Janusio Tyskievicio, qui comes ipsi adfuerit, diu feliciter coercita perduellium agmina. Inde animos crevisse cæteris civium; Et cum postea non modicæ ex omnibus Polonia ditionibus confluxissent copiae, iis consilium incens-Pilauci-sisse hostem aggrediendi. Deventum ad Piana malavencias; ibi castra, sed, ut ferunt rerum cula, gnari, loco perimportuno, posita. Falsis dein rumoribus territum exercitum: & scilicet sexaginta millia Tartarorum immensæ jam ante multitudini Cosacorum accessisse, sparsum cre-

sum creditumq; esse. Neg; Ducibus inter se, nec militi cum Ducibus satis convenisse. Planè autem omnibus Divinam incubuisse iram, ob injurias, quas in itinere passim patriæ suæ incolis intulissent. Et hinc, præcipuè factum, ut paulò post egregius ille exercitus, hoste vix viso, difflexerit. Cæterum ab initio sibi visum esse optimum, afflicte Reipubl. remedium, si sub unum caput quàm citissimè recolligeretur: sed Rusiæ aliarumq; provinciarum non paucos cives intercessisse consilio, & si ipsis invitis Electio institueretur, divortio facto, alium circumspicere Regem minatos. Ita comperendinatâ Electione, haud fuisse, qui dispersum profugumq; exercitum colligeret. Nam ad Pocillatorem vix paucos, nec multos ad Palatinum Rusiæ Visniovecium, quanquam de virtute & curâ erga Rempublicam suâ nihil remittentem, revertisse. Tandem fortunam Polonos diu destitutos clementiore paulò vultu respicere cepisse apud Zamoscium. Cui urbi præter alios Ludovicum Veiberum cum legione Prusicâ, & trecentis fratris sui Palatini Mariæburgensis Dragonis, bono Reipubl. fato succurrisse, dignum profectò utrumq; gloriâ immortalî & insigni Regis gratiâ. Hærente illic fortunâ Chmelnicii, conventum interim Varsaviæ super eligendo Rege habitum, quem & ipsum se

Zamo-
scianorū
Virtus.

Electio-
nis pro-
perata
benefi-
cia.

in compendium redactum voluisse, ut tantò citius caput haberet Respubl., sine quo illa vivens vidensq; periret. Et id unicè salutare consilium ab eventu, quanquam seriùs, approbatum; cum, simul atq; Rex renunciatus esset, sine morà hostis ad mitiora conversus, copias reduxerit. Id felix Regis auspiciu, omnia prosperrima in posterum portendere, si ex pietatis normâ res suas agere, si justitiam animo incorrupto, exercere; (quod omnes omninò sperent) perrexerit. Ac quia pacis tractationi, cui jam incumbatur, non ita fidendum sit, quin exercitûs reficiendû simul calere debeat cura, scire Regem oportere, quas copias hunc unâ cum sceptro accipi-

Exerci-
tuum re-
liquia.

at. Superesse primùm eas, quæ per Palatinatus collectæ, vel ad castra Pilauciana non pervenerint, vel eadem castra, fatali illâ correptâ sideratione, deseruerint. Superesse deinde milites, qui postea Leopoli fuerint conscripti. Aliquos etiam ex primis cladi-
bus superstites, ad stipendia rediisse. Non paucos deniq; post illas clades, ex ordinario tributo constatos restare. Primas illas per territoria collectas, in affligendâ paupere plebe, nullum adhuc sibi modum ponere: adeò ut vix sperandum sit, cælum propitium habituras, cujus iram in ipsas tot inopum lachryma provocarent. Meliorem hâc in re hostem,

hostem, qui injuriis ejusmodi coercitis, agricolae quietos, & inde omnia annonae copiis referta habeat. Legationem ad Turcarum Imperatorem necessariam sibi videri. Minime enim ferendum contemptum, quem in literis suis Vezyrus ostendat. Ad Moscos quoque firmandae amicitiae causam mittendum. Cum Svecis ordiendum de pace colloquium. Reginae viduae equum esse prospicere, ne habeat quod queratur. Principem quoque Carolum profusis in auxilium laborantis Reipublicae sumptibus, gratitudinem meruisse. Reliqua post se dicturis committere, unum tamen adhuc rogare, ut Palatini Marienburgensis Jacobi Veiheri, missis nuper Zamoscium trecentis Draganis, optime de publico meriti, ratio habeatur.

Archiepiscopum excipiebat Petrus Gembicius Episcopus Cracovientis Dux Severiae. Is vero Regi Regnum, Regem gratulans, Legationes à Cancellario propositas, ab Archiepiscopo approbatas, sibi quoque aiebat probari. Et ne sumptus desint, ex bonis vacantibus reliqua istuc destinanda. Urbium limitanearum defensionem tantò plus, quàm hactenus, impendendam curae; quantò magis jam pateat, male esse Reipublicae sine urbium munitarum receptu. Tractationis cum Cosacis finem, his Comitibus, haud esse expectandum. Nomi-

Legationes expedienda.

Episcopi Cracovien-
sis O-
ratio.

Urbes utiles & necessaria re-
gno.

nandos itaq; ex Senatu & ordine equestri qui nomine Reipubl. citra Comitia etiã incepto operi imponere possint supremam manum. Proventuum mensæ Regiæ destinatorum attentio-rem in posterum habendam curam, quò Regiæ necessitati dignitatiq; rectius quàm factum hætenus, consulatur. Reginæ & Principi Carolo gratum à Republ. affectum omninò deberi: Militem dedecus Pilavicense, maturato saltem in unum regressu, & modestiã expiare debuisse. Et quia id hætenus non factum, pœnam mereri. In posterum verò præsidiarium Reipubl. exercitum ita constituendum, ne à finibus Regni is unquam abscedat. Eò aliquas ex limitaneis præfe-

Belli sumptus. Eturas addicendas. Conficiendis belli sumptibus servitutam rei monetariae procurationem, & imprimis peregrinæ taxationem monetæ. Agrarium insuper tributum indicendum, non tam rusticis quam heris ipsorum.

Miles jugalis. Esse porrò ordinariam militum manum, quæ ex certo agrorum modo Reipubl. mereri debeat: eam desuetudine quodammodò obsoletam, in usum & ordinem revocandam. Captis belli ducibus lytrum, ex præfecturis vacantibus procurandum. Aerarii præfectum Danielovicium fideli opum publicarum custodiã ac erogatione gratias à Republ., Ducem verò Vîsniovecium, multis pro Regni salute

salute laboribus susceptis, præmium mereri.
 Ubi is Regi Regnoq; omnia prospera à
 Deo precatus finierat; Archiepiscopus de-
 nuò orsus queri cæpit *de traductâ suâ à non-* *Querela*
nullis innocentia, qui summum in exercitûs *Archie-*
imperium centum millibus florenorum ab *piscopi.*
ipso venditum jactarent. Regem obsecrans,
 ut calumnias istiusmodi, quibus suum pro
 Republ. studium malepensatum irent male-
 voli, compesceret; facturam istuc eorum,
 quæ publicè sub interregno à se acta essent
 approbationem. Sequenti die Nicolaus *Episcopi*
 Gnievosius Episcopus Vladislaviensis & *Cujavi-*
 Pomeraniæ ortum Regno post nubila Phæ- *ensis O-*
 bum gratulabatur, & Regias virtutes facun- *ratio li-*
 dè edisserens, ex iis omnia porrò faustissima *bera.*
 publicæ rei ominabatur. Quam equidem,
 multarum gravisimarum egritudinum con-
 fluge laborantem, ab ipso, aiebat, suscipi.
 Primò enim dissolutam & fræni expertem *Militia.*
 esse militiam. Et ob hanc disciplinæ labem
 exercitus priores fusos cæsosq; alterum
 autem ad Pilaucos inexpiabili maculâ ad-
 spersum. Secutos impium militem gemitus
 pauperum; & contra ipsum pro hostibus ste-
 tisse. Primò omnium itaq; adducendas esse
 laxatas jam nimis disciplinæ castrensis habe-
 nas; & ad antiquam severitatem exercen-
 dam juventutem; quæ longâ pacis desidiâ

ro nervum quoque belli deesse Reipublica. Nervus
 Cui rei resarcienda utilis fore, ararii cura belli.
 praefectos rationem publicorum proventuum
 publice reddere. Et quia donationibus Re-
 gis elanguerit ararium, has sub trutinam,
 constitutis in id arbitris, vocandas esse. Et
 sumptus privato Regis arario mensaeq; desti-
 natos restrictius in posterum administrandos.

Deniq; Ordine nunc carere Rempubl. Eum Ordo &
 à justitiæ dicasteriis expectandum. Ut scili- discipli-
 cet cuiq; suum citra prolationum fastidia, na re-
 citraq; corruptionum interventum reddatur stauran-
 jus: ut benefactis merces, flagitiis poena re-da-
 spondeant: Utrobique enim modi migratio-
 nem noxiam, & scilicet nimis etiam præmiis
 virtuti offici; cum uni dantur, quæ in mul-
 tos dividi poterant. Huc multum utiles fore Consilia-
 Regi consiliarios perspicaces, probos, Patriæ rii Prin-
 amantes, dignitatis Regiæ studiosos. Tales cipis.
 itaq; Principi quærendos, atq; etiam domesti-
 cis pietatis & omnigenæ virtutis exemplis fa-
 ciendos. Facile in principis mores abire au-
 lam. Cæterum tantis, quos expresserit defe- Onera
 ctibus mancam Rempubl. multis insuper gra- & peri-
 vissimis malis atq; oneribus jam præcipue cula Rei-
 subditorum rebellium perfidiâ. Cui infrin- publ.
 genda præcibus advocandam Dei dexteram,
 & simul prudens Regiæ Majestatis regimen
 adhibendum. Pœnam meruisse perduelles,

R 5

sed

*sacris istis opibus exsurgant firmenturq; jam
 & Lingvarum licentiâ, sacrorum ministros à
 multis perstringi, haud pensi scilicet habenti-
 bus, in Deum redundare istiusmodi injurias.
 Tempore belli Chotimensis quendam, non
 obscuri nominis, de pecuniâ in belli sumptus
 acquirenda rationibus consultum, Judais &
 similibus purgamentis per contemptum sa-
 crificulos annumerâsse. Sed illum vindicem
 Numinis iram expertum, unâ cum familiâ
 & stirpe suâ interiisse. Inter onera deniq;
 Reipubl. suspectam vicinorum Amicitiam ju-
 re reputari. Quare fœdera cum iis gentibus,
 quæ jam toties nominatæ sint, pacisq; nego-
 tiationes haud derelictui habendas. Turcici
 inprimis Imperatoris quarendam benevolen-
 tiam, & de Tartarorum injuriis apud eum
 expostulandum. Hos verò ipsos armis im-
 petendos. Aliud olim sibi visum, & impro-
 bata à se Regis Vladislai in eo negotio con-
 silia. Sed nunc, magistro rerum eventu, do-
 ctiores se, sententiam mutare. Admini-
 strandi ejus belli rationem secretò, si requi-
 ratur, explicare malle. Armamentariorum ve-
 rò & apparatus bellicorum minimè seponen-
 dam curam. Quod ad reliqua attineret, in
 his ea, quæ ante ab aliis dicta essent, sese
 comprobare. Præcipue Regine omninò libe-
 ralius prospiciendum esse. Haud illi suam in
 commu-*

*Legatio-
 nes de-
 cernen-
 da.*

*Tartari
 impu-
 gnandi.*

Reginæ communicatis Regi marito opibꝫ propriis facilitate fraudi esse debere. Famæ defuncti consulendum. Regis consulendū, animamqꝫ ejusdem, quantum fieri possit, exonerandam. Etiam Principi Carolo, pro effusis in Reipubl. necessitates sumptibus, gratiam luculentam referendam: adeoqꝫ, si quæ vacarent, conferendas ei Abbantias. Aliorum deniqꝫ, qui de Republ. benè meriti essent, habendam rationē. Inprimis Dux prae-eis Visnoviecii, Andrea Firleji Castellani Belmianensis, Stanislai Lanckoronscii Camenecensis Castellani, Ludovici Veiberi Palatini Pomeraniae, Nicolai Ostrorogii Pocillatoris Regni. A quibus & edita multa jam opera verè egregia; & majora expectanda, si justis adminiculis erigantur. Exules tandem beneficiis reagiis adjuvandos, iis inprimis, quæ in natali, aut habitata cuiqꝫ Provinciâ vacent. Neqꝫ enim convenire, ut Rutheno apud Cameneciam, vel nobili Prusso apud Dantiscum dentur possessiones. Deniqꝫ petere se, non tam suo, quàm Palatinatûs sui nomine, qui id & internunciis suis demandaverit, ut Episcopi Vladislaviensis proxima ab Archiepiscopo sedes, nullis controversiis amplius aut protestationibus sollicitetur. Quod restet, Regi quàm florentissimum regimen precari se, & ut quietius serò olim succesfori tradere Imperium possit, quàm ipse nunc accipiat, Deum orare.

In can.

In eandem sententiam sed brevius paulò, quòd omnis materia occupata & exhausta videbatur, reliqui etiam qui aderant, Episcopi; præcipuè Culmensis, Andreas Leszcinius, qui Vice Cancellarius juxta erat; & post hos Palatini; Brestensis inprimis, Smolenscensis & Mazoviensis, hisq; finientibus Castellani complures, interq; eos principe loco Stanislaus Witowskius Sandomiriensis, & deniq; Marechalci perorabant.

Post hæc de Legationibus ad externos Principes expediendis Magnus Regni Cancellarius Osfolinscius disseruit, nominans simul quos mittendos judicaret. In Moscoviam destinabat Leonem Sapieham M. D. Lithvaniæ Vicecancellarium. Ad paciscendum cum Svecis designabat Joannem Leszcynium Comitem in Leszno Castellantum Gnesnensem, Zbygneum Goraïscium Castellantum Chelmensem, Boguslaum * Sapieham Comitem de Leszno, majoris Poloniæ generalem, Sigismundum Guldensternium L. Baronem, Præfectum Stumensem, tum L. Baronem, Præfectum Mariæburgensem Oeconomum: quibus Lithvani ex suis quem lubuisset, adderent. * Idem Leoni Sapiehæ, quem modo nominavimus, publicè gratias agebat pro summo in pa-

Legationes decretæ.

Sapieha Vicecancellario Lithvaniæ gratia aguntur

publicè.

in pa-

in patriam studio, quod is, ter mille militibus suo ære conscriptis & ad restringendum commune incendium missis, raro & in omnem posteritatem celebrando exemplo, ostendisset. Cum Cosacis consilio potius, & benignè quàm vi agendum suadebat, Regis Hispaniarum fortunam allegans; cui prima in Hollandos severitas tot provinciarum dispendio constiterit.

Orationibus Senatorum auditis, ad judicia Rex convertebatur, & jam causæ diversæ proponi agiq; cœperant. Sed proferri mox res istas omnes oportuit, quod Ordinis Equestris nuncii dari sibi Senatui postularent. Quod ubi fieret, ante alia Archiepiscopo Gnesnensi, ut Regni Primate, pro ritè administratâ tempore interregni Republicâ ab Episcopo Cracoviensi Gembicio, præsentibus nunciis, gratiæ actæ sunt. Inde orsus nunciorum Director Dubravius, eadem, quæ ante, ordinis equestris nomine, Regem orabat: simul bona muniaq; publica quæ in quoq; Palatinatu vacarent, de scripto recitans. Inter ea Pinscenscium oppi dū numerabatur, quod manifestâ cum Cosacis conspiratione possessionum suarum jure excidisset. Respondit Cancellarius nomine Regis, *memorem fuisse ipsum de vacantibus istis bonis. Et jam nunc quid de iis*

Archiepiscopo gratia aguntur à nobilitate.

Vacantia bona.

de iis constituisset, significatum Nunciis voluisse. Simul quid cuiq; ex Regni possessionibus vel dignitatibus obvenisset, recensabat. De Prusficis ampliare Regem, ut cum nunciis ejus Terræ agere ante super iis controversiis possit. Illa tamen, quæ filius suus nuper defunctus in Prusfiâ tenuisset, sibi in solatium orbitatis & doloris à Rege data. In cæteris, quæ postularent, jam nunc cum curâ dispicere Regem, ut ipsis satisfiat. De Pinscen-Pinscenum civitate respondebat Sapieha sum pro-Vicecancellarius Lithvaniæ; non posse scriptio-
eam, antequam criminis convicta esset, capite diminui, multaripé fortunis. Et porrò si quid inde obventurum sit, id Regi deberi; inter cujus bona illud oppidum censeatur. Postea Palatinus Sendomiriensis peroravit. Palatinus
Qui in proximo Electionis Conventu non Senda-
auditum se, & sinistris tamen judiciis nota miræ-
tum, atq; adhuc ubiq; notari, querebatur. purgar
Cum tamen non ipsi macula Pilavicensis cul- se de Pi-
pa, sed iis potius, qui nescio quâ paris potesta- laucia-
tis opinione imperium ipsius dedignati idem nâ dissi-
apud alios etiâ vile reddidissent, imputanda patione.
sit: quemadmodum ex relatione quam dudum
Archiepiscopo reddiderit, apparituum sit.
Ea tum publicè legi iussa, non exilem mox
animorum exacerbationem convicit: adeò
ut Præfectus Lomzensis, quod se inter alios
perstrin-

perstringi intelligeret, falsi accusaret relationem. Alter per, quicquid cœlo terrarum haberet, dejerabat, vera esse, quæ istic scripsisset. Alter quæsitores postulabat, rem omnem propius cognituros. Incaluerant animi, & magis magisq; verbis exasperabantur. Donec Rex jurgio tali, & inprimis Præfecti verbis offensum se non dissimulans, per Adamum Cazanovium, Marechalcum Aulæ, honoris, qui Majestati Regiæ & Senatui deberetur, acri sermone omnes admonuit.

Postero die nuncii terrarum Prussiæ, horâ præstirutâ, in interius Aulæ conclave admissi sunt: factò ante per Sigismundum Gùldensternium L. B. Præfectum Stùmensem, intimæ apud Principem admissionis familiarem, de negotiis tractandis, prætentamento. Postea verò, omnibus amotis, Cum Prussis Cancellarius præsentis jam Regis voluntatem nunciis eloquebatur: *Regem nempe de eo- jura terrarum Prussiæ, quibus munera & rum bona illius provinciæ Indigenis addicantur, grava- secundum antiqua instituta & leges etiam minibus. Anno 1647. firmatas, sarta testaq; habiturum.*

Erarium ejus terræ pariter prisco & hucusq; semper observato more administratum velle.

Præsi-

Præsidium Pucense nonnisi indigenæ commisurum, cæteraq; circa illud præsidium, mota, ubi in Prusiam venerit, adhibitis in curæ partem Consiliariis Prussia, compositurum.

In vectigalibus Regiis quòd difficultates moveantur Prussis, Regi ingratum esse: sed quia res nondum ipsi explorata sit, cum Cancellariis & Thesaurariis Regni eâ super re conferendum fore. Optimum verò factu videri, ut majores Prussia civitates vectigalia conducant, juri suo sic tantò facilius consulturæ. Appellationes à judicio Assessorum Prussia ad Regium Relationis forum in causis rei judicatæ, aut ubi partes sponte se jure appellationis abdicant, non permitti equidem, & jure non permitti, etsi aliis in causis eas Rex haud prohibeat. Stata tempora causarum Prutenicarum cognitioni præfiniri non posse: & nec Electorali Prussia præfinita ulla esse. Tamen certos in hebdomadâ dies iis assignaturum, & porrò nè frustraneis itineribus sumptibusvè fatigentur, judicia ipsis maturè significaturum. De privilegiorum Janicovianorum falsitate aliunde jam inaudisse Regem. Quia verò institutis antehac eam in rem inquisitionibus, partibus non sit satisfactum, perscrutando penitiùs negotio cognitores misurum, cum

S

Con-

Consiliariis Prusiae rem omnem excusuros Regi^q relatu^{ros}. Interim decreta, quae non nisi in illis privilegiis fundamentum haberent, in suspenso habitum, neq^{ue} publicis tabulariis insertum iri.

Janicoviana privilegia. Verum privilegia illa, qualia sint, verbo indicandum est. Nomen ea accepere à Janicovio quodam, nobili homine, qui his proximis annis multa exoletæ vetustatis diplomata in ruderibus arcis cujusdam Pomeranæ reperisse se jactitans, caro ea venditabat, dubia passim in Prusiam possessionum jura redditurus, nisi alii proceres, & cum iis Dantiscani, præeunte imprimis Adriano de Lindâ Praefensule, tum ad Conventus Prussicos subinde misso, suspectam hominis negotiationem reddidissent, & tandem ipse impostor lite cum alio nobili viro susceptâ, vi oppressus, periisset.

In Electionis Conventu (ut ad rem institutam redeam) si quâ in re læsi sint Ordines Prusiae, Regi id minime imputandum.

In causâ limitum inter bona Regalia, ut vocant, terrestria non difficilem fore Regem; dummodo juri Majestatis, & bonorum Regalium nihil decedat.

Tidenhofiana possessio, an ad æconomiam Mariaburgensem pertineat, non disquisitum Regi, & cum à Sigismundi patris temporibus à Condu-

à conductoꝛibus habitam illam meminere, eam à se quoq; jam elocatam. Contractum istum sub hac imperii sui primordia factum, irritum fieri, grave Regi, nec Ordinibus decorum; elapso contractus tempore, aliam rationem de fundo isto & magis ad votum Ordinum, initurum Regem.

Quod ad bona attineret, quæ tempore belli Svecici desolata, & in spem reparationis, certis privilegiis atq; à tributo publico immunitatibus essent prædita, (Emphyteutica hinc dicta) ea privilegia & immunitates ad præfinitum usq; tempus rata habiturum Regem: nec iis decreta, in Interregno facta, quicquam derogatura.

In posterum tamen, nulla amplius ejusmodi privilegia postulanda esse. Et quia eorum prætextu fraus fiat arario; per instigatorem Regni diem dicendum iis, qui dicta privilegia eò protendant, ubi illis locus non sit. Præfecturam Mariæburgensem non solis tantum Prussis, sed aliis etiam Regni incolis conferri posse, Regi omninò persuasum fuisse, eoq; Joanni Comiti de Leszno Castellano Gnesnensi viro optimè de Republ. merenti, collatam. Si tamen id juri suo adversum esse nunciis Prussici in consessu Ordinis equestris ostenderint, effecturum Regem, ut Castellanus dictam præfecturam cedat,

De Præfecturâ Brodnicensi pariter Regem Ordinibus gratificaturum post fata hodierni possessoris (is erat ipse, qui loquebatur, Cancellarius) ne postea ulli, nisi indigenæ detur.

Deniq; Regem, in universum, Ordinibus Prusisæ paternum affectum & jure pro juribus ipsorum non conservandis tantum, sed & augendis studium spondere.

Cum finisset Cancellarius, digrediebatur Rex: Nuncii verò inter se capita conferebant, quid jam factu porro opus esset, deliberantes. Ac res ejus momenti erat, ut super eâ meritò Consiliarii etiam Prusisæ *Delegati* consulendi viderentur. Sed hi tum nulli *Prusica-* aderant, præter duarum Prusisæ insigniorum *Ur-* rum Civitatum delegatos. Elbingenses *bium*. Matthiam Richterum miserant, Consulem & Syndicum suæ civitatis, eundemq; Regium Juris-Consultum. Dantisco tres aderant. Quorum caput erat Adrianus von der Linde Præconsul, postea Mirachoviensi præfecturâ à Rege donatus, alter Georgius Bömelius Consul, postea pariter Præ-Consul, tertius Vincentius Fabricius Syndicus. Cum his, etsi die postero de publicis Prusisæ negotiis, consilium inire Nuncii decreverant, haud successit tamen deliberatio, quod primariis Prusisæ Consiliariis absentibus,

tibus, nihil in tam arduis scisci posse videretur. Interim Nuncii responso Cancellarii haud contenti, magis magisque ad agendam jurium suorum curam, sponte sua, mutuoque hortatu, incendebantur. Adeo ut exinde aliquot diebus in consessu ordinis Equestris acerrime causam suam urserint; in patris conventis, proximam Electione sui non habitam rationem, multisque in rebus juri Prusico usque contraveniri vehementissime querentes, nec quicquam aliud permittentes agi, antequam suis postulatis satisfaceret. Alii his caetera & ut ipsis videbantur, graviora posthaberi indignantes, longis disputationibus Prusos a proposito dimovere laborabant: ipsi tamen etiam inter se dissoni, & quid primo, quid secundo deliberandum esset, statuere impares. Erant, qui *Prusfi nondum contenti.* arcendi hostis, Regnique defendendi curam *Dissones circum-* omnibus praemittendam ducerent. Quo *ca agen-* cum militiae regimen pertineret, in eo ut *da.* Dux Vismiovecius a Rege confirmaretur, petendum agebant. Alii de corrigendis erratis, quibus a legum pactorumve norma deviatum esset, deliberandum suadebant: quo in numero quidam erant a Religione Romanam disidentes. Alii ab aëarii Praefectis acceptorum expensorumque rationes postulabant. Dum de his fluctuaretur,

tur, militum etiam ex Corfunensi clade, superstitum nuncii intervenēre; Ducum suorum, nec non commilitonum quorundam redemptionem, stipendia debita, tum & gratam omnium remunerationem & mutilorum alimoniam postulantes. Quorum causam apud Regem agere, Director nomine nunciorum spondit. Erant alii quoq; , qui Lanckoronscii Castellani Camenecensis, copiarumq; quæ cum ipso feliciter in Podoliâ rem gessissent, rationem habendâ dicerent. Nonnulli Firlei Castellani Belzensis, quidam & Ostrorogii Pocillatoris & deniq; Corniakti Aulici Regii rem agebant. Allatæ quoq; literæ Fromundi à Ludinghausen, nominati Wolffii, Tribuni, Regii, dein post Christophorum Grodzicium defunctum, rei armamentarii præfecti Generalis, qui curam Prætoris legionis, optimè hætenus, ductu Ossincii Tribuni, de Republ. meritæ, Ordini Equestri commendabat. Sed & Epistolarum à Principibus profectarû lectio aliis negotiis interposita

pacta

*Benemeriti ci-
ves.*

*Principis
Crojana
postula-
ta.*

est. Nam & Anna, Princeps Crojana, Boguslai ultimi Pomeraniæ Ducis soror, æs olim Sigismundo Augusto mutuò datum, reposcebat: Et Jacobus Curlandiæ ad semigalliæ Dux miserat Legatum, qui territorii Piltenensis ad Ducatum Curlandiæ, secundum

pacta & auctoramenta vetera, redactionem, *Curlan-*
 tum restitutionem quinquaginta millium *die Du-*
 pro liberatione praefectura Grobinensis : *cis desi-*
 item ablatorum à Svecis proventuum com- *deria.*
 pensationem, in compositione Stumdorf-
 anà promissam; adhuc juris Ducalis in præ-
 diis feudalibus vindicationem, & deniq; ,
 quia Dux tum conciliationi Svecorum cum
 Polonis non sine sumptu incumberet, præ-
 standi per Legatum homagii copiam pete-
 ret. Literæ itaq; , quibus fides aditusq; Le-
 gato, negotiis verò toties hætenus prola-
 tis, felicior celeriorq; expeditio quæreba-
 tur, lectæ sunt publicè. Effectus literarum
 Legatiq; , postea apparebit. Cæterum Nun-
 cii Equestres, haud quidem usq; inter se
 unanimes, magis magisq; tamen ad con-
 cordiam videbantur componi. Prussi cer-
 tè, postquam formulæ, ad quam suas injuri-
 as resartas vellent, concipiendæ accepissent
 potestatem, conquierant aliquantum.
 Porro ut compendium fieret consultatio-
 num, placuit, audiendis ærarii rationibus,
 atq; insuper publicæ securitatis curæ ex Se-
 natu ordineq; equestri aliquos assignari.
 Lithvani Trubecense negotium hoc est *Tru-*
 compensationem damnorum, quæ multi ob *censu*
 redditum Moscis, ex pacto, Trubecense ter- *postu-*
 ritorium passi essent, urgebant: porroq; *ta.*

caveri sibi volebant, decretis in suo Tribunalis latis autoritate Comitiali non obrogatum iri, & deniq; , *summarios*, quos vocant, *judiciorum processus* in nobiles exer-

Judicis cere, fas non fore, Sed maximè tum animos
Samogi- curasq; Judicis cujusdam Samogitiæ causa
tia nego- in se adverterat. Qui cum Episcopo Smo-
tium lenscensi, certas ob injurias, jure expertus,
cum Epi- foro cum excluderat civili. Ille adversario
scopo majus fulmen opposuit, & advocatâ Ro-
Smolen- mani Pontificis autoritate, sacrorum com-
scensi. munione cum multaverat; soluto simul
 obsequii nexu, quod ei subditi deberent.

Quos idè is tum vitare cogeatur. Res gravis & exemplo formidanda videbatur nobilitati. Unde mox factum Episcopi multi præproperè damnabant; Judicis illius filiū, qui agenda patris causæ aderat, studiis impensè juvantes. Effectumq; , ut extemplò tres Nuncii mitterentur ad Regem, oraturi, ne foro omni civili exclusos, seu, ut vulgò vocantur, bannitos, locum in Senatu habere pateretur. Rex negabat sibi de quoquā tali constare, *ceterum super eâ re inquisiturum se, camq; Cancellariis collaturum amplius; re benè cognitâ, voto Equestri Ordinis satisfacere se conaturum* Interim Prussi formulam, quâ jurium suorum damnis mederi speraverant, paratam attulerunt, jam porrò

eam.

eam publicè legi desiderantes. Sed alii præ- *Pilauci-*
mittendam clamabant legem in disces- *ana dis-*
sionis Pilavicensis autores latam, Quæ ut hor- *cessio ad-*
rendi carminis, haud adhuc tamen omnes *huc exa-*
habere numeros videbatur, aliis hoc, aliis *gitatur.*
aliud mutandum addendumvè, ad asperan-
dam tanti facinoris invidiam ac pœnam,
pertendentib9. Dum hi de asseverandâ lege
soliciti sunt, Director confessus mitiora
suadere cœpit Nunciis: cùm *Cosacorum,*
inquiens, *complicibus, subditis suis veniam*
largiti sint, non esse adcò jus acuendum in
fratres suos, quorum consiliis eventus qui-
dem felix, non item voluntas benè rem agen-
di defuerit. Ei suffragabatur Sarbievius
Præfectus Graboviensis: potiusq; ad publi-
cæ securitatis custodiam, audiendaq; ea, quæ
istâ in re *Deputati consituisent, animos*
converti suadebat. Idem alii succlamabant.
Sed subinde Wanglicovius Enlifer Cul-
mensis intercedebat, suam, quam attulis-
set, formulam perlegi postulans. Hæc ita
agebantur eo die, quo Comitîa ex præstitu-
to finienda erant. Res ipsa itaq; postulare
videbatur, ut terminus Comitîis positus
prorogaretur. Idq; jam pridem aliqui sua- *Comitio-*
serant, & nunc idem cum cura agebant *rum,*
nonnulli; inprimis Stephanus Korycin- *proroga-*
scius, Præfectus Oswiecimensis, postea Can- *tio peti-*
S s cellarius *tur.*

cellarius Regni: qui libertatis, omnisq; publicæ salutis cardinem eâ in re verti dis-
Sed diu frustra. serebat. Sed irrita erat Viri facundia inter dissonos, & vicit pars illa, quæ prorogationem Comitiorum respuebat, an sumptuum parcite, (nam publica calamitas multos exhauserat) an domum revisendi, & rerum fortunarumq; suarum quasi tabulas ex naufragio recolligendi desiderio, haud dixerim. Jus certè; quo prolongatio vetaretur, omnes isti obtendebant. Dies interim defluxerat, nec restare aliud videbatur, quàm ut exequiæ irentur Comitiis. Antequam tamen discederent, Judex quidam ex Podoliâ acri oratione Nuncios, ut periculi communis incurios, & inanibus potius, quàm rerum momentis tempus insumentes perstrinxit: addito, cum à fratribus deserantur, ad Regem sibi confugiendum. Subjecit Sarbiewius, *ituros se ad Regem, ut ea*
Comitia animam statuisent. *saltem referrent, quæ de securitate publicâ* Consensu in id facto, surrexerunt omnes, & Directore raptim, pro commisso munere, cujus insigne, baculum, projectabat, gratias agente, ad Regem itum est. Qui eo tempore, post auditos Lithvanici Exercitus Nuncios, cognitioni litis inter Lavrossævium Propalatinum & Palatinum Vilnensem, magnâ utrinq; contentione,

tione, studiorumq; certamine agitata, in-
 tentus agebat. Nunciorum autem Terre-
 strium adyentu interpellat, in Senatorium
 conclave concessit. Ubi Director Regem *Director*
 alloqui orsus, miserabilem Reipubl. sortem *Ordinis*
 declarabat; *similem illam naufrago demon-* Eque-
strans, qui post quasdam sidentemq; vi tem- stris Re-
pestatis ratem, tabule insidens, in medio ma- gem im-
ri inter depreliantium ventorum iras jacta- plorat.
retur. Tali sanè homini spem nullam salu-
tis expediendæ, quàm in Dei clementiâ, re-
stare. Pariter nunc destitutam omni ope
Rempubl. haud habere quò confugiat, quàm
ad divinæ miserationis aram, & post hanc,
ad prudentiæ Regiæ asylum. Illicò Archie-
piscopus & Cracoviensis Culmensisq; Epi-
scopi orâre nuncios, ne positam in tam du-
bio statu Rempubl. destituant: largiendum Comitio-
Patriæ unum saltem diem; quo negato, sa- rum pro-
lus publica constare non possit, nec aliud, rogatio-
quàm extrema Regni perniciës expectari de- nem po-
beat. Et defuturam miseris excusationem, stulant
qui parvâ morâ summum patriæ periculum Senato-
redimere noluerint. Tandem & Regni Can- res.
cellarius Osofinscius magnæ eloquentiæ
Vir abiturientes alloquitur: calent adhuc, Et Rex
inquit, Regiæ Majestatis aures secundisimis per Ma-
vestris pro felice ejus regimine votis: & so- gnū Can-
nare usq; videntur omina acclamationibusq; cellariū,
quibus

cellunt? Excubuit sanè hætenus pro nobis Divina providentia. Sed lassabitur tandem negligentia vestra, si sic porro nobis ipsi deerimus. Quare iterum iterumq; Rex Vester, Pater vester, Dominus vester, vos recenti obsequii fide sibi innexos, unum jam diem possit, imò (nam ita me loqui voluit) orat.

Dubravimus potestatem Directoris depositam, re sic ferente, recapesens, sententias Nunciorum, super Regio postulato, perrogat. Quorum aliqui nullam prorogationem, alii unius diei, alii plurium aut trium septimanarum volebant: pleriq; tamen sub conditione, ut prorogatione hæc impetrarent, quod suus cuiq; Nuncio Palatinatus exigendum dedissent. Cancellarius nomine Regio prorogationem cum gratiis acceptans, *curæ fore Regi pollicetur, ut non securitati publicæ tantum, quam omnes ferre postularent, sed & plerisq; singulorum desiderii satisfiat.* Postero die cum Prusorum Nuncii primi omnium sua postulata in arnam producere niterentur, à Cancellario & aliis Senatoribus coniter retenti sunt. Cracoviensis item Nuncius, Chrzastovius Subjudex, vir acer & facundus, trium septimanarum prorogationem & simul exorbitationum publicarum emendationem poscere orsus; ægrè tulit alia præverti: *boc quod*

Prorogatio Comitiorum, impetratur.

quod ipse peteret, *pactorum conventorum caput esse*, inquit, & *juramenti Regii membrum præcipuum*. Cancellarius tamen, habitam inter designatos Nuncios de *securitate* deliberationem primò omnium & latè exponit: cujus præcipua momenta effectusq; non refero, ut qui in ipsis Comitiorum istorum conclusionibus paulò post memorandis apparebunt. Cum finisset Cancellarius, denuò Cracoviensis Subjuxidex id, quod de exorbitationibus corrigendis orsus erat, pertendere cœpit: nominatim Dissidentium rationem, ut in Electione promissum sit, haberi postulans. Sed & Prussi, quæ in Electione negata sibi fuerint, nunc præstari flagitabant. Cùm his utrisq; alii obloquerentur, Cancellarius negotiorum obicem amoliri tandem cupiens, *Prussorum hæud nova vel iniqua postulata esse* ajebat, & *rem Dissidentium in Electionis Comitibus compositam, nunc supremâ tantum manu indigere*. Eidem Obuchovicius, Tribunus, Mozerentis, vir Romano-Catholicus suffragabatur. Sed magno fremitu contradicebant alii. Tandem Cancellarius liti magis magisq; inardescenti auctoritatem Regiam interponit; *velle*, inquit, *Regem, dissidentium postulata ad proxima Comitia rejici, datâ ipsis obtinendæ*
isthic

*isthic satisfactionis cautione, & in fidei auto- Causa
ramentum majus, ipsius Sacrae Regiae Maje- disfiden-
statis scripto. Interponere se item pro Bo- tium dis-
lestrascio, ut ei, ob Religionem capite dimi- fertur
nuto, honor pristinus restituatur. Jurium cum cau-
porrò emphiteuticorum Prussiae examen & tione Re-
declarationem postulare Regem, quia ea res già.
ad Aerarii curam, & sic porrò ad securitatis
publicae tutelam, quae sine aerario constare ne-
queat, pertineat. Jus deniq; indigenatus
Prussici sartum tectumq; in posterum haberi
velle.*

His ita compositis ad instaurandæ mili-
tiæ & stipendiorum curam tandem acces-
sum est; & tanto quidem impensiore stu-
dio, quod literæ tum fortè allatæ essent, de
aliquot millibus rebellium rusticorum, qui
à Chmelnicio segreges, Voliniam pervoli-
tarent, quotidianoq; aliorum accursu auge-
scerent in majus. Et porrò de Chmelnicii
ipsius arrogantib⁹ responsis minisq; ea nun-
ciabantur, quæ captæ Commissionis mini-
mè secundum exitum portenderent. Cæ-
terum, cum de militiæ instituendæ ratione
deliberari caprum esset, prima omnium de
Duce disceptatio fuit. Cujus delectum Rex,
jure suo, quo omnia honorum genera pro
arbitrio suo dispensare solet, sibi reserva-
bat. Et is equidem Visniovecio communi-
bus ferè

De Duce militiæ deliberationes. bus ferè nobilitatis suffragiis eam dignitatem destinari, non ignorabat. Non æquè tamen ille consensu Duci proderat, quam oberant dissensiones æmulorum. Quibus *Visnove- cii virtutes & defectus.* Dux ætatis, & spiritus adeò fervidi, non æquè sopiendo quam fovendo, bello videbatur idoneus futurus: tantis inter illum & Chmelnicum flagrantibus odiis; ut, eo electo Duce, conatus pacificationis; nunc publicæ Saluti unicè necessariæ, vanus fore æstimaretur, Chmelnicio, huic tali & tantâ potestate armato hosti suo, nunquâ habituro fidem. Hæc aliquomodo vera erant, at in majus à nonnullis exaggerabantur. Rex deliberationem tandem minore civium

Duces militiæ tres constituti.

offensâ, finire cupiens, potestatem, quæ Visnoviecio negaretur, nulli dedit, sed penes se retinuit: ipsum se, si opus futurum sit, belli hujus Ducem fore pollicitus. Secundam à se belli potestatem inter tres partitus est: quorum primus erat Andreas Firlejus Belzensis, alter Stanislaus Lanckoronscius Camenecensis Castellani, tertius Nicolaus Ostrorogus Regni pocillator. Hæc in consilio Regio agitata, etsi nonnulli privatim refragarentur, rata tamen mansere. Juxta tum publicè super exercitu & stipendiis singulorum Palatinatum auditæ sunt sententiæ, Et cum alii alia, quidam expeditionis

peditionem universalem, ubi opus esset,
 indicendam, nonnulli provincialem mili-
 tem, qualis ante lectus esset, retinendum
 censerent, huic quidem Militi provinciali
 ordo inprimis Ecclesiasticus vehementer
 reclamavit. *Eum procul remotum*, aiebant,
 à loco periculi, longoque adeò agmine traclūq;
 bonis Regiis & Ecclesiasticis gravem incede-
 re: & diverso armorum militiæq; genere
 informem reddere exercitum: porro effre-
 nem, plerumq; & inexercitatum: & quia
 prädationibus nimis inhiat, multis inde
 pauperum subditorum lachrymis comitatū,
 Dei favore destitui. Cū sic iterum tam-
 de milite, quàm stipendiorum ratione v-
 riarent judicia, tandem in Subjudicis Se-
 domiriensis Stanislai Szczucii itum sen-
 tentiam est, qui dispositionem ordinandi
 exercitūs Regi committendam censebat.
Illi, militem pecuniamque destinata, prout Belli cu-
necessarium Reipubl. ipse cum ordinariis Re- ra Regi
gni Consiliariis judicaverit, colligere ac di- commit-
spensare, fas esse debere. Cancellarius, cui titur.
 Sub-Judicis sententia vehementer place-
 bat, pro oblato Regiæ Majestati, tutelæ pu-
 blicæ regimine gratias agit, simul & quo
 pacto is instituere res belli velit, breviter
 explicat. Postea tandē, quicquid his Comi-
 tiis definitum ordines voluerant, in certam
 T formu-

formulam colligi ac Nunciorum iudicio subijci cœpit: & licet subinde adhuc intervenire contraria studia, in certa tamen capita deniq; conventum est: quæ in publicarum legum codice latius exposita, nos hîc strictim attingemus.

Leges in Primò omnium acta Interregni, decreta Comitibus item iudiciorum Capturalium (paucis exceptis) tum & edicta provinciarum sub interregno promulgata pro ratis habentur.
scripta. Commissarii designantur, in exercitiis numerum & stipendiorum emeritorum rationes cum curâ inquisituri.

Exercitus ordinarius (Quartanus dictus) ut eodem numero & genere militia mereatur, atq; in locum Cosacicarum copiarum, quæ per rebellionem ab exercitu abscesserint, aliæ Polonicæ ut substituuntur, deniq; ut universo exercitui stipendia numerentur, decernitur.

Quia ordinarius exercitus præsentibus Reipubl. necessitatibus non sufficiat; aliæ insuper copię ex binis tributis in singulos focos constitutis, & in nullos alios usus convertendis, confici jubentur.

Disciplinam militarem, quam nimis obtusam tota Respubl. queratur, secundum priстарum constitutionum rigorem, acueret Rex pollicetur, quò luxus militum coërceatur,

tur, circuitus eorum nunc usitati prohibeantur; contrà ad confinia Regni, ubi praesidio militari opus est, modo legibus concesso, miles alatur, ne bonis nobilium, nec Ecclesiasticis, vel Regiis gravis sit.

Nobilitatem tumultu publico admilitiam evocandi potestas Regi ad futura usq; Comitia relinquitur, cautione additâ, ne isto exemplo veteribus juribus usitatisve circa evocationem consuetudinibus quicquam decedat. Et Palatinatui Podlachiae, terra item Lucoviensi, nec non Prussiae seorsim, antiquis isto in negotio moribus utendi copia datur.

Pacta & foedera cum externis, praesertim finitimis, ex consilio Senatorum tum praesentium, renovare Rex pollicetur.

Ad compositionem cum Suecis tentandam, Recuperatores seu Commisarios designare Rex promittit; qui ut legitime instruantur, ad conscribenda instructionis capita, certi Senatores Regni & M. D. Lithv., tum ex ordine equestri duodecim idonei viri deliguntur nominanturq;.

Quia militiae Cosacicae refrinatio ac compositio moram non ferat, Regi verò ne cum Senatoribus quidem & Consiliariis suis, in negotiis, quae ad Comitia pertineant, sciscere quicquam fas sit, designantur magno numero ex utroq; ordine, Senatorio & eque-

stri viri, isto in negotio Regi præter ordinarios Senatores adfuturi.

Isti confessui ut in quibusdam autoritas comitalis conceditur, ita in aliis eadem circumscribitur, additurq; conditio, ut omnium, quæ acta fuerint, publicè in proximè futuris Comitibus relatio fiat.

Cum multi militia ductores, ex pacto, & pro pecuniæ ex publico acceptæ numero, militem ad superiorem expeditionem non stiterint, citari ad Tribunal & causam dicere; porro, cum publica exercitus recensio hætenus non facta sit, jubentur iidem Ductores numerum suorum militum inire, & scripto Judicibus tradere jurati.

Quoniam Albertus Nicolaus Gnievoscius Episcopus Cujaviensis, item Georgius Ossolinskius, Regni, deniq; Albertus Stanislaus Dux Radziwillius Magni Duc. Lithvania Cancellarius, votorum exolvendorum causâ, iter extra Regnum suscipere destinaverint, & in id missionem à Rege & Republ. postulent, ea illis autoritate Comitiali datur.

Samueli Bolestraszcycio equiti, infamiâ olim notato, honos pristinus, aliis nonnullis ex eodem ordine equestri literæ securitatis, & si illi antè futura proximè comitia novis meritis debite priora dedecora eluerint, spes honoris in integrum restituendi datur.

Quia

Quia in Comitibus istis, ob gravissimas causas, publica inprimis pericula, ad angustiores solito terminos reductis, multis Palatinatum postulatis satisfieri non potuerit; ea omnia in futura Comitibus rejiciuntur, spe factâ amplissimâ, omnium tum Ordinum vota, in Religionis etiam negotio, & sarcien- dis exorbitationibus, omni ope ac studio exple- tum iri.

Postremò quantum pecuniæ ad colligen- dum militem, quantum etiam militum suo- rum publicæ Reipubl. necessitati offerant Pa- latinatus, ex singulorum tum Palatinatum provinciarumq; Regni & M. D. Lithuania nunciis auditum, atq; in codicem Constitu- tionum relatum est.

— — — — —

HISTORIÆ POLONÆ PLENIORIS

LIBER VI.

SUprà in ingressu Comitio- *Perea-*
rum istorum faciebamus mentionem *flaviensis*
Delegatorum, quibus de pace cum *Negotia-*
Chmelnicio agendi potestatem dederit *Res- tio pacis*
publica. Illi quid effecerint, jam expo- *cum,*
nendum est: miraturo haud dubiè lectore, *Chmel-*
ut partis unius immanem barbariem, ita *nicio.*

T 3

alterius

alterius eximiam, & nisi tempore Reipublicæ ac necessitate, tum loci etiam, ubi res acta est, iniquitate excusaretur, propè immodicam facilitatem tolerantiamq;. Alicubi & mihi ipsi vix persuaderem, vera esse, quæ de re istâ memorabo: nisi ex uno Delegatorum, viro magnæ autoritatis, omnia hæc, quæ scribere hæc de re paro, hausissem.

*De loco
pacifica-
tionis
dubita-
tiones.*

Prima autem omnium Commisfariis, antequam iter ingrederentur, cum Chmelnicio de loco conventûs disceptatio fuit. Illi Kioviam elegerant. Chmelnicius urbem hanc non ita, ut rebus suis opus esse putaret, à Poloniâ remotam ratus, Pereaslaviam mavult, oppidum Regium quidem, & Conjecpolscii Vexilliferi Regni jurisdictioni subjectum, sed à Cosacis, omnis istius tractûs undiquaq; potentibus, insesum. Hoc itaq; loco se tutum futurum homo ex conscientia facinorum timidus putabat: aliò ad tractandum pacis negotium non nisi cum exercitu iturus: à quo haud dubiè nova calamitas Poloniæ terris succrevisset. Utilitate igitur Regni adduci se passi sunt Commissarii, ut in locum consentirent, quem homo contumax & jam, factorum permisso, in noxam Reipublicæ nimium validus, elegerat. Ubi autem illi superatis multis difficultatibus, Pereaslaviæ oppido rigidissimâ

dissi-^{ma} hyeme appropinquaverant, obvius
 illis ad stadium circiter unum sit Chmelni-^{Pereas-}
 cius, multis comitatus Tribunis, Centurio-^{laviam,}
 nibus, & intercinente simul militaris mu-^{veniunt}
 sicæ strepitu. Inredientes urbem viginti ^{Delega-}
 primùm machinarum explosarum boatus, ^{ti.}
 & mox domi suæ Chmelnicus convivio
 excepit; in quo etsi frontem explicare vi-
 debantur Cosaci, haud temperârunt tamen,
 quin sub ipsa statim hæc initia, atq; aded
 primi convivii quasi hilaria, sinistra aliqua
 in Visniovecium, Coniecpolscium, aliosq;
 Polonos jacerent. Postero die, qui erat
 20. Februarii, Kisielus Palatin⁹ Commisio-
 nis princeps, clavam Cyanis gemmis fulgi-^{Chmel-}
 dam, simulq; frater Palatini, Nicolaus ve-^{nicio}
 xillum rubeum, aquilâ albâ & nomine Jo-^{clava, &}
 annis Casimiri Regis insignitum, Chmelni-^{vexillum}
 cio publicè reddidêre. Ille sic satis reveren-^{nomine}
 ter oblata accepit, gratiasq; egit, sed mili-^{Regis of-}
 tariter & perfunctoriè. Invitatus iterum
 cum Collegis ad convivium Palatinus, an-
 tequam dapes inferrentur, egregio sermo-
 ne beneficia Regia, quæ, se internuncio, ac-
 ciperet, eidem Chmelnicio ediserebat :
memoriam tot facinorum deletam, antiquam Benefi-
Gracæ Religionis libertatem, exercitûs Za-
poroviani augendi potestatem, veterum ju-
gum & privilegiorum restitutionem, & de-
Chmel-
niq; co-
nicium.

nig; totius illius exercitûs regimen. Mereri ista mutui à Chmelnicio affectûs & fidelie obsequii non vulgares nec fucatas significationes. Primas & optimas fore, si inbibitis sanguinis profusionibus, & agrestium turbâ sub legitimam herorum regimen remissâ, ad æquas pacis condiciones accedat.

Chmel- Ille, pro oblato exercitûs Zaparobiani re-
necius gimine, simul & pro datâ commissorum ve-
gratias niâ, gratias se agere, respondet. Caterùm
agit, sed compositionis negotium non inchoari jam,
simul nedum consummari posse: milite Zaporo-
multa viano per stationes latè disperso, absenti-
aspera busq; adeò, sine quibus agere tam ardua, ca-
adjicit. pitale sibi futurum sit. Neg; verò sibi pa-
cem cordi esse, quam diu Visniovecio & Cza-
plinscio (hos enim simul, & alterum ne Du-
cis quidem titulo addito, iratus nomina-
Minatur bat) impune sit, Cosacos adeò inclementer
Visno- habuisse. Illum omninò puniendum; hunc
vecio, & dedendum sibi, præcipuos scilicet malorum
aliis. omnium autores. Nec Potacium quidem
summum Ducem exsortem culpa, qui Cosa-
cum intra Borysthenis paludes salutis sue con-
sulentem, pervicaciter insecutus sit. Sed hunc
sue sibi fortune fabrum, sat acres jam malè
consultorum pœnas in Tauricâ pendere. Ve-
xilliferum quoq; Regni ibidem numerandû,
qui Patrimonio ipsum exuerit; & agros inter
Laszczo.

Laszczovianos milites distribuerit, qui deinde Cosacos de Republ. benè meritos mancipiorum loco habuerint, nullo in illos avaritiae, crudelitatis, contumeliaq; genere omisso. Sed huic tamen non aequè à se imputari mala, qua contigerint, quàm duobus illis ante nominatis. In his cudendam fabam: id nisi fiat, aut sibi cum exercitu Zaporobiano, aut Lachis cum Senatu, Ducibus, Regulis, nobilitate omni, pereundum. Jure autem arbitrari se, parsimoniam sanguinis Christiani & amicitiae ostentamenta falsò jam præferri. Nihil quippe amicum fidumvè spirare nuperum facinus Lithvanorum, qui Mozirum & Turoviam immaniter exceperint, & à Radzivillio istuc unum Cosacorum palo trajici jussum. Cæterùm monitum jam à se illum: qui si unum hominem habuerit, in quem iram sic crudeliter effunderet, esse sibi quadringentos Polonos, quos vindictæ immolare possit. Hæc promulsæ acuebatur palatus Delegatorum ad prandii delicias. Nec placidiùs agebant cæteri. Lentovio Monacho Carmelitani Ordinis, qui loco Mokrsicii (nam hunc præmatura mors abriperat) apud Cosacos agebat, cùm fortè diceret, nonnisi incertos de Baro, oppidisq; Lithvaniæ direptis rumores, nec tantà Chmelnicii & Cosacorum bile dignos

T s

esse,

esse, unus ex Tribunis Cofacicis multa inclementer dixit, & tantum non vim intulit.

Magnâ constantiâ pertulêre Delegati furibundos, Chmelnicium quoq; delenfificis verbis tranquillû reddere Palatinus, quan-

Legatus quam frustrâ, nitebatur. Aderat tum eo-
*Moscovi-*dem in oppido Legatus Moscoviticus, qui
ticus. cum sermonem sociare Delegatis votum

erat, sed congregi prohibebantur à Chmielnicio.

Die quidem Dominico in idem templum illum & binos Delegatorum casus deduxerat, sed in publico, intra vulgarium

salutationum solennia consistere oportuit; nullâ se dante commoditate ad secretius colloquium.

Eodem die cum, tempus fallere iidem illi Delegati quærerent, arcem oppido appositam, lustrârunt.

Sed jam nonnisi cadaver Arcis conspiciebatur: adeo & penitus pervastata erat hâc ipsâ re-

bellii tempestate. Eadem facies Gymnasii Templiq; Patrum Jesuitarum ibidem erat.

Nulla imago, ara nulla supererat; hiabant sepulchra, & cadavera sepulchris ejecta jacebant.

Inter alia conditorium Lucæ Zolkiewii Palatini olim Braclaviensis, simul verò tum huic oppido præfecti, reclusum

spectabatur, é quo nefaria rebellium rapacitas res corpori superstites, insignia bellica, & annulum Adamante fulgidum ab-

stulerat.

Arcis
Perea-
slavien-
sis vasti-
tas.

Sepul-
chrum.
Zolkie-
vianum.

stulerat. Invitatus postea Chmielnicius à
 Palatino, & comiter habitus est. Sed non-
 dum illa humanitas aut suadæ vis impetra- *Chmel-*
 re ab homine potuit, quin subinde invehe- *nicius*
 retur in Polonos, perniciem illis, sibi & *adhuc*
 Russis latissimum imperium portendens. *minaci-*
 Diriora etiam postero die, cum ex crapulâ *ter agit.*
 hesternâ parum sibi adhuc constantem Ki-
 sielus signifer & Zacharias Czetwertinius
 reperissent, despumavit. Et jam nihil bo-
 ni huic compositionis conatui ominari de-
 legati; potiusq; de securitate reditûs, quàm
 de ullo Legationis prospero eventu cogita-
 re cæperant. Sequenti tamen die, denuò
 hominem Palatinus aggreditur, lacrymas
 intermiscens sermoni. *Vide, inquit, mi*
Chmielnici, quid agas: quin non Polonorum Kisielus
tantum Lithvanorumq; terram, sed & Reli- Chmel-
gionem Græcam, & templa sanctissima, sine nicius
causâ, Paganorum subicere paras libidini. Si mitiga-
lesus es, si peccavit in te Czaplinskius aliquis: re cona-
sarcietur tibi injuria. Si exercitus Zapo-
robianus nimium aut parvus numero, aut ar-
ctis finibus inclusus videtur, promisit Rex au-
ctionem. Cogita nec Polonia Regnum sine
milite Zaporoviano, sed nec hunc sine Polo-
norum Lithvanorumq; auxilio sufficere po-
tentie Pagana. Facessant à te turba hæc
agrestium, non armis ferendis, sed stivæ tra-
ctanda

standæ natorum. Arent isti & repastinent
rura sua: militent Cosaci, nec misceatur
gens decorum plena, cum ignavâ glebæ ad-
scriptorum colluvie. Licebit, si voles, pace
Regiâ, exercitum tuum ad duodecim aut
quindecim millia militum extendere. Hunc
in Paganos ducere, hoc patriæ limites profer-
re, gloriosum tibi, Christianis omnibus utile
erit. Non mitescebat dictis ejusmodi Co-
sacus, sed magis magisq; efferabatur. Cla-
mabatq; , frustra jam profundi verba: tum
fuisse opportunum secum tractandi tempus,
cum Potocii cis & ultra Borysthenem ipsum
persequerentur, fuisse adhuc, cum primis
conflictibus victus esset Polonorum exercitus,
fuisse item ad Constantinovum, ad Zamo-
scium, fuisse deniq; toto sex septimanarum,
quas Kioviam revertendo detrivisset, spatio.

Chmel-
nicius
nihilominus
mitior.

Mina-
tur. Nunc pacis negotiationi non esse locum.
Vindicandam sibi gentem Ruthenorum uni-
versam à servitute Lachorum: & mora nu-
per, privatae injuriæ stimulatione, arma, jam
pro religione gerenda. Pronos in id juxta
secum omnes circumquaq; agrestes, etiam
longè habitantes. Hos adeò minimè unquam
deserturum se; quippe quorum in salute,
Cosacorum vertatur incolumitas. In prom-
ptu sibi fore ducentorum & amplius millium
exercitum, & præter hunc Tartaros. Quo-
rum

rum primarios Duces, carissima sibi capita, in eternæ amicitie fœdus secum conspirasse. In hos adeò, uti & in Turcas, ullumve alium externum hostem, frustra sibi bellum imponi aut suaderi. Sufficere sibi Ukrainam, Podoliam, Voliniam, Rusiam. Nihil defuturum sibi, ad Leopolin, Chelmam, Haliciam usq₃, omnia possidenti. Stantem ad Vistulæ ripam se Transvistulanos inclamaturum esse, ut silentes pace suâ fruantur. Inquietis nec Vistulam contra vim Rusorum fore præsidio. Duces inprimis Regulosq₃ omnes ubiq₃ se persecuturum: in Ukrainâ verò nec nobili quidem ulli futurum deinceps locum; nisi & Exercitui Zaporoviano honorem debitum, & Regi reverentius obsequium præstet. Ferociter ita loquenti succlamabant Tribuni horrendis vocibus, & multum contemptum eorum, quorum sub imperio hætenus fuerant, spirantibus. Quorum vociferationibus Chmelnicius tandem subiciebat; Non inauspicatò jam se hoc bellum moliri, sed fau- Patriarchæ precibus ominibusq₃ ad id consecratum, & datâ peccatorum omnium veniâ, Lachos ad internecionem usq₃ persequi justum. Nefas fore tam sanctum, tam venerabilem hospitem non audire. Inde adeò mandasse jam copiis omnibus suis, paratæ ut sint ad movenda stativa, sed sine impedimentis, quæ

Patriarchæ Græco nimis auscultat Chmelnicius.

quæ apud Polonos affatim reperturus quisq; sit. Nec se nisi perone aliquo instructum processurum. Hæc incomposito vultu, stridens dentibus, pedibusq; humum pulsans, ejaculabatur; Delegatis inhorrentibus, & quod unum in hostili inconditorum hominum solo poterant, mitigare nitentibus furem. Cæterum quod in sermone suo, de Patriarchâ subinde jaciebat Chmelnici-

Quis ille us, id ita habet. Non Constantinopolita-
Patriar- nus is erat, cui alioquin Rutheni omnia
cha. venerantium officia, ut primo Ecclesiæ suæ Capiti, deferunt, sed Hierosolymitanum se Patriarcham ferebat. Corinthi Archiepiscopum olim fuisse, alii postea sparsere. Profugus verò nunc erat, atq; ob facinora à muneris & sacrorum communione proscriptus. Hinc evitatâ Constantinopoli, per Muldaviâ, citatis itinerib⁹, Kioviâ venerat, cumq; Chmelniciû Victorem redire cognosset, mille equitibus, & Metropolitâ ejus loci comitatus, obviam ei ad primû la-

Ejus a- pidem proceserat; honorifica oratione &
adlatio- illustrissimi principis titulo ipsum venera-
nes in- tus; aliis pariter undiquaq; effudentibus
Chmel- se in occursum & *Mosen Servatorem, Libe-*
niciû. *ratorem* populi, & magno omine, *Bohda-*
num hoc est à Deo datum certatim appel-
 lantibus. Pompæ augendæ serviebat tum
 natalis

natalis Servatoris, dies ut ubiq; inter Christianos, sic in Ecclesiâ Gracâ magnis solennitatibus celebrari solitus. Ad eum sanctè habendum non more consueto, sed multis splendidisq; epulationibus præparabant se piiisti. In pervigilio ipso largiter se omnes invitavère: tam in potu, quàm veneratione triumphatoris, ut appellabant, Chmelnicii, modû omnem supergressi. Die porro festo, Patriarcha ille, si Diis placet, sacrum celebrans, ad communionem S. Cœnæ Chmelnicum nequicquam cunctantem (quia parum paratum se sentiebat) invitat; & accedenti veniam præteritorum, præsentium & futurorum facinorum largitur. Mox & conjugium ejusdem cum Czaplinscii, primi adversarii sui uxore (quanquam tum absente) solenni benedictione ratum esse jubet. Deniq; bello adversum Lachos, (ita Polonos Russi vocant) secundis ominationibus ipsum inaugurat. Quæ cum fierent, intonabant machinarum bellicarum boatus; clangebantq; voces, *Salvatorem & Magnum Ducem* ingeminantes. His tam fædis asfentationibus non adeò mirum est Chmelnicii ingenium, insolens scilicet tallium, cessisse, re tot seculorum innumeris exemplis compertâ, benè etiam *preparatas mentes faciliùs à blandiente fortunâ, quàm à*

Chmelniciq; asfentationibus corrumpitur.

adversâ

„adversâ vinci. Nam quos aspera res mo-
 „destos atq; industrios reddunt, eos feliciter
 „tas dulcibus venenis in honesti omnis, &
 „sui denique oblivionem soporat. Præci-
 pue verò Græci istius Præsulis vel potius Im-
 postoris adulatio hominem dementabat,
 altius scilicet pectori illabente pestiferâ
 fraude, quia Religionis specie tegebatur.

Patriar- Equos sejuges & mille florenos in præmium
cha re- imposturæ à Chmelnicio cùm accepisset
munera- pseudopatriarcha, in Moscoviam abiit;
tur à istic, ut fama est, fraudum suarum larvâ non
Chmel- ita feliciter protectus; quin ex suis virtu-
nicio. tibus ornaretur. Rem verò ita compara-
 tam advertentes Delegati, tantò intentius
 redeundi ad suos circumspectabant vias;
 cùm præsertim inaudivissent, disceptari
 inter Cosacos, dimittine ipsos, an spoliatos
 in Codacanam arcem projici melius esset.

Captivos Captivorum quoq; cura coquebat Delega-
liberari tos; quos destruere & sub cultro quasi re-
cupiunt linquere nefas ducebant. Eos saltem si li-
delegati. berarent, fore quaecunq; itineris & labo-
 rum suorum pretium. Inprimis illos, quos
 deditâ arce Codacanâ in fidem accepisset

Codaca- hostis, salvo jure divino humanovè, retine-
na arcis ri ab ipso non posse videbatur. Ea arx,
deditio, olim de consilio Stanislai Coniecpolscii,
 exercituû Ducis, frænandis Cosacis Tarta-
 risq;

risq; in camporum desertorum, extremis, ad ripam Borysthenis, posita erat, validumquè impositum præsidium. Sed postremo hoc bello, cum post fusos exercitus, nullo modo se sustinendæ hostis potentiæ pares esse viderent præsidarii, inter alias honestissimas conditiones, liberum sibi ad suos reditum pacti fuerunt; jurante ipsis, per quicquid cœlo terrâq; sacrum verendumvè est, Nesterenio, Sumekio, Volczynko, Cosacorum Tribunis; se ab omni vi intactos tutosquè, quò & quam diu duci vellent, deducturos. Ita egressi ex arce bellatores præsignes, Christophorus Grodzicius Arcis Gubernator, postea Armamentarii præfectus generalis, Josephus Lanczynius excubiis præfectus, Martinus Czarnecius, Adamus Sobiescius, Stanislaus Coniecpolscius, (qui postea jussu Chmelnicii obtruncatus est) aliq; multis stipendiis egregii viri, cum milite gregario; arma quisq; sua & impedimenta, prout pacti erant, efferentes. At cum per longa viarum discrimina ad exercitum Zaporovianum pertigerant; istic tandem, Chmelnicii jussu, attinebantur. Codaccus. Qui liberos dimittere aliquoties pollicitus, na contentiùs fidem exsolvebat, interdum bello tra captos, adeoq; suis nutibus obnoxios esse, Etum de- responsans. Regerebant Delegati, milites tinen-
U benè tur.

**Idex-
probra-
tur
Chmel-
nicio.**

benè meritos & servos Regis ac Reipubl. hos esse. Tandem etiam Delegatorum unus, Albertus Miascovijs, addidit, *vel à paganis reddi solere captivos, & id illis solenne esse, dare hoc integranda amicitiae pignus. Se ipsum olim à Rege Constantinopolin missum, ab Ibraimo Soltano Ottomanico aliquot centenos captivos impetrâsse. Quantò equius Chmelnicium, Regi subiectum, clavâ imperatoriâ recens à Principe suo donatum, subditos ejus & milites non armis, non prælio victos, sed pacis legibusq; certis in fidem acceptos, Delegatis Regis potius reddere, quàm captivitatis & servitutis squalore conficere. Si hæc in re adeò iniquum se præbuerit, nil profectò de fide, obsequio, bonovè affectu ejus sperandū fore. Nihilo magis his, quàm ante tot aliis sermonib⁹ movebatur homo obstinat⁹ & fortunæcubri⁹. Restitutū iri illos, agebat, sed nō ante, quàm à Lithvanis Polonisq; omnib⁹ vellicari Cosaci desinerent. Andrea Potocio (nam & is inter captivos erat) expectandum in vinculis fratrem Præfectum Camenecensem, quem fama sit Baro, nobili Podoliæ suæ (ita vocabat) civitati gravem esse. Insuas à se in illum ire Legiones, & vivum ipsum adduci.*

**Ille ad-
huc mi-
natur.**

Cùm postea tyrannidem, quam Kioviæ ingentem Neczajus Braclaviensis Cosaco-

rum

rum Tribunus exerceat in omnem sexum-
 ætatem, ordinem, jussu, ut fama erat,
 Chmelnicii, objectarent Delegati, respon-
 dere ille, *neminem innocentem à se violari*
jussum, sed eos tantum, qui partes Cosaco-
rum amplecti nollent. Liberum sibi Kiovia
agere, quicquid vellet: se Dominum & Pa-
latinum jam ejus Urbis, Dei & gladii sui
beneficio, esse.

Sub hæc Legatum Moscoviticum dimi-
 sit Chmelnicius, cum pridie nuncius quoq;
 Principis Transylvani egregiè donatus ab-
 iisset. Uterq; insalutatis Polonis profectus *Legatus*
 est; utcunq; Legatus Moscoviticus impensè *Mosconi*
Kisieli Palatini colloquium expeteret. Ejus tunc a-
postulata in occulto habebantur; nisi quod bit à
fama ferebat, illum Magni Ducis sui no-
Chmel-
mine quævisse, an Religionis causâ bellum nicio.
hoc gereret; id si esset, quadraginta milli-
um exercitum auxilio misurum Ducem, hâc
lege, ut pars Ukraine Moscæ cederet. Ex Le-
Illius a-
gati verò domesticis cognitum est, Duci haud pud
volenti esse Chmelnicii istos in Rempubl. Chmel-
ausus, ac proinde eum admonitum, impe-
nicium
tus æti suos sufflaminet contineatq; à san-
Legatio-
guine Christiano, & subditorum Domini sui nis finis.
injuriis, Regi Polonia fratrem se esse & futu-
rum, quiq; ei iniquè adversentur, ite se b-
mini vi suâ contrarium fore. Sed Græcâ

U a

fide,

fide hæc dicta, & potius occulta in futura
 fundamenta belli jacta hîc esse, eventus po-
 steà docuit. Cæterum profectis illis, tantò
 magis Delegati, bonâ similiter pace, dimit-
 ti postulabant. Et annuebat Chmelnicius,
 si epistolâ unâ contenti, re nullâ præterea
 effectâ, abire vellent. Tandem tamen mul-

*Conditio-
 nes Pa-
 cis ali-
 que scri-
 buntur.* tis magnisq; Kisieli laboribus obtentum
 est, ut certas conditiones chartæ injici per-
 mitteret, subscribere iis, si placuissent, pol-
 licitus. In quibus difficultatis plurimum
 movit, quod Delegati Polonis exercitibus
 integrum esse volebant, durantibus his in-

duciis, ad Szlucum amnem, & aliâ parte
 Barum, Vinniciam, & Braclaviam usque
 progredi. Arctiores enim Regiis Chmelni-
 cius, sibi patentiores figi limites poscebat.

*De cap-
 tivis ite-
 rum dis-
 cepta-
 tur.* Cùm circa hoc diu frustra decertatū esset,
 in captivos conversa Delegatorum cura est:
 quos ut liberarent, nihil inexpertum reli-
 quere. Nec jam verbis tantum sed & num-
 mis emollire ferreum nitebantur hostis ani-
 mum. Neque Chmelnicius duntaxat, sed

& alios, qui apud eum aliquid posse crede-
 bantur, sollicitabant; aurum ingerentes,
 & ubi, quos vellent, libertati redditos vi-
 derint, stipulantes majora. Nihil omnibus
 istis conatibus effectum est, quàm ut deni-
 que excubiæ intenderentur, ne ullus, invi-

tis aut

tis aut infcisiis Cosacis, elabi posset. Postre-
 mâ ante abitum nocte, nonnulli ex ipso et-
 iam Delegatorum famulitio submersi sunt.
 Adeo inter istos jus gentium pensi habetur.
 Tandem XXIV. Februarii seriò jam disces-
 sum molientes Delegati, denunciari Chmel-
 nicio jussêre, *vale se ipsi dicere, simulq;
 ultimas preces pro captivis interponere velle.*
 Cum is ad Delegatos venire promitteret,
 prævenêre tamen hi; & quantumvis æger
 admodum, perq; arthritidos paroxysmum,
 manibus pedibusq; captus, nihilominus
 trahâ vehi se cum Collegis ad Chmelnicii
 ædes jussit Kisielus. In quarum atrio (de-
 scendere enim moveriq; de trahâ in do-
 mum, molestum fuisset ægro) congressus
 cum Delegatis Chmelnicius, puncta manu
 suâ subsignata Palatino tradebat; nec non
 literas binas, quarum alteræ ad Regem, al-
 teræ ad Magnum Cancellarium scriptæ e-
 rant. Simul cantherium & in sacculo cen-
 tum plus minus aureos Kisielo donat, quos
 ille protenus inter captivos distribuit. Pro
 his verò jam undiq; iterum accuratissimæ
 fiebant deprecationes, illis simul ipsis, quo-
 rum res agebatur, tantùm non sanguinem
 lacrymantibus, &, si non pacta, non preces,
 non pretium apud immitem valerent, sal-
 tem Tartaris tradi poscentibus: quippe à

*Chmel-
 nicio va-
 ledicunt
 Delega-
 ti.*

*Donat
 Chmel-
 nicii.*

*Pericu-
lum &
captivis
& Dele-
gatis im-
minet.*

quibus auro utiq; impetrabilis esset liber-
tas. Surdo adhuc narrabatur fabula. An-
drea insuper Potocio captivorum prima-
rio, si patruelis frater ejus, quod fama nar-
raret, Barum invasisset, dira denunciaban-
tur. Quin binis jam noctibus sonuerant
apud plebem Cosacorum voces, omnia ex-
trema ipsis quoq; Delegatis minantes. In
extremo dexterarum complexu, Inducia-
rum fidem ad Pentecosten usq; diligenter
tuendam, Palatinus Chmelnicio amicè
commendabat: hic vicissim ambiguum
quid de futurâ compositione musitans,
sistere tamen ad eum conventum captivos,
& machinas aliquot bellicas pollicebatur.
Ita discessum est: Cosacorum Tribunis De-
legatos extra Urbem comitantibus. Sed
longius eosdem comitabatur metus, uti in-
ter malè fidos infestosq;.

Afflictos undiq; proditioes etiam tur-
babant. Inventi quippe ex famulitio De-
legatorum nonnulli, etiam secretorum non
ignari, qui ad hostem seu sponte, seu pro-
missis empti, profugere. Contrà & ab hoste
clam elapsi circiter centum homines diver-
sæ sortis, Delegatos assectabantur. Quod
idem Kioviæ fiebat, cum bini ex Delegatis
eò divertissent. Cæterum ut appareat, quid
hæc legatione effectum sit, operæ pretium
est con-

est conditiones, quarum ante jacta mentio, hic subjicere.

1. *Clavam & Vexillum à Regiâ Majestate & Reipubl. missa, Dux & exercitus Zaporovianus recipiunt, in fideli obsequio manere pollicentes, quemadmodum ex peculiari intionis id scriptâ epistolâ appareat.* Pere-

2. *Quia ob inopiam pabuli exercitus Coslaviensium jam congregari nequeat, id quod sis. tamen ad conficiendum exercitus futuri album seu matriculam & discriminandam à stipendiariis plebem necessario fieri oporteat, ideo pacificatio hæc seu, ut vocant, Commissio, ad proximum ver, & nominatim ad Græci ritûs Pentecosten profertur. Ad quod tempus, Zaporobianum Sacre Regiæ Majest. exercitû Ductor ejus ordinet, ac secundum antiquas consuetudines & privilegia Zaporobianæ militiæ componat, provisorus, ut exercitus ille ad Borysthenem & solennes Tartarorum irrumperentium vias, in Palatinatu Kioviensi, ritè dispositus reperiatur. Ad eundem diem duo Viri à Regiâ Majestate perficienda tractationi mittantur.*

3. *Quia Commissionis negotium confici nunc nequiverit: Poloni interim Lithvaniq; & pariter ex alterâ parte Zaporobiani exercitus pacificè & intra limites agunto. Ita ut dicti exercitus neutrubi Pripetum &*

Horinum fluxios, & in Podolia Braclaviæq; terris Cameneciam ne transgrediantur, nec se irruptionibus, suggestionibusve mutuis infestanto. Et si illi exercitus eorumq; aliqua partes jam alicubi dictos terminos migraverint, recedunto. Quâ de re diplomata jam mox utring; dimittuntor; post quorum publicationem, si quis fines dictos transgredi sustinuerit, pro contumace habetor & punitor.

4. Ne interturbationibus ansa detur, Domini & heredes possessionum ultra nominatos limites sitarum, ab earum ingressu & inhabitatione, omniq; jure postliminii ad definitum tempus abstinento. Qui inter Horinum & Slucum sua tenent, integri porro indemnesq; dum limites modò fixos ne egrediantur, tenento.

5. Ad contestandum fidele suum erga Regiam Majestatem obsequium, Duxor militiae Zaporobianæ captivos omnes in futuro Commissionis conventu, Regi reddere salvos atq; incolumes, Deo volente, promittit: petens vicissim ut Czaplinskius tum sibi dedatur, qui injectâ pradio & vitæ Chmelnicii manu, huius incendii prima fax, & jam prioris quoq; belli autor fuerit, aliis potentioribus ad sequius consilium dolo ejus inductis.

6. Istas

6. *Istas conditiones sub fide & conscientia bonâ, integrè immotèq; servare & exequi Palatinus Braclaviensis & Collega ejus nomine Regia Majestatis totiusq; Reipubl. Pòlona, nomine verò universi exercitûs Zaporobia- ni Ductor ejus promittit spondetq;, manu utrinq; & sigillo apposito. Actum Pereaslavia 24. Februarii Anno Domini 1649. Literæ ad Regem supplices in hunc sensum conce- tur plu- ptæ erant. Cum acerrimis injuriarum stimu- ra à Re- lis ad excutiendum servitutis jugum incitati ge pro compulsiq;, alios propè jam Dominos circum- Cosacis. spicere capissemus: Illustris Palatini Bracla- viensis autoritate à proposito revocati, in ob- sequio Regia Majestatis manemus, ac manere parati sumus: ubi Sacra Regia Majestas compotes nos votorum fecerit, quæ ista sunt:*

1. *Servitus, quam Turcicâ haud mitio- rem gens nostra Ruthena in antiquâ suâ Gracâ Religione propter Unionem patitur, petimus, ut solvatur. Ita ut, more antiquo, unius ritûs atq; eorundem Sacrorum gens Ruthena, & Episcopatus Ecclesiæq;, totâ Rus- siâ, Poloniâ, Lithvaniâq; sint. Nomen Unio- nis ut deleatur: ita ut duo tantum ritus, qui in primo Russia cum Poloniâ coalitu viguê- re, serventur. Quicumq; Episcoporum, ritum Latinum sequi maluerint, id iis integrum esto, dum Graca templa & veteres fundatio-*

U 5

nes red-

nes reddituum Ruthenis restituant; quibus Ecclesia Græca magis probatur, in eâ manere citra noxam possint. In summâ, ut dentur Romana Græcæq; Ecclesiæ ea, quæ antiquitus ad quamq; pertinuerint, & nemo usquam fratrum nostrorum novo unionis iugo gravetur. Ea remota, æquior faciliorq; concordia erit.

2. Cum Czaplinskius prioris belli precipuus incentor fuerit, post ablatum mihi Chmelnicio prædium, vitam quoq; meam adortus; cum ut malorum primum autorem nobis dedi petimus.

3. Alterius & majoris belli cum Dux Visnoviecius fax & origo exstiterit; utpote pacis commissioniq; inchoata violator, cum eo, si Dux exercituum creatus fuerit, nec pacificè nos agere, nec omninò illum in Ukraïnâ admittere vellet, & ad bellum omninò redeundum fore, denunciamus.

4. Palatinus Kiowiensis ut sit gentis nostræ, ritibus verò Græci; ne in templa Græcæ Religionis injurius sit, quemadmodum hodiernus est, qui in arce templa nostra demolitus, alia strui vetuit. Ei alium altiorem in Senatu locum; nobis verò Palatinum eorundem nobiscum sacrorum optamus. Itidem Metropolita ut in Senatu sedem habeat. Ita ut tres omninò Senatores, inter Ecclesiasticos

sticos Metropolita, inter Politicos Palatinus & Castellanus Kiovienses nostræ Religioni addicti ejusq; proinde, uti & juris Ruthenorum Patroni & Vindices in posterum habeantur.

5. Kiovia quæ sunt templa, & monasteria maneant inviolata; sed Jesuitæ exesse jubentur, quos ut agrè faceret Ruthenis, introduxit Palatinus; inde intolerabili confusione data ansa est.

Quia autem in pactis istis Unionis & Unionis Unitorum non rara fit mentio, breviter, & unito- quid iis nominibus significetur, indicandum est. Orientalem Ecclesiam, quæ & go ac Græca appellatur, non tam gravi aliquo progressu sententiarum divortio ab Ecclesiâ Romanâ, quàm ab ejus capite Papâ, dedignatione obsequii, disfidere, adeoq; Schismaticos appellari, constat apud rerû gnaros. Quotquot igitur ejus ritûs in Rusiâ olim erant, omnes Constantinopolitani Patriarchæ antistitio subjecti, ex alieni & Turcici quidem imperii metropoli, leges, atq; instituta sacra petebant. Quæ res, quia Christiano populo nec decorâ satis nec tuta videretur: Regum Procerumq; Polonorum, præsertim verò Antistitû, cura eò jam dudû incubuit, ut hæc, quæ Turcicæ potentia, tum vicinitate, tum (quia sub Turcâ multi Græcæ fidei) ipso hoc Religionis nexu quodammodo

dammodo obnoxia esset provincia, sub
idem cum reliquâ Poloniâ sacrorum Caput
redigeretur. Vi ad eam rem adigere ve-
tabant leges Regni; & cum nemini, tum
minimè istis eripienda videbatur religionis
libertas, quam in primo ad Rempubl. acces-
su secum attulissent. Numerosissimam por-
rò gentem violentia ejusmodi ad extrema
omnia efferatura videbatur prudentibus &
moderatis, qui, populum de servitutis oneri-
bus jamdudum querulum, cum pro reliquâ
libertate arma jam induere non auderet,
pro sacrorum suorum integritate lubenter
arrepturum aiebant. Non una jam ejus rei
specimina edita, sed tumere adhuc animos, &
si gravius premantur, haud dubiè iterum
atroci impetu erupturos. Verùm Proceres
Rutheni, Scholis & necessitudine Polono-
rum, aliis item invitamentis paulatim ferè
omnes inducti sunt, ut prisca instituta, &
in iis sacra sua cum Polonis Romanisq;
spontè mutarent. Plebs ut rudis, sic ve-
rustatis pertinax, quò magis novum sacro-
rum regimen in terrâ suâ invalescere vide-
ret, eò acriùs querelis apertisq; inductæ
mutationis execrationibus, minis deniq;
contra nisa est; Cosacorum, qui omnes
ejus ritûs essent, arma plerunq; circumspi-
ciens, & occultè identidem ciens. Sed in-
conditæ

Proceres
Rutheni
Religio-
nem mu-
tant.

conditæ multitudinis vis ingenio potenti-
âq; aliorum diu retardata, aut suppressa est.
Tandem verò nonnulli ex ipsis Præsulibus
Ruthenis, sententiarum suarum cum Oc-
cidentalis Ecclesiæ dogmatibus vicini-
tate animadversâ, divino impulsu flecti
se passi sunt, ut Ecclesiæ Romanæ æquis
conditionibus innecti velle testaren-
tur. Et horum curâ missi deniq; sunt
anno 1595. ad Clementem VIII, Rom: Pon-
tificem duo Legati; Hyppatius Pociey,
Vlodimiriensis Brestensisq;, alter Cyrillus
Terlecki, Luceoriensis Antistes. Qui Ro-
mæ comiter accepti, cum, post habita ultrò
citroq; de rei difficultatibus colloquia,
quosdam Ecclesiæ suæ ritus Romanis apta-
re promississent, potestatem cæteros reti-
nendi impetravêre. Unde in partes mox
discescit Ecclesia Ruthena, aliis, *Unitorum*
nomine, Romanæ Ecclesiæ regimen ample-
ctentibus, aliis prisca schismatis eò retinen-
tiorib9, quò plurium desertione ad sequen-
dum sollicitabantur: illo concordia & pa-
cis consilio, ut sæpè fit, in favissimum dis-
cordia incitamentum degenerante. Ni-
mirum ut inter accolæ nationes, ita inter
vicinas Religiones acriora, nisi in tertiam
aliquam conspirare communis utilitas aut
necessitas impellat, odia sunt. Quia quò
prænotior

Prior, in illâ propinquitate transitus est ex unâ in aliam, eò intentiore studio illum obstruere fervidi partium Duces nituntur. Hincq; adeò cum curâ sæpè conquiruntur omnia, quæ ad distrahendos magis animos faciunt. Multa etiam, pacis aliquin studio tolerata, odiosis interpretationibus asperantur. Hinc sanè in gravissimas disensiones factionesq;, Rusi ivère, & nulli penè congressus, nulla etiam posthac Comitia quiritationibus Ruthenorum, *Unionem* quàm maximè incusantium, caruere. Donec tandem, strepentibus Chmelnicii armis, causa, quæ Comitiorum autoritate transigi non potuit, gladiis acta est, & utramq; litigantium partem gravissimis calamitatibus, Podoliam verò & Ukraïnam Turcico heu jugo deniq; subjecit.





INDEX RERUM

insigniorum.

A.

C hristoph. Arcisevius, 128. ei demanda-	
tur cura Leopoleos	168. seq.
Arma Tartarorum	60
Arpajus Comes Legatus Gall.	210
Asiatici Tartari	47
Astracan	46

B.

Baito multis populis formidabilis	42
Barum occupatur	138. seq.
Basilius primus Czari nomen assumpsit	46
Georg. Bömelius	276
Ignatius Bonkovius	134
Borysthenes	15
Dn. de Breze Legat. Gall.	210
Brodana Arx strenuè se defendit	163. 164
seqq. liberatur obsidione	167
Maximil. Brzozovius	240
Budziacii Tartari	50

C.

Cassa vetus Urbs	52
Campi deserti	12
Cangius s. Cingis Chan.	42
Laurent.	

INDEX.

<i>Laurent. Cantersteinus Legatus Svec.</i>	210
<i>Ferdin. de Carretto Legat. Casareus</i>	210
<i>Casimirus M. Judais favet</i>	114
<i>Cataractæ vulgò Porobi</i>	15
<i>Chmelnicius 27. ejus offensa 31. nuncii Varſaviam veniunt 112. capit Krzyvo- nossum, sed mox dimittit 140. ei clava & vexillum nomine Regis offertur.</i>	295
<i>Christoph. Chotkiewicz</i>	228
<i>Chortiza Insula</i>	18
<i>Circassii Tartari</i>	45
<i>Codak 16. præſidiarii ejus contra pactum detinentur</i>	305
<i>Andr. Coniecpolſcius</i>	77
<i>Alex. Coniecpolſcius</i>	95. 221
<i>Commisſarii ad Coſacos</i>	240
<i>Confederatio Ordinum Polonia 124. 125 ſeq.</i>	
<i>Christoph. Coniecpolſcius</i>	221
<i>Stanisl. Coniecpolſcius jussu Chmelnicii ob- truncatur</i>	305
<i>Convocatio poſt mortem Vladisl. Regis 691, 20</i>	
<i>Andr. & Demetr. Coributhus</i>	45
<i>Corsunensis clades</i>	80
<i>Steph. Coriscincius</i>	131
<i>Coſacorum origo & nomen 13. ij duplices 14 eorum præcipuum latibulum</i>	19
<i>Coſaci ex agrestibus conflati 21. Tartariſ inſidiantur. ibid. & Turcis inſeſti. ibid. eorum navicula 22. irruptiones in Tur- ciam</i>	

INDEX.

<i>etiam ibid. victus</i>	23.	<i>arma ibid. religio</i>	25
<i>eorum cum Tartaris lucta</i>			70
<i>cum Tartaris se jungunt</i>		<i>ibid.</i>	
<i>Crimum</i>		52. seq.	
<i>Crivonosius Dux Cosacorū agrestium</i>	101. seq.		
<i>profligatur</i>	103. 107. 109. seqq.		
<i>Cracoviensis Magistratus jurat</i>		249	
<i>Czaplinski</i>	31. 312.		
<i>Steph. Czarnecius</i>		72	
<i>Francisc. Czarnkovius</i>		97	
<i>Martin. Czarnecius</i>		305	
<i>Zachar. Czertvertinius Dux</i>		240	

D.

<i>Demetrius Dux Visnovecius</i>		18	
<i>Dithmarus Episcopus Mersburgensis</i>		11	
<i>Henr. Dönhofius</i>		77	
<i>Sigism. Dönhofius</i>	149. 204		
<i>Dominico Zaslavia & Ostrogia Dux</i>	77. 92. 95		
<i>Franc. Dubravius</i>	131. Director ordinis		
<i>Equestris sit</i>		252	

E.

<i>Electionis bona</i>		197	
<i>Electioni Leges præscriptæ</i>		198	
<i>Equi Tartarici</i>		60	
<i>Equina caro Tartarorum cibus</i>	61. seq.		
<i>Eresymum</i>		61	
<i>Esther Casimiri M. pellex</i>		114	

F.

<i>Vincent. Fabricius Syndicus Gedan.</i>	276		
---	-----	--	--

X

Carol.

INDEX.

<i>Carol. Ferdinandus Candid., Regni</i>	209
<i>Andr. Firlejus</i>	203. 288
<i>Flumina trajiciendi modus Tartaricus</i>	65

G.

<i>Andr. Gembicius</i>	120. 228
<i>Christoph. Gembicius</i>	221. 229
<i>Petrus Gembicki</i>	228
<i>Gierejorum familia</i>	56
<i>Franc. Gize Legatus Neoburg.</i>	210
<i>Nicol. Gniewosius</i>	204. 263
<i>Vincent. Corp. Gonsiewski</i>	230
<i>Sbign. Goraiscius</i>	86. 120
<i>Græcæ religionis Cosaci</i>	25
<i>Christoph. Grodzicius</i>	76. 305
<i>Andr. Carol. Grudzinus</i>	97
<i>Sigism. Guldensternius L. B.</i>	86. 269

H.

<i>Nicol. Hadziejovicius</i>	181
<i>Joan. Höverbequius Legat. Brand.</i>	210
<i>Georg. Hlebowicz</i>	229
<i>Hocot</i>	42

I.

<i>Janicoviana privilegia</i>	274
<i>Jeremias Dux Visnovecius</i>	95. 96. 102
<i>ei regimen exercituum datur</i>	202. 203
<i>Johan. Basilides. Mosc. M. Dux.</i>	46
<i>Invidia non veretur publico etiam damno</i>	
<i>iras privatas satiare</i>	153

Joannes

INDEX.

<i>Joannes Casimirus Candid. Regni Pol.</i>	209
<i>ejus partes pravalere incipiunt</i>	214. 215
<i>seqq. Rex eligitur</i>	221. seqq.
<i>Rex nominatur</i>	227. coronatur 244. 245. seqq.
<i>Georg. Monvid. Irzykowicz</i>	230
<i>Judeorum descriptio</i>	113. 114. seq. sub Ca-
<i>simiro M. florent</i>	114
<i>Iwan Magnus</i>	46

K.

<i>Adam. in Czasniki Kazanowski</i>	229
<i>Adamus Kisielus</i>	38. 123. 240. ejus epistola
<i>ad Chmelnicium</i>	88. seqq. 142. seqq.
<i>Nicol. Kisielus</i>	240
<i>Joh. Kochanovius</i>	120
<i>Alex. Koniecpolski</i>	229
<i>Steph. Korycinscius</i>	281
<i>Stanisl. Krzytzevius liberat Chmelniciũ</i>	34
<i>Krzywonossius Dux Cosacorum agrestium</i>	101
<i>seq. profligatur.</i>	103. 107. 109. seqq. capi-
<i>tur à Chmelnicio, sed mox dimittitur.</i>	140

L.

<i>Stanisl. Lanckoronski</i>	288
<i>Joseph. Lanczynius</i>	305
<i>Georg. Laszczius</i>	175
<i>Joan. Comes de Leszno</i>	86. 269
<i>Legati exterorum Principum</i>	210
<i>Leges in Comitibus Coronationis scriptæ</i>	290
<i>Bogusl. Comes de Leszno Convocationis mo-</i>	
<i>derator</i>	121. ejus oratio 194. 195. seqq.

X 2

Vencesl.

INDEX.

<i>Carol. Ferdinandus Candid. Regni</i>	209
<i>Andr. Firlejus</i>	203. 288
<i>Flumina trajiciendi modus Tartaricus</i>	65

G.

<i>Andr. Gembicius</i>	120. 228
<i>Christoph. Gembicius</i>	221. 229
<i>Petrus Gembicki</i>	228
<i>Gierejorum familia</i>	56
<i>Franc. Gize Legatus Neoburg.</i>	210
<i>Nicol. Gniewosius</i>	204. 263
<i>Vincent. Corv. Gonsiewski</i>	230
<i>Sbign. Goraiscius</i>	86. 120
<i>Gracæ religionis Cosaci</i>	25
<i>Christoph. Grodzicius</i>	76. 305
<i>Andr. Carol. Grudzinus</i>	97
<i>Sigism. Guldensternius L. B.</i>	86. 269

H.

<i>Nicol. Hadziejovicius</i>	181
<i>Joan. Höverbequius Legat. Brand.</i>	210
<i>Georg. Hlebowicz</i>	229
<i>Hocot</i>	42

I.

<i>Janicoviana privilegia</i>	274
<i>Jeremias Dux Visnovecius</i>	95. 96. 102
<i>ei regimen exercituum datur</i>	202. 203
<i>Johan. Basilides. Mosc. M. Dux.</i>	46
<i>Invidia non veretur publico etiam damno</i>	
<i>iras privatas satiare</i>	153
<i>Joannes</i>	

INDEX.

<i>Joannes Casimirus Candid. Regni Pol.</i>	209
<i>ejus partes pravalere incipiunt</i>	214. 215
<i>seqq. Rex eligitur</i>	221. <i>seqq. Rex nomi-</i>
<i>natur</i>	227. <i>coronatur</i>
	244. 245. <i>seqq.</i>
<i>Georg. Monvid. Irzykowicz</i>	230
<i>Judæorum descriptio</i>	113. 114. <i>seq. sub Ca-</i>
<i>simiro M. florent</i>	114
<i>Iwan Magnus</i>	46

K.

<i>Adam. in Czaſniki Kazanowski</i>	229
<i>Adamus Kiſielus</i>	38. 123. 240. <i>ejus episto-</i>
<i>ad Chmelnicium</i>	88. <i>seqq. 142. seqq.</i>
<i>Nicol. Kiſielus</i>	240
<i>Joh. Kochanovius</i>	120
<i>Alex. Koniecpolski</i>	229
<i>Steph. Koryciński</i>	281
<i>Stanisl. Krzyżczewius liberat Chmelniciũ</i>	34
<i>Krzywonosius Dux Cosacorum agreſtium</i>	101
<i>seq. proſtigatur.</i>	103. 107. 109. <i>seqq. capi-</i>
<i>tur à Chmelnicio, ſed mox dimittitur.</i>	140

L.

<i>Stanisl. Lanckoronski</i>	288
<i>Joſeph. Lanczynius</i>	305
<i>Georg. Laſzczius</i>	175
<i>Joan. Comes de Leſzno</i>	86. 269
<i>Legati exterorum Principum</i>	210
<i>Leges in Comitibus Coronationis ſcriptæ</i>	290
<i>Bogusl. Comes de Leſzno Convocationis mo-</i>	
<i>derator</i>	121. <i>ejus oratio</i>
	194. 195. <i>seqq.</i>

X 2

Venceſl.

INDEX.

<i>Vencesl. Lesczinius</i>	204. 228
<i>Andr. de Leszno Lesczynski</i>	228. 252. seqq
<i>Leopolis se redimit à Chmelnicio</i>	172. 173
<i>Lithvania à Cosacicis turbis nō libera</i>	135. seqq
<i>Adr. de Linda</i>	274. 275
<i>Stanisl. Lubomirscius</i>	38
<i>Georg. Lubomirscius</i>	217. 230
<i>Alex. Lubomirscius</i>	221. 229
<i>Albert. Lubienscius</i>	221
<i>Matthias Lubienscius</i>	93. 228

M.

<i>Mahmet-Gieray</i>	56
<i>Spitco Melstinius</i>	45
<i>Hyacinth. de Michalow Michalowski</i>	230
<i>Alb. Miascovius</i>	240. 306
<i>Jacob. Michalovius</i>	243
<i>Ceslaus Casim. Miloszewki</i>	230
<i>Hieron. Milonscius</i>	131
<i>Miles, qui impetū valet, morā interdū</i>	
<i>flaccescit</i>	153
<i>Vlad. Miszkovius Marchio de Mirow.</i>	177
<i>Emer. Mleczko</i>	230
<i>Mogul Magnus</i>	42. 48
<i>Moscovia</i>	10

N.

<i>Stanisl. Naruszevicius</i>	221. 229
<i>Niemirovia occupata</i>	101
<i>Niemirovianorum perfidia</i>	102
<i>Theod.</i>	

INDEX.

O.

<i>Theod. Obuchovicius</i>	131
<i>Phil. Casim. Obuchovicius</i>	198
<i>Alex. Oginski</i>	229
<i>Theodat. Oginski</i>	229
<i>Carol. Olsnicius Leg. Brandeb.</i>	210
<i>Lucas Opalinskius</i>	112. 229
<i>Christoph. Opalinski</i>	228
<i>Ordines Poloniae scribunt ad Cosacos</i>	121
<i>eorum Confederatio</i>	124. seq.
<i>Oratores & Legati exterorum Principum</i>	210
<i>Georg. Osfolinius</i>	86. 93. 229
<i>Nicol. de Ostrorog. Comes</i>	95. 230. 288
<i>Maximil. Osfolinski</i>	249

P.

<i>Palatinatum electus & tributa ad bellum</i>	
<i>Cosac.</i>	207. seq.
<i>Patriarchi fictus remuneratur à Chmelnicio</i>	
<i>304. quis ille</i>	302.
<i>Perecopia</i>	50. seq.
<i>Pereaslaviensis pacificationis conditio-</i>	
<i>nes</i>	311. seq.
<i>Pilaucianæ dissipationis causa</i>	202
<i>Paul. de Piaseczno Piasecki</i>	228
<i>Polonna capitur</i>	104. seq.
<i>Hyppatius Pociej</i>	317
<i>Steph. Potocius</i>	72
<i>Prædandi modus apud Tartaros</i>	68
<i>Christoph. Przyemscius</i>	132. 204
<i>Prodigia</i>	

INDEX.

<i>Tomahowka Insula</i>	19
<i>Torresius Nuntius Apostolicus</i>	210
<i>Trapezuntium</i>	22
<i>Mich. Gedeon Tryzna</i>	229
<i>Tulcinum expugnatur</i>	99. 100
<i>Joan. Ant. Tyszkiewitz</i>	229
<i>Casim. Tyszkiewitz</i>	230
<i>Georg. Tyskiewitz</i>	86. 213
<i>Janus Tyskewicz</i>	103

U.

<i>Stanisl. Varscius Castell. Crac.</i>	221. 229
<i>Ludov. Veiberus</i>	98. 177
<i>Victus Cosacorum</i>	23
<i>Vitoldi victoria 44. clades</i>	45
<i>Wielky Ostrow</i>	18
<i>Joan. Wielopolski</i>	230
<i>Dux Visnovecius Jeremias</i>	95. 96. 102
<i>ei regimen exercituum datur</i>	202. 229
<i>Stanisl. Witowscius</i>	149. 156
<i>Ukraina</i>	11
<i>Vladislai IV Regis mors & elogium</i>	82. 83
<i>seqq. 196. ejus pompa Funebris. 242. seq.</i>	
<i>Unionis & Unitorum origo & progressus</i>	315
<i>Steph. Wydzga nunc Primas Regni</i>	227

Z.

<i>Alex. Zalescius</i>	206. 229
<i>Zamoscii descriptio 176. illuc multi confu- giunt 178. praesidiariorum dispositio</i>	180
<i>Id strenue se defendit</i>	183. seqq.
	Joh.

INDEX.

<i>Joh. Zamoscius</i>	176
<i>Stanisl. Zaremba</i>	213
<i>Zavolhenses Tartari</i>	43
<i>Zbarasium</i>	162
<i>Jacob. Zielenius</i>	240
<i>Zolkievianum sepulcrum</i>	298
<i>Daniel Zytkiewicz</i>	230



ERRA-



ERRATA.

Pag. 3. lineâ 14. lege *perstringentem*. Pag. 4. lin. penult. lege *aguntur* & lin. ult. lege *famâ*. Pag. 15. lin. 5. lege *Zaporoviani*. Pag. 19. lin. 28. lege *languidior*. Pag. 20. lin. 3. lege *obruuntur*. Pag. 21. lin. 22. lege *Pontum*. Pag. 22. lin. 19. lege *Cosacorum*. Pag. 23. lin. 14. lege *lanceo*. & lin. 22. lege *qui*. Pag. 25. lin. 10. lege *incertam*. & lin. 16. lege *se querebantur*. Pag. 26. lin. 15. lege *Pereaslaviam*. Pag. 29. lin. 18. lege *inter quas* & lin. 16. lege *famem*. Pag. 31. lin. 12. lege *cæperit* & lin. 24. lege *subesse* & lin. 27. lege *Subpræfectum*. Pag. 32. lin. 6. lege *inde*. Pag. 33. lin. 14. lege *in compensationem* & lin. 16. lege *inensos* & lin. 20. lege *suum*. Pag. 34. lin. 2. lege *in quem* & lin. 8. lege *incertum* & lin. 14. lege *carcerem*. Pag. 35. lin. 1. lege *Varsavia*. & lin. 7. lege *gestabat* & lin. 25. lege *ingruente*. ibid. lege *comitatus*. Pag. 36. lin. 19. lege *inhospitas*. Pag. 37. lin. 1. lege *accurrisse*. & lin. 21. lege *Zaporovianis*. Pag. 39. lin. 8. lege *gratisima*. Pag. 41. lin. 10. lege *aperuere*. Pag. 42. lin. 10. dele &. & lin. 18. lege *Polovcos*. Pag. 43. lin. 18. post *paludem* deleatur. & lin. 27. lege *sunt*. Pag. 44. lin. 6. lege *Samarcanda*. lin. 7. lege *metropoli*.

ERRATA.

ropoli. Pag. 46. lin. 2. lege *paulatim.* Pag.
 48. lin. 9. lege *Afiatici.* & lin. 13. loco & po-
 ne ex. lin. 13. lege *Situm.* Pag. 49. lin. 3. lege
Scytas. & lin. 9. lege *Dobrucenses.* lin. 10.
 deleatur *alios.* lin. 22. lege *nominatum.* Pag.
 50. lin. 8. lege *ferociae.* & lin. 15. lege *Batto.*
 Pag. 52. lin. 11. lege *commisso.* lin. 25. lege
internae. & lin. 26. lege *libidini.* Pag. 53. lin.
 6. lege *Cirum metopo.* lin. 17. lege 17. lege
propinquo. Pag. 54. lin. 6. lege *terram.* l. 26.
 in marg. lege *Tartari.* & lin. 27. lege *Peti-*
horienſes. Pag. 55. lin. 2. lege *Arrianus.* lin. 5.
 lege *Circasſios.* lin. 9. lege *Cl.* Pag. 56. l. 12.
 lege *conſpicua.* ibid. *Mahmet-Gierei.* Pag.
 57. lin. 8. lege *Principes.* lin. 15. lege *redegit.*
 Pap. 60. lin. 22. lege *partem.* Pag. 61. lin. 25.
 lege *inuſitata.* Pag. 62. l. 13. lege *fortiſſimè.*
 & lin. 25. lege *Beauplanius.* Pag. 63. lin. 12.
 pro inter pone in. Pag. 64. lin. 10. lege ex
ſpoliis. Pag. 66. lin. 15. lege *mox aſſeres.*
 Pag. 70. lin. 10. lege *Coſaci.* & lin. 16. lege
potius. Pag. 71. lin. 21. lege *quanquam.* Pag.
 72. lin. 16. in marg. lege *comite.* Pag. 73. l. 5.
 lege *vivum.* Pag. 74. lin. 9. lege *ſignum.* &
 lin. 15. lege *circumuentus.* lin. 17. lege *polli-*
cetur. Pag. 75. lin. 8. lege *permiſſu.* Pag.
 76. lin. 16. lege *transmittit.* Pag. 78. lin. 25.
 lege *in gentem.* Pag. 79. lin. 9. lege *experi-*
mentis. & lin. 14. lege *nihil.* Pag. 85. lin. 2.
lege

ERRATA.

lege *liberavit*. Pag. 90. lin. 23. lege *idcirco*.
Pag. 91. lin. 25. lege *Monachus*. Pag. 94. lin.
23. lege *Vezirum*. in marg. lin. 24. lege *ad*.
Pag. 96. lin. 3. in marg. lege *non*. Pag. 96.
lin. 22. lege *sinistra*. Pag. 103. lin. 4. lege *ad*
ferendam. & lin. 18. lege *navat*. & lin. 27.
in marg. lege *corumpitur*. Pag. 106. lin. 16.
lege *cum*. Pag. 113. lin. 13. dividantur verba
amplecti maluerunt. Pag. 118. lin. 1. lege *ab-*
legandos. Pag. 121. lin. 12. in marg. lege *exa-*
minantur. Pag. 125. lin. 14. lege *hucusq;*. lin.
16. lege *peregrè*. Pag. 132. lin. 12. lege *civi-*
bus. Pag. 134. lin. 2. lege *saltem*. Pag. 137.
lin. 12. lege *magnitudinem*. Pag. 139. lin. 23.
lege *defendit*. Pag. 144. lin. 5. lege *missis*.
Pag. 156. lin. 25. lege *carraginem*. Pag. 157.
lin. 22. lege *caruit*. & lin. 25. lege *attineren-*
tur. Pag. 160. lin. 15. lege *equidem*. & lin. 23.
lege *iret*. Pag. 161. lin. 12. lege *celeritate*.
Pag. 162. lin. 26. lege *compendium*. Pag. 165.
lin. 5. lege *strui*. Pag. 166. lin. 4. lege *effugê-*
re. Pag. 167. lin. 15. in marg. lege *Brodana*.
lin. 24. lege *fidei*. Pag. 187. lin. 28. lege *suf-*
fecturam. Pag. 193. lin. 8. lege *Convocatio-*
ne. Pag. 206. lin. 13. lege *fratribus*. Pag. 212
lin. 5. lege *Electorales*. & lin. 20. lege *ferdi*
sui. Pag. 213. lin. penult. lege *urgebatur*. Pag.
220. lin. 17. lege *singulis*. Pag. 221. lin. 16. le-
ge *Aquilifer*. & lin. 23. in marg. lege *Prin-*
cipi.

ERRATA.

cipi. Pag. 222. lin. 24. lege *Equeſtri.* Pag. 227.
lin. 5. lege *Archiepiſcopo.* Pag. 229. lin. 12.
lege *Alexandro.* & lin. 22. lege *Alexandro.*
Pag. 231. lin. 13. lege *noſtro.* Pag. 236. lin. 25.
lege *intulerant.* Pag. 238. lin. 7. lege *malis.*
lin. 14. lege *tempore.* & lin. 20. lege *faſtidi-*
ri. & lin. 26. lege *ferream.* Pag. 247. lin. 26.
lege *inclusus.* Pag. 251. lin. 20. lege *Nunciis.*
Pag. 253. lin. 6. lege *noxiave.* Pag. 254. lin. 12.
lege *cum.* Pag. 255. lin. 11. lege *Meditandum.*
Pag. 257. lin. 11. lege *Senatu.* Pag. 258. lin. 13.
lege *Ruſſie.* Pag. 259. lin. 7. lege *sibi.* & lin. 27.
lege *gratia.* Pag. 261. lin. ult. lege *expectan-*
dum. Pag. 268. lin. 24. lege *Vladislaviensis.*
Pag. 271. lin. 11. lege *Pinſcenſium.* Pag. 278.
lin. 27. lege *& Semigallie.* & lin. ult. lege
Piltenſis. Pag. 282. lin. 12. lege *nec.* Pag. 283.
lin. 8. lege *tempeſtatis.* Pag. 286. lin. 21. lege
tantum. & lin. 28. lege *diſſidentium.* Pag. 287.
lin. 25. lege *captum.* Pag. 289. lin. 15. lege *va-*
riarent. Pag. 309. lin. 6. lege *contenti.* Pag.
311. lin. 7. lege *ſcripta.* Pag. 314. lin. 1. lege
reditum. Pag. 317. lin. ult. lege *necesſitas.*
In Indice ſub Lit. C. Pag. alterâ lin. 20.
lege *obtruncatur.* & lin. 21. lege 96. 120.
& lin. 24. lege *Coricin-*
ſcius.



INDEX.

<i>Laurent. Cantersteinius Legatus Svec.</i>	210
<i>Ferdin. de Carretto Legat. Casareus</i>	210
<i>Casimirus M. Judais favet</i>	114
<i>Cataractæ vulgò Porohi</i>	15
<i>Chmelnicius 27. ejus offensa 31. nuncii</i>	
<i>Varsaviam veniunt 112. capit Krzyvo-</i>	
<i>nossum, sed mox dimittit 140. ei clava</i>	
<i>& vexillum nomine Regis offertur.</i>	295
<i>Christoph. Chotkiewicz</i>	228
<i>Chortiza Insula</i>	18
<i>Circassii Tartari</i>	45
<i>Codak 16. præfidiarii ejus contra</i>	
<i>pactum detinentur</i>	305
<i>Andr. Coniecpolscius</i>	77
<i>Alex. Coniecpolscius</i>	95. 221
<i>Commisarii ad Cosacos</i>	240
<i>Confederatio Ordinum Poloniae 124. 125 seq.</i>	
<i>Christoph. Coniecpolscius</i>	221
<i>Stanisl. Coniecpolscius jussu Chmelnicii ob-</i>	
<i>truncatur</i>	305
<i>Convocatio post mortem Vladisl. Regis 691. 20</i>	
<i>Andr. & Demetr. Coributhus</i>	45
<i>Corsunensis clades</i>	80
<i>Steph. Coriscincius</i>	131
<i>Cosacorum origo & nomen 13. ij duplices 14</i>	
<i>eorum præcipuum latibulum</i>	19
<i>Cosaci ex agrestibus conflati 21. Tartari</i>	
<i>insidiantur. ibid. & Turcis infesti. ibid.</i>	
<i>eorum navicula 22. irruptiones in Tur-</i>	
<i>ciam</i>	

INDEX.

<i>etiam ibid. victus</i>	23.	<i>arma ibid. religio</i>	25
<i>eorum cum Tartaris lucta</i>			70
<i>cum Tartaris se jungunt</i>		<i>ibid.</i>	
<i>Crimum</i>		52. seq.	
<i>Crivonosius Dux Cosacorum agrestium</i>	101. seq.		
<i>profligatur</i>	103. 107. 109. seqq.		
<i>Cracoviensis Magistratus jurat</i>		249	
<i>Czaplinski</i>		31. 312.	
<i>Steph. Czarnecius</i>		72	
<i>Francisc. Czarnkopius</i>		97	
<i>Martin. Czarnecius</i>		305	
<i>Zachar. Czetvertinius Dux</i>		240	

D.

<i>Demetrius Dux Visnovecius</i>		18	
<i>Dithmarus Episcopus Mersburgensis</i>		11	
<i>Henr. Dönhofius</i>		77	
<i>Sigism. Dönhofius</i>	149.	204	
<i>Dominico Zaslavia & Ostrogia Dux</i>	77. 92. 95		
<i>Franc. Dubravius</i>	131.	<i>Director ordinis</i>	
<i>Equestris sit</i>		252	

E.

<i>Electionis bona</i>		197	
<i>Electioni Leges præscriptæ</i>		198	
<i>Equi Tartarici</i>		60	
<i>Equina caro Tartarorum cibus</i>	61. seq.		
<i>Eresymum</i>		61	
<i>Esther Casimiri M. pellex</i>		114	

F.

<i>Vincent. Fabricius Syndicus Gedan.</i>	276		
---	-----	--	--

X

Carol.

INDEX.

<i>Carol. Ferdinandus Candid. Regni</i>	209
<i>Andr. Firlejus</i>	203. 288
<i>Flumina trajiciendi modus Tartaricus</i>	65

G.

<i>Andr. Gembicius</i>	120. 228
<i>Christoph. Gembicius</i>	221. 229
<i>Petrus Gembicki</i>	228
<i>Gierejorum familia</i>	56
<i>Franc. Gize Legatus Neoburg.</i>	210
<i>Nicol. Gniewosius</i>	204. 263
<i>Vincent. Corv. Gonsiewski</i>	230
<i>Sbign. Goraiscius</i>	86. 120
<i>Græce religionis Cosaci</i>	25
<i>Christoph. Grodzicius</i>	76. 305
<i>Andr. Carol. Grudzinus</i>	97
<i>Sigism. Guldensternius L. B.</i>	86. 269

H.

<i>Nicol. Hadziejovicius</i>	181
<i>Joan. Höverbequius Legat. Brand.</i>	210
<i>Georg. Hlebowicz</i>	229
<i>Hocot</i>	42

I.

<i>Janicoviana privilegia</i>	274
<i>Jeremias Dux Visnovecius</i>	95. 96. 102
<i>ei regimen exercituum datur</i>	202. 203
<i>Johan. Basilides. Mosc. M. Dux.</i>	46
<i>Invidia non veretur publico etiam damno</i>	
<i>iras privatas satiare</i>	153

Joannes

INDEX.

<i>Joannes Casimirus Candid. Regni Pol.</i>	209
<i>ejus partes prevalere incipiunt</i>	214. 215
<i>seqq. Rex eligitur</i>	221. seqq.
<i>Rex nominatur</i>	227. coronatur 244. 245. seqq.
<i>Georg. Monvid. Irzykowicz</i>	230
<i>Judaeorum descriptio</i>	113. 114. seq. sub Ca-
<i>simiro M. florent</i>	114
<i>Iwan Magnus</i>	46

K.

<i>Adam. in Czasniki Kazanowski</i>	229
<i>Adamus Kisielus</i>	38. 123. 240. ejus epistola
<i>ad Chmelnicum</i>	88. seqq. 142. seqq.
<i>Nicol. Kisielus</i>	240
<i>Joh. Kochanovius</i>	120
<i>Alex. Koniecpolski</i>	229
<i>Steph. Korycinscius</i>	281
<i>Stanisl. Krzyczewius liberat Chmelniciũ</i>	34
<i>Krzywonossius Dux Cosacorum agrestium</i>	101
<i>seq. profligatur.</i>	103. 107. 109. seqq. capi-
<i>tur à Chmelnicio, sed mox dimittitur.</i>	140

L.

<i>Stanisl. Lanckoronski</i>	288
<i>Joseph. Lanczynius</i>	305
<i>Georg. Laszczius</i>	175
<i>Joan. Comes de Leszno</i>	86. 269
<i>Legati exterorum Principum</i>	210
<i>Leges in Comitibus Coronationis scriptæ</i>	290
<i>Bogusl. Comes de Leszno Convocationis mo-</i>	
<i>derator</i>	121. ejus oratio 194. 195. seqq.

X 2

Vencest,

INDEX.

<i>Vencesl. Lesczinius</i>	204. 228
<i>Andr. de Leszno Lesczynski</i>	228. 252. seqq.
<i>Leopolis se redimitâ Chmelnicio</i>	172. 173
<i>Lithvania â Cosacicis turbis nō libera</i>	135. seq.
<i>Adr. de Linda</i>	274. 276
<i>Stanisl. Lubomirscius</i>	38
<i>Georg. Lubomirscius</i>	217. 230
<i>Alex. Lubomirscius</i>	221. 229
<i>Albert. Lubienscius</i>	221
<i>Matthias Lubienscius</i>	93. 228

M.

<i>Mahmet-Gieray</i>	56
<i>Spitco Melslinius</i>	45
<i>Hyacinth. de Michalow Michalowski</i>	230
<i>Alb. Miascovius</i>	240. 306
<i>Jacob. Michalovius</i>	243
<i>Ceslaus Casim. Miloszewki</i>	230
<i>Hieron. Milonscius</i>	131
<i>Miles, qui impetu valet, morâ interdum</i> <i>flaccescit</i>	153
<i>Vlad. Miszkovius Marchio de Mirow.</i>	177
<i>Emer. Mleczo</i>	230
<i>Mogul Magnus</i>	42. 48
<i>Moscovia</i>	10

N.

<i>Stanisl. Naruszewicinus</i>	221. 229
<i>Niemirovia occupata</i>	101
<i>Niemirovianorum perfidia</i>	102
<i>Theod.</i>	

INDEX.

O.

<i>Theod. Obuchovicius</i>	131
<i>Phil. Casim. Obuchovicius</i>	198
<i>Alex. Oginski</i>	229
<i>Theodat. Oginski</i>	229
<i>Carol. Olsnicius Leg. Brandeb.</i>	210
<i>Lucas Opalinskius</i>	112. 229
<i>Christoph. Opalinski</i>	228
<i>Ordines Poloniæ scribunt ad Cosacos</i>	121
<i>eorum Confederatio</i>	124. seq.
<i>Oratores & Legati exterorum Principum</i>	210
<i>Georg. Osołinskius</i>	86. 93. 229
<i>Nicol. de Ostrorog. Comes</i>	95. 230. 288
<i>Maximil. Osołinski</i>	249

P.

<i>Palatinatum electus & tributa ad bellum</i>	
<i>Cosac.</i>	207. seq.
<i>Patriarchi fœtus remuneratur à Chmelnicio</i>	
<i>304. quis ille</i>	302.
<i>Perecopia</i>	50. seq.
<i>Pereaslaviensis pacificationis conditio-</i>	
<i>nes</i>	311. seq.
<i>Pilaucianæ dissipationis causa</i>	202
<i>Paul. de Piaseczno Piaſecki</i>	228
<i>Polonna capitur</i>	104. seq.
<i>Hyppatius Pociej</i>	317
<i>Steph. Potocius</i>	72
<i>Prædandi modus apud Tartaros</i>	68
<i>Christoph. Przyemſcius</i>	132. 204
<i>Prodigia</i>	

INDEX.

<i>Prodigia Zamoscii visa</i>	186
<i>Stanisl. de Buzenin Pstrokowski</i>	228

Q.

<i>Quarciani milites unde dicti</i>	71
-------------------------------------	----

R.

<i>Janusf. Radziwillius</i>	83. 229
<i>Alex. Ludov. Radziwill</i>	229
<i>Hieron. Radziejowski</i>	230
<i>Samuel Regovius</i>	179
<i>Regis nominatio</i>	227
<i>Regentium multitudo tollit regimen & ordinem rerum</i>	202
<i>Jacob. Rozrazewius</i>	97
<i>Hyacynth. Rozrazewius</i>	ibid.
<i>Russie divisio</i>	10

S.

<i>Joan. Sapieha</i>	72
<i>Leo Casim. Sapieha ViceCancell. M. Duc. Lithuania</i>	83. 136. 204. 229
<i>Paul. Sapieha</i>	229
<i>Stanisl. Sarbievius</i>	177
<i>Hyacynth. Schembergius</i>	72
<i>Joan. Schlichtingius</i>	131
<i>Ulr. Schafgotzius Comes</i>	180
<i>Joan. Berthranus de Scheid. Legatus Neuburg.</i>	210
<i>Alex. Sielscius</i>	131
<i>Adam. Sieniavius</i>	221. 230
<i>In Socalenses immanitae</i>	175
<i>Adam.</i>	

INDEX.

<i>Adam. Sobiescius</i>	305
<i>Smolenscum</i>	129
<i>Theod. Stetkiewicz</i>	229
<i>Strzelci Insula</i>	16
<i>Andr. Szoldrski</i>	228. 243

T.

<i>Tamerlanes</i>	44
<i>Raph. Tarnovius</i>	45
<i>Mich. Stanisl. de Tarnow Comes</i>	229
<i>Tartarorum trajectus</i> 17. nomen 39. 40	
<i>Tartari Zavoilhenfes</i> 43. novem saccos auriculæ replent ibid. urde illi in Lithvaniâ 44. qui Moscis subjecti 47. Asiatici 47. Dobrucenses 49. Circassi 54	
<i>Tartarorum regimen</i> 56. corporum habitus 57. religio 58. educatio & vestitus 59. arma, equi 60. alimenta eorum 61. 62. prædandi modus 68. cum Cosacis se jungunt 70	
<i>Tavola</i>	17
<i>Tavolzani Insula</i>	ibid.
<i>Taurica Chersonesi descriptio</i>	50
<i>Cyrill. Terlecki Luceoriensis Antist.</i>	317
<i>Thoruniense Colloquium</i>	86
<i>David Tidemannus</i>	180
<i>Tobaibegus se jungit Chmelnicio</i> 70. seq. ejus mors 192	

Toma-

INDEX.

<i>Tomahowka Insula</i>	19
<i>Torresius Nuntius Apostolicus</i>	210
<i>Trapezuntium</i>	22
<i>Mich. Gedeon Tryzna</i>	229
<i>Tulcinum expugnatur</i>	99. 100
<i>Joan. Ant. Tyszkiewitz</i>	229
<i>Casim. Tyszkiewitz</i>	230
<i>Georg. Tyskiewitz</i>	86. 213
<i>Janus Tyskewicz</i>	103

U.

<i>Stanisl. Varscius Castell. Crac.</i>	221. 229
<i>Ludov. Veiberus</i>	98. 177
<i>Viſtus Cosacorum</i>	23
<i>Vitoldi victoria 44. clades</i>	45
<i>Wielky Ostrow</i>	118
<i>Joan. Wielopolski</i>	230
<i>Dux Viſnovecius Jeremias</i>	95. 96. 102
<i>ei regimen exercituum datur</i>	202. 229
<i>Stanisl. Witowſcius</i>	149. 156
<i>Ukraina</i>	11
<i>Vladislai IV Regis mors & elogium</i>	82. 83
<i>ſeqq. 196. ejus pompa Funebriſ. 242. ſeq.</i>	
<i>Unionis & Unitorum origo & progresſus</i>	315
<i>Steph. Wydzga nunc Primas Regni</i>	227

Z.

<i>Alex. Zaleſcius</i>	206. 229
<i>Zamoſcii deſcriptio 176. illuc multi conſu- giunt 178. preſidiariorum diſpoſitio 180</i>	
<i>Id ſtrenue ſe defendit</i>	183. ſeqq.
	Joh.

INDEX.

<i>Joh. Zamoscius</i>	176
<i>Stanisl. Zarembo</i>	213
<i>Zavolhenses Tartari</i>	43
<i>Zbarasium</i>	162
<i>Jacob. Zielenius</i>	240
<i>Zolkievianum sepulcrum</i>	298
<i>Daniel Zytkiewicz</i>	230



ERRA-



ERRATA.

Pag. 3. lineâ 14. lege *perstringentem*. Pag. 4. lin. penult. lege *aguntur* & lin. ult. lege *famâ*. Pag. 15. lin. 5. lege *Zaporoviani*. Pag. 19. lin. 28. lege *languidior*. Pag. 20. lin. 3. lege *obruuntur*. Pag. 21. lin. 22. lege *Pontum*. Pag. 22. lin. 19. lege *Cosacorum*. Pag. 23. lin. 14. lege *lanceo*. & lin. 22. lege *qui*. Pag. 25. lin. 10. lege *incertam*. & lin. 16. lege *se querebantur*. Pag. 26. lin. 15. lege *Pereaslaviam*. Pag. 29. lin. 18. lege *inter quas* & lin. 16. lege *famem*. Pag. 31. lin. 12. lege *cœperit* & lin. 24. lege *subesse* & lin. 27. lege *Subpræfectum*. Pag. 32. lin. 6. lege *inde*. Pag. 33. lin. 14. lege *in compensationem* & lin. 16. lege *inensos* & lin. 20. lege *suum*. Pag. 34. lin. 2. lege *in quem* & lin. 8. lege *incertum* & lin. 14. lege *carcerem*. Pag. 35. lin. 1. lege *Varavia*. & lin. 7. lege *gestabat* & lin. 25. lege *ingruente*. *ibid.* lege *comitatus*. Pag. 36. lin. 19. lege *inhospitas*. Pag. 37. lin. 1. lege *accurrisse*. & lin. 21. lege *Zaporovianis*. Pag. 39. lin. 8. lege *gratisima*. Pag. 41. lin. 10. lege *aperuere*. Pag. 42. lin. 10. dele & & lin. 18. lege *Polovcos*. Pag. 43. lin. 18. post *paludem* deleatur. & lin. 27. lege *sunt*. Pag. 44. lin. 6. lege *Samarcanda*. lin. 7. lege *metropoli*.

ERRATA.

ropoli. Pag. 46. lin. 2. lege *paulatim.* Pag.
 48. lin. 9. lege *Asiatici.* & lin. 13. loco & po-
 ne ex. lin. 13. lege *Situm.* Pag. 49. lin. 3. lege
Scytas. & lin. 9. lege *Dobrucenses.* lin. 10.
 deleatur *alios.* lin. 22. lege *nominatum.* Pag.
 50. lin. 8. lege *ferociae.* & lin. 15. lege *Batto.*
 Pag. 52. lin. 11. lege *commisso.* lin. 25. lege
internae. & lin. 26. lege *libidini.* Pag. 53. lin.
 6. lege *Cirum metopo.* lin. 17. lege 17. lege
propinquo. Pag. 54. lin. 6. lege *terram.* l. 26.
 in marg. lege *Tartari.* & lin. 27. lege *Peti-*
horienfes. Pag. 55. lin. 2. lege *Arrianus.* lin. 5.
 lege *Circassios.* lin. 9. lege *Cl.* Pag. 56. l. 12.
 lege *conspicua.*.. ibid. *Mahmet-Gierei.* Pag.
 57. lin. 8. lege *Principes.* lin. 15. lege *redegit.*
 Pap. 60. lin. 22. lege *partem.* Pag. 61. lin. 25.
 lege *inusitata.* Pag. 62. l. 13. lege *fortissime.*
 & lin. 25. lege *Beauplanius.* Pag. 63. lin. 12.
 pro inter pone in. Pag. 64. lin. 10. lege ex
spoliis. Pag. 66. lin. 15. lege *mox asferes.*
 Pag. 70. lin. 10. lege *Cosaci.* & lin. 16. lege
potius. Pag. 71. lin. 21. lege *quanquam.* Pag.
 72. lin. 16. in marg. lege *comite.* Pag. 73. l. 5.
 lege *vivum.* Pag. 74. lin. 9. lege *signum.* &
 lin. 15. lege *circumventus.* lin. 17. lege *polli-*
cetur. Pag. 75. lin. 8. lege *permisſu.* Pag.
 76. lin. 16. lege *transmittit.* Pag. 78. lin. 25.
 lege *in gentem.* Pag. 79. lin. 9. lege *experi-*
mentis. & lin. 14. lege *nihil.* Pag. 85. lin. 2.
 lege

ERRATA.

lege *liberavit*. Pag. 90. lin. 23. lege *idcirco*.
 Pag. 91. lin. 25. lege *Monachus*. Pag. 94. lin.
 23. lege *Vezirum*. in marg. lin. 24. lege *ad*.
 Pag. 96. lin. 3. in marg. lege *non*. Pag. 96.
 lin. 22. lege *sinistra*. Pag. 103. lin. 4. lege *ad*
ferendam. & lin. 18. lege *navat*. & lin. 27.
 in marg. lege *corumpitur*. Pag. 106. lin. 16.
 lege *cum*. Pag. 113. lin. 13. dividantur verba
amplecti maluerunt. Pag. 118. lin. 1. lege *ab-*
legandos. Pag. 121. lin. 12. in marg. lege *exa-*
minantur. Pag. 125. lin. 14. lege *hucusq.* lin.
 16. lege *peregrè*. Pag. 132. lin. 12. lege *civi-*
bus. Pag. 134. lin. 2. lege *saltem*. Pag. 137.
 lin. 12. lege *magnitudinem*. Pag. 139. lin. 23.
 lege *defendit*. Pag. 144. lin. 5. lege *missis*.
 Pag. 156. lin. 25. lege *carraginem*. Pag. 157.
 lin. 22. lege *caruit*. & lin. 25. lege *attineren-*
tur. Pag. 160. lin. 15. lege *equidem*. & lin. 23.
 lege *iret*. Pag. 161. lin. 12. lege *celeritate*.
 Pag. 162. lin. 26. lege *compendium*. Pag. 165.
 lin. 5. lege *strui*. Pag. 166. lin. 4. lege *effugê-*
re. Pag. 167. lin. 15. in marg. lege *Brodana*.
 lin. 24. lege *fidei*. Pag. 187. lin. 28. lege *suf-*
fecturam. Pag. 193. lin. 8. lege *Convocatio-*
ne. Pag. 206. lin. 13. lege *fratribus*. Pag. 212
 lin. 5. lege *Electorales*. & lin. 20. lege *ferdi*
sui. Pag. 213. lin. penult. lege *urgebatur*. Pag.
 220. lin. 17. lege *singulis*. Pag. 221. lin. 16. le-
 ge *Aquilifer*. & lin. 23. in marg. lege *Prin-*
cipi.

ERRATA.

cipi. Pag. 222. lin. 24. lege *Equestri.* Pag. 227.
lin. 5. lege *Archiepiscopo.* Pag. 229. lin. 12.
lege *Alexandro.* & lin. 22. lege *Alexandro.*
Pag. 231. lin. 13. lege *nostro.* Pag. 236. lin. 25.
lege *intulerant.* Pag. 238. lin. 7. lege *malis.*
lin. 14. lege *tempore.* & lin. 20. lege *fastidi-*
ri. & lin. 26. lege *ferream.* Pag. 247. lin. 26.
lege *inclusus.* Pag. 251. lin. 20. lege *Nunciis.*
Pag. 253. lin. 6. lege *noxiave.* Pag. 254. lin. 12.
lege *cum.* Pag. 255. lin. 11. lege *Meditandum.*
Pag. 257. lin. 11. lege *Senatu.* Pag. 258. lin. 13.
lege *Russia.* Pag. 259. lin. 7. lege *sibi.* & lin. 27.
lege *gratia.* Pag. 261. lin. ult. lege *expectan-*
dum. Pag. 268. lin. 24. lege *Vladislaviensis.*
Pag. 271. lin. 11. lege *Pinscensium.* Pag. 278.
lin. 27. lege *& Semigallia.* & lin. ult. lege
Piltensis. Pag. 282. lin. 12. lege *nec.* Pag. 283.
lin. 8. lege *tempestatis.* Pag. 286. lin. 21. lege
tantum. & lin. 28. lege *disidentium.* Pag. 287.
lin. 25. lege *captum.* Pag. 289. lin. 15. lege *va-*
riarent. Pag. 309. lin. 6. lege *contenti.* Pag.
311. lin. 7. lege *scripta.* Pag. 314. lin. 1. lege
reditum. Pag. 317. lin. ult. lege *necessitas.*
In Indice sub Lit. C. Pag. alterâ lin. 20.
lege *obtruncatur.* & lin. 21. lege 96. 120.
& lin. 24. lege *Coricin-*
scius.



